




BIBLIOTECA NAZ.
Vittorio Emanuele III

XLVI

D


29


NAPOLI















LA
CHRONOLOGIE
DE
I. DE FREGEVILLE,
DE LA MAISON DV GAVT,
NATIF DE REALMONT EN
ALBIGEOIS.

· *CONTENANT LA GENERALE*
durée du monde, démontrée par la Parolle de Dieu.



A PARIS,

Chez Abraham Dauuel, marchand Libraire, rue S. Jean
de Latran, vis à vis de l'Arbre sec.

M. D. LXXXII.

AVEC PRIVILEGE DV ROY.

12
THE NATIONAL

OF THE

1870

1870



1870

1870

1870

1870



A V L E C T E V R,



'E S C R I T V R E nous enseigne que Dauid apres la mort de Saül reuenant de Siclag en Hebron, pour estre couronné Roy, plusieurs capitaines du regne de Saül le vindrent trouuer illec pour luy assister, & entre autres deux cens capitaines Issascharites, que l'Escripture qualifie

hommes sages cognoissans les temps pour sçauoir ce que deuoit faire Israël, & tous leurs freres suiuiôient leur aduis. En quoy elle nous monstre, qu'en la cognoissance des temps consiste vne sagesse propre à la conduitte de l'Eglise, telle qu'estoit la sagesse de ces Issascharites par laquelle ils auoient cognoissance de ce qu'Israël deuoit faire, en telle façon que tous leurs freres suiuiôient leur aduis, par laquelle sagesse ils ont amené le peuple à l'obeissance de Dauid. C'est ceste sagesse par laquelle Noé a preueu le Deluge cent & vingt ans auant qu'il aduint, Dieu le luy ayant notamment specifié. C'est ceste sa-

1. Chro. 12.

32.

gesse par laquelle Daniel a cognu l'issue des septante ans de la captiuité de Babylone, & l'ayant cognuë a prié pour la deliurance du peuple. C'est ceste sagesse par laquelle Simeon ayât preueu la naissance du Meſſias, avec plusieurs sages de cœur qui estoient de son temps, a esperé auant que mourir, veoir la venue d'iceluy. Et si les Iuifs eussent cogneu ou voulu cognoistre le temps de leur visite, alors que le Seigneur leur a euangelisé le regne des cieux, il leur eult esté aisé de cognoistre la venue du Meſſias, par le temps d'icelle qui auoit esté exactement coarctée en Daniel. Mais eux mesprisans vne telle sagesse ont aussi ignoré le temps de leur visitation, & esté priuez du bon-heur qu'elle leur apportoit. Dont aussi pour ce regard nostre Seigneur en pleurant fait ceste exclamation sur Ierusalem, disant, *O si tu cognoissois le iour de ceste tiëne visite!* Par quoy vne telle science n'est à mespriser comme curieuse ou inutile. Or puis qu'elle est appelée Sagesse, elle doit estre esclairée de la lampe de la raison, guidée de reigles certaines par lesquelles elle puisse estre démontrée. Telles sont les reigles par nous conséquemment proposées, ausquelles nous auons en tout & par tout soumis nostre œuvre.

REGLES ESQUELLES LA CHRONOLOGIE DOIT ESTRE SVBMISE.

Canons concernans la valeur de l'an considéré à par-foy.



A Chronologie doit bailler les mesures plus samedes du Temps, comme la valeur exacte des ans naturels sât Solaires que Lunaires, & de leurs parties & particulies.

I

Après, elle doit exposer les supputations des ans & mois substituez Ecclesiastiques de leurs parties, & pent faire le mesme des ans estrangers pour l'elucidatiõ des ans Ecclesiastiques.

II

Or d'autant que l'an tant Solaire que Lunaire naturel ne pent estre exactemēt mesuré ny egalisé en iours, à cause des particulies de iour qui manquent au bout de l'an, & à cause de l'anticipation de laquelle les ans tant Solaires que Lunaires anticipent le point constitué du premier Equinoxe & que Dieu a creé le Solcil & la Lune afin qu'ils fussent en Saisons, & iours, & ans, c'est à sçavoir en Saisons qui fussent egalises en iours & ans, il est necessaire que la Chronologie exhibe ses Saisons telles qu'elles soient egalises en iours & ans. Telles sont les supputations de 360 ans par nous en leur lieu exhibees.

III

Après, il est necessaire que la Chronologie baille l'anticipation exacte de laquelle l'an naturel Solaire preuentir le point cõstitué du premier Equinoxe en chacun an & cycle & saison prophetique : Semblablement l'anticipation de l'an Lunaire, de laquelle il anticipe le point dudit premier equinoxe en la reuolution desdites Saisons. Et faut qu'elles se rapportent si bien entr'elles & s'accordent avec la verité, qu'elles conuiennent avec les Phainomenes ou cõmunes experiences chacune à part, puis l'une à l'autre estans ensemble comparées, puis entr'elles estans toutes prises ensemble. Ce que ne font les supputations des Astronomes d'aujourd'huy, ainsi que psurra estre enuident par la refutation des opinions d'Albatregnius & d'Hipparchus, comme il sera veu en son lieu.

IIII

La Chronologie aussi doit donner les cycles & saisons esquelles les minutes des anticipatiõs sont egalises en iours. Telles sont les definitiõs des cycles & saisons prophetiques, des cycles dixueufuenaires & quarrez par nous en leur lieu exhibees.

V

Et comme ainsi soit que Dieu ait pesé le temps à la balance, il est necessaire que les poids d'iceluy soient proportionnaux cõme les poids d'une

VI

balance, c'est à dire qu'ils se correspondent entr'eux par analogie. De là vient que la grande Saison prophetique de trois cens soixante ans correspond à la moindre saison prophetique qui est l'an de trois cens soixante iours, & le grand cycle Lunaire qui est le cycle quarré comprenant dix-neuf cycles, a analogie avec le cycle moindre Lunaire qui est de dix neuf ans.

VII L'ordre des intercalations, embolismes, cycles, & saisons prophetiques doit estre pris & continué depuis la creation du monde, à fin d'éviter confusion en la position d'iceux.

Canons concernans la supputation perpetuelle de plusieurs ans s'entre-suyuans.

VIII Le fil & continuation des ans de la Chronologie doit conuenir avec l'histoire Saincte & prophetique. Elle peut aussi conuenir avec l'histoire estrangere & veritable, & estre verifiée par icelle, bien qu'elle ne doive recevoir l'histoire estrangere pour fondement, mais pour verification.

IX Et d'autant qu'entre les histoires estrangeres il y en a tant de fausses qu'il est difficile de cognoistre la vraye, Celle histoire estrangere sera reputée veritable qui conuendra avec la verité de l'histoire Saincte & prophetique.

X La supputatiō Chronologique doit aussi conuenir avec les semaines civiles & Iubilez. Elle peut aussi conuenir avec les Olympiades bien remarquées, & ans de la fondation de Rome bien obseruez.

XI Elle doit aussi conuenir avec ses cycles & saisons, & avec les phainomenes. Ainsi nous entendons que tout le fil de nostre supputation conuient à ce que l'Equinoxe à present se trouue au douzieme de Mars, suiuant les phainomenes, & en tout temps en son droit lieu: Et que l'association des planetes qui arrive en l'an du monde cinq mil cinq cens octēte. vn prochainement venant, cōuenne avec vne moitié de Saison.

XII Finalement elle doit conuenir avec toutes les obseruations prises de la Saincte Escripture, cōme par exemple. Il est apparens par la sainte Escripture, que le Soleil & la Lune furent creéz en vn quatrieme iour de la semaine en l'Equinoxe Vernal, lequel iour correspond au Mercredi. Item la Pasque celebree en l'issue d'Egypte fut celebree en vn Ieudy: & celle qui fut celebree en l'entree des Israelites en Chanaan, escheut en vn

sabath: & celle que nostre Seigneur obserua auant sa mort, escheut en un Ieudy, comme la premiere. Le dy donc que si une supputation est veritable, elle conueniendra avec toutes ces obseruations. Et si elle y cōuient, ie conclu qu'elle est veritable. Et n'est possible de donner une supputation submise à toutes ces conditions, qui ne soit de tout poinct veritable. Nō plus qu'entre deux poincts donnez il ne peut escheoir plus d'une ligne droicte, car toutes les autres lignes droites qui seront tirees entre lesdits deux poincts, retomberont sur la premiere. Or est nostre Chronologie submise à toutes ces conditions, n'ayans voulu mettre en auant une phantasie erronnee & vaine, mais une cognoissance tendante à une sagesse propre au gouuernement de l'Eglise, telle qu'estoit celle qu'auoient iadis ces deux cens capitaines Issacharites dont nous auons parlè cy dessus.

F A V T E S A C O R R I G E R.

a, signifie le premier costé du fueillet, b, le second.

Fueillet 1. page a. ligne 16. lixex & uoluptu. f. 2 p. b. l. 13. Ces inuestigations donc n'estans fondées. lig. 18. resolution. f. 4. b. 20. dichotomiques f. 6. a. 19. auantant ans. lig. 22. quarante & vn an. f. 9. a. 16. Vpelagiddan. f. 13. b. 4. dé la fondation. f. 19. a. 1. sauuercuru f. 21. a. 2. enseignée. f. 23. b. 9. septante-sept. f. 24. b. 29. Penecoste. f. 26. a. 27. liberalité. f. 28. b. 25. eulcéatur. f. 29. b. 28. horoscopes. f. 31. b. 1. chana pheshata. f. 33. a. 2. souz les deux 28. Iordain. f. 36. a. 18. naturel Lunaire. b. 26. l'an prophetique. f. 38. a. 28. decemnouenal. b. 2. decemnouenal. f. 39. b. 8. l'an prophetique. l. 17. cinquante-troisième. f. 47. a. 19. Lune marquée. b. 26. anticipa. f. 49. a. en la natiuité. b. 23. l'an prophetique. 28. l'an prophetique. 29. an prophetique. f. 52. b. 22. deux iours. f. 53. b. 29. lequel on. f. 54. b. 24. la creation. f. 55. a. 19. digne ecliptique. b. 3. ou trois. l. 9. il estoit égal. 17. n'ait demeuré. f. 56. a. 22. prophetique, laquelle. l. 25. supputation Legale. l. 27. la Legale arriuant. l. 18. pour les supputations prophetiques. f. 57. b. 14. Ecclesiastique prophetique. f. 57. a. 19. Enos. lig. 20. Enos. f. 58. b. 17. auquel il n'y a. f. 62. a. 20. quarante & vn an. f. 74. a. 1. ou vn an. f. 79. a. 19. ait, en lieu de n'ait. f. 85. a. 4. celle. f. 92. a. 3. soy-mesme. f. 97. a. 16. estant estimé. f. 125. b. 17. à son image. f. 127. a. 7. porter. l. 28. qu'il l'eust. f. 130. a. 26. Iean Baptiste. f. 137. a. 25. exacts. f. 145. b. 12. ans prophetiques. f. 146. b. 2. esclante & vn. f. 193. a. 24. Eglise depuis. 196. a. 24. d'Isai. b. 29. (icelles. f. 197. a. 5. solennitez.)

EXTRAICT DV PRIVILEGE.

PAr lettres patentes du Roy nostre Sire, données à Paris le
dernier iour de Iuillet, mil cinq cens quatre vingts-deux,
signees Par le conseil. Pileur. & seellées en cire iaulne
sur simple queue, Il est permis à Iean de Fregeuille, de
la maison du Gaur, natif de Realmont en Albi-
geois, de mettre en lumiere son liure intitulé, Chronologie conte-
nant la generale duree du monde, demonstrée par la Parolle
de Dieu, tant en François qu'en Latin, & pour ce faire, de le faire
imprimer à tel ou à tels Imprimeurs que bon luy semblera, & de le vé-
dre & distribuer, faire vendre & distribuer par telles personnes que bon
luy semblera. Avec defenses à toutes autres personnes quelconques
d'imprimer ou faire imprimer en François ny en Latin, vendre ou di-
stribuer, faire vendre ou distribuer ledit liure, si ce n'est par l'expres con-
gè & consentement dudit de Fregeuille, durant le temps & terme de dix
ans, sur peine de confiscation & d'amende, comme plus à plein est con-
tenu esdites lettres & verification d'icelles.



PREFACE.



QVICONQUE entreprend
d'escire vne Chronologie,
il faut qu'il aduise de don-
ner raison du temps & de
ses parties & mesures, la-
quelle raison soit fondee
non sur le sable mouuant
d'une opinion friuole &
agitee, mais sur le rocher
immobile d'une science constante & assuree. Et d'au-
tant qu'il y a grande difference entre science & opi-
nion, la Philosophie laquelle n'est pour la pluspart fon-
dee que sur opinion, indeuëment l'attribue le nom de
science. Voila pourquoy aussi l'Apostre l'apelle science
φωδανύμος, c'est à dire, à *faux tiltre*, estant ainsi fausse-
ment & indeuëment nommee. Car la Science est vne
notice & cognoissance laquelle s'exprime non par opi-
nion, mais par raison apodictique, c'est à dire demon-
strable par ses causes, cōme est la Mathematique, à sca-
voir l'Arithmetique & Geometrie, lesquelles se peu-
uent demonstrier par vrais principes apodictiques, &
par raison & analogie: & la Theologie, la verité des

1.Tim.6.20.

principes & elemēs de laquelle, & ses raisons de la foy & analogie d'icelle, dépendent de ceste viue source de *raison*, ſçauoir de celuy que l'eſcriture appelle λόγος ou *raison*, qui eſt noſtre Seigneur Ieſus Chriſt. La philoſophie donc eſtant deſgarnie de *raison* apodictique, & n'ayant pour couuerture de ſa nudité que le ſeul pre-
 texte de l'opinion & verſimilitude, & les principales
 raiſons de la Chronologie luy eſtās incognuēs, ne peut
 equitablement ny aſſeurément diſcourir du ſubiect
 d'icelle: Car en premier lieu, ſil eſt queſtion de parler
 du temps, les definitions philoſophiques d'iceluy, qui
 diſent que c'eſt vne meſure ou nōbre du mouuement,
 ne peuuent competer au temps, ſinon entant qu'il eſt
 pris aētiuemēt pour la meſure de la duree. Car au reſte
 les philoſophes ont ignoré que le tēps deuſt eſtre pris
 pour la duree meſurable des choſes, eſtant vſurpé en ſi-
 gnification paſſiue. Et d'auantage ont conſideré le tēps
 à par-foy abſoluēment, au lieu de le conſiderer comme
 affecté à la duree de la choſe à laquelle il eſt attribué,
 ainſi que plus à plein pourra eſtre veu au premier cha-
 pitre de ceste Chronologie. Et quant à la meſure des
 ans, tant Solaires que Lunaires, la Philoſophie n'eſt ia-
 mais peu paruenir à la cognoiſſance. exacte d'icelle: car
 celuy d'entre les philoſophes qui a de plus pres cognu
 la valeur exacte de l'an naturel Solaire, a eſté Mahume-
 de Arabe, vulgairement dit Albategnius, lequel a eſti-
 mé, que de cent & ſix en cent & ſix ans l'an naturel So-
 laire preuertitſſoit d'un iour ſon limite & le point de
 ſon equinoxe. Et toutesſois il ſ'en faut beaucoup que

son opinion ne soit veritable, ores qu'elle soit appro-
chante de la verité, & que son labeur merite los entre
les hommes. Car ce n'est pas en cent & six ans que l'an
naturel Solaire se preuertist d'un iour, mais en cent &
vingt ans, cōme il sera plus amplement déduit en l'in-
terpretatiō des ans naturels sōlaires au progres de no-
stre Chronologie. Quant aux ans naturels Lunaires, la
supputation plus approchāte du but, est celle de Hip-
parchus, lequel a estimé qu'en seize cycles dixneufue-
naires l'an naturel Lunaire se preuertissoit d'un iour, Et
toutes fois il n'est pas parvenu à la vraye & exacte co-
gnissance de la mesure de l'an naturel Lunaire, veu
que ce n'est pas au seizieme cycle que l'an Lunaire se
preuertist d'un iour, mais en *la saison prophetique*, qui
comprend *trois cens soixante ans*. Comme il peut
estre remarqué au cycle quarré, cest à dire au dixneuf-
ieme cycle dixneufenaire, qui cōprend dixneuf fois
dixneuf ans, c'est à dire trois cens soixāte & vn an. Ce
qui sera plus à plein & specifié & prouué en la dedu-
ction des ans Lunaires en la poursuite de la Chrono-
logie. L'on pourroit toutes fois trouuer estrange que
les Philosophes n'ayent cognu la mesure exacte des
ans, ayans neanmoins eu l'intelligēce de la Mathema-
tique, qui est vne sciēce qui ne parle pas par opinion,
mais par raison. A quoy ie respon, que la Mathemati-
que est vne science qui cōsiste en contēplation theo-
rique ou speculatiue des choses qui ne cōsistent qu'en
imagination, & ne se trouuēt en la nature des choses,
comme sont les principes & theorèmes de la Geome-

P R E F A C E.

trie. Sous laquelle definitiō n'est comprise l'Astronomie, (de laquelle dépend l'inuestigatiō de ceste mesure des ans) veu que le subiect de l'Astronomie consiste en la consideration des corps celestes, qui sont corps physiques & naturels, & non imaginaires. Et d'auantage la Geometrie fonde toutes ses demonstrations sur la cognoissance de ses principes & causes, d'où vient la certitude de ses ratiocinations. Mais l'Astronomie ne s'appuye que sur l'observation de ses apparences, que les Grecs appellent *phainomenes*: lesquelles peuuent bien remarquer les causes à peu pres, mais non pas exactement pour y pouuoir fonder vne demonstration dessus. Ceste inuestigation donc n'estant fondee que sur l'Astronomie, & non immédiatement sur l'Arithmetique & Geometrie, peuuent bien clocher d'un costé, & n'est de merueilles si elles ne sont de tout point si exactes, comme il seroit bien requis. Nous donc en auons recherché la reuolution plus certaine, estans appuiez sur meilleur fondemēt. Car en premier lieu, *scachans que Dieu a créé les temps, & en a establi la mesure*, comme luy mesme tesmoigne, nous auons mis peine de paruenir à l'inuestigation d'icelle. Et ayās en fin trouué la constitution de la supputatiō prophetique, suiuant laquelle, la descriptiō du deluge a esté faite, laquelle fait la reuolutiō de ses insinuatios embolismiques de cent & vingt en cent & vingt ans, & nous a esté laissée & descripte par les Prophetes, nous auons conclu que c'estoit la vraye & legitime mesure du temps que Dieu a establie. Car puis que les Prophetes

2 Esdr. 5. 49.

2 Esdr. 4. 37

qui nous l'ont prescrite, n'ont pas parlé d'eux-mes-
mes, mais l'esprit de Dieu a parlé par eux, c'est autant
comme si Dieu mesme l'auoit donnee & establie: tel-
lement que nul ne peut douter qu'elle ne soit exacte,
& qu'une telle mesure ne conuienne à la chose mesu-
ree. Dont aussi ie conclu, que le temps qui est mesuré
par le grād cycle Solaire en l'an cēt & vingtieme, qui
est l'an de la reuolution des insinuations embolismi-
ques de l'an prophetique, est exactement mesuré
par ledit cycle, sans qu'il y manque ou surabonde
heure ny minute, Et que le iour de l'anticipatiō de l'an
naturel Solaire est exactement reuolu dedans l'espace
& terme dudit cycle de cēt & vingt ans, & non en cēt
& six ans. Ayans donc posé ce fondemēt, nous auons
par ledit cycle & reuolutiō mesuré tous les ans depuis
le cōmencement du monde iusques au temps auquel
le Kalēdrier Iulien fut publié, auquel temps le point
de l'equinoxe fut posé en lieu cognu. Nous auons dōc
aduisé en quel an du cycle estoit lors constitué le iour
de l'equinoxe. Et de là en auāt auōs par la mesme voye
calculé l'anticipation de l'an naturel Solaire, laquelle
auons trouué conuenir avec les obseruations quoti-
diennes & cōmune experience des phainomenes. Puis
sçachans qu'alors que l'an Solaire naturel anticipe son
equinoxe de trois iours, l'an Lunaire l'anticipe d'un
iour, no⁹ auōs pris trois cycles Solaires, qui sont trois
cens soixante ans, esquels l'an Solaire anticipe de trois
iours son point egau-journal, & auons conclu qu'en
iceluy mesme espace de temps l'an Lunaire anticipoit

P R E F A C E.

d'un iour le mēme poinct, lequel espace de trois cens soixāte ans est la Saison prophétique, Toutefois l'observatiō n'en peut estre faicte exactemēt en trois cens soixante ans, mais en trois cēs soixāte & vn an, lequel espace de temps comprēd dixneuf cycles dixneufuenaires, c'est à dire dixneuf fois dixneuf ans, qui est vn nombre quarré, dont nous auōs appellé ladicte reuolutiō, Cycle quarré. Suiuāt ceste hypothese, nous auōs calculé l'anticipation de l'an Solaire, avec l'anticipation de l'an Lunaire, depuis le poinct de la creatiō iusques à l'institution de l'an Iulien, & depuis ledit temps iusques au nostre. Et ayans posé en l'an de la creation la pleine Lune en mēme poinct avec l'equinoxe Vernal, qui est la saison en laquelle le mōde fut créé, nous auōs calculé de combien la pleine Lune de la creation pouuoit estre éloignée de son equinoxe au premier an du cycle dixneufuenaire apres la publicatiō du Kalendarier Iulien, & pareillemēt en nostre tēps, & auons trouué ladite supputation correspondre à l'expériēce quotidienne, & aux observations faictes du temps de ladite institution de l'an Iuliē. Toutes lesquelles choses ont esté deprehēdees par l'investigation faicte sur la Theologie, veu que la philosophie ne peut sçauoir l'an ny la saison de l'an en laquelle le monde fut créé, pour pouuoir là dessus fonder vne ratiocinatiō & hypothese qui puisse tendre à vne telle descouuerte. Au surplus, s'il est questiō de venir à la somme des ans depuis la creatiō du mōde iusques au iourd'huy, cela n'estant vn subiet de philosophie, cōme nous auons dit,

appartient à l'histoire. Tant y a que quiconque voudra
sçauoir le nombre d'iceux par l'histoire estrãgere, il ne
la trouuera moins manque que la philosophie: car elle
ignore les ans precedés le deluge, & vne partie de ceux
qui ont depuis succédé, & en ceux qu'elle pense bien
cognoistre, il y a tant de cõtradictions entre les histo-
riens, que si on n'estoit redressé par l'histoire Sainte, on
ne sçauroit qui auroit d'entr'eux dit faux ou vray. Et
quant à ceux qui ont voulu traicter la Chronologie,
mesme par la parolle de Dieu, encore y trouue l'on tant
de contradiction entr'eux, qu'on est en doubte lequel
on doit ensuiure: Ce qui ne procede d'ailleurs, que de
ce qu'un chacun veut mesler parmy la deduction qu'il
ameine de la Theologie, quelque chose de son opiniõ
pour detorquer à sa fantasie les passages qu'il met en
auãt. Cela a fait que quelques vns ont amené quelques
difficultez sur les natiuitez d'Arphaxad & d'Abraham,
esquelles toutesfois peu de gens se sont aheurtez. Les
autres ont grandement doubté sur le temps de la pere-
grination des Israëlites en Egypte, & y eust eu tant de
difficulté à la solution de ceste questiõ, qu'on eust esté
bien empesché de la trouuer, sans ce qu'elle a esté eluci-
dee par saint Paul en l'epistre aux Galates. Il y a eu aussi
plusieurs autres difficultez depuis ledit temps iusques
à la natiuité de nostre Seigneur, mais elles ne peuvent
dorefnauant faire aucun empeschement, attendu qu'el-
les sont toutes vuidees, & tout le calcul rendu certain
& de tout poinct asséuré, estant continué par la suppu-
tation des Jubilez & institution des semaines ciuiles,

qui sont les semaines d'ans establies en la loy de Moysse, lesquelles nous auons poursuiuiues iusques aux predications de nostre Seigneur, les conferât avec le fil de noz supputations. Quant à la cognoissance de la duree & fin du monde, elle ne dépend ny de la Philosophie, ny Mathematique, ny histoire estrangere: & à bref parler, ne peut estre puisee d'ailleurs que de la source prophetique de l'analogie de la foy. Nous donc en la poursuite de nostre Chronologie, auons conformé tous noz desseins sur le patron de l'histoire sainte & prophetie. Et pource qu'on pouuoit prendre en diuers endroits plusieurs poincts de la sainte escriture pleins de difficulté pour nous les obiecter, nous auons preuenu ces obiections, en prenant la solution d'icelles du mesme endroit d'où l'on pouuoit pretendre de nous amener les doubtes. Mais d'autant que les obiections qu'on nous pouuoit faire, ne pouuoient auoir pretexte que sur quelque parolle prise confusément ou indistinctement, nous auons preuenu vne telle ambiguité, en proposant en diuers endroits plusieurs tables dicoromiques, contenans les distinctions des matieres par nous deduites, esquelles nous auons esté contraints d'excogiter plusieurs mots & vocables propres pour soustenir les membres de noz distinctions, lesquels mots ne sont pris textuellement de la parolle de Dieu, ores que toutes les definitions & distinctions soient puisees de la source & substâce d'icelle. Or il suffit que les definitions & diuisions en soient de duites, ores que les mots excogitez pour les soustenir ne soient textuels.

Car

Car qui voudroit assuiettir les personnes aux parolles expressees qui sont contenuës en la Bible, pour n'en recevoir d'autres qui soient contenuës sous le sens d'icelles, cela seroit estimer que le nom de λόγος duquel la Parolle de Dieu dépēd, ne signifiait qu'une parolle destituée de raison, sens, & intelligence, dont il se fallust arrester aux parolles sans avoir esgard au sens interieur d'icelles. Nous donc auons recherché ces mots, comme les plus propres pour correspondre à la raison & intelligence de ceste parole de Dieu. Toutesfois nous ne pretendons obliger ou astreindre personne à les recevoir si on en trouue de plus propres, estās instruits par l'Apostre μή λογομαχεῖν c'est à dire, *de ne debatre point pour des paroles.* 1. Tim. 6. 4. Ainsi les Geometres proposent les vocables de leur art sans cōtraindre personne de les recevoir, ou empescher aucun d'en trouuer de plus propres si faire se peut : car ils se soucient bien peu quel nom ce soit qu'on dōne à vn Cercle, pourueu que la definition demeure, & que par le nom qu'on luy voudra dōner, soit entēduë vne figure plaine & rōde. Nous aussi ne nous soucions pas des noms, pourueu que les definitiōs & distinctiōs demeurent, lesquelles neantmoins ne peuvent estre reiettees, estans prises de la parole de Dieu & demonstrees par icelle. De quoy nous auōs bien voulu aduertir le Lecteur, à fin qu'il n'y ait personne qui trouue estrange l'inuention de tels mots, pēsant qu'ilz ne soyent de la substance de la Parole: Car au contraire, nous auons pris garde bien soigneusement, que riē ne fust par nous proposē qui ne fust non seulement

souſtenable, mais demõſtrable par icelle, cõme par ſa vraye cauſe. Au ſurplus, ayans accordé l'hiſtoire eſtrangere, avec l'hiſtoire ſainte, depuis le tẽps de Phul Belochus iuſqu'à noſtre Seigneur Ieſus Chriſt, lequel Phul eſt le premier Roy qui a ſuccedé au regne meſparty de Babylone apres Sardanapale, & le premier Roy de Babylone duquel apres Nébrod l'Eſcriture fait mention: d'autant que les hiſtoriens eſtoient en pluſieurs lieux en eſtrif, nous auõs touſiours arbitré leur different, prenants la deciſion & iugemẽt de leurs diſcords, de la parole de Dieu: le iugement de laquelle ne peut eſtre recuſé. Nous auons auſſi par ce moyen monſtré, que la venuë du Meſſias eſt arriuée au temps prefix auquel elle auoit eſté predite & coarctée par les Prophetes. Ce qui peut ſeruir à monſtrer cõbien eſtoit de grand poids ceſte parole prophetique, pour cõuaincre les eſtrangers à confeſſer ladite venuë du Meſſias, & meſmement les Iuiſ: voyans que les ſepmaines de Daniel qui la coarctent, ſont interpretées non pas par opinion & à plaifir, mais par les ſepmaines ciuiles inſtituées en la loi de moyſe, leſquelles ſont pourſuiuies d'un fil continuel depuis le temps auquel elles cõmencerent à auoir leur cours, iuſqu'à Chriſt, les paroles de Daniel nous conduiſans à cela. Au reſte, nous n'auons choiſy autre Mecenas

3. *2/4r. 4. 4. 1.* que la verité, laquelle eſtant la tres-forte, a moyen de ſe maintenir, avec tout ce qui luy appartient. En ceſte façõ donc nous mettons noſtre talent à l'yuſure, ſans l'enfoûir en terre, deſirans qu'il trouue de bõs marchans & banquiers pour le faire valoir & profiter.



TABLE DES CHAPITRES.

Le premier liure traite

D u Temps.	Chap. I.
De l'Heure, & de ses parties.	chap. ij.
Du Iour.	chap. iij.
De la Sepmaine.	chap. iiij.
Du Mois.	chap. v.
De la valeur d'un mois.	chap. vj.
De l'An.	chap. viij.
Des ans substituez Ecclesiastiques.	chap. viij.
Des ans estrangers.	chap. ix.
Tables des cycles & insinuations, tant Lunaires que Solaires.	chap. x.
Refutation des opinions d'Albategnius & d'Hipparchus touchant l'antant naturel Solaire que Lunaire.	chap. xj.
Refutation de l'erreur de ceux qui pensent que les ans de ces personnages de l'ogee vie qui ont precedé le deluge, soient de deux, ou trois, ou quatre mois, & en somme, moindres que les ans dessus expliquez.	chap. xij.
Supputatiō des ans depuis la creation du monde iusqu'au deluge.	ch. xij.
Des trois cens nonante & un an qu'il y a depuis le deluge iusques à la naissance d'Isaach.	chap. xiiij.
Des quatre cens & trente ans, interuenus depuis la naissance d'Isaach iusques à l'issue d'Israel hors d'Egypte: ensemble des quarante ans de la peregrination d'iceluy Israel au desert.	chap. xv.
Des 440. ans qui s'ont colligez depuis l'entrée des enfans d'Israel en la terre de Chanaan iusqu'à la cōstructiō du tēple cōmencée par Salomō.	ch. xv. j.
De 128. ans qui ont eu leur cours depuis le cōmencement de la cōstructiō du temple de Salomon iusques à la coniuuration de Iehu.	chap. xv. ij.
De cent septante sept ans, qui se passerent depuis la coniuuration de Iehu, iusques à la transmigratiō d'Osée.	chap. xv. iij.
En quelle façon la supputatiō de l'histoire estrange peent estre conferee avec l'histoire sainte.	chap. xix.
De cent quarante-cinq ans, qui se trouuent auoir esté depuis la transmi-	

T A B L E

- gration d'Osee Roy d'Israel, iusques à la transmigration de Sedecius, Roy de Iuda. Avec les verifications des precedentes supputations par les semaines d'ans de la Loy. chap.xx.
- Particuliere & exacte observation de l'entresuite des ans depuis la creation, iusques à la transmigration de Iuda en Babylone. chap.xxj.
- Verification de l'interregne cy dessus propose, par les ans des Roys de Babylone. chap.xxij.
- Des septante ans de la captivité, qui sont intervenuz depuis la transmigration des Iuifs & desolation de Hierusalem, iusques à l'an premier de Cyrus, auquel an la captivité fut relaschée. chap.xxiiij.
- Refutation des fausses opinions que quelques uns ont eu touchant l'estee des septante ans de la captivité dessus exposez. chap.xxiiij.
- De 63. ans, cōpris depuis le premier an de Cyrus, auq̃l la captivité des Iuifs fut affrāchie, iusques à l'an vingtieme de Darius Loguemain, auquel il fut permis de reedifier les murailles de Hierusalem. chap. xxv.
- Collatio de la narratio des Grecs touchāt l'histoire des Rois de Perse, avec l'histoire Sainte, en laquelle est prouvé que ladite Greque narratio n'est que colligee par coniecture, estant fausse & supposée. chap.xxvi.
- De la supputation des Inbiles, par laquelle sont prouvées & appuyees toutes les supputations des ans qui ont esté depuis l'entrée des enfans d'Israel en la terre de Chanaan, iusqu'à l'an vingt-sixieme de Darius Artaxerxes Longuemain. chap.xxvii.
- Supputation de 460. ans, qui sont colligez depuis l'an vingtieme de Darius Artaxerxes, iusques à la natiuité de nostre Seigneur. ch.xxviii.
- Demonstration des quatre cens soixante ans, intervenuz depuis l'an vingtieme de Darius, iusques à la natiuité de nostre Seigneur, par les septante semaines de Daniel. chap.xxix.
- De la Iustice, & de ses especes. chap.xxx.
- De la Foy & de ses especes. chap.xxxi.
- De l'ouze, & de ses especes. chap.xxxii.
- Refutation de l'opinion de ceux qui pensent qu'Adam fut iuste avant qu'il eust mangé de l'arbre de science de bien & de mal, & de ceux qui pensent qu'il soit dechu de l'image de Dieu. chap.xxxii.
- Explications particulieres des choses qui sont contenues au texte des septante semaines de Daniel. chap.xxxiii.
- Sommaire de tous les ans depuis la creation du monde iusques à la nati-

DES CHAPITRES.

uité de nostre Seigneur Iesus Christ. chap. xxxv.
 De l'erreur de conte d'un an, qui se peut remarquer en la notation ordi-
 naire de l'an de la natiuité de nostre Seigneur, lequel mesconte procede
 de l'erreur de conte de trois mois touchant ladiete natiuité. Et de l'er-
 reur de conte d'un autre an, procedant de la fausse situation des Olym-
 piades aux Chroniques vulgaires. chap. xxxvi.

LE SECOND TRAITTE

U n resolution de quatre questions qui semblent empes- cher qu'on ne puisse dire que la fin du monde soit co- gnue. Chap. i.
Exposition de mil ans, esquels Satan a esté en prison de- puis la natiuité de nostre Seigneur. chap. ij.
De mil ans du regne des ames avec Christ, à conter depuis l'an millieme de la natiuité du Seigneur iusqu'à la generale resurrection. chap. iij.
Des ames des décollez pour le tesmoignage de Iesus, & des significa- tions de l'Ame, ensemble des parties essentielles de l'homme. chap. iiij.
Des facultez exterieures de l'ame. chap. v.
Comment les facultez interieures de l'ame sont comparées avec les ex- terieures. chap. vi.
Des facultez de l'Esprit. chap. vii.
La difference d'entre les facultez de l'esprit & les facultez de l'ame. chap. viii.
Des significations du nom de l'Ame, & quelles sont ces Ames des décol- lez. chap. ix.
En quelle façon les ames des fideles sont distes regner avec Christ mille ans, & si deuant les mille ans elles regnoient, & doivent regner apres. chap. x.
De la mort, & de ses effectz. chap. xi.
De la resurrection, & de ses effectz. chap. xii.
Des six mil ans conflictuez pour toute la durée du monde. chap. xiii.
Observations sur le general subiect de la Chronologie: avec la conclusion de tout l'œuvre. chap. xiiij.

FIN DE LA TABLE.

QVI de Dieu n'est aimé salut ne peut auoir,
 Et Dieu n'aime point ceux qui n'aiment la science:
 Donques embrassez la de tout vostre pouuoir,
 Vous qui d'auoir salut vinez en esperance.

Isaac Brochard.

Roine Saba, venez une autre fois,
 Et vous aussi troupe Samaritaine
 Sortez encor au bruit de ceste voix,
 Et vous orrez science plus qu'humaine.

Moyse Brochard.



1794	1794
1795	1795
1796	1796
1797	1797
1798	1798
1799	1799
1800	1800
1801	1801
1802	1802
1803	1803
1804	1804
1805	1805
1806	1806
1807	1807
1808	1808
1809	1809
1810	1810
1811	1811
1812	1812
1813	1813
1814	1814
1815	1815
1816	1816
1817	1817
1818	1818
1819	1819
1820	1820
1821	1821
1822	1822
1823	1823
1824	1824
1825	1825
1826	1826
1827	1827
1828	1828
1829	1829
1830	1830
1831	1831
1832	1832
1833	1833
1834	1834
1835	1835
1836	1836
1837	1837
1838	1838
1839	1839
1840	1840
1841	1841
1842	1842
1843	1843
1844	1844
1845	1845
1846	1846
1847	1847
1848	1848
1849	1849
1850	1850
1851	1851
1852	1852
1853	1853
1854	1854
1855	1855
1856	1856
1857	1857
1858	1858
1859	1859
1860	1860
1861	1861
1862	1862
1863	1863
1864	1864
1865	1865
1866	1866
1867	1867
1868	1868
1869	1869
1870	1870
1871	1871
1872	1872
1873	1873
1874	1874
1875	1875
1876	1876
1877	1877
1878	1878
1879	1879
1880	1880
1881	1881
1882	1882
1883	1883
1884	1884
1885	1885
1886	1886
1887	1887
1888	1888
1889	1889
1890	1890
1891	1891
1892	1892
1893	1893
1894	1894
1895	1895
1896	1896
1897	1897
1898	1898
1899	1899
1900	1900

O I S S A C B E N

101. ...
 102. ...
 103. ...
 104. ...
 105. ...
 106. ...
 107. ...
 108. ...
 109. ...
 110. ...
 111. ...
 112. ...
 113. ...
 114. ...
 115. ...
 116. ...
 117. ...
 118. ...
 119. ...
 120. ...

121. ...
 122. ...
 123. ...
 124. ...
 125. ...
 126. ...
 127. ...
 128. ...
 129. ...
 130. ...



L A

CHRONOLOGIE

DE IEAN DE FREGEVILLE,

LIVRE PREMIER.

Du Temps. CHAP. I.

Le Temps, est la durée des choses propre à estre mesurée, & la marque & mesure de ceste durée, faisant la distinction des choses passées d'auec les presentes, & des presentes d'auec celles qui sont à venir. Le Temps n'est point considéré à par soy, mais tousiours au respect de la chose à laquelle il est affecté. Suiuât cela, l'Ange annôçant à Sara son enfantement, dit qu'elle *enfantera en l'an suiuant en la mesme saison*, adioustant la restriction du temps, & disant, non pas seulement, *selon le temps*, comme s'il considéroit le Temps à par-soy, mais dit notamment *selon le Temps de l'ame*, considerant le Temps comme affecté

Gen. 18 14.

à l'ame. Salomon aussi, *attribuât à toutes choses leur temps & saison*, montre que le Temps est affecté aux choses auxquelles il est attribué, & ne doit estre considéré autrement. Et pour ceste cause aussi, si la durée de la chose à laquelle le temps est affecté, est breue, le temps est dit estre court: si elle est longue, le temps d'icelle est aussi dict estre long. Le Temps, est pris en deux significations, à sçauoir passive & active: Estant pris en signification passive, le Temps est la durée mesurable des choses: & en la signification active, le Temps est la marque & mesure de ceste durée. Suiuant cela, l'Ange dit à Esdras, *Mesure le temps par soy-mesme*, c'est à dire, mesure le temps par le temps. Là où le Temps mesurable est distingué d'avec le Temps mesurant. Si quelcun donc demande, de combien a esté le Temps d'Adam? Il quiert le Temps pris en sa signification passive, à sçauoir vne durée mesurable. Auquel si on respond, que le temps d'Adam a esté de neuf cens trente ans, iceluy vsurpe le Temps en sa signification active, proposant la note & mesure de ceste durée, & le temps qui la mesure: d'auantage les Hebreux, Grecs, & François, considerent le Temps quelquesfois plus generally, quelquesfois plus spécialement. Quand il est pris en sa signification plus generale, lors les Hebreux l'appellent *עַתָּה* (Et) les Grecs *χρόνος* (chronos,) & les François, *Temps*. Mais lors qu'il est pris en sa signification plus speciale, il est appelé des Hebreux *מוֹעֵד* (moed,) des Grecs *καιρός* (cairos,) & des François, *Saison*. Le Temps estant donc vsuré en sa signification plus generale,

Eccl. 3.

2. Esdr. 9. 1.

rale, tant enuers les Hebrieux & Grecs, que François, est pris generalement pour toute sorte de temps, soit long, soit bref. Mais la Saison enuers les Hebrieux, est specialemēt vsurpee ou pour vn an, ou pour vne partie d'iceluy: elle est (di-ie) vsurpee pour vn an, cōme nous en auons les exemples en Daniel, quand il dit מועד מועדים *Moed moadim vachesi*: ce qui est interpreté en l'Apocalypse, *καιρος, καιρος καιρος, και ημερα καιρος*: c'est à dire *une saison, des saisons, & la moitié d'une saison*: là ou la saison signifie vn an, & *une saison des saisons, & la moitié d'une saison* signifie vn an, deux ans, & la moitié d'un an. La saison aussi est appelée en Chaldees *ידן* (*Iddan*) cōme, il appert par ce que le passage dessus exposé de Daniel, ayāt esté par luy proposé en Hebrieu au chapitre douzieme, est aussi exposé en Chaldees en ceste façon *ידן וידן וידן וידן* *Iddan, Iddanin vpelag* qui est aussi *une saison, des saisons & la moitié d'une saison*. Et par le mesme nom aussi Daniel testifie que *Nabuchodonosor Eulmerodach a esté repeu d'herbe avec les bestes iusques à ce que Sept* *ידן וידן* *Iddanin ou temps, c'est à dire, sept ans, fussent accomplis*. Or si quelcun demande pourquoy c'est que j'ay dit qu'une Saison signifioit vn an aux endroits cy-dessus alleguez, ie le renuoye au premier chapitre du second liure de ceste Chronologie, ou i'espere le demonstrier. Et d'autant que ny l'an Solaire, ny l'an Lunaire ne pouuoient estre reduits en iours à cause des minutes qui redōdēt en iceux: Dieu qui a neātmoins establi la certaine mesure du temps, a ordonné des Saisons lesquelles mesurent par iour

Dan. 12. 7.

Apoc. 12. 14.

Dan. 7. 25.

Dan. 4. 6.

2. Esd. 7. 28.

Gen. 1.

comme par leur cōmune mesure, les ans tant Solaires que Lunaires, lesquelles saisons ont raison & analogie avec les ans Prophetiques, ayās autāt d'ans comme les ans Prophetiques ont de iours, & estās fondees sur la raison d'iceux ans Prophetiques. Sur lesquelles saisons sont fondees plusieurs supputations prophetiques, cōme la supputatiō *des quatre cens ans precedens la natiuité du Seigneur proposez par Esdras*, laquelle nous esperōs exposer au progres de nōstre Chronologie, & autres que nous obmettrōs, leur subiet estant plustost prophetique que chronologique. Ces saisons cōtiennent dōctrois cēs soixāte ans, de lās lesquels les ans naturels, tāt Solaires q̄ Lunaires, sont diuilez en iours entiers & égaux, sans qu'il redō de aucune minute ny secondes au bout & terme d'icelles saisons, comme plus à plein sera veu en l'expositiō des ans au progres de nōstre Chronologie. C'est ceste Saison de laquelle Dieu parle au Genese apres auoir creé le Soleil, la Lune & les estoiles, disāt: *Et soit en signes, & saisons, & iours, & ans.* Là où nous voyons q̄ Dieu propose trois mesures du tēps, à sçauoir la saison, le iour, & l'ā, proposant le iour pour mesurer l'an: mais d'autāt q̄ l'an tāt Solaire q̄ Lunaire, ne peut estre mesuré exactemēt par iours, cōme nō^o auōs dit, il propose la Saison laquelle égalise les ans en iours entiers & égaux, cōme plus à plein il sera veu au progres de nōstre chronologie, où nō^o remettōs le surplus. Et cependant en cet endroit passant outre, ie m'en vay monstrier cōment vne saison est encor usurpée pour vne partie de l'an, enuers les Hebreux. Il est

donc à noter, que les Hebreux auoiēt trois saisons en l'an sacré, qui estoit l'an Lunaire, & en ces trois saisons il y auoit trois festes, lesquelles mesmes, à cause de ce qu'elles estoient cōstituees aux trois principales saisons de l'an, estoient aussi appellees du nom de Saison, à sçauoir la Pasque, qui estoit le quatorzieme iour du premier *Deut. 16.* mois de l'an sacré, la Pêrecoste, qui estoit cinquāte iours apres & la feste des Tabernacles, qui estoit au dixieme iour du septieme mois selon l'institution de l'an sacré, & au premier mois de l'an ciuil. Or pource q' l'an sacré, auquel estoient cōstituees ces solēnitez ou saisons, estoit l'an Lunaire, pour ceste raison le Psalmiste faisant allusion à ce qui auoit esté dit au Genese en la creation du Soleil, Lune & estoilles, dit, *אֵלֹהִים יָרַח לְמִשְׁכָּנֵינוּ*, *assah, Iareach, lemoadin,* *Pse. 103. 19.* c'est à dire, *Il a fait la Lune pour les saisons, ou solennitez.* Ce qui peut aussi estre rapporté aux ans, suiuant ce qui a esté dit cy dessus des saisons qui sont prises pour ans. Or comme nous auons dit, il y auoit trois saisons enuers les Hebreux, ores qu'ailleurs vulgairement on ait accoustumé d'en compter quatre, les prenant pour le Printemps, l'Esté, l'Automne & l'Hyuer. Aussi, tant les Grecs que les François, ont de coustume prendre la Saison, pour le tēps propre de chacune chose, auquel elle a accoustumé de naistre, & demeurer en estat, & disparoistre, ou pour le temps auquel on a de coustume faire quelque chose, ou pour le poir. Et nommé auquel on doit entreprendre quelque affaire: le quel tēps estant negligé, & vne fois esoulé, à peine on y peut recourir opportunément, ou commodément executer

& expedier ce qu'on voudroit. Ceste Saison donques est, l'opportunité & commodité de pouuoir faire quelque chose: Lesquelles tant en Grec qu'en François, sont plus exactement exprimees par le nom special de Saison: toutesfois les Hebreux ne les expriment que par le nom plus general du temps. Voila pourquoy aussi Salomon, montrant comme toutes choses ont leur saison, n'vse pas du mot qui signifie en Hebreu, Saison, mais le designe plus generalement, disant que *toutes choses ont leur tēps*. En quoy la propriété du Temps & Saison des Hebreux, est differēte d'auec la propriété des vocables du Temps & de la Saison des Grecs & des François. Or les Hebreux deduisent le mot *טו* (*et*) qui signifie le temps, du verbe *טו* (*Or*), qui signifie peruertir & faire flechir, & courber cōme la peripherie d'un cercle, tant à cause de la corruption du temps & siecle, pour laquelle *Esdra* appelle le siecle *corrompu*, cōme aussi à cause de la volubilité du tēps, par laquelle le temps parfait ses cercles annuels par longs destours & circuits, *lesquels cercles annuels* sont assez spécifiēz en beaucoup de lieux de l'escriture, & notāmēt au premier liure des Chroniques, chap. 20.1. *χρόνος* (*Chronos*) enuers les Grecs signifie temps ou duree, d'où se fait *χρονίζειν* (*chronizein*), qui signifie durer: & de là vient que le temps denote la duree des choses. Mais la saison des Hebreux, qui est dite *טו* (*mord*) est deriuee de *טו* (*Iabad*) qui signifie donner assignation à certaine heure & point nommé, pour quelque accord ou conuention dont on auoit à deliberer. Quant

Ecclef. 3.

2. Esd. 4. 11.

*1. Chron. 20.
1.*

à la saison des Grecs, qui est *καιρός* (*cairos*) elle signifie opportunité, tescmoin le mot de *καιρίον* (*cairion*), qui en est deriué, lequel signifie opportunité & occasion. Or quant au mot de Chronologie, il n'est pas extrait du mot qui signifie tant seulement Saison, ains a pris son origine du general vocable qui exprime le temps enuers les Grecs. De la mesme source aussi la Chronique & Chronographie ont deriué leur etimologie. La Chronologie est vne science demonstât la raison de chacun tēps particulier, appartenant à la generale entiere & perperuelle duree, & aage total du mōde, rapportant la raison des particulieres supputations à la cognoissance de l'aage du monde, & donnant raison du total, pour approbation & confirmation des supputations particulieres. La Chronique, est vne perperuelle supputation des ans depuis le commencement du monde iusques au temps auquel on la veut poursuiure, expliquant briueement ce qu'elle trouue auoir esté fait de singulier & signalé en chacun an, sans donner raison de ses supputations, mais s'en rapporte aux raisons de la Chronologie. La Chronographie, est vne description des choses faites en diuers tēps, ayant plus d'esgard aux choses qu'au temps, & laquelle ne se soucie pas tant de definir le temps, en remarquât specialement les anneés, que de les descrire, en les rapportant à la vie de quelque Roy ou Empereur, ou au tēps de quelque republique, ou iuge florissant en icelle.

Au surplus, par le Temps les choses sont dites presentes, passees ou futures: car il distingue le passé du

Ic. 8. 58.

Apoc. 2. 22

Rom. 4. 17.

present, & le present de l'aduenir, comme nous auons dit cy dessus. Toutesfois Dieu bien souuent n'a pas esgard à telles distinctions, parce que quelquesfois dessous vn mesme temps il comprend les choses qui ont esté faites sous diuers temps: comme quand il dit, *Deuant qu'Abraham fust, ie suis*. Il ne dit pas, l'estoy, comme du passé, gardant la deuë distinction du tēps, mais dit sans distinction, *Ie suis*, comme du present. Ainsi en l'Apocalypse, le Seigneur dit à l'Ange de l'Eglise qui estoit en Thyatire, d'une certaine Iesabel paillard & fausse prophetesse: *Voicy, ie la mets au liect, si elle ne se repent*. (Là où il met, si elle ne se repēt, au texte Grec, au tēps futur). Ce qui denote qu'il parle de l'aduenir toutesfois il en parle cōme du present, disant: *Voicy, ie la mets au liect*. Ce qui mōstre, en premier lieu, que tous tēps sont presens deuant Dieu, & que pour ceste raison Dieu ne fait point de distinction des tēps pour son regard, quand il luy plaist. Et ceste façon de parler est familiere aux Prophetes, par laquelle Dieu demonstre aussi en iceux, en quelle certitude il parle des choses à venir, en parlant cōme des presentes, & bien souuēt cōme des passees, & en somme *appellant* (comme dit l'Apostre) *les choses qui ne sont point, comme si elles estoient*, à sçauoir les choses qui sont à venir & qui ne sont pas en cores, comme si elles estoient presentes, & ce d'autant que nul ne peut preuenir, ou destourner, ny empescher son conseil. Or ceste phrase est propre à Dieu, à cause de sa prescience & preddestination, laquelle neantmoins n'empesche pas quē bien souuent

vsurpant la commune façon de parler des hommes, il ne distingue tresbien le téps selon le passé, present, & aduenir. Au reste, le Temps prend ses principales mesures & distinctions, premierement des ans & des parties de l'an, & des espaces composez d'iceux, secondémér des aages des personnes illustres & renômées, cōme des Rois & Empereurs, & d'auátage, des commencemēs, accroissemēs, estats, declinemēs, & euerfiōs des Royaumes & Republiques. Comme si quelcun demande, en quel temps fut le deluge? La respōse se fera par les ans & parties de l'an, à sçauoir par les mois & iours, & dira on q̄ le deluge est arriué en l'an de la creation du monde mil six cens cinquante six au mois second, selon la supputation qui est demeuree pour les calculs prophetiques enuers les Hebreux, le quel an commence à l'equinoxe Vernal, au mois de Mars; & commença ledit deluge au iour dixseptieme d'iceluy mois second. Et si quelcun demande, en quel temps a flory Isaye? On peut respondre par l'aage cogneu & fameux des Rois de Iuda, qu'il a flory és iours d'Ozias, Iothan, Achaz & Ezechias, Rois de Iuda. Et si on demande, en quel temps a vescu Daniel? On pourra dire, qu'il a vescu depuis le téps de la decadence & destruction de la Republique de Iudee, iusques au téps de la subuersion de l'Empire des Babyloniens par Cyrus & Darius. Ces mesures des temps ont esté constituees de Dieu. Car c'est luy qui tesmoigne qu'il a mesuré, nombré, & pesé mesme les temps & siecles comme à la balance. Par laquelle chose aussi

I/4.1.

$$\begin{array}{r} 2.E/2.4.37 \\ 1/4.40 \\ 48. \end{array}$$

nous sommes instruits, que Dieu a mesuré la duree
 de toutes choses, à sçauoir de l'aage des hommes, de
 l'estat des regnes & republiques, & leur accroissémēt
 & decadence, commencement & fin. Telle est la con-
 sideration du Tēps & de ces proprietēz, selon qu'el-
 les peuuēt estre apprises par la viuē source de la parole
 de Dieu. Les philosophes en ont voulu bailler vne de-
 finition, selon qu'ils l'ont peu cognoistre, en ayans eu
 vne bien obscure cognoissance, ou pour mieux dire,
 opinion. Leur definition est, que le Temps est la me-
 sure du mouuēmt des sphares celestes, selon aucuns.
 Les autres l'ont definy estte le nōbre du mouuement
 selon le precedent & subsequent: Lesquelles defini-
 tions ne peuuent nullement competer au Temps,
 estant consideré en sa signification passiue: & estant
 pris en sa signification actiue, encore ne peuuent
 competer aux mesures de la duree qui sont prises des
 aages des hommes, & accroissēmēs, estats, & decreis-
 semens des regnes & republiques: ains tant seulemēt
 aux mesures qui sont prises des ans & portiōs de l'an,
 & espaces composez d'iceux. D'auantage elles consi-
 derent le Temps ou à par soy, ou comme estant tant
 seulement affecté au mouuement des corps celestes,
 au lieu de le considerer comme affecté à toute chose
 à laquelle le temps est attribué, à sçauoir à toute cho-
 se de laquelle la duree est limitée. Que si le temps de-
 uoit estre consideré tant seulemēt eu esgard au mou-
 uement des corps celestes, à raison que ceste mesure
 est la plus iuste & exacte, encore ces definitions n'au-
 roient

roient lieu, & ne seroit pourtant besoin de dire, que le Temps soit la mesure ou nombre du mouuement des cieux, pour bailler vne definition generale du Têps, mais seulement pour donner vne definition particuliere d'iceluy, entât qu'il regarde & est affecté au mouuement des cieux. Bien pourroit on dire, que le Temps est le nombre & mesure de la duree d'une chacune chose, selon le mouuement des corps celestes, pour la distinction du prier & posterieur.

L'on pourroit icy proposer vne question, à sçauoir si le Temps est eternal? A quoy ie respon, que comme ainsi soit que l'eternité soit infinie, le Têps, qui est finy, ne peut estre eternal. Or que le Temps soit finy, il est notoire, parce qu'il est assubiecty sous certaine mesure limitee & finie, & les choses infinies ne peuvent estre mesurees. On me pourra toutesfois obiecter ce que S. Paul semble appeller *les Temps eternels*, Rom. 16. 26. disant, *que le mystere de l'Euangile a esté tenu des les temps eternels*. A quoy ie respon, que ces temps là ne peuent estre considerez sinon depuis la creation du monde, & qu'ils seroient mieux traduits, fils estoient appelez *Temps seculaires*. Et pour mōstrer, que ces Temps ne peuent estre considerez deuât la fondation du monde: il est à noter, que l'Euangile, ayant esté deslors en mystere, a esté deslors caché, attendu que Mystere signifie vne chose occulte & cachee. Si donc il a esté caché deuant la creation du monde, à qui a il esté caché, si ce n'est à Dieu mesme? Ce qui ne peut estre. Mais si vous prenez ces temps depuis la creation du

monde, vous entendrez tresbien que c'est aux hōmes
mesmement qu'elle a esté cachée, voire aux Anges, s'il
est besoin. Pour ceste raison aussi, en S. Matthieu Ie-
sus Christ dit, *Je profereray choses occultes de la fondation
du monde.* Et pour monstrier que ces Temps seculaires
ne sont pas infinis, il n'est besoin que de prendre gar-
de à ce que dit S. Paul, 2. Timo. 1. *que la grace que Iesus
Christ nous a donnée, estoit selon la predestination deuât les
temps seculaires.* Car puis que ces temps seculaires ad-
mettent quelque chose de precedent, & deuant eux,
ils ne sont pas infinis. Et pour encores plus speciale-
ment prouuer que ces téps seculaires ne doiuent estre
confiderez sinon dés la fondation du monde, nous
produirons ce que S. Paul dit en l'epistre à Tite, *que
Dieu auoit promis & annoncé la vie eternelle, deuant les
temps seculaires.* Car vne telle promesse & annōciation
ne pouuoit estre faite qu'aux hōmes, ny à iceux, deuât
qu'ils fussent créez au monde. Et est à noter, qu'aux
trois lieux préalliguez, les Tēps seculaires ne sont ex-
primez par diuerfes locutiōs, ains parvne mesme phra-
se, les appelât par tout *χρόνοι αἰώνιοι*, *tems seculaires, ou tems
de l'aage.* Si donc il y semble auoir quelque difficulté
en ceste locution, c'est à cause de la diuerse significa-
tion du mot grec (αἰών). Car il est à noter qu'en l'escri-
ture il y a deux notes de la duree, dōt l'une est *ὥρα*, (*olā*)
qui est en Grec *αἰών*, (*aion*) qui signifie generalemēt Sie-
cle: & l'autre est *γενεά* (*dor*) qui signifie *Generation*. Les-
quelles neantmoins sont vsurpees en plusieurs & di-
uerfes façons. Ce qui fait qu'il y a grande difficulté en

l'intelligēce & explication d'icelles. L'interpretation desquels vocables nous mettrons icy en euidēce: tant pour plus ample intelligēce des choses dessus proposées, q̄ pour seruir de lumiere à tout ce qui pourra estre mis par cy apres en auāt à la Chronologie, & soulager le lecteur en l'intelligēce de toute la Bible, & clorre la bouche à ceux lesquels pourroient penser se seruir de tels mots, par eux mal entēdus, pour nous les obiecter.

Le Siecle donc est appellé en Hebreu עולם, (*olam* & *ad*), en Grec, αἰών, (*aion*) d'où vient ce que les Latins appellent *æuum*, d'où aussi est issu le mot *ætas*, qui est autant comme qui diroit *æuitas*, & *æternitas*, comme qui diroit *æuiterinitas*, & tels autres. De là donc vient le mot d'*aage*, d'*æternité*, & *sempiternité*. Or est le Siecle vne note de la duree des choses: laquelle est ores de toutes parts finie: ores d'une part finie, & de l'autre infinie: ores de tous costez infinie, eu esgard à la duree de la chose à laquelle il est affecté. Et par ainsi, si l'on considere le Siecle comme estant affecté à la duree du monde, laquelle est de tous costez limitee, le Siecle sera de toutes parts finy, & est appellé en Latin, propremēt *æuum*, ou *ætas*, en François, ne peut estre bonnement appellé, que *aage*, ou *siecle*, & *aage du monde*. Et si le Siecle est considéré au respect de la duree des esprits immortels, qui ont esté créez, il sera d'un costé terminé, à sçauoir du costé de la creation, duquel ils ont eu commencement, & lors proprement il est appellé *Eternisé*. Et si le siecle est attribué à la duree de Dieu, laquelle n'a eu commencement ny fin, le Siecle

est alors de tous costez infini, & est signifié par le mot de *Sempiternité*. Pour donc bien examiner les diuers significatiōs du Siecle, faut noter qu'il est vsurpé, premierement en deux façons, l'une est propre, l'autre est allegorique. Le Siecle estant vsurpé en sa propre signification, est pris pour vne note de la duree finie, & quelquesfois pour vne note infinie. Le Siecle finy, est vsurpé pour vne marque certaine, & quelquesfois pour vne note incertaine, de la duree: estât donc vsurpé pour vne note certaine, il est pris pour le temps qui est enclos dans les bornes & limites du Iubilé, qui est l'espace de quarante neuf ans: En ceste sorte les seruiteurs Hebrieux, qui auoient refusé de sortir libres de dessous la main de leurs maistres en l'an septième, qui estoit leur an de liberté que Dieu leur auoit donné, ayans eu l'aureille percee, estoient dits & declarez

Exod. 21. 6.
Deut. 15. 17.
Leuit. 25. 40

deuoir demeurer en perpetuelle seruitude iusques au siecle, lequel siecle estoit interpreté, *l'an du Iubilé*. D'auantage, le siecle certain estoit pris & vsurpé pour la generale & entiere duree & aage du monde, que les Latins appellent *æuum*, comme a esté dit. De là vient que le

Pse. 77. 69.
Eccle. 1. 4.

Psalmiste dit, Tu as fondé la terre pour le siecle. Et Salomon dit, L'une generation s'en va, & l'autre vient, mais

Eccle. 3. 14.

la terre persiste iusqu'au siecle. Et derechef, Je sçay que tout ce que Dieu a fait, doit estre iusqu'au siecle.

Baruc 3. 32.

Baruch aussi dit de mesme, que Dieu a préparé la terre pour le temps seculaire. En tous lesquels lieux, le Siecle ne peut estre pris pour vne duree, ou note de duree infinie, attendu que le ciel & la terre ne peuuent durer eternellement,

ains au contraire, *s'enuieillissans doiuent passer, & la pa-* Pse. 102. 27.
role de Dieu demeurer eternellement. Et veu aussi que les *Matt. 24. 35.*
elemens sont conseruez pour estre dissouts estans fondus par 2. Pier. 3. 12.
le feu au iour du iugement. Pour ceste raison aussi, en 2. Esdr. 2. 34
l'escriure en plusieurs lieux il est parlé de la fin & con- Matt. 24. 3.
sommation du siecle. Ioint que comme ainsi soit que les *Et 28. 20.*
morts, qui sont enclos au sepulchre, y soient enclos
pour tout le siecle, leur sepulchre est aussi pour ce res-
pect appellé *leur maison seculaire.* Or le Siecle, estant *Eccles. 12. 5.*
pris pour vne marque d'une duree finie & incertaine,
signifie ou iadis, ou bien vne duree perpetuelle finie,
mais non determinee. Il est donc pris pour iadis, com-
me alors que Salomon dit, *Desia des les siecles estoit ce* *Ecl. 1. 10.*
qui a esté deuant nous, c'est à dire, desia iadis estoit ce qui
a esté deuant nous. Item quand Moïse parle des Gi-
borim, ou forts Geants, fils des dieux, ou puissans, qui
soulloient iuger la terre, il dit, *Ceux-cy sont les Giborim,* *Gen. 6. 4.*
qui estoient des le siecle gēs de renom, c'est à dire, qui estoient
iadis gens de renom. Le Siecle, estant pris pour perpe-
tuité, signifie vne duree incertaine, pour le regard du
terme, veu qu'il peut estre pris long ou bref: car la per-
petuité n'est pas astringee à longueur ou briueté de
temps, mais est vne continuité non interrôpuë: Com-
me quand Dieu donne la Loy de la consecration &
consommation des mains d'Aaron & de ses enfans, il
ordonne que ce soit *vne ordonnance seculaire,* c'est à di- *Exod. 29.*
re, perpetuelle, laquelle ne deuoit pas estre *eternelle,* 28.
veu que la sacrificature Leuitique estoit subiette à en-
uieillir, & estre abolie, mais deuoit estre perpetuelle,

estant continuee sans interruption iusqu'au Messias. Le Siecle, estant pris pour vne marque d'une duree infinie, est usurpé en deux sortes, à sçauoir pour l'éternité, & pour la sempiternité. L'éternité (comme nous auôs dit cy dessus) est vne duree terminee d'un costé, & infinie de l'autre, cōme la duree des esprits, desquels l'essence, ores qu'elle ait esté créée, & soit par ce moyé terminee, est neantmoins immortelle, & pour ceste raison, infinie. D'où vient que les vns sont renuoyez à la mort eternelle, & les autres à la vie eternelle, laquelle vie est appelée *vie seculaire*. Pour ceste raison, le Siecle est pris pour ceste duree terminee ensemble & infinie, qui est la duree eternelle. Et estant pris pour la sempiternité, est pris pour la duree absoluëment infinie de Dieu, suiuant laquelle Dieu est appelé *Dieu seculaire*, c'est à dire, sempiternel, n'ayant eu commencement ny fin, comme la sacrificature seculaire & sempiternelle de Iesus Christ, figuree par Melchisedec, lequel pour ceste fin *est proposé sans cōmencement de iours ny fin de vie*. Ce sont les especes du Siecle, estant usurpé en sa signification propre. Mais estant pris allegoriquement, il est appliqué à distinguer le present siecle corrompu, & sa corruption, d'auec l'éternité du siecle incorruptible. Tellement que par le *present siecle*, sont entenduës les choses qui appartiennent à iceluy, lesquelles sont temporelles, vaines, & corruptibles, d'où vient qu'Esdra appelle mesme le present siecle, *2. Esdr. 4. 11. corrompu*. Le mesme Esdra aussi nous admoneste d'*2. Esdr. 2. 36 uiter l'ombre de ce siecle*, c'est à sçauoir, la vanité d'iceluy:

Et d'autant qu'il est tout couuert & voilé de tenebres d'ignorance, pour ceste raison il est pris pour les tenebres, qui ont vigueur en iceluy. De là vient l'antithese que Iesus Christ fait *des enfans de ce siecle, avec les* Luc 16. 8.
enfans de la lumiere, qui sont les enfans du siecle à venir. Les enfans donc de ce siecle, estans opposez aux enfans de la lumiere, ne sont enfans de la lumiere, ains au contraire enfans des tenebres. Le Siecle donc est pris pour les tenebres, desquelles ils sont enfans comme du siecle, *desquels incredulles le Dieu de ce siecle a aveuglé les yeux.* 2. Cor. 4. 4. Pour ceste raison sont ils en tenebres, n'y voyans goutte. Ainsi enuers Esdras les Iduméens sont opposez aux vrais Israëlites : c'est à dire, ceux qui sont enfans d'Esau, lesquels *ayans mesprisé proditoirement &* Genes. 25. 31
laschement leur primogeniture celeste, pour la couleur doree & Genes. 25. 31
appast glouton du ius & potage roux, c'est à dire, pour les richesses mondaines & terriennes, & l'or de couleur d'un potage roux, lesquels il oppose à ceux, qui à l'exemple de Jacob, l'ont en singuliere estime. Pour ceste raison Esdras dit *qu'Esau est la fin de ce siecle, &* 2. Esd. 8. 9.
Jacob le commencement du siecle à venir. Telle est l'explication du Siecle, & de ses especes, selon toutes ses significations, tant propres qu'allegoriques. La generation est appelée en Hebreu דור (*dor*) & תולדה (*thol-da*). Et est cōsideree en deux manieres, c'est à sçauoir, eu esgard aux choses, & à la duree d'icelles. La generation vſurpee pour le regard des choses, se rapporte ores à Dieu, ores aux hōmes. Celle qui se rapporte à Dieu, est prise en deux sortes : l'une est, la generation eter-

CHRONOLOGIE

- Iean 1.14.* nelle & naturelle par laquelle Dieu *est dit avoir engendré son fils monogene, ou unigenite*, c'est à dire, *seul engendré*. L'autre est la creation, prise en deux manieres: L'une est, *la generation du ciel & de la terre*, c'est à dire, la creation d'iceux. Laquelle generation ou creation, est réelle & essentielle, & est appelée proprement en Hebreu *Tholda*, & en Grec *Genesis*, à laquelle est opposée l'autre espee, qui est dite en Grec *Palingenesie*, ou *regeneration*, & *nouvelle creation*. Ceste regeneration est celle, de laquelle les enfans sont spirituellement dits enfans de l'alliance de Dieu avec l'Eglise, de laquelle les enfans sont, les vns legitimes, les autres illegitimes. *Les legitimes, sont enfans ou de la franche, ou de la servante*. Les autres sont appelez *generation adultere*. La Generation, qui est dite pour le regard de l'homme, est consideree en deux manieres: l'une est prise en signification propre, l'autre metaphoriquement. Celle qui est prise proprement, est usurpee en premier lieu pour vne perpetuelle entresuite de generatiōs, & enfans en ordre consecutif, dont est dite *vne generation premiere, l'autre seconde, l'autre troisieme*, & ainsi consequemment. La Generation en second lieu, est prise pour vne famille, gent, ou nation descēdue d'un mesme pere. Telle est l'explication de la Generation, entant qu'elle est consideree pour le respect des choses. La Generation estant consideree pour le regard de la duree des choses, est proprement appelée en Hebreu *דור* (*dor*), & en Grec *γενεα*. Icele est prise en la maniere Ecclesiastique, ou estrangere. La generation prise en la

la forme Ecclesiastique pour la duree des choses, est vsurpee en deux manieres: l'une est pour l'age & siecle auquel vn homme vit, comme quād l'Escripture dit, que *Noé estoit iuste en sa generation*, c'est à dire, en son aage ou siecle. L'autre est, pour toute la duree du monde: d'où vient que le Seigneur dit, *Je vous dy en verité, que ceste generation ne passera point, que toutes ces choses ne soient faites*, signifiant que tout ce qu'il auoit prophetisé deuoit aduenir durant l'age & duree du monde. La generation prise en maniere estrāgere, est prise enuers les Egyptiens anciens, pour l'espace de trente ans, & enuers les Grecs, pour l'espace de vingt & cinq ans. C'est ce que nous auons peu mettre en auant, & prouuer par exemples pris de la sainte escripture, touchant la Generation, Siecle, Aage, Perpetuité, Eternité, & Sēpitermité, qui sont les plus fameuses & signalees notes de la duree. Entre lesquelles les vnes appartiennent à vne duree infinie, les autres à la mesure du temps: lesquelles ont dessous soy d'autres plus exactes & plus speciales mesures, prises tāt des ans & parties d'iceux, que des espaces cōposez d'iceux. Pour ceste raison, nous nous acheminerons à l'interpretation de l'an & de ses parties.

*Gen. 7.1.**Matth. 24. 34.*

Des parties de l'an: Et premierement, de l'heure, & de ses particules.

CHAP. II.

F



Y ANS à expliquer les ans de la durée du monde, c'est bien raison que nous examinons la mesure de l'an, & des parties dont il est composé. Iceluy d'oc estant composé de Mois, Sepmaines, Iours & Heures: nous commencerons par les heures, & poursuivrons les autres parties de l'an, & puis l'an: lequel estant cogneu, nous viendrons à la supputation de la durée du monde.

L'heure, est la mesure plus fameuse & ordinaire du iour, par laquelle le iour est diuisé en certaines parties. Icelle est diuisée en heure esgale, & inegale. L'heure esgale est appelée en Grec *ισομερής*, qui est autāt comme qui diroit *esgauiournalle*, à cause de l'esgalité des iours, d'autant qu'elle diuise esgalement les iours naturels. Quelques vns toutesfois estiment qu'elle est ainsi appelée, ayant pris ce nom là du cercle equinoctial, qui est dit en Grec *ισομερής*, c'est à dire, *esgauiournal*, à cause qu'en heures esgales, esgales portions du dit cercle montent sur l'horizon, ce que ne peut faire le zodiaque, ou cercle animalier, à ce obstant son obliquité. Les heures esgales ordinairement diuisent le iour naturel en vingt & quatre heures, & quelquefois en douze, là où vne heure en vaut deux: toutesfois cela aduiēt raremēt, qu'on en trouue de telles chez les auteurs & es bons liures. Les heures inegales sont considérées estre en deux manieres: les vnes sont dites estre le temps auquel quinze degrez du zodiaque ou cercle animalier (qui sont la moitié d'un si-

gne) montent sur l'horizon:& ces heures sont proprement inegales: car à cause de l'obliquité d'iceluy cercle, elles sont toutes differentes & inegales l'une de l'autre. Mais ces heures sont si mathematiques, qu'elles n'ont aucun vsage en aucunes affaires ciuiles. Les autres heures, qui sont aussi dites inegales, mais moins proprement, ne sont pas toutes inegales entr'elles, ains celles d'un mesme iour artificiel ou ciuil sont toutes egales en tout temps entr'elles, & celles d'une mesme nuit, pareillemēt egales entr'elles: mais celles du iour artificiel, ne sont egales à celles de la nuit du mesme iour naturel en la sphere oblique, sinon au temps des egaux iours ou equinoxes. Les heures en ceste sorte cōprennent la douzieme partie du iour, long ou bref, & semblablement la douzieme partie de chacune nuit: Pour ce toutesfois qu'en Esté les iours sont plus longs que les nuits d'esté & que les iours d'hyuer, les heures ensuiuans la nature de leurs iours, surpassent les heures des nuits d'Esté, & des iours d'hyuer: pareillement les heures de la nuit, ensuiuāt la nature de leurs nuits, sont plus courtes aux nuits d'Esté, plus longues es nuits d'hyuer. Telles sont les heures qui sont designees presque en tout le nouueau Testamēt. Cōme quand le Seigneur dit, *N'y a-il pas douze heures au iour?* Demesme en est il quād le Seigneur parle des ou-
uiers enuoyez à la vigne, desquels les uns y allerent en- uiron la premiere heure du iour, les autres enuiron la troi- sieme, les autres enuiron la sixiēme, neufieme & onzieme. Or ces vingt-quatre heures, quelquesyns les cōtent con-

Jean 11. 9.

Matth. 20. 1

sequemment depuis la premiere iusqu'à la vingtquatrieme, les autres les diuisent en deux fois douze: Finalement quelques vns commencent à conter leurs heures à midy & minuiet, autres au soleil leuant & soleil couchant. Les heures contenuës au nouveau Testament sont constituees en telle sorte, que le iour en comprend douze, lesquelles commencent au soleil leuant, & la nuit pareillement douze, commençans au soleil couchant. Ainsi quand Pierre Apostre dit, *Act. 2. 15.* *Ceux cy ne sont point yures cōme vous estimez, veu qu'il est la troisieme heure du iour:* Il ne dit pas, la troisieme heure apres midy, mais la troisieme heure du iour; mōstrant q̄ ces heures ne se souloiēt pas cōter depuis le midy ou la minuiet, mais depuis le iour ciuil, qui cōmēce à soleil leuant. Ainsi aux *Actes 10. 3.* *Ice luy vid en manifeste vision, enuiron la neuſeme heure du iour, vn Ange entrāt vers luy.* En la mesme façon faut il prendre ce que les Euāgelistes disent, q̄ le Seigneur fut crucifié à six heures, *Matth. 27. 45.* *Luc 23. 4.* c'est à dire à midy: & semblablement ce que dit *Marc 15. 33.* Euāgeliste, que ceux qui crucifierēt le Seigneur diuiserent ses vestemens à trois heures. Toutesfois il se faut bien garder de penser, que l'Euangeliste vueille dire que le Seigneur fut crucifié à trois heures, attēdu que tous les autres Euāgelistes (voire luy-mesme) tesmoignent, qu'il fut crucifié à six heures, depuis lesquelles iusqu'aux neuf, tenebres furent faïtes sur la terre. Mais quand ledit Euangeliste dit qu'il estoit trois heures, il n'entend pas quand ils crucifierent le Seigneur, mais quand ils diuiserent ses vestemens. Il dit donc, *Luc 23. 44.*

ῥά τινες αὐτὸν, διμερίζον τὰ ἱμάτια αὐτοῦ, βάλλοντες κληρον ἐν αὐ-
 τοῖς, τίς τί ἀρῇ, ἢν δὲ ἀρεγ. 31. η. καὶ ἐσάβρασεν αὐτὸν, καὶ ἢν ἡ ἐπιγε-
 φη, &c. c'est à dire, *Et ceux qui le crucifierent auoient diuisé*
les vestemens d'iceluy, iettās le sort sur iceux, à qui en auroit.
Or il estoit trois heures. Là où il assure, que ceux qui le
 crucifierent, auoiēt ietté le sort, diuisans ses vestemens
 à trois heures, adioustant puis apres, *Et ils le crucifierent,*
Et l'inscription estoit, &c. ce qui ne doit estre confondu
 avec le precedēt, ains ioinēt avec les choses subsequē-
 tes: demerant par ce moyen euidēt, qu'alors que les
 vestemens du Seigneur furent diuisez au sort, il estoit
 trois heures, mais quand il fut crucifié il en estoit six:
 tellement que les satellites auoient diuise les vestemēs
 du Seigneur, trois heures deuant que le crucifier. Ainsi
 dōc sont prises & vsurpees les heures en la sainte Escri-
 ture. Au surplus, deuant que les heures fussent en vsa-
 ge, la nuit qui ne se pouuoit diuiser en heures, se diui-
 soit en quatre veilles egales. D'où aussi au nouveau
 Testament, encores que l'on vst des heures, toutef-
 fois on vsurpe encore l'ancienne locution & maniere
 de diuiser les nuits en veilles. Suiuant cela l'Escripture
 dit, *que le Seigneur vint à ses disciples en la quatrieme veil-*
le de la nuit. De là est aduenū, que ceux qui souloient
 faire la garde la nuit, estans ennuyez de sommeil, cō-
 mēcerēt à mesurer les veilles par clepsydes, les appel-
 lās en grec du nom ὥρα (hora). puis apres les heures estās
 inuentees, on les a appellees ὥρα (hora) en Grec, d'où
 vient le nom d'Heure. Ces choses estās ainsi exposees
 del'heure, nous pouuons expliquer ses parties & par-
 ticules. L'heure estant prise pour la vingtiatieme

Matth. 14.
 25.

partie du iournaturel, est diuisee par les Astronomes en soixante minutes, la minute en soixante secondes, la seconde en soixante troisiemes, & ainsi cōsequemment iusques aux dixiemes, auxquelles ils ont accoustumé de s'arrester. Or les Astronomes vsurpēt ceste diuision en soixāte parties, pource que ce nombre est propre à estre diuisé en plusieurs & diuerses parties, estant par ce moyen fort cōmode aux supputations. Et pour la mesme raison les Hebrieux diuisent l'heure en mille octante ספ"ח (*halaquim*) ou parties.

Du Iour.

CHAP. III.



LE Iour en l'escriture, obtiēt plusieurs & diuerses significations, lesquelles nous n'auōs pas deliberé de poursuivre toutes, les examinās particulièrement: mais tant seulement nous amenerons celles significations du Iour, qui appartiennent à nostre subiet Chronologique. Le Iour dōc en ceste significatiō, est vsurpé en l'escriture en deux manieres: l'une est historique, & l'autre prophetique. Le Iour historique est pris en deux sortes: en l'une, il est vulgairement appelé Iour artificiel ou ciuil: en l'autre, iour naturel. Le Iour artificiel ou ciuil, est considéré comme estant séparé & distingué de la nuit: & est cōsidéré ordinairement depuis le soleil leuant iusqu'au soleil couchāt, (combien que le vulgaire l'vsurpe le plus souuent, depuis l'aube du Iour ius-

ques au iour failly, qu'ils appellër, entre chië & loup.) Le Iour donc estant considéré dès le soleil leuant iusqu'au soleil couchant, est le iour que l'escriture sainte diuise en douze heures. Tel est *le iour des ouuriers enuoyez à la vigne*, dõt le Seigneur parle. De ce iour ainsi considéré, est dite la iournee des manouuriers: Et est appellé artificiel, à cause que les artisans & ouuriers en iceluy ont accoustumé de s'appliquer chacun à sa besogne: & ciuil, parce qu'aussi en iceluy on s'occupe aux assemblees, consultations, & affaires politiques & ciuiles. Le iour qu'on appelle naturel, est considéré depuis l'un soleil leuant iusques à l'autre soleil leuant, ou depuis l'un soleil couchant iusques au suiuant soleil couchant. Autres le considerent depuis vn midy iusques à l'autre midy suiuant: & d'autres, depuis l'une minuiët iusques à la minuiët de la nuit suiuant. Et est ce Iour naturel ordinaiemët diuisé en vingt quatre heures. En la sainte Escriture, le iour naturel, pour les ciuiles negociations, commençoit au soleil leuant, & finissoit au soleil leuant du iour ensuiuant. Mais pour les solennitez, il commençoit au soleil couchant, entre deux vespres, à l'exëple de la sepmaine de la creation, en laquelle Dieu met le soir deuant le matin, disant, *Et fut du soir, & fut du matin, vn iour*, & ainsi des autres. Ainsi aussi *la sepmaine sacree, que Dieu institua en Sin, cõ-* Gen. 1. 5.
mẽtoit entre deux vespres, c'est à dire, au soir à soleil couchant. Semblablement les festes, tant de Pasques & de Exod. 16.
Pentecoste, que des Tabernacles, commençoient entre deux vespres. Ce iour ainsi considéré, est appellé Exod. 12. 6.
Leuit. 23. 32.
Deut. 16.

iour naturel, parce que les operatiōs quotidiennes de nature se font & exercent en iceluy, nonobstant la nuit, d'autāt qu'il ne faut point de chādelle à nature, pour exercer ses functiōs & operatiōs. Les Grecs l'ont

1. Cor. II. 15. appelé *νυχθήμερος*, qui est autant comme qui diroit en Latin *Noctidies*, ou en François *Nuitiour*, d'autant qu'il comprend la nuit avec le iour artificiel ensemble. On le peut aussi appeller *Periodique*, à cause que le soleil fait en iceluy son periode & tour entier à l'environ & circuit de la terre. Au surplus, l'institution de ces deux iours peut estre recerchee depuis la creation du monde: à sçauoir l'institution du iour artificiel, de ce q̄ Dieu separant la lumiere des tenebres, appella la lumie

Gen. I.

re separee d'avec les tenebres, iour, & les tenebres nuit. Or la lumiere separee des tenebres, estoit le iour separé de la nuit. Le iour naturel est vsurpé, en ce q̄ Dieu coarcté les six iours ausquels il trauailla, par le vesprie & le matin. Car il est à noter, que le septieme n'est pas ainsi coarcté, estant vn iour de repos eternel pour le regard de Dieu, d'autant qu'en iceluy, Dieu se repose eternellement de sa creation. Telle est l'exposition du iour historiquemēt vsurpé. Le iour prophetique, est pris, ou pour vn an, ou pour mille ans. L'institutiō du iour prophetique, vsurpāt vn iour par vn an, est enseignée

Ezech. 4. 5.

en Ezechiel, auquel Dieu donne vn iour pour vn an, & trois cens notante iours, pour trois cens & nonante ans, à porter l'iniquité de son peuple. Et mesme Moise vsurpe ceste institution prophetique, pour la constitution de ses semaines ciuiles & lubilez, cōme nous esperons

rons mōstrer cy apres . L'institution du iour prophetique, vsurpant vn iour pour mille ans, est enseigné au Pseume 90. & en l'epistre de Pierre Apostre. Pse. 90. 4.
2. Pier. 3. 8.

De la Sepmaine.

CHAP. IIII.



A Sepmaine est, l'espace de sept iours continus, finissans en vn Sabath ou iour de repos: Si donc on prend sept iours qui ne soient point continuels, ou sept iours continuels, qui ne se terminent point en vn iour de repos, ce n'est pas vne sepmaine, à proprement parler & selon le lagage de l'escri-ture. La sepmaine est souuēt exprimee par le nom du Sabath, le sabath estant employé pour signifier toute la sepmaine, parce que le sabath ne peut arriuer qu'à la fin d'icelle, & n'y peut auoir Sabath, que prealablement toute la sepmaine n'ait precedé. La sepmaine est premierement considerée en deux manieres, à sçauoir au respect de Dieu, & au regard des hommes. La sepmaine considerée au respect de Dieu, est aussi diuisee en deux: L'une est, la sepmaine de la creation du monde: L'autre est, la sepmaine de la conseruation d'iceluy. La sepmaine de la creation, est celle en laquelle Dieu a créé le ciel & la terre, & tout ce qui est en iceux, en six iours, & s'est reposé le septieme. Les six iours de la creation, sont considérez estre tels que sont les iours naturels devingt quatre heures, par nous expliquez au chapitre precedent, estans tous coartétez par le soir & le

Leuit. 23. 15.

Or Leuit. 25.
8.

Genes. 1.

Heb. 4. 9.

Pse. 19.

matin, c'est à dire, contenus entre deux vespres. Mais le septieme iour d'icelle creation, n'est pas ainsi coarcté, d'autant que c'est vn iour eternal, Dieu se reposant eternellement en iceluy, de sa creation, & nous appellant encor à iceluy repos, pour nous reposer eternellement avec luy. La sepmaine de la conseruation du mōde, est le temps auquel Dieu cōserue le monde, le tenāt en estat, apres le temps de laquelle sepmaine & conseruation, il aduiendra, que le monde finissant, Dieu se reposera eternellement de ceste conseruation, comme il s'est reposé pour iamais de la creation, dès le septieme iour d'icelle. Or ces six iours sont six mille ans, durāt lesquels le monde sera en estat, apres lesquels le mōde sera reduit au repos eternal de Dieu, auquel Dieu se reposera eternellement de la conseruation du monde, comme il a fait au repos de la creation. Si quelcun demande, pourquoy c'est que i'estably ce poinct là, que la durée du monde soit comparée à vne sepmaine: le respon, que c'est d'autant que Dieu, ayant créé toutes choses par celuy que l'escriture appelle Logos, c'est à dire, Parolle, ou Raison, ou parolle avec raison, estant constant & tousiours semblable à soy mesme, Il s'ensuit que les œuures de ceste raison, c'est à sçauoir les œuures de la creation, qui annoncent de iour en iour son ouurage, & tesmoignent la diuinité du Createur, se correspondent entr'elles par analogie, c'est à dire conformité de raison, tesmoignans par ce moyen, combien l'auteur d'icelles est constant & semblable à soy mesme, & cōbien sa raison est & constante & semblable à soy mesme, se monstrant telle en

la raison & conformité de tous ses ouurages. C'est la cause pourquoy Salomon dit, *que le Seigneur a vne balance de iugement & raison en sa main, & que toutes les œuvres d'iceluy sont ainsi que les poids du satchet*. Or comme ainsi soit, que les poids du satchet d'une balance soient proportionnaux, & que les œuvres de Dieu soient toutes de mesme, il s'en suit qu'elles sont toutes entr'elles proportionnelles, c'est à dire gardans entr'elles vne perpetuelle conformité de raisons, qu'on appelle analogie & proportion. Or est-il que Dieu a créé *le iour & le siecle* : Parquoy le iour & le siecle créé doivent auoir raison entr'eux, & se rapporter par analogie. Pour ceste raison aussi Dieu tesmoigne qu'il a *ordonné, mesuré, & pesé à la balance le temps & le siecle* : afin que nous sçachions que les poids en sont proportionnaux, & les mesures se rapportans par analogie. Ces choses estans cognues & posees, il s'en suit, que l'œuvre de la creation a raison avec l'œuvre de la cōseruation du monde, l'une & l'autre estans œuvres de Dieu. Et comme ainsi soit, que Dieu ait créé le iour & le siecle, il s'en suit qu'ils obseruent entr'eux vne raison proportionale, & que les iours de la creation se rapportent par analogie aux iours du siecle, & le temps de la creation, au temps de la duree du monde. Le temps donc de la creation ayant raison de sepmaine, le temps de la duree du monde doit aussi auoir raison de sepmaine: & tout ainsi qu'en la creation, Dieu s'est reposé au septieme iour eternellement de son œuvre, ainsi aussi il s'en suit, qu'au septieme iour de la cōseruation d'ice-

Prou. 16. 11.

2. Esd. 5. 49.

2. Esd. 4. 36

luy, Dieu se reposera eternellemēt d'icelle cōseruation dumode. Il reste maintenāt de trouuer quels sont les iours de ceste sepmaine. Comme ainsi soit donc, que nous ayons veu au chapitre precedēt les manieres auxquelles le iour est vsurpé en l'escriture, & que le iour historique est trop court pour ceste dūree, & mesme le iour prophetique, qui n'est mis que pour vn an, il reste de prendre vn iour pour mille ans. De là donc nous conclurrōs, que les six iours de la dūree du monde, sont six mille ans, durāt lesquels le monde doit durer, apres lesquels Dieu se reposera eternellement de la cōseruation du monde, comme il s'est reposé de la creation au septieme iour d'icelle. Quelques vns ont le temps passé touché ce mesme poinct, ce qui leur a esté reputé à erreur, pour trois considerations: L'une est, d'autant qu'ils n'auoient pas donné demōstration suffisante: L'autre est, qu'ils n'auoient pas donné solution des obiectiōs qu'on leur pouuoit faire: La troisieme est, qu'ils auoient mēlé parmy vne telle doctrine quelques vnes de leurs opiniōs erronees. Or nous au contraire, auons satisfait & obuié à toutes obiectiōs, comme on pourra voir par le premier chapitre du second liure de ceste Chronologie, & auons criblé (par maniere de dire) & repurgé ceste doctrine, des opinions qu'on auoit mēlées parmy, comme l'on peut voir par le treizieme chapitre dudit liure second de nostre Chronologie: & d'auantagé, auons appuyé les poincts necessaires de ceste doctrine, de leur deuë demōstration, puisce de la source de l'Analogie: la do-

doctrine de laquelle, outre ce qu'elle est prescrite par S. Paul aux Romains, est neantmoins si asseuree, qu'il n'est rien plus certain, ny en quoy plus reluis le caractere & marque de la diuinité, estât telle, que Dieu ne peut renoncer à icelle, attendu que Dieu ne peut rien faire sans raison & sagesse, luy qui est auteur de celuy qui a tant voulu honorer vne telle regle, q̄ de porter le saint nom de *Logos*, qui est interpreté *Raison*, duquel nom de *Logos* viét le nom de ceste sainte regle d'*Analogie*, qui est la reigle & conformité des raisons qui admirablemēt reluisent en tous ses ouurages. Ayant donc demonstré par ceste regle proportionnelle la necessité de ceste sepmaine de la duree du monde, apres la refutation des obiections, & erreurs commises en l'intelligence de ce fait, nous n'auons laissé aucune doute sur laquelle quelcun puisse dotesnauāt hesiter en la cognoissance de ceste sepmaine de la cōseruation, non plus qu'en la sepmaine de la creation. Icelles donc estâs entendues, il reste de venir à l'interpretatiō de la sepmaine qui est dite au regard de l'homme, de laquelle il y a deux especes: l'une est Ecclesiastique, l'autre estragere. L'Ecclesiastique a encor deux especes: l'une est Mosaique ou legale: l'autre Apostolique ou Euāgelique. La legale a derechef deux especes: l'une est sacree, l'autre ciuile: La sacree, estoit celle dont le Sabbath estoit institué pour le seruice de Dieu, & pour les solennitez du sanctuaire, l'estant donné en signe de sanctification. Dieu par iceluy nous enseignant de nous sanctifier pour son repos, & à ce nous

Rom. 12. 6.

L. 1. c. 1.

Exod. 31. 13.

Leuit. 11. 44. appellât, disant, *Soyez saints, car ie suis saint.* Au reste, les iours de ceste sepmaine estoient naturels de vingt quatre heures. Icelle est encor diuisee en deux especes, dont l'vne est continuelle, l'autre annuelle. La sepmaine sacree cōtinuelle cōtenoit six iours, dont le septieme estoit le sabath legal, apres lequel elle recommençoit continuellement sans cesser, tāt que la loy a duré. Icelle fut instituee en l'an du monde deux mille quatre cens septante huiet, qui est l'an auquel la loy fut donnee. Et fut celebree ceste sepmaine premieremēt au desert de Sin, alors que Dieu donna le man au peuple Israélite: & commença le premier iour d'icelle au seizieme iour du secōd mois, selon l'institution de l'an sacré. Et est à noter, que c'est le sabath que S. Luc appelle *Ἀντιόπηρον*, c'est à dire, *second premier*. Car il estoit secōd & premier ensemble. Il estoit (di-ie) secōd, au respect du repos duquel Dieu f'estoit reposé apres la creatiō: & premier au regard de l'Eglise, qui n'en auoit pas celebré de precedent. Ce sabath icy escheut en ceste année là, trente & vn iour apres la Pasque. Car la Pasque fut celebree le quatorzieme du premier mois de l'an sacré, qui estoit l'an Lunaire, & les mois aussi Lunaires, desquels le premier estoit de vingt neuf iours. Ainsi le premier iour de la sepmaine, arriuant le seizieme du mois secōd, qui estoit subsequēt, arriuoit vn mois & deux iours apres la Pasque, qui est trēte & vn iour apres icelle. Ce qui donne assez à cognoistre que ce sabath *second premier*, estoit constitué entre la Pasque & la Pentecoste, au droit temps des moissons,

d'où viét que nous lisons, que les *Apostres arrachioient des espics en un sabath* second premier. En iceluy donc estoit celebree la premiere institution du sabath prescript en l'Eglise. Ceste sepmaine, depuis qu'elle a esté celebree au desert de Sin, a tousiours continué dessous la loy de Moysse tout le tēps de ladite loy, & encor entre les obseruateurs de la loy externe de Moysse, l'observatiō externe d'icelle sepmaine dure, lisans par chacun sabath le volume de ladite loy. Or fut elle ordonnée de Dieu, à fin que le peuple ayāt trauaillé six iours à ses negoces particulieres, vint au septieme à se reposer de ses œuvres manuelles & externes, pour mediter en la loy du Seigneur. Et pour leur doner courage de ce faire, leur monstre que ce faisant ils sont imitateurs de luy: car il les enseigne & commande d'observer son repos à son imitation, apres auoir trauaillé six iours à son exemple. Or le trauail que les enfans d'Israël faisoiet au desert, estoit de recueillir chacun iour ouurier vn Omer de man pour māger, & l'apprester, qui estoit la portion pour chacun, chacun iour, & n'estoit loisible d'en amasser plus que pour sa prouisiō, aussi ne seruoit il de rien d'en recueillir d'auātage, car le surplus se pourrissoit, sinon la prouision qu'on amassoit & aprestoit au sixieme iour, pour le sabath le lendemain, auquel il n'estoit loisible d'en recueillir ny apprester: iceluy donc qu'on auoit préparé la veille du sabath, se cōseruoit pour le lendemain, cōme aussi celuy qui fut gardé dans vne phiole, pour memorial aux enfans d'Israel. Telle fut l'institution de la sepmaine sacree

continue au desert de Sin, entre Elim & Sinay, où fut donnée la loy. La sepmaine annuelle, estoit la sepmaine de la Pentecoste, laquelle reuenoit vne fois tous les ans, & n'estoit continuele comme l'autre, laquelle aussi estoit simple, ne contenant que sept iours: & ceste cy estoit multipliee, en comprenant sept fois

Deut. 16.10

sept, contenant autant de sepmaines comme la continuele auoit de iours simples; dont à bon droit est elle appelée *la solemnité des sepmaines ou sabaths*: car aussi elle semble estre vne sepmaine de sepmaines, & vn sabath de sabaths. Elle donc embrassoit sept sepmaines, qui sont quarante neuf iours, & se fouloit celebrer au iour cinquantieme, d'où vient qu'elle a obtenu le nom de Pentecoste, de πεντήκωτα, qui signifie cinquante, &

Leuit. 23.15

Pentecoste *cinquantieme*. Et est à noter, qu'en la sepmaine d'après Pasque, au premier iour de la sepmaine, il estoit commandé de presenter vn Omer des premisses au sacrificeur, lequel en faisoit oblation à Dieu, & n'estoit loisible d'écarter les nouveaux fructs pour les appliquer à son usage, deuant ceste eleuation, mais des lors on commençoit à moissonner, & continuoît on par l'espace de sept sepmaines, que l'on contoît dès le iour des premisses, qui estoit le iour premier de la sepmaine d'après Pasque, c'est à dire, le lendemain du sabath de la sepmaine de Pasque, depuis lequel on contoît & laissoit couler sept sepmaines, qui sont quarante neuf iours, iusques au lendemain du septieme sabath, qui estoit le cinquantieme iour, & le iour de la celebration de la Pentecoste, après que l'on auoit acheué

de

de moissonner, pour rendre graces à Dieu du reuenu qu'il auoit donné en ceste annee là. Ainsi en faisoient ils par chacun an. Telle donc estoit l'institution de la sepmaine sacree, tant continuelle, qu'annuelle. La sepmaine ciuile estoit celle, dont le sabbath estoit institué pour les ciuiles negociations. Les iours d'icelle n'estoient pas iours historiques, ains elle vsurpoit les iours prophetiques de la premiere espee: car les iours de ceste sepmaine estoient autant d'annees, veu que ces sepmaines n'estoient pas sepmaines de iours, mais sepmaines d'ans. Or y en auoit il de deux manieres: l'une estoit simple, l'autre multipliee. La sepmaine ciuile simple cōtenoit sept ans, dont les six estoient destinees au labourage de la terre, pour semer, cultiuer la terre, recueillir les fruiets, prester, vendre, engager, exiger debtes, acheter seruiteurs & seruantes, & se mettre en seruage: mais la septieme annee estoit destinee au repos de la terre, en laquelle il n'estoit licite de labourer, semer, ny moissonner, & pour ceste cause ceste annee estoit appelée, *Annee du sabbath ou repos de la terre*. Item elle estoit instituee pour le relasche & intermission des debtes, car en ceste annee là il y auoit trefues pour les debiteurs, veu qu'il n'estoit licite aux creditiers de leur rien demander de leurs debtes, ny pour les interets de ceste annee là, ny pour la fouche & sort principal durant ladite annee: & estoit appelé pour ceste raison, *An de remission, intermission, ou relasche*. Il estoit aussi destiné pour la liberte des seruiteurs & seruantes Hebreux & Hebreuës. Car il estoit

permis aux Israélites mesmes d'acheter des seruiteurs & seruantes d'entre les Hebrieux, mais il ne leur estoit permis de les traiter rudement, ny de les retenir outre leur gré, deslors que l'an de liberté arriuoit, ains alors il estoit cōcedé & publié liberté à vn chacun serf Hebrieu, & seruante Hebrieuë: iceux toutesfois pouuoïent, refusans leur liberté de leur propre mouuemēt & gré, prolonger le terme de leur seruitude iusques à l'an du Iubilé, auquel cas leurs maistres leur perçoient l'aureille à la porte de la ville, en la presence des anciēs, & deslors ils ne se pouuoient retirer de la seruitude où ils estoient, iusques à l'an du Iubilé. Au surplus, il est à noter, que comme il n'y auoit qu'une sepmaine sacree continuelle, le sabath de laquelle seruoit de iour de repos generalemēt pour chacune œuure, aussi le sabath de la terre seruoit generalement tant pour le repos de la terre, que pour le relasche des debiteurs, & pour la liberté des serfs Hebrieux. D'auantage il n'estoit loisible de transferer cest an à vn autre, d'autant que la constitution d'iceluy ne dépendoit pas des hommes, mais de Dieu, qui l'auoit cōstitué au septieme an apres que les enfans d'Israël seroient entrez en la terre de Chanaan. Or le premier sabath estāt posé, tous les autres estoient entenduz deuoir continuer sur iceluy. Si quelcun donc auoit presté son argent à vsure ou interest au commencement de ceste sepmaine ciuile, il en pouuoit receuoir l'interest durant les six ans d'icelle, mais le septieme arriuant, il ne luy estoit licite d'en prendre interest. Pareillemēt si l'eust baillé son argent

à interest en l'an troisieme de ceste sepmaine, il luy estoit loisible de prendre ses interests iusqu'au septieme, mais en l'an septieme il ne pouuoit pretendre aucun interest, car c'estoit l'an de remission ou relasche. Et n'est besoin d'alleguer, que ce n'estoit pas l'an septieme de la debte faite, & qu'il estoit permis d'exiger l'interest six ans durant. Car ces six ans sont entenduz cōmencer avec la sepmaine, laquelle ne peut estre transferee, ny le sabath d'icelle transmué. Ainsi il n'est pas necessaire que l'an de relasche, soit l'an septieme du prest particulierement fait, ains suffit que ce soit l'an septieme estably en la loy. Semblablement si quelcun auoit loué vn seruiteur Hebrieu au commencement de la sepmaine, il luy seruoit iusques au septieme, mais au septieme le serf estoit en option de sortir libre. Et encor qu'il eust esté achepté au troisieme ou quatrieme an de la sepmaine, neantmoins l'an septieme de la sepmaine (qui estoit l'an de liberté) arriuant, le mesme priuilege luy estoit concedé, ores que ce ne fust que la troisieme ou quatrieme annce de sa seruitude. Car le temps du contract particulier ne pouuoit transferer le priuilege d'une loy non seulement generale, mais Diuine, & comme telle inuiolable par les hommes. Or d'autant que quelquefois le maistre gratifioit le seruiteur, & luy donnoit vne femme, qui luy enfantoit des fils & filles, si aduenoit qu'en l'an septieme le seruiteur se ressentant de la liberté de son maistre, vint à dire, l'ayme mon maistre, ma femme & mes enfans, & preferast leur amitié à la liberté, & refusast d'vser du

priuilege qui luy estoit apporté par la publication de
 la liberté en la septieme annee: alors le maistré luy per-
 çant l'aureille en la presence des anciës à la porte de la
 ville, le retenoit en sa puissance iusques à l'an *seculaire*,
 qui estoit l'an du Iubilé, tellement que le seruiteur au-
 reille percé, n'estoit plus en option d'vser du priuilege
 apporté en chacun an de liberté, mais falloit qu'il at-
 tendist iusqu'au septieme an de liberté, qui estoit l'an
 susdit du Iubilé. Et ce Iubilé estoit la sepmaine multi-
 pliee, qui estoit la seconde maniere de la sepmaine ci-
 uile. Ceste sepmaine multipliee du Iubilé, cōprenoit
 sept autres sepmaines simples ciuiles, c'est à dire sept
 sepmaines d'ans, ny plus ny moins que la sepmaine sa-
 creee annuelle de la Pentecoste, comprenoit sept sep-
 maines continuelles de iours. On contoit donc sept
 sabaths d'annees, & le septieme sabath estoit l'an du
 Iubilé. Et comme ainsi soit que sept sepmaines d'ans
 facent quaranteneuf ans, le septieme sabath estoit l'an
 quaranteneufieme: tellement que depuis vn Iubilé
 iusqu'à l'autre, il y auoit tousiours quaranteneuf ans,
 qui estoit le temps de sept sepmaines d'ans, ou de sept
 sabaths, lesquels quaranteneuf ans estoient compris
 inclusiuement entre lesdits Iubilez. Il est toutesfois à
 noter, que l'un Iubilé estoit au regard de l'autre l'an
 cinquantieme, à ce compris les deux ans extremes du
 Iubilé precedent & du subsequēt. Et suiuant cela aussi
 l'escriture appelle le Iubilé, *la cinquantieme annee*. Mais
 si l'on separe l'an du precedent Iubilé, comme appar-
 tenant à vne autre sepmaine, l'on trouuera aisément

que la sepmaine du Iubilé subléquent ne comptent que quaranteneuf ans. A ceste cause aussi la loy commande de publier l'an du Iubilé & l'an cinquantieme, en l'an du septieme sabath, disant, *Et conteras sept sabbaths d'annees, c'est à sçauoir sept fois sept ans, & te feront les iours de sept sabbaths d'annees, quaranteneuf ans*: Puis ayant enseigné de comter quaranteneuf ans par sept sabbaths, il monstre que l'an du septieme sabath, est l'an de la publication du Iubilé, lequel il appelle an cinquantieme, en la maniere cy dessus expliquée, ores que ce soit la quarateneufieme apres l'an expiré du precedent Iubilé. Il dit donc conséquemment apres auoir dit, *Et te feront les iours de sept sabbaths d'annees, quaranteneuf ans, Lors (dit il) feras passer la trompette de iubilation au mois septieme, au dixieme iour du mois, au iour de reconciliation: Vous ferez passer la trompette par toute vostre terre, & sanctifierez l'an cinquantieme*. Là où nous voyôs que ceste trompette de iubilation, qui passoit pour publier l'an du Iubilé, passoit au mois septieme du septieme sabath d'annees. Dont il ensuit, que ce que le Iubilé est appelé an cinquantieme, est au regard du precedent Iubilé, comme l'on pourroit dire, que depuis l'un sabath à l'autre il y a huit iours, en y cōprenât les deux iours du sabath, mais si on en oste le iour du precedent, appartenât à une autre sepmaine, on n'y trouuera que sept iours en chacune sepmaine. Ainsi les Grecs appelloient leurs Olympiades, *penteteries*, qui est autant comme qui diroit en François, quintales ou quinquēnales, cōme si elles cōprenoient cinq ans, ores

qu'elles n'en contiussent que quatre chacune : mais la cause de ceste appellation estoit, parce qu'il y auoit cinq ans depuis vne Olympiade iusques à l'autre, en y comprenant les ans extremes des deux Olympiades : mais en rabattant l'an de l'une d'icelles, qui menoit son train à part, il ne restoit que quatre ans pour chacune d'icelles. Le mesme en est il des lustres Latins, que l'on definit ordinairement estre l'espace de cinq ans, là où il n'y en a que quatre inclusifs, ny plus ny moins que aux Olympiades. Par ce que dessus a esté dit, il est aisé à cognoistre combien est grand l'erreur, nō seulement d'Eusebe Croniqueur, mais aussi des Chronographes Hebreux, qui ont escrit סדר עולם רבא (*Seder olam raba*) c'est à dire, leur grāde Chronologie, veu qu'ils cōtent cinquāte ans pour chacun Iubilé à par soy, là où il n'y en a que 49. & ce souz ombre que Moyle dit, *Et sanctifierez l'an cinquantieme*. Ce qui est de mesme cōme qui cōteroit sept sepmaines les multipliant par huiët iours, souz ombre que de l'un Dimanche iusqu'à l'autre il y a huiët iours, en la mesme sorte qu'il y a cinquāte ans au Iubilé. Or par ce moyen en sept sepmaines il trouueroit cinquāte six ans, là où il n'y en a que quaranteneuf. C'est aussi le mesme comme qui multiplieroit dix Olympiades par cinq ans, pource qu'en chacune Olympiade en la maniere q̄ dessus, il y a cinq ans, & pour ceste raison sont appellees *penterides ou quinquennales*, & par ce moyen, de dix Olympiades il en prouiendroient cinquante ans, là où il n'y en a que quarante. D'auantage, si on attribue cinquante ans à

chacun Iubilé à par soy, vn Iubilé ayant esté au septieme sabath, suiuant ce que le Seigneur en a ordonné, l'autre suiuant ne pourroit estre quarāteneuf ans apres, ains cinquāte apres le precedēt, & toutesfois le septieme sabath ne laisseroit d'arriuer en l'an quarāteneufieme. Dont il aduiédroit que le Iubilé qui arriueroit en l'an cinquātieme, arriueroit hors du septieme sabath, & l'autre Iubilé encores arriueroit au milieu de la semaine des ans, & s'en suiuroit encore, qu'ē vne mesme semaine il y auroit deux sabaths: l'vn qui seroit le sabath ordinaire, & l'autre du Iubilé, auquel aussi il estoit deffendu de semer & moissonner, comme aux autres sabaths. Parquoy il est certain, que le Iubilé n'a que quarāteneuf ans, & ceux là errēt qui luy en attribuent inclusiuement cinquante. Or en l'an du Iubilé la liberté qu'il apportoit estoit si pleine, que les serfs Hebreux aureille-percez, nonobstant ce qu'ils auoient mesprisé la liberté de la septieme annee, ne pouuans par ce moyē obtenir liberté en vn simple an de liberté & sabath, l'obtenoient neantmoins en l'an du Iubilé, & en iceluy sortoient libres de dessous la main de leur maistre. Et est à noter, que si quelque serf Hebreu engendroir des enfans en la maison de son maistre, ils estoient acquis au maistre de ce serf, & ne pouuoient sortir de dessous sa main pour vn simple an de liberté, mais l'an du Iubilé arriuant, ils sortoient par le benefice & priuilege du Iubilé. D'auātage, si quelcun auoit vendu chāp, ou vigne, ou autre heritage & possession immeuble, qu'il n'eust peu racheter deuant le

Iubilé, neantmoins en l'an du Iubilé il estoit remis & restitué en l'entiere possession d'iceux. Il est toutefois à noter, que les maisons dans les villes murees, estoient réputées pour meubles, & pouuoient estre vendues à perpetuité, sans que l'on en peust pretendre rachapt en l'an du Iubilé, mais celles qui estoient aux chāps ou aux villages, & bourgs qui n'estoient point enclos de murailles, estoient réputées comme les possessions immeubles, & ne pouuoient estre vendues à perpetuité, ains en l'an du Iubilé le venditeur estoit reintegré en la possession de ces maisons comme des autres heritages consistans en champs, vignes & prez. Toutesfois les Leuites auoient vn priuilege special touchant la vèdition des maisons situées és villes murees, car elles estoient par eux rachetables, d'autant qu'elles leur estoient imputees pour possession immeuble & heritage, ne leur estant loisible de posseder heritage entre les lignees d'Israël autre que de maisons, aux villes & fauxbourgs, pour se retirer eux & leur bestail. Voila donc la fin de l'institution de la sepmaine legale, & en somme la conclusion de la sepmaine Moysaque & legale. Quant à la sepmaine Euangelique & Apostolique, c'est celle de laquelle les Apostres ont obserué le sabath, l'assemblé de nuit le premier iour d'entre deux sabaths, qu'ils appelloient *ἡμέρα ἡ πρώτη τοῦ σαββάτου*, c'est à dire, l'un ou le premier (iour) des sabaths : & a esté depuis appelé *Dimanche*, qui est autant à dire comme *sabath du Seigneur*. En iceluy l'observation ceremoniale & estroite de l'ancien sabath n'est plus maintenue,

en laquelle il n'estoit pas mesme loisible d'allumer le feu dessous son pot, mais il demeure encor, pour denoter la sanctification spirituelle, & pour vaquer au service diuin. Au demeurant, les Apostres ont transferé le sabath *au premier d'entre deux sabaths*, qui est le Dimâche, qui s'observe auiourd'huy entre les Chrestiens, transferans iceluy sabath du iour au lendemain: Premièrement, parce que la persecution des Iuifs qui les gardoit de s'assembler le iour du sabath, les contraignoit de laisser couler toute la iournee du sabath, pour s'assembler le soir. lequel soir ores qu'il arriuaft le iour du sabath, estoit neâtmoins conté du lendemain, selon la sacree vsurpation du iour, *en laquelle le soir precede le matin*: ainsi donc le soir du sabath estant imputé au lendemain, les assemblees qui se faisoient ce soir là, auxquelles quelquesfois ils persistoient bien auât iusques au lendemain, estoient attribuees au premier d'entre deux sabaths, qui est auiourd'huy appelé Dimanche. En second lieu aussi, *nostre Seigneur estant ressuscité le Dimanche*, on a transferé le sabath legal, qui estoit institué pour commemoration du sabath de la creation, au iour de sa resurrection, pour estre figure du grand sabath de la cōseruation: auquel sabath le monde finira, & Dieu se reposera de la conseruation de ses œuures. Or tout ainsi que Iesus Christ est ressuscité au sabath Euangelique, qui est la figure du grand sabath de la conseruation: ainsi aussi le grād sabath de la conseruation, est celuy auquel arriuera la grande & generale resurrection des morts: tellement que tout ainsi

que la resurrection du Seigneur, est arriuee en vn iour de sabath Euangelique: aussi la resurrection generale arriuera à vn iour de sabath de la conseruation, figuré par le sabath Euangelique, comme il sera aisé de voir par le progres du second liure de ceste Chronologie. Maintenant donc ayant exposé la sepmaine Ecclesiastique, il reste d'expliquer l'estrangere. Icele a esté par les Philosophes attribuee aux sept planetes, & luy en ont donné leurs noms, les assignant chacune à chacun iour. Dont encore au iourd'huy, le iour qui est le premier en la sepmaine Euangelique, est dit Lundy, à cause de la Lune: le secōd Mardy, à cause de Mars: le troisieme Mercredy, à cause de Mercure: le quatrieme, Ieudy, à cause de Iupiter: le cinquieme est attribué à Venus, & d'icelle a pris le nom de Vendredy: le sixieme est appellé Samedy, & de quelques vns Saterdy, à cause de Saturne: finalement le Dimanche, qui est le septieme, est assigné au Soleil. Ils estiment aussi, que chacune des planetes a domination sur le iour duquel elle porte le nom, & que chacune planete aussi regne sur chacune heure du iour, & que la planete qui domine à son tour, commence la iournee. Et est leur faict si bien fondé, que les vns cōmencent le iour à minuiet, & attribuent la premiere heure apres minuiet à la planete dominante: autres commencent le iour à soleil leuant, & attribuent la domination de la planete de ce iour, à l'heure en laquelle le soleil se leue: & là dessus fondent de beaux heroscopes, qui respondent aussi bien en vne façon comme en l'autre, tant leur accord

est harmonieux. Il est aisé à voir que ce sont toiles d'araignees, & que ceux qui ont pris le loisir de les ourdir, estoient bien embesoignez à trouuer vn crible ou tamis pour passer le temps, Or ie suis d'auis de les laisser là, sans mener trop de bruit, de peur de les esueiller & interrompre leurs songes & resueries: & cependant ne reietter les noms, puis que l'usage les a receus: & par ce moyen conclurre nostre exposition de la sepmaine, tant Diuine qu'Humaine, Ecclesiastique, qu'Estrangere.

Du Mois.

CHAP. V.

LE Mois, est la douzieme partie de l'an. Iceluy peut estre diuisé en mois Solaire, & mois Lunaire. Le mois Solaire, est celuy qui est constitué selon le cours du Soleil: Le mois Lunaire, est celuy qui est constitué selon le cours de la Lune: D'auantage, le mois tant Solaire que Lunaire, est diuisé en mois Naturel, & substitué. Le mois Naturel, est celuy qui vient naturellement: Et y en a de deux sortes: l'un vient selon le cours du Soleil, l'autre selon le cours de la Lune. Le mois substitué, est excogité à l'exemple du mois naturel, & constitué pour le secóder, esuiure, & imiter. Le mois substitué est Ecclesiastique, ou Estráger. Le mois Ecclesiastiq, est celuy qui a esté iadis maintenu & obserué en l'Eglise Israelitique. Et y en auoit de deux sortes: l'un estoit Prophetique, & l'autre Legal: le Prophetique, qui est descript par Moysé & les Prophetes,

estoit substitué au mois Solaire: le Legal estoit substitué au mois Lunaire, & estoit constitué pour les solénitez du Sanctuaire qui s'obseruoient au Tabernacle. Des estrangers aussi, les vns estoient substituez au mois Solaire, comme les mois Iuliens, & Egyptiens: les autres, au mois Lunaire, comme les mois des Atheniens. D'avantage nous auons à diuiser les mois, en ordinaires, qui sont les douze mois de l'an: & extraordinaires, qui estoient les mois embolismiques, qui arriuoient particulièrement & extraordinairement en certaines années.

Nous auons dit cy dessus, que le mois estoit la douzième partie de l'an. Pour l'intelligence de laquelle chose, il couient noter, que les mois Lunaires ne sont pas la douzième partie de l'an Solaire, & pareillement les mois Solaires substituez, ne sont pas la douzième partie de l'an naturel Solaire: mais les mois naturels Solaires, sont la douzième partie de l'an naturel Solaire, & les mois naturels Lunaires, sont la douzième partie de l'an naturel Lunaire: & les mois substituez Solaires, sont la douzième partie de leurs ans, en la même qualité substituez Solaires, c'est à sçauoir, les mois Ecclesiastiques Solaires, sont la douzième partie des ans Ecclesiastiques Solaires, & les mois Ecclesiastiques Lunaires, des ans Ecclesiastiques Lunaires: & ainsi les mois estrangers se rapportent à leurs ans, comme la douzième partie d'eux. Toutesfois il est à noter, qu'il n'y a que les mois naturels qui mesurent & diuisent également & exactement leurs ans: Car iceux estant multipliez par douze, egalisent leurs ans. Et d'a-

uantage est à noter, que tant l'an Lunaire, que tous les autres substituez, different de l'an Solaire-naturel. Et l'an Solaire naturel est, par maniere de dire, cōme l'an Royal, & tous les autres, sont cōme ses courtisans, lesquels taschās à le courtoiser, ensuiure, & imiter, s'efforcent à cōpasser leurs pas & alleure, pour s'accommoder à la démarche du cours royal du Soleil: & ne pouuans à cause de leurs cours diuers, il est necessaire qu'il y ait au bout de l'an quelques heures ou iours de surcroist, desquels le cours du Soleil, & an naturel d'iceluy, surpasse toutes les autres especes d'ans. Ces heures & iours de surcroist, estoient appelez par les Grecs, *ἡμέρας ὑπερεκαινοῦσαι*, c'est à dire *iours suruenās*, ou biē, *ἐπαύται*, c'est à dire, *acconduicts*, ou *epactes*. Desquels l'vsage est diuers: car les heures par succes d'ānees accroissoiēt en iours, & les iours en mois. Et les vns entrelaçoient en l'an ces iours suruenās, sans attēdre qu'on les peust cōuertir en mois: & ceste interiection de iours, estoit appelee *Intercalation*: & ces iours interposez, estoient dits estre intercallez, & par ce moyen estoient appelez *Intercalaires*, & les ans ausquels se faisoiēt telles intercalations, estoient nommez ans de Bisetre, ou Bisexte. Et ces intercalations estoient propres à l'an Iulien, & aux ans des Egyptiens, & semblables. Mais quant aux interiections des mois, icelles estoiet appelees par les Grecs *embolismes*, & les mois interiectez, mois *embolismiques*: lesquels embolismes estoiet propres aux ans des Grecs & Hebrieux. Mais les Rabins Hebrieux appelloiēt l'ā ordinaire, auquel il n'y auoit

point d'embolisme, *חנה פחותה* (*chana pechuta*) c'est à dire, *an desnue*, d'autant qu'il sembloit estre desnue de ses iours epactes & suruenans, que l'on reseruoit pour l'an embolismique, qu'ils appellent *חנה מעוברת* (*chana menubereth*) c'est à dire, *transitif ou passager*, ou bien *oultrepassant*, d'autant qu'iceluy oultrepassoit le mois de l'embolisme. Nous ne laisseros pas pourtant quelquesfois de l'appeller *an embolismique*, & l'an desnue, *an ordinaire*.

Au reste, les Philosophes ont diuisé le ciel, & specialement le cercle planetaire en douze parties, chacune desquelles ils ont attribuee à vn animal, dont mesme ils ont donné audit cercle le nom de Zodiaque ou animalier: & ont appellé ces parties là où estoient constituez ces animaux *Signes ou Astres*, & les Latins *Sydera*: & ont attribué chacun desdits animaux, c'est à sçauoir, la douzieme partie du cercle animalier, à vn chacun des mois naturels Solaires. Mais les Prophetes Hebreux, ayans diuisé le ciel en douze parties, ont attribué chacune d'icelles à vn des douze Patriarches, & vn chacun des douze mois de l'an à chacune des lignees d'Israël. Et cōparás l'Eglise Israelitique au ciel, & luy attribuás en plusieurs lieux le nom de Ciel, ont cōparé Iacob au Soleil, son épouse à la Lune, ses douze enfãs aux douze *Astres*, & toute la semēce d'Abrahā aux estoilles innōbrables des cieux. De là vient que Dauid & Salomō prennent douze hommes des douze lignees d'Israel selon les douze mois de l'an, particularisans chacune des lignees d'Israël à chacun des mois de l'an. Pour ceste raison aussi, l'Apo-

Apoc. 4.1.
Gen. 37.9.

I. Chron. 27.
I. Rois 4.7.

Apoc. 12.1.

calypse nous represente l'Eglise, cōme une femme, enuiron-
 nee du Soleil, ayant la Lune sous ses pieds, & une couron-
 ne de douze estoiles: laquelle femme est l'Eglise, laquelle
 est enuironnee comme d'un Soleil, de Iesus Christ,
 qui est la lumiere du monde, & la vraye lumiere illumināt Iean 1. 9.
 tout homme venant au monde: & la Lune qu'elle a sous
 ses pieds, c'est l'alliance, sur laquelle elle est fondee: Et
 la couronne ou cercle de douze estoiles, est la parole
 de ceste alliance, portee par les Apostres & Prophe-
 tes descendus des douze lignees d'Israël, lesquels aussi
 sont assemblez douze à douze, selon le nombre des
 astres, ou signes ausquels ils doiuent estre referez, c'est
 à dire, selon le nombre des Patriarches, & lignees des-
 quelles ils sont descendus, lesquelles sont comparees
 à douze astres. Ceste parole donc, est mise comme la
 couronne de l'Eglise, d'autant que c'est aussi l'orne-
 ment d'icelle. Or toutes ces choses peuuēt assez estre
 prouuees par les passages prealleguez, s'expliquās l'un
 l'autre: veu que Iacob est Israël, lequel est appelé le
 fils aîné de Dieu, bien qu'il ne soit pas le fils aîné, mais Exod. 4. 22.
 bien la figure d'iceluy, à sçauoir de Christ. Mais ces
 choses sont dites par allegorie, estans ombre des choses qui Heb. 10. 1.
 estoient futures en Christ. Iacob donc estât comparé au
 Soleil, estoit ombre du vray Soleil de iustice Iesus
 Christ. Et l'espouse de Iacob, qui est dite estre la Lu-
 ne, estoit la figure de la femme espouse de l'Agneau, qui Apo. 21. 9.
 est interpretee par saint Paul, l'Alliance: laquelle est mi-
 se sous les pieds de la femme, pour monltrer que l'Al-
 liance est le vray fondement de l'Eglise. Finalement G. l. 4. 24.

Apoc. 12. 1.

les douze Patriarches, qui estoient ceux en qui l'espouse de Jacob estoit edifiée, estoient la figure des douze Apostres & douze Prophetes, qui sont ceux aussi en qui *la femme espouse de l'Agneau*, c'est à sçauoir l'Alliance, est edifiée. Par cecy donc nous voyons, qu'au ciel de l'Eglise il y a vne couronne, ou cercle de douze estoiles ou Astres, qui se rapportent aux mois de l'an, lesquels sont aussi douze, suiuant ce qui a esté dit cy dessus, & suiuant ce qui est dit aussi en l'Apocalypse, *de l'arbre de vie, qui est au paradis de Dieu, en sa Ierusalem celeste, qui porte douze fruiçts, pour les douze mois de l'an.* Et toutesfois alors q̃ le mois embolismique escheoit, il y auoit treize mois en l'an. Sur quoy on pourroit demander, pourquoy c'est que l'Escripture n'en met que douze. A cela ie respon, que lors que les mois embolismiques aduenoient, on les interiectoit, non pas comme mois extraordinaires, mais en insister sur l'un des mois ordinaires, tellement que ce mois là estoit reperé deux fois, & insistoit on sus vn mesme mois, tāt qu'iceluy & l'embolismique fussent passez : ce qui fait qu'on n'en trouue que douze, & qu'on n'en conte pas d'auantage.

Si quelcun demande, en quel temps commençoient les mois, c'est autant comme fil demandoit, en quel temps commençoient les ans. Il est donc à sçauoir, que les ans enuers diuerses natiōs, ont eu diuers commencemens. Toutesfois quelque diuersité qu'il y ait eu, tousiours tous les diuers commencemens des ans, de toutes les nations dont est pour le iourd'huy me-
moire

moire par les liures, ont esté environ les quatre saisons de l'an, & ont esté redigez: ou sous deux equinoxes, comme les mois Ecclesiastiques: ou sous les deux solstices, comme les Grecs & Romains. Les mois de la supputation Ecclesiastique sacree, commēçoient environ l'equinoxe Vernal, c'est à dire du Printēps: mais les mois de l'institution civile commēçoient environ l'equinoxe Automnal. Or pour monstrier que les mois de la supputation sacree commēçoient à l'equinoxe Vernal: il est à noter que les années & moissons sont fort auancees en ce pays là, au respect de noz climats, qui sont de beaucoup plus Septentrionaux que ceux de la Iudee. D'où viēt que dés le temps de l'equinoxe Vernal, qui est enuiron le mois de Mars, ils cōmēcent à recueillir des nouueaux fruićts, & de là en auāt continuent à moissonner & recueillir leurs bleds. En ce temps aussi est constitué le mois qu'ils appellent *Abib*, à cause des nouueaux fruićts, ou à cause des espics nouueaux: Car *אביב* (*Abib*) signifie les espics estās encor sur leur chalumeau, ou les fruićts nouueaux. En ce mois est constituee la Pasque, au quatorzieme du mois: auquel temps les enfans d'Israēl partirēt d'Egypte, & celebrerēt la Pasque tout en vne mesme nuit. Pour laquelle raison Dieu ordonna, que ce mois là fust le chef & commencement des mois de l'an sacré, & cōmanda que deslors on cōmēçast à conter les temps des solēnitez du Sanctuaire. En iceluy mois les enfans d'Israēl entrerēt en la terre de Chanaan, & est remarqué, qu'alors le Jourdain remplissoit tous ses limites & bords, comme il a ac-

CHRONOLOGIE

coustumé faire en chacun an au temps des moissons. Est aussi remarquable, que quand les enfans d'Israël eurent passé le Iordain, & se furēt circoncis, & eurent célébré la Pasque en Galgal, ayās passé le Iordain pour aller en Iericho en Chanaan, *le lendemain de la Pasque ils commencerent à manger des espics nouveaux rostis, &*

Ios. 5. 11.

Leuit. 23. 14

des fruiçts de la terre, dont la Manne cessa. Or ne pouuoient ils entamer les nouveaux fruiçts, qu'ils n'eussent premierement offert les premices de la sepmaine

Leuit. 23. 11.

annuelle de la Pentecoste, lesquels fruiçts s'offroient annuellement au lendemain d'un sabbath : dont ie cōclu, que la Pasque auoit esté celebrée en vn iour de sabbath en ceste année là. Au surplus, au mesme mois, plusieurs chefs d'armee d'entre les Gadites, allerent au secours de Dauid en Siclag, là où il estoit fugitif de deuant

1. Chron. 12.

15.

Saül, car il est remarqué qu'ils passerent le Iordain au premier mois, alors qu'il remplit tous ses riuages. Ce mois donques escheoit enuiron l'equinoxe vernal : ce qui plus amplement apparoiſtra par la collation du commencement du mois ciuil. Les mois ciuils commen-

çoient enuiron l'equinoxe Automnal, au septieme mois de l'an sacré. Car en iceluy mois septieme estoit colloquée la feste des Tabernacles, de laquelle Dieu

Exod. 23. 16.

dit qu'elle s'obseruast à l'issue de l'an, c'est à sçauoir à l'issue de l'an ciuil. Dont nous sommes instruits, que le commencement & issue de l'an ciuil, estoit au septieme mois de l'an sacré. Parquoy si le premier mois sacré estoit en Mars, le premier mois ciuil estoit en Septembre. Et si le premier mois sacré estoit en l'equi-

noxe Vernal ou du printemps, le premier mois civil estoit en l'equinoxe Automnal. Or cōme le premier mois sacré, est remarqué estre au temps des moissons, aussi le premier mois civil est remarqué estre apres les vendāges, veu que la feste des Tabernacles, qui estoit celebrée à l'issue de l'an civil, est neantmoins designee apres la cueillette de l'aire & du pressoir. Dont l'an Legal *Deus. 16.13.* estant ainsi coarcté, d'un costé par les moissons, & de l'autre des vendāges, ne pouuoit estre retardé ny auancé, ny aucunemēt distrait des propres saisons auxquelles il auoit esté cōstitué, ains estoit tousiours maintenu par ce moyen en mesme estat, ores que ceste institution fust selon l'observation de l'an Lunaire. Ce que ne pouuoient faire les Atheniens, iusqu'à tant qu'ils ont appris à reigler leur an selon l'observation de l'an Solaire. Or pour confirmation de ce que dessus, Iosephe historien, & sacrificateur Hebrieu tesmoigne, que *3. des antiq. chap. 10.* la Pasque auoit accoustumé d'estre celebrée le Soleil estant en Aries, qui est enuiron l'equinoxe Vernal. Ce qui monstre que l'annee est fort auancee en ces climats de Iudee. Et cela s'accorde aussi à ce qu'escrie Plin *Plin. natur. hist. l. 18. cap. 18.* touchāt l'Egypte, voisine de la Iudee, qu'on y a ordinairement recueilly tous les bleds au mois de May, auquel tēps aussi arriuoit la Pentecoste en Iudee, apres la moisson des bleds. Telle estoit l'institution des mois Ecclesiastiques, commençans enuiron les Equinoxes. Quant aux estrangers, les Grecs & Romains auoient constitué leurs ans enuiron les deux solstices, comme nous auons dit cy dessus: à sçauoir les Grecs,

environ le solstice Estival de Cancer, & les Romains environ le solstice Hyuernal de Capricorne. Et quant aux autres nations, leurs commencemens d'annees se referent tous à l'une des saisons dessus mentionnees: Comme les Asiatiques, lesquels commençoient leur an environ l'equinoxe Automnal: & les Arabes & Macedoniens, qui commençoient leur an à l'equinoxe Vernal: & les Egyptiens, environ le solstice Estival, auquel temps commençoient les inondations du Nil. Ainsi le premier mois de la supputation sacree Ecclesiastique, estoit *Abib ou Nisan*, qui correspond au mois de Mars: & le premier mois de la supputation civile, qui estoit le septiesme, de la supputation sacree, estoit *Tizri, ou Ethanim*, qui correspond au mois de Septembre. Le premier mois aussi des Macedoniens, qui conuient avec le mois premier de la supputation sacree, & avec le mois de Mars, est nommé *Xantique*, comme Iosephe mesme le tesmoigne. Le premier mois des Egyptiens, qui eschet au solstice Estival, se nomme *Pauni*: & le premier mois des Atheniens, qui escheoit en mesme temps, se nommoit *Hecatombaon*. Mais le premier mois des Latins, qui souloit escheoir au solstice Hyuernal, est Ianuier. Or nous mettrons consequemment, pour exemple les mois Hebrieux, les accordans avec les Latins, pour soulager les lecteurs, à l'intelligence de beaucoup de passages de la Bible.

Icy est le lieu de la table des mois.

De la valeur des Mois. CHAP. VI.

Y ANS expliqué que c'est que des Mois, & leurs institutions & leurs noms, il reste d'interpréter leur durée en la mesme methode que dessus, commençans par les mois naturels, & premierement par le mois Solaire. Le mois Solaire naturel, cōprend trente iours, dix heures vingneuf minutes. Mais le mois naturel Lunaire contient vingtneuf iours, douze heures, quarante trois minutes, quatre secondes, cinquāte & vne troiziemes, trois quatriemes, & cinquāte cinquiemes. Quant à la supputatiō prophetique, elle est substituée à la supputation Solaire naturelle: & pource, c'est vne supputation Solaire. Mais la supputation Legale, estoit Lunaire, & substituée à la naturelle Lunaire. La supputation prophetique a esté constituée dès le cōmencement du monde. Icelle est appelée prophetique, parce qu'elle a esté descrite par les Prophetes anciens. Selon icelle, nous est faite la description du deluge, de laquelle description nous apprenōs, de combien de iours estoient les mois d'icelle supputation. Car Moyse telmoigne, que Noé entra en l'arche au second mois, & iour dixseptiesme d'iceluy, & que l'arche se reposa au septiesme mois, & iour pareillement dixseptiesme d'iceluy, qui fut iustemēt cinq mois apres le iour auquel il estoit entré en l'arche. Apres, Moyse recite, que dès le iour que Noé entra en l'arche, la pluye cheut par qua-

rante iours & autant de nuicts, dont les eaues se renforçans, preualeurent par cent cinquante iours, qui sont les cinq mois cy dessus exposez, durât lesquels l'eau soustint l'arche: Car elle est estimée auoir preuallu, tandis qu'elle eu pouuoir de soustenir l'arche, sans luy laisser prédre pied & repos. Or les cent cinquante iours estans distribués aux cinq mois dessus mentionnez, produisent trente iours pour chacun d'iceux. D'où nous concluons, que les mois de ceste supputation estoient de trente iours chacun. Tels sont les quarante deux mois de l'Apocalypse, qui font mille deux cens soixante iours. Mais quant à la supputatiō Legale, elle mesloit ses mois, faisant l'un de vingtneuf iours, & l'autre de trête: lequel côté reuenoit à vingtneuf iours & douze heures pour chacun mois. Mais pource que le mois naturel Lunaire, auquel cestuy-cy estoit substitué, contient pareillement vingtneuf iours douze heures, & par dessus encor, quarante trois minutes & cinq secondes: Ces minutes & secondes venans à se multiplier & accroistre, venoient avec le temps à remplir le iour: & lors il estoit necessaire que trois mois s'entresuiussent, tous trois de trente iours. D'auantage, ceste institution de l'an Legal & mois Legaux, suiuoit de si pres la Lunaire naturelle, que tousiours le commencement du mois attriuoit en la nouuelle Lune: parquoy la cognoissance de ceste supputation dépend entierement de la cognoissance de l'an naturel Lunaire: tellemēt qu'il n'est besoin que d'entendre icelle supputation naturelle, pour cognoistre ceste institution de l'an Legal substitué

Apoc. 13.
Apoc. 12.

ruée à icelle supputation naturelle. Au surplus, pour le regard des supputations estrangeres, la supputation Egyptienne attribuoit à chacun mois trente iours, & en la fin de l'an intercaloit cinq iours, & en l'an de bissexe six. Quant à la supputation Latine, elle a esté ordonnée par Iules Cesar, assisté d'un Mathematicien nommé Sosigenes, & à cause de Iules Cesar elle a esté appelée Iuliene. Elle assigne au mois de Feurier vingt huit iours, & en l'an de bissexe vingtneuf. Puis apres elle legue trête iours à quatre autres mois, Auril, Iuin, Septembre, & Nouëbre: & à tous les autres, elle leur en ordonne trente & vn. Pour le regard de la supputation des Atheniens, elle departoit à ses mois, à l'un vingtneuf iours, & à l'autre trente, & quelquefois continuoit de leur en donner trente à trois mois consecutifs. Tât y a que l'ignoration des minutes superabondantes par dessus les vingtneuf iours & douze heures en l'an naturel Solaire, faisoit que le commencement du mois enuers les Atheniens, se trouuoit ores à la nouvelle Lune, & ores à la pleine Lune: ce qui rendoit la supputation fort incommode.

De L'An.

C H A P. V I I.



A n'est vne mesure ordinaire du tēps, composée de douze mois. Iceluy en suit en tout & par tout les mesmes distinctions, desquelles les mois ont esté distinguez, lesquelles nous ensuiurōs aussi, diuisans l'an en Solaire & Lunaire, Naturel &

C H R O N O L O G I E

Substitué, Ecclesiastique & Estranger. L'an Naturel, est composé, de mois naturels, à sçauoir l'an Solaire naturel, de naturels mois Solaires, & l'an naturel Lunaire, de mois naturels Lunaires, & ainsi des autres. D'auantage nous diuiférons les ans en ans ordinaires, que les Hebreux appellēt *desnuez*, & ans extraordinaires: & les extraordinaires, que les Hebreux appellent *ou-trepassans* ou *transiifs*, nous les diuiférons en ans embolismiques, & ans intercalaires. Les ans embolismiques, seront ceux ausquels se fait embolisme, c'est à dire, interiection ou insinuation d'un mois entier: & les ans intercalaires, seront ceux ausquels se fait tant seulement insinuation de quelques iours, & non d'un mois entier. Comme ainsi soit donques, que le mois Solaire naturel s'attribue trēte iours, dix heures, vingt-neuf minutes, l'an naturel Solaire qui est composé de douze tels mois, comprendra trois cens soixante cinq iours, cinq heures, quarante huit minutes, comme il est aisé à voir par la multiplication des mois susdits par douze. Pareillemēt comme ainsi soit, que le mois naturel Lunaire vsurpe vingtneuf iours, douze heures, quarante quatre minutes, cinq secondes: l'an naturel Lunaire comprendra trois cens cinquante quatre iours, huit heures, trente six minutes, cinquante huit secondes, douze troisiemes, quarante six quatriemes. Quant aux ans Ecclesiastiques, l'ancien (duquel les mois estoient de trente iours) contenoit trois cens soixante iours, & pouuoit estre estimé en comprendre cinq par dessus, desquels on le desnuoit pour en inuestir

investir l'an trāsitif, qui estoit embolismique: & pour ceste raison les Hebreux l'appellent *an defnué*, & l'an embolismique, *passant outre*, ou *transitif*, comme nous auons dit cy dessus. Mais quant aux ans Legaux, iceux ne pouuoient auoir leur cours autres que les ans naturels Lunaires, ains ensuiuoient la nature d'iceux. Et quāt aux ans ciuils, ils ne cōstituoyēt point de supputation à part, Mais leur institution se rengoit sur la supputation Legale, ayans leur exorde au septieme mois de l'an Legal.

Quant aux ans estrangers, l'an Iulien composé de ses mois comprenoit 365 iours: toutesfois Iules luy attribuoit six heures dauātage, lesquelles en l'an quatrieme luy faisoient intercaler vn iour. Quant aux ans des Egyptiēs, ils cōprennoient trois cens soixāte iours, colligez de leurs mois, au bout desquels par chacū an ils intercaloiēt cinq iours, sans cōter le bissētre en l'an quatrieme. Mais les Atheniens desquels les mois estoient Lunaires, faisoient leurs ans de 354 iours. Au surplus, les ans naturels Solaires, comme nous auons dit, cōprennēt 365 iours 5 heures 48 minutes: Là où nous voyōs les 5 heures 48 minutes cōprēdre la quatrieme partie d'un iour, qui est six heures moins douze minutes, lesquelles emportēt la cent-vingtieme partie d'un iour. Et est à noter, que si ces six heures estoient entieres en intercalāt vn iour de quatre en quatre ans, à la façō de l'an Iulien, l'an qui seroit ainsi substitué couiēdroit entierement avec l'an naturel: Mais le defaut de ceste cēt-vingtieme partie d'un iour fait que dedās cēt-vingt

CHRONOLOGIE

ans, l'an naturel se trouue estre moïdre que l'an Iulien ainsi intercalé, d'un iour entier. Dont l'an naturel anticipe & deuâce l'an Iulien intercalé, d'un iour étier en cent & vingt ans. Douù nous pouuôs côclurre, que le Soleil fait deux cercles ou reuolutiôs naturelles: l'vne moindre, qui se fait d'an en an: l'autre plus grâde, qui se fait de cent & vingt en cent & vingt ans. Pour ceste raison, nous appellerons ceste reuolution qui se fait de cent & vingt en cent & vingt ans, le grand cycle Solaire, auquel l'an naturel Solaire anticipe d'un iour le droit lieu & place de son equinoxe, c'est à dire le lieu auquel consisteroit le poinct de son iour-egal, si l'an naturel Solaire estoit tel que l'an Iulien. Dont nous entendons, que le cycle Solaire mesure exactement l'an naturel Solaire: veu qu'en la reuolution d'iceluy les iours de l'an Solaire sont tous entiers & égalisez. Ce qui n'aduiant point auant ledit cycle, à cause des minutes qui ont leur cours, & qui ne paruiennent à faire le iour entier auant ledit cycle. Puis donc que l'an Solaire peruertit son lieu d'un iour en chacun cycle, nous pouuons voir de combien de iours il auoit preuertit son poinct de iour-egal, en la publication de l'an Iulien, & en nostre temps, par la mesurè des cycles. Et d'autant que le Kalendrier fut publié en l'an du monde trois mil neuf cens cinquante-trois, quarante sept ans auant la natiuité du Seigneur, laquelle fut en l'an quatre mil & vn du monde: Ledit Kalendrier fut publié durant le cycle trente-troisieme. Ce qui nous môstre que c'estoit le tren-

rettoisieme iour auquel l'an Solaire estoit preuerty.
 Et en l'an dernier passé mil cinq cens octante que le
 quaranteseptieme cycle auoit son cours, nous faisons
 le quaranteseptieme iour, auquel s'est preuerty ledit
 an Solaire. Ainsi donc depuis l'institution du kalen-
 drier Iulien iusques aujourd'huy, l'an Solaire se seroit
 preuerty au quinzieme iour precedent. Si donc nous
 presupposons que l'equinoxe Automnal fust consti-
 tué au vingtquatrieme iour de Septembre, alors que
 le kalendrier Iulien fut publié, il censurera qu'il doit
 maintenant estre au dixieme iour dudit mois. Nous
 donc mesurons l'anticipation de l'an naturel Solaire
 par cycles, parce que le cycle Solaire de cent & vingt
 ans mesure exactement le cours dudit an Solaire.
 Quant à l'an naturel Lunaire, il comprend, come nous
 auons dit cy dessus, trois cens cinquante quatre iours,
 huiet heures, trente six minutes, cinquante huiet se-
 condes, douze troisiemes, quarante six quatriemes: &
 est moindre q l'an naturel Solaire, de dix iours, vingt
 & vne heure, onze minutes, vne secõde, quarantesept
 troisiemes, & quatorze quatriemes. L'an naturel Lu-
 naire aussi est moindre que l'an Iulien, de dix iours,
 vingt & vne heure, vingt & trois minutes, vne secon-
 de, quarantesept troisiemes, & quatorze quatriemes.
 C'esté la cause pourquoy on a esté contraint d'ex-
 cogiter les mois embolismiques, desquels on a trou-
 ué que sept entrēt en embolisme, en chacun cycle de-
 cemnoual, pour accorder l'an Lunaire avec le cours de
 l'an Solaire. Toutesfois il est à noter, que le cours du

C H R O N O L O G I E

Soleil gaigne tousiours quelque aduantage par dessus le cours de la Lune durât ledit cycle decennoual, tant que sept mois Lunaires y soient inserez & insinuez: mais au bout du cycle les sept mois embolismiques estans interiectez, le cours de la Lune se trouue plus grand que celuy du Soleil, de deux heures trente deux minutes, qui sont dixneuf trois cens soixantiemes de deux iours, lesquelles estans reseruees iusques à l'an trois cens soixantieme (qui est l'an de la saison prophetique, se rapportant à l'an ciuil, qui comprend de mesme trois cens soixante iours) font au bout de ladite saison, deux iours exactes & parfaits. Ce qui peut estre cognu en multipliant lesdites deux heures trente deux minutes par trois cens soixante, & les diuisant par dixneuf: Car ce qui en prouindra seront lesdits deux iours. Mais en l'an trois cēs soixāte vnieme, qui est l'an du cycle quarré, l'an Solaire anticipe l'an Lunaire de deux iours, & de la trois cēs soixantieme partie de deux iours, qui est de huiet minutes. Et est à noter, q̄ le cycle quarré, qui cōprend dixneuf cycles dixneufuenaires, c'est à dire dixneuf fois dixneuf ans, qui font trois cēs soixante & vn an, est plus grand d'un an que la saison prophetique, qui est de trois cēs soixante ans. Pour l'intelligēce des choses dessus dites, nous mettrōs en auāt vne voye biē facile & regle biē assuree de la distāce & anticipation des ans Naturels Solaires & Lunaires: Et premierement pour cognoistre la cause des sept mois embolismiques entrans au cycle doré, vous pouuez prendre la distance de l'an

Lunaire d'auec le naturel Solaire, qui est de dix iours, vingt & vne heure, onze minutes, vne seconde, quarante sept troisiemes, quatorze quatriemes, & la multiplier par le nôbre des ans du cycle doré, à sçauoir par dixneuf: & il en prouiendront deux cés six iours, quatorze heures, vingt & neuf minutes, trête trois secondes, cinquâte sept troisiemes, vingt & six quatriemes. Qui est tout ce que le Soleil peut gagner par dessus l'an Lunaire au bout desdits dixneuf ans du cycle: lequel espace con tient autant comme sept mois embolismiques, excepté deux heures trente deux minutes. Ce qui peut estre cognu en prenant vn mois naturel Lunaire de vingtneuf iours, douze heures, quarante trois minutes, quatre secôdes, cinquâte & vne troisieme, trois quatriemes, cinquâte cinquiemes: & les multipliant par sept, car il en prouiendront deux cens six iours, dixsept heures, vne minute, trente trois secondes, cinquante sept troisiemes, vingt six quatriemes, cinquâte cinquiemes: lequel espace de temps est plus grand que la susdite distance de l'an Lunaire, d'auec le naturel Solaire multipliee par dixneuf, desdites deux heures trente deux minutes. Parquoy ledit espace est diuisé en sept mois, lesquels on insinué en l'an Lunaire pour le faire conuenir à l'an naturel Solaire: ce que toutesfois il ne peut au bout dudit cycle doré exactement, à cause desdites deux heures trête deux minutes. Ce nonobstant au bout dudit cycle doré le Soleil ne laisse pas à entrer en conionctions semblables auec la Lune, à celles du precedēt cycle en mesmes iours, ores

que ce ne soit en mesmes heures . Mais lesdites deux heures trente deux minutes estans reseruées , & gardées iusques à l'an trois cens soixantieme, font deux iours entiers : ce qui monstre que l'an naturel Solaire anticipe le nombre d'or au kalendrier Iulien, de deux iours en chacune saison prophetique, qui est de trois cens soixâte ans . La saison donc de trois cens soixante ans, laquelle correspond à la saison de l'an ciuil, est la vraye & exacte mesure du temps, laquelle mesure exactement le cours de l'an Solaire, veu qu'en icelle est cõtenu trois fois le cycle Solaire, & que ladite saison comprend aussi exactement la mesure de l'an Lunaire. Ces choses estans cognuës, nous pouuons voir combien de saisons estoïent passées depuis la creation du monde, iusques à l'an de la publication de l'an Iulien, qui estoit l'an du monde trois mil neuf cens cinquâtecinquieme, & en l'an de la natiuité du Seigneur mil cinq cens octantieme, qui estoit l'an du monde cinq mil cinq cens octantieme . En diuisant donc les susdits nombres par le nôbre des ans de la saison prophetique, à sçauoir par trois cens soixante, nous trouuons que le kalendrier Iulien fut publié durant le cours de l'onzieme saison, Et que l'an mil cinq cens octante est escheu durant le cours de la seizieme saison, & sur la moitié d'icelle. Puis donc qu'en chacune saison l'an naturel Solaire anticipe l'an Lunaire de deux iours, il s'en suit qu'au temps de la publication du Kalendrier Iulien, qui estoit sur la fin de la saison onzieme, l'anticipation de laquelle ledit an Solaire anti-


cipoit l'an Lunaire, estoit le vingt & deuxieme iour precedent : Et en l'an mil cinq cens octante, qui tient le milieu de la sixieme Saison, l'an naturel Solaire anticipe l'an Lunaire, de trente & vn iour. De là aussi il sensuit, que depuis la publication dudit Kalendrier qui estoit durât le vingt & deuxieme iour de ladite anticipation, iusques audit an mil cinq cens octante, c'est à dire iusques au trente & vnieme iour de ladite anticipatiō, ledit an Solaire a anticipé l'an Lunaire au neuvieme iour precedent. Et par consequent ledit an Lunaire s'est retourné & postuerty en l'an naturel, de neuf iours, depuis la fin de l'onzieme cycle, & commencement du douzieme. Suiuât cela la marque du nombre d'or, & de la nouuele Lune notée dixneuf, laquelle durant l'onzieme cycle se trouue auoir esté colloquée à l'endroit du vingt & quatrieme Septembre, auquel lieu estoit colloqué l'equinoxe Autonnal, maintenant doit estre postuertie au neuvieme iour subsequent apres ledit equinoxe, Au lieu donc qu'elle estoit au vingt & quatrieme de Septembre, alors que l'equinoxe Autonnal auoit son cours en iceluy iour, maintenant que ledit equinoxe est constitué au dixieme iour de Septembre,uiuât ce que nous auons dit en parlant de l'an naturel, ladite marque dixneuf du nombre d'or doit estre colloquée au dixneuvieme iour de Septembre : en signe que c'est là le droit lieu & place de la nouuelle Lune marquée dixneuf, laquelle a postuerty sa place en l'an naturel Solaire, de neuf iours en quatre saisons & demie, l'an naturel.

CHRONOLOGIE

Solaire l'ayant anticipée de deux iours en chacune saison prophetique. Et ainsi en aduiét il de tout le nombre d'or, & de tout le cours de l'an Lunaire, lesquels l'an naturel Solaire preuertit de deux iours en chacune desdites saisons. Or quant au cycle quarré, qui est de trois cens soixante & vn an, iceluy reprend les coniectiōs semblables à celles du cycle dixneuſieme precedent, en mesmes heures, non en mesmes iours, ny en mesmes minutes, mais en iours egalemēt distās & en minutes equidistantes, àſcauoir éloignées des precedentes, des deux iours desquels l'an naturel Solaire anticipe le Lunaire, & des deux trois cens soixantiemes de deux iours, qui sont huiēt minutes, desquelles aussi l'an Solaire anticipe l'an Lunaire audit an du cycle quarré.

Des ans substituez Ecclesiastiques.

CHAP. VIII.

 VANT aux ans substituez, & premiere-
ment quant aux Ecclesiastiques, l'an Pro-
phetique ne cognoissoit aucunes interca-
lations de iours, ains seulement se seruoit
d'embolismes ou interiectiōs de mois. Comme ainsi
soit donc que l'an Prophetique fust de trois cens soi-
xante iours; comme nous auons dit cy dessus, & que
l'an naturel Solaire, auquel le Prophetique estoit sub-
stitué, fust de trois cens soixāte cinq iours cinq heures
quarante huiēt minutes, ledit an Prophetique estoit
moindre.

moindre que le naturel, de cinq iours cinq heures quarantehuiët minutes. Or les cinq iours estoient la sixieme partie d'un mois, & les cinq heures & quarantehuiët minutes, estoient six heures moins douze minutes. Les douze minutes, sont la cent-vingtieme partie d'un iour: & les six heures, sont la quatrieme partie d'un iour. Quant aux cinq iours qui māquoient à l'an prophetique pour attrapper le naturel, en la sixieme annee il en estoit fait trente iours, cest à dire, vn mois embolismique. qu'il falloit insinuer de six en six ans, pour l'accommoder & le faire suivre l'an naturel, & c'estoit l'embolisme ordinaire. Quant aux cinq heures quarante huit minutes qui restoient, c'est à dire, quāt aux six heures moins douze minutes, qui sont la cent-vingtieme partie du iour, on n'en faisoit pas vn iour pour l'intercaler de quatre en quatre ans, à la façon de l'an Iulien: mais pource qu'en quatre ans il resulloit vn iour, moins la trentieme partie d'iceluy, ils attendoient trente fois quatre ans, pour auoir trente iours. Et d'autāt que trente fois quatre ans, sont cent & vingt ans & en la cēt-vingtieme annee il estoit desia descheut vn iour pour le deffaut annuel des douze minutes qui manquent aux six heures qui constituent ce iour de quatre en quatre ans, l'on n'auoit en la cent-vingtieme annee que vingt-neuf iours en lieu de trente. L'on insinuoit donc lesdits embolismes és ans du cycle, sixieme, douzieme, dixhuiëtieme, vingt & troisieme, vingt & neuvieme, trentecinquieme, quarante-vnieme, quarante sixieme, cinquante.

deuxième, cinquante-huitième, soixante-troisième,
 soixante-neufième, septante-cinquième, octantième,
 octantefixième, nonante-deuxième, nonante-huitième,
 cent-troisième, cent-neufième, cent-quinzième,
 & un mois de vingt-neuf jours en l'an de la révolution
 du cycle, qui estoit l'an cent-vingtième, pour reuenir
 au mesme point de l'équinoxe Vernal, auquel auoit
 esté commencé l'an au commencement de ces cent & vingt
 ans, & ainsi en faisoit on tousiours de cent & vingt en cent
 & vingt ans. Tellement que dedans ledit cycle se son-
 loient insinuer vingt & un mois embolismiques, cest à
 dire, trois fois sept mois, qui est trois fois autāt cōme
 il entrēt de mois embolismiqs Lunaires au cycle dix-
 neufuenaire. Or apres ceste reuolutiō, l'apophetique
 reuenoit tousiours à ses points equinoxiaux, & se main-
 tenoit tousiours par ce moyē à sō droit point de l'e-
 quinoxe Vernal. Pour preuue de ce dessus & pour ap-
 puyer vne telle suputatiō, il n'est pas besoin de recer-
 cher les liures des Rabins Hebrieux, veu qu'elle est du
 tout hors d'usage & mise en oubli: mais la trace & an-
 ciēs vestiges d'icelle peuuent estre obseruez es liures de
 Moysē & des Prophetes, à qui y voudra soigneusement
 prédre garde. Car en premier lieu, il est aisé à mōstrer
 que tous les mois de l'an prophétique estoient de
 trente iours, comme il a esté dit cy dessus, & prouué
 tant par les mois de la description du Deluge, que par
 les quarante-deux mois de l'Apocalypse, lesquels font
 mil deux cens soixante iours, estans pris pour trente
 iours chacun mois. Et quant aux cinq iours qui de-

meuroient à la fin des douze mois, que les Egyptiens
souloient intercaler tous les ans, nous pouuons mon-
strer aussi qu'en la supputation prophetique on ne les
intercaloit pas ainsi, ains on en faisoit vn mois embo-
lismique, que l'õ insinuoit cõme dessus a esté exposé:
Et pour preuue de ce, nous amenerõs trois ans & de-
my ordinaires & planiers ou desnuez, cest à dire sans
embolisme suiuañt ceste supputatiõ, & trois ans & de-
my, entre lesquels il y aura vn an trãsitif, garny de son
mois embolismique, tel que no^r l'auõs descrit cy des-
sus. Pour l'intelligence de laquelle chose, il nous faut
ressouenir de ce que nous auons desia dit au premier
chapitre de ce liure, qu'vne Saison est prise quelques-
fois en l'Escripture pour vn an. En ceste façon en l'A-
pocalypse, chap. 12. vers. 6. il est dit que, *la femme enui-
ronnee du Soleil, & qui a la Lune sous ses pieds, & vne cou-
ronne de douze estoiles, s'enfuit de deuant le dragon au desert,* Apoc. 12.
où elle auoit lieu préparé de Dieu à fin qu'on la nourrist par 6. & 14.
mil deux cens soixante iours. De quoy nous pouuons
conclurre, qu'elle y a esté nourrie par mil deux cens
soixãte iours. Suiuant laquelle chose, il dit au mes-
me chapitre, verset 14. *que la femme a esté nourrie au de-
sert par vne saison, des saisons, & la moitié d'une saison.*
D'où nous pouuons colliger, qu'vne saison, des sai-
sons, & la moitié d'une saison; sont mil deux cens
soixante iours. Et si nous voulons rediger ces saisons
en ans, & ces iours en mois, nous trouuerons que ces
mil deux cens soixante iours, feront quarante-deux
mois, veu qu'en l'onzieme chapitre del'Apocalypse, Apoc. 13.

quarante-deux mois y sont pris pour mil deux cens
 soixante iours. Auquel endroit *deux Prophetes sont pro-*
poséz, qui ont eu puissance par mil deux cens soixante iours
(qui font vne saison, des saisons, & la moitié d'une sai-
son) de fermer le ciel à fin qu'il ne pleuue pluye. Or nous
 trouuôs vn autre Prophete lequel a fait vn acte se ra-
 portât par analogie à ce qui est dit de ceux-cy, ayant
 eu puissance par la priere de fermer le ciel à ce qu'il
 n'ait pleu pluye, par vne saison, des saisons, & la moitié
 d'une saison, ou pour mieux exprimer, par vne saison,
 deux saisons, & la moitié d'une saison, qui sont vn an,
 deux ans, & la moitié d'un an, à sçauoir, *par trois ans &*
six mois, lequel Prophete estoit Elie Tisbite. Ces mil deux
 cens soixante iours, estoient donc les iours de trois ans
 & six mois, & ces quarante-deux mois, estoient les ans
 d'iceux. Si donc nous les partissions & diuisôs par trois
 ans & six mois, nous trouuerons ces trois ans estre de
 trois cës soixante iours chacun, sans aucune intercala-
 tion. Tellement que de là il est aisé à conclurre, que
 l'an prophetique desnué estoit tant seulement de
 trois cens soixante iours, & n'intercaloit pas les cinq
 iours qui restoiert au bout de l'an, comme faisoient
 les Egyptiens. Et pour monstrer que ceste supputa-
 tion insinuoit en temps & lieu vn mois embolismi-
 que, il n'est besoin que d'amener le chapitre douzi-
 me de Daniel : là où est proposé vn an, deux ans, & la
 moitié d'un an, en la mesme façon que dessus, les ap-
 pellans *vne saison, des saisons, & la moitié d'une saison.*
 Là où l'un des trois ans proposéz, est vn an transitif,

estât accôpagné de son mois embolismique de trente iours. De sorte que pour cela, *une saison, des saisons, & la moitié d'une saison*, est audit lieu exposé estre mil deux cens nonante iours, y ayant trête iours plus qu'aux trois ans & demy des saisons de l'Apocalypse, là où il n'y en a que mil deux cens soixante. Lesquels trente iours qui surabondent aux saisons de Daniel, sont le mois embolismique dont est question, lequel on insinuoit de six en six ans: pource que les cinq iours suruenans qui surabondēt au bout des douze mois prophetiques, desquels iours l'an ordinaire estoit delinué pour estre reseruez à l'an embolismique, au bout de six ans faisoïēt vn mois de trête iours. Ainsi dōc nous voyōs que tāt les mois ordinaires de l'an, que les mois embolismiques de l'embolisme ordinaire, estoïēt de trête iours. Or tout ainsi que nous auōs mōstré, qu'en ceste supputatiō prophetique on n'intercaloit point les cinq iours suruenans & restans au bout des douze mois, ainsi pouuōs nous mōstrer qu'on n'intercaloit nō plus de quatre en quatre ans le iour qui est intercalé ordinairement de quatre en quatre ans en l'an Iulien. Car aux ans des saisons de l'Apocalypse, ny aux saisons de Daniel, il ne se trouue aucun iour surabōdāt ny surpassant les trête iours des mois ordinaires & des mois des embolismes ordinaires. Parquoy il est necessaire de conclurre, que ces iours estoient reseruez pour vn autre embolisme, tel qu'est celuy que nous auons cy dessus exposé, de vingt-neuf iours au bout de cent vingt ans. Telle estoit la supputation ancienne, sui-

CHRONOLOGIE

uant laquelle la description du deluge a esté faite, & la pluspart des propheties descrite: laquelle ayant esté depuis la creation du monde, a demeuré en l'Eglise Israelitique du tēps des Prophetes, pour les supputations prophetiques, & depuis a esté mise en oubly. Et ores qu'elle semble auoir esté fort incōmode, à cause des lōgs circuits qu'elle faisoit pour paruenir à ses embolismes, si est-ce qu'au demeurant elle estoit de tout poinct si exacte, que cela contrebaloit bien à l'incommodité qui y sembloit estre, veu qu'apres les reuolutions de ses embolismes, elle ramenoit tousiours l'an à ses gonds, le retenāt tousiours au mesme poinct de l'equinoxe vernal auquel elle estoit constituee. Or l'ay-ie bien voulu recercher & mettre en lumière, tant pource que la descouuerte d'vne supputation si antique, est exquise & excellēte, se voyant comme à tēps ressuscitée, que pource qu'elle sert pour appuyer le reste de mes supputations, & aussi pour refuter l'opinion de ceux qui estimēt que les ans de ces personages qui ont esté de longue vie deuant le deluge, estoient moindres que noz ans d'auourd'huy. De toutes lesquelles choses nous parlerons cy-apres en leur lieu: & cependant nous acheminerons à expliquer la supputation Legale. L'explication de laquelle ne peut estre que biē aisée & facile, veu q̄ ceste supputatio ensuiuoit de poinct en poinct la supputation de l'an naturel Lunaire. Seulement nous pouuōs remarquer, qu'elle faisoit ses sept embolismes en l'ā troisieme, sixieme, huietieme, onzieme, quatorzieme, dixseptieme,

& dixneuuiemè du cycle dixneufuenaire. Au reste elle postuertissoit tousiours son equinoxe de deux iours en trois cens soixante ans, qui est la Saison prophetique, eu esgard à l'an prophetique qui gouuernoit l'an naturel Solaire. Mais en l'an du cycle quarré, elle le postuertissoit de deux iours & vne trois-cēt-soixātieme de deux iours, qui est de huiēt minutes, comme nous auons dit cy dessus : & sans cela elle n'eust sceu maintenir ses limites és gons de son equinoxe vernal auquel elle estoit constituée. Telle est l'explication de l'an Legal, & en somme des ans Ecclesiastiques.

Des ans Estrangers.

C H A P . I X .

Es ans Ecclesiastiques estans entenduz, il reste d'exposer les ans Estrangers. Nous viendrons donc premierement à l'an Iulien. Iceuluy, comme nous auons dit cy-dessus, estant composé de ses mois comprenoit trois cens soixāte-cinq iours, six heures, & estoit plus grand que l'an naturel Solaire, de douze minutes. Veu que l'an naturel Solaire, comme nous auons dit, ne comprend que trois cens soixante-cinq iours, cinq heures, quarante-huiēt minutes, lesquelles si vous tirez de l'an Iulien, ils resteront douze minutes, desquelles l'an Iulien surmonte ledit an naturel Solaire: lesquelles douze minutes sont la cent-vingtieme partie d'un iour: car estans multipliees par cent & vingt, & diuisees par soixante, qui est le numerateur des minutes, il en prouiedrōt vingt

res qui ont accoustumé d'estre insinuez en chacun desdits cycles: prenez vn mois Lunaire, qui est de vingt & neuf iours, douze heures, quarante trois minutes, quatre secondes, cinquante & vne troisieme, trois quatriemes, cinquante cinquiemes, & le multipliez par sept, qui est le nombre des mois embolismiques entrés au cycle dixneufuenaire: & il en prouientront deux cens six iours, dixsept heures, vne minute, trente trois secondes, cinquante sept troisiemes, vingt & six quatriemes, cinquante cinquiemes. D'ailleurs aussi prenez la susdite distance annuelle de l'an Lunaire d'auec l'an Iulien, & la multipliez par dixneuf, qui est le nombre des ans du cycle doré, & il en prouientront deux cés six iours, dixhuiet heures, dixsept minutes, trente trois secondes, cinquante sept troisiemes, vingt & six quatriemes, lequel nombre est plus grand que le precedent, d'une heure seize minutes, qui sont dixneuf trois cés soixantiemes d'un iour. Ce qui monstre qu'au bout du cycle dixneufuenaire apres le deu embolisme de sept mois naturels Lunaires, l'an Iulien est plus auancé que l'an Lunaire, d'une heure & seize minutes, desquelles l'an Lunaire au mesme temps anticipe l'an Iulien. Laquelle heure & trente deux minutes estans reseruees iusques à l'an de la saison prophetique (qui est l'an trois cens soixantieme) produit vn iour entier, duquel en ladite saison & an, l'an Lunaire anticipe l'an Iulien. Ce qui peut estre cognu en multipliant vne heure & trente deux secondes, par le nombre des ans de la saison prophetique, qui est trois cens

soixante, & les diuisant par le nombre des ans du cycle doré, à sçauoir par dixneuf: car il en prouviédra vn iour entier. Ainsi donc de saison en saison, c'est à dire, de trois cens soixante en trois cens soixante ans, l'an naturel Lunaire anticipe l'an Iulien, d'un iour. Tellement que par ce moyen on peut de trois cēs soixante en trois cens soixāte ans reculer en l'an Iulien le nombre doré, d'un iour. Comme par exemple: Le Kalendar Iulien fut publié quarante cinq ans auant l'an de la natiuité du Seigneur, qui estoit l'an du monde trois mil neuf cens cinquante cinquieme, qui estoit dans l'onzieme Saison prophétique, à cōter depuis la creation du monde: en iceluy la marque *dix* du nombre d'or fut constituée en l'endroit du second iour d'Octobre. Puis cinq ans apres, qui fut l'an du mōde trois mil neuf cens soixantieme, quarante ans auant la natiuité du Seigneur, estoit l'an de la reuolution de la douzieme saison prophétique, laquelle commença lors à auoir son cours: & par ainsi alors il estoit temps de reculer la marque *dix* du nombre d'or, qui auoit esté colloquée au secōd iour d'Octobre, & en la preuertissant la remettre au iour precedent premier d'Octobre. Auquel lieu elle deuoit consister durant ceste Saison douzieme de trois cens soixāte ans, qui paruenoit iusques à l'an trois cens & vingt de la natiuité du Seigneur. En la troisieme Saison donc commençant en l'an trois cēs & vingt de la natiuité du Seigneur, il eut encor fallu preuertir ceste marque de *dix*, au iour precedent trentieme & dernier de Septembre, & toutes

les autres de mesme, degré par degré. En la quatorzieme Saison commençant en l'an six cens & octante du Seigneur, elle eust esté mise au penultieme de Septembre, qui est le vingt & neuvieme. Puis en la quinzieme Saison commençant en l'an mil quarantieme du Seigneur, ladite marque *dix* eust esté remise au vingthuitieme de Septembre. Et en l'an mil quatre cés, qui fut l'an de la saison seizieme, ladite marque *dix* auroit esté mise au vingtseptieme iour de Septembre, où elle consisteroit encor, ayant esté remise par ce moyen au sixieme iour precedét, & toutes les autres marques ayās esté preuerties de mesme iusques au sixieme iour precedent. Ce qui monstreroit que la nouvelle Lune marquee *dix* au Kalendrier Iulien, laquelle durant le cours de la saison onzieme en laquelle le Kalendrier Iulien fut publié, auoit esté deprehendee au second iour d'Octobre, se preuertit en la douzieme saison avec la lettre *dix* dont elle estoit marquee, au premier iour d'Octobre, & ainsi cōsequemment. Tant qu'elle consiste maintenant avec la mesme lettre au vingtseptieme iour d'Octobre, & y residera durāt le cours de la seizieme Saison en laquelle nous sommes, ayant preuerty la place en laquelle elle auoit esté colloquee au Kalendrier Iulien, au iour sixieme precedét, depuis l'onzieme saison qui auoit son cours en la publication du Kalendrier Iulien, iusques à la seizieme saison qui a maintenāt son cours. Pareillement la marque *dixneuf* dudit nōbre d'or, laquelle estoit colloquee au temps de ladite publication, & auoit son cours au vingtqua-

trieme iour de Septembre, maintenant se trouue de-
 uoir estre assise au sixieme iour precedent, d'autât que
 la nouuelle Lune marquee de *neuf* audit nombre d'or,
 laquelle durât l'onzieme saison en laquelle fut publié
 le kalendrier Iulien, escheoit au vingtquattieme de
 Septembre, maintenant en la seizieme saison se trou-
 ue aduenir au dixneuvieme dudit mois. Et ainsi en est
 il de tout ledit nombre d'or, lequel se trouue preuer-
 tir sa place depuis ladite publication du kalendrier Iu-
 lien, au sixieme iour precedent, l'an Lunaire ayant de
 mesme de degré en degré anticipé l'an Iulien iusques
 au sixieme iour precedent, depuis la constitution d'i-
 celuy kalendrier iusques à maintenant. Ainsi donc en
 chacune saison prophetique de trois cens soixante
 ans, l'an Lunaire anticipe l'an Iulien d'un iour. Au sur-
 plus nous auons veu par cy deuant, qu'en chacun cy-
 cle Solaire de cent & vingt ans l'an naturel anticipoit
 d'un iour l'an Iulien & la droite place de son equino-
 xe, c'est à dire sa place considerée telle qu'elle seroit, si
 l'an naturel Solaire estoit imaginé tel que l'an Iulien.
 Or la saison prophetique de trois cens soixante ans,
 comprend trois cycles Solaires de cent & vingt ans:
 dont il sensuit que l'an naturel Solaire qui anticipe
 l'an Iulien d'un iour en chacun sien cycle, anticipe au-
 si l'an Iulien de trois iours en chacune saison prophe-
 tique. Tellement que quand l'an naturel Solaire an-
 ticipe l'an Iulien de trois iours, l'an Lunaire anticipe
 ledit an Iulien d'un iour: & pareillement quand l'an
 Lunaire anticipe l'an Iulien d'un iour, l'an naturel So-

laire anticipe le dit an Iulien de trois iours. Puis donc qu'en chacune saison l'an naturel Solaire anticipe l'an Iulien de trois iours, & l'an Lunaire anticipe le dit an Iulien d'un iour, si vous ostez ce iour de l'anticipation de l'an Lunaire duquel il anticipe l'an Iulien en chacune saison, des trois iours desquels l'an naturel Solaire anticipe le dit an Iulien au mesme temps, il resteront deux iours, desquels l'an naturel Solaire anticipe l'an naturel Lunaire alors que le dit an naturel Solaire anticipe l'an Iulien de trois iours. Tellemēt que lors que l'an naturel Solaire anticipe l'an Iulien de trois iours, il anticipe l'an naturel Lunaire de deux iours, suivant ce que nous auons cy dessus dit en exposant l'an Lunaire. Et si vous soustrayez les deux iours desquels l'an naturel Solaire anticipe l'an Lunaire alors que le dit an Solaire anticipe l'an Iulien de trois iours, il restera un iour, duquel l'an Lunaire anticipe l'an Iulien alors que l'an naturel Solaire anticipe l'an Iulien de trois iours. De sorte qu'alors que l'an naturel Solaire anticipe l'an Iulien de trois iours, l'an Lunaire anticipe le dit an Iulien d'un iour. De cecy aussi nous pouuons cōclurre, que puis que le cycle Solaire de cent & vingt ans mesure exactement l'an naturel Solaire, & la saison prophetique de trois cens soixante ans, en laquelle il est compris exactement trois fois, que ladite saison mesure exactement l'an Solaire aussi bien que l'an Lunaire. Tellement que ce n'est pas sans cause si elle est celebrée entre les Prophetes, attendu que c'est vne generale & commune mesure du Temps, à sçauoir de l'an

tant Solaire que Lunaire. La confirmation des choses dessusdites, peut estre prise de la quotidienne experience, veu qu'il est notoire que la *Brume* que les Latins appellent, qui est le plus court iours de l'an, fut constituee au kalendrier Iulien au temps de l'institution d'iceluy, au vingtcinquieme iour de Decembre, & l'equinoxe vernal, au vingtcinquieme de Mars. Dont il s'ensuit, que l'equinoxe Automnal estoit au vingtquatrieme de Septembre. Lequel neantmoins se trouue maintenât estre preuerty au quinzieme iour precedent, sçauoir au dixieme iour de Septembre. Laquelle anticipation correspond à la reuolution de quinze cycles Solaires qui ont eu leur cours depuis, suiuant nos precedentes supputations. Ce qui mōstre assez que l'an naturel Solaire anticipe l'an Iulien d'un iour en chacun desdits cycles. Pareillemēt l'equinoxe Automnal se trouuant pour le iourd'huy resider au dixieme iour de Septembre, & la nouvelle Lune marquee *dixneuf*, laquelle au temps de la constitution du kalendrier Iulien en l'onzieme saison, souloit escheoir à mesme iour avec l'equinoxe Automnal, maintenât se trouue esloignee dudit equinoxe, de neuf iours, en quatre cycles & demy, à sçauoir depuis la fin de l'onzieme iusques à la moitié de la seizieme Saison en laquelle nous sommes. Dont l'equinoxe Automnal se trouuât pour le iourd'huy escheoir au dixieme de Septembre, ladite nouvelle Lune marquee *dixneuf*, se trouue escheoir au dixneuvieme iour de Septembre. Ce qui tesmoigne qu'esdites quatre Saisons & demie

l'an naturel Solaire anticipe l'an Lunaire de neu fiours, & qu'en chacune Saison l'an naturel Solaire anticipe l'an Lunaire de deux iours, suiuant ce que nous auions conclu en parlât de l'an naturel Lunaire. Et pour mon-
 strer qu'en chacune saison l'an Lunaire anticipe d'un iour l'an Iulien, nous prendrons ladite nouvelle Lune marquée *dixneuf*, laquelle durant le cours de l'onzieme saison se trouuoit estre & resider au vingtquatrieme iour de Septēbre, & maintenāt en la seizieme Saison, qui est la sixieme suiuate, ladite nouuelle Lune avec la marque *dixneuf* est deprehēdee au sixieme iour precedent, dixneufieme de Septembre. On peut aussi confirmer ce que dessus, par la supputation du cycle quarré recerchee depuis la creation du monde. Toutesfoiſ il est besoin de remarquer prealablement, que le monde fut creē en l'equinoxe Automnal en la pleine Lune. Pour la cognoissance de laquelle chose, il est à remarquer que la supputation des saisons & ans a commencē à estre contee depuis que le Soleil & Lune & estoiles ont esté creēz : Car c'est d'iceux que dépend la supputation des saisons & ans, suiuant ce qui fut dit, *Et soient en signes, & saisons, & iours, & ans.* Gen. v. Tellement que la premiere institution des ans & des saisons dépend de là, à sçauoir l'institution des ans qui a esté depuis la creation du monde, qui est la supputation ciuile de laquelle dépend le cycle Solaire de cent & vingt ans, lequel estant triplé fait la Saison, laquelle a esté instituee avec l'institution de l'an, laquelle Saison comprend trois cēs & soixante ans; c'est à sçauoir

Gen. 7.

autant d'ans comme l'an ciuil comprend de iours : de laquelle l'vsage n'est pas infrequent aux propheties. Or que la premiere institution de l'an soit la ciuile, il appert parce qu'elle estoit instituee deuant le deluge, attendu que le deluge n'a pas commencé quand & icelle, mais *au second mois d'icelle*. Ce qui mōstre qu'elle precedoit le deluge, & en somme que c'est la supputation des ans qui a esté instituee depuis le cōmencement du mōde, laquelle neantmoins commençoit enuiron l'equinoxe Automnal, son institution ayant esté sur l'equinoxe Automnal, & ses reuolutions en ses cycles reuenans audit equinoxe, ainsi que nous auons peu voir cy dessus. Et d'autant qu'en creant les deux grands luminaires, *Dieu les crée comme grands luminaires*, & leur attribue ce nom, il est à presupposer qu'ils se monstroient lors comme grands luminaires en leur grande lumiere. Tellement que l'an ciuil au commencement du monde a commencé en l'equinoxe Automnal, la pleine Lune estant escheute en l'equinoxe de la creation en l'an de la creation. Puis donc que l'an naturel Solaire anticipe l'an Lunaire, de deux iours en chacune saison, il s'ensuit que ledit equinoxe Automnal depuis la creation a anticipé ladite pleine Lune, de deux iours en chacune dite saison de trois cens soixante ans, & de deux iours & vne trois cens soixantieme de deux iours, en chacun cycle quarre de trois cens soixante & vn an. Laquelle chose si elle se trouue veritable depuis le commencement du monde iusques à l'institution du kalendrier Iulien, & derechef

tion de son an Legal, qui estoit vn an Lunaire. Au demeurant, nous trouuons par ce moyen que le monde a esté créé en l'equinoxe Vernal. A quoy s'accordent les supputations sacrees rât la Legale que la Prophetique: Ores que la commune opinion estime le contraire. Car les vns ont estimé que le monde auoit esté créé en l'equinoxe Autōnal, cōme vo⁹ diriez au mois de Septēbre, Et que le Deluge aussi estoit aduenu au second mois apres ledit equinoxe, comme pourroit estre enuiron le mois d'Octobre, Et ce ensuiuant l'opinion d'un certain Rabin assez fameux nōmé Eliezer, qui l'a ainsi laissé par escrit. Mais cela ne peut nullement estre, Ains doiuent & le Deluge & la Creation du mōde estre referez enuiron l'equinoxe Vernal, & ne peuuent ny l'un ny l'autre conuenir avec l'equinoxe Automnal, Veu que toutes les supputatiōs sacrees, à sçauoir tant la Legale que la Prophetique ont leur exorde & commencement enuiron la Pasque, qui se celebroit tousiours au quatorzieme iour du mois Abib, lequel correspond à nostre mois de Mars. Telsmoin qu'Esdras appuyant ses quatre cens ans par lesquels il predict la natiuité de nostre Seigneur, sur les Saisons prophetiques, Lesdits quatre cens ans finissent enuiron la natiuité du Seigneur enuiron la Pasque. Je confesse bien toutesfois que si le Deluge estoit arriué au second mois apres l'equinoxe Automnal, Il sensuiuroit que le monde auroit esté créé en l'equinoxe Automnal mesme, Car il est necessaire (veu qu'il y auoit vn mois qui precedoit le

C H R O N O L O G I E

Deluge, qui est employé pour descrire vn des ans de Noé,) que tous les ans que Moyse a descrits ayent le mesme exorde depuis le commencement du monde, Et en somme, que le premier mois de ceste supputation soit le premier mois du monde, auquel le monde fut créé. Tellement que l'opinion de ceux qui ont estimé que le Deluge auoit esté en l'equinoxe Automnal, & la creation en l'equinoxe Vernal, ne peut subsister non plus. Car il faudroit par consequent que l'histoire de Moyse fust en quelque lieu manque ou redondante de six mois en ce qu'elle recite iusques à l'entree des enfans d'Israël en la terre de Chanaan. Et par ainsi ceux-là qui constituent la Creation en l'equinoxe Vernal, & le Deluge au second mois de l'equinoxe Automnal, ne different en rien de ceux qui colloquent la Creation en l'equinoxe Automnal. Or toutes ces choses dessusdites s'entr'accordans entr'elles avec vne si grande harmonie, tesmoignent & monstrent euidentement la verité & certitude de noz supputatiōs, tant de l'an que des Saisons prophetiques.

Quant à l'an des Egyptiens, iceluy ensuiuoit en partie l'an Iulien, en partie l'an ciuil Hebrieu, Et semble mesme que les Egyptiens l'ayent pris d'iceluy, soit des Hebreux lors qu'ils estoient captifs en Egypte, ou aussi des premiers peres venuz depuis le Deluge. Car ils font tous leurs mois de trente iours, aussi bien comme l'an ciuil Hebrieu, Mais ils ont changé les embolismes d'iceluy an ciuil, & y ont substitué

stitué l'intercalation de cinq iours chacun an, comme tesmoignent certains historiens, Et de quatre en quatre ans ils intercaloient six iours, Tellemēt que par ce moyen leur an estoit constitué de trois cens soixante cinq iours & six heures, comme l'an Iulien. Pour ceste raison, l'explication de l'an Iulien suffira pour l'an Egyptien.

Quant à l'an Attique, il estoit constitué selon le cours de la Lune. Et escriuent les historiens, que les Atheniens premierement auoient arrangé leur an, auquel ils attribuoient trois cens cinquāte quatre iours, & vsoient de telles annees selon le cours de la Lune, sans auoir égard à l'an Solaire, ny à aucun embolisme, Tant qu'ils commencerēt à apperceuoir que les limites de leur an se transféroient de l'Esté au Printemps, & de là en l'hyuer : Dont ils furent contraints de reseruer les epactes & iours suruenās & restans au bout de l'an, pour en faire des mois embolismiques. Or l'embolisme qu'ils faisoient, estoit que de huit en huit ans ils insinuoient trois mois de trēte iours, c'est à dire nonante iours : Et par ce moyen leur an conuenoit avec le Iulien. Ce que l'on peut cognoistre, en prenant les iours de leur an, qui sont trois cens cinquante quatre, & les multipliant par huit, car il en prouiendront deux mil huit cens trente deux iours, Aufquels si vous adioustez nonante iours, il en prouiendront deux mil neuf cens vingt deux iours, Lesquels estās diuisez par le nombre des iours de l'an Iulien, sçauoir par trois cens soixante cinq, il en prouien-

dront huit ans, & y seront encor les deux iours pour l'intercalation: Tellemēt que pour le regard du nombre des iours, elle conuenoit fort bien avec l'an Iulien. En vne chose estoit elle incommode, c'est qu'elle n'auoit pas esgard au cycle dixneufuenaire, ny à garder ceste coustume, c'est à sçauoir que le commencement des mois & an, fust tousiours en pleine Lune, ou tousiours en nouvelle Lune, ains estoit tātost en pleine Lune, tantost en nouvelle Lune. Là où au contraire, le commencement des mois & an de la supputation sacree enuers les Hebreux, estoit tousiours en nouvelle Lune, obseruant tresbien ce qui appartenoit à l'an Lunaire, & le referant propremēt & accommodant à l'an Solaire, par le moyen de ses embolismes & cycles: tellement qu'elle auoit en mesme temps esgard au cours du Soleil & à celuy de la Lune, les accordāt d'vne harmonie merueilleuse. Mais l'Attique, pour accorder l'an Lunaire avec le Solaire, abandonnoit ce qui estoit plus propre à l'an Lunaire, à sçauoir l'observation des nouvelles & pleines Lunes, & des cycles dorez. Or ces choses expliquees des ans, suffisent.

*Table des cycles, & insinuations, tant
Lunaires que Solaires.*




Aintenant nous pouuons colliger des choses deuant dites, vne doctrine & table des cycles, & vne autre des insinuations. Le cycle, signifie cercle ou reuolution circulaire & periodique, desquels pour l'intelligence de l'an nous en pouuons assigner deux especes, dont les vns sont Solaires, & les autres Lunaires. Les Solaires, sont de deux façons: l'une, par laquelle le Soleil fait vn cercle quotidien & iournalier, de l'Oriēt par le Midy vers l'Occident: & l'autre, comprēd deux cercles contraires: l'un est annuel, par lequel d'un propre mouuement il fait vn cercle de l'Occident par le Midy vers l'Orient, contraire au cercle iournalier, dedans vn an entier: l'autre, par lequel le Soleil fait encor vn autre cercle pareil à son cercle annuel, en reculant de l'Occident par le Midy vers l'Orient, dedans cent & vingt ans, & par ce moyen il sauance & preuertit d'un iour au mesme espace de temps. Quāt aux cycles Lunaires, il y en a de deux sortes, dont les vns sont absoluz, les autres relatifs. Les absolus sont moindres, ou grands: Les moindres, sont les reuolutiōs que la Lune fait, ou de mois en mois, ou d'an en an. Les cercles que la Lune fait de mois en mois, sont encor dits en deux manieres: L'une est, par laquelle la Lune fait son cercle & periode dans vn mois, tournoyant le ciel, & reuenant au mesme poinct où elle estoit departie d'auec le Soleil, sans le rattrapper. La seconde maniere est, par laquelle la Lune ayant fait le cercle &

reuolution du ciel, & estant reuenue au poinct où elle
 festoit departie d'auec le Soleil, & le trouuant esloi-
 gné, le rattrappe & rattraint encor au lieu où il festoit
 desia esloigné, Lequel tour se fait en vingtneuf iours,
 douze heures, quarante trois minutes, quatre secon-
 des, cinquante & vne troisieme, trois quatriemes, &
 cinquante cinquiemes, comme nous auons dit cy des-
 sus. Le cercle & reuolution annuelle de la Lune, est
 celle que la Lune fait tous les ans en trois cēs quan-
 tequatre iours, huiet heures, trente six minutes, cin-
 quante huiet secondes, douze troisiemes, quarante
 huiet quatriemes, comme il a esté dit. La grande re-
 uolution absoluë Lunaire, est la Saison prophetique
 de trois cens soixante ans, en laquelle l'an Lunaire pre-
 uertit son cours d'un iour, Et par ainsi au bout d'icelle
 on peut preuertir d'un iour au kalendrier Iulien, tou-
 tes les marques du nombre d'or. Les cercles relatifs,
 sont ceux qui se rapportent relativement aux con-
 ionctions, oppositions, & aspects de la Lune avec le
 Soleil: & sont deux: L'un est, le cycle dixneufuenaire,
 dedans lequel la Lune fait les conionctions, oppo-
 sitions, & aspects, semblables à celles du precedent cy-
 cle, en mesmes iours, diuersifiant tant seulement les
 heures, selon les raisons dessus exposees: L'autre est, le
 cycle quarré de trois cens soixante vn an, dedans le-
 quel la Lune entre en conionctions, oppositions, &
 aspects semblables à ceux du precedent cycle quar-
 ré, en mesmes heures, mais non en mesmes iours, ny
 en mesmes minutes, suiuant les raisons cy dessus ex-

posees. Lesquels deux cycles, dixneufueuaire, & quar-
ré, peuvent estre considerez cōme naturels, estans at-
tribuez aux ans naturels, ou comme substituez, estās
attribuez aux ans substituez. Telles estoiet les reuolu-
tions & cercles des ans. Il reste d'exposer les Insinua-
tions. Nous appellōs Insinuations, tout ce qui estoit
mis, inseré, & insinué dedans les ans, ou naturels Lu-
naires, ou Solaires substituez, pour les faire conuenir
avec le naturel Soiaire. Et y en auoit de deux especes,
dont les vnes estoient embolismiques, les autres in-
tercalaires. Les embolismiques, estoient les insinua-
tions des mois, par lesquelles on venoit à inserer vn
mois, ramassé des iours epactes & suruenans, desquels
l'an ordinaire estoit desnué, & l'insinuoit on de-
dans l'an transif ou embolismique. Les embolismes,
estoient Ecclesiastiques, ou estrangers: Les Ecclesia-
stiques, ciuils ou sacrez: Les ciuils, estoiet de deux fa-
çons: l'un estoit, l'embolisme d'un mois de trente
iours, que l'on insinuoit en l'an ciuil, de six en six ans:
l'autre estoit, l'embolisme d'un mois de vingtneuf
iours, que l'on insinuoit audit an ciuil, de cent vingt
en cent & vingt ans. L'embolisme sacré estoit, l'insin-
uation de sept mois embolismiques, que l'on inse-
roit en l'an sacré, durant le cours du cycle dixneufue-
uaire, en l'an d'iceluy cycle troisieme, sixieme, huietie-
me, onzieme, quatorzieme, dixseptieme, & dixneufie-
me. L'embolisme estranger estoit, l'embolisme Atti-
que, par lequel les Atheniens insinuoient nonante
iours en leur an Lunaire, de huiet en huietans. Quant

aux insinuations intercalaires, c'estoient insinuations, non de mois entiers, mais de iours. Et y en auoit de deux façons: l'une, estoit la Iulienne: l'autre, l'Egyptienne. L'intercalation Iulienne, estoit celle par laquelle on insinue vn iour en l'an Iulien, de quatre en quatre ans. L'intercalation Egyptienne, est celle par laquelle l'on insinuoit en l'an Egyptien, cinq iours, trois ans de suite, en la fin d'iceluy an, & six iours en la fin de l'an quatrieme.

*Refutation des opinions d'Albategnius & d'Hip-
parchus. touchant l'an, tant naturel Solaire,
que Lunaire.* CHAP. XI.



DAR toutes ces choses il apert, qu'en chacun cycle de cent & vingt ans l'an naturel Solaire anticipe l'an Iulien d'un iour, & qu'en chacune Saison de trois cēs soixāte ans, l'an Lunaire anticipe l'an Iulien d'un iour: tellement qu'à mesure que l'an naturel Solaire anticipe l'an Iuliē de trois iours, l'an Lunaire anticipe ledit an Iuliē d'un iour. Et que l'an naturel Solaire anticipe de deuy iours l'an Lunaire, alors que l'an Lunaire anticipe l'an Iulien d'un iour, lesdits ans gardās entr'eux perpetuellemēt ceste raison. Albategnius toutesfois a affirmé, que l'an naturel Solaire anticipoit l'an Iulien d'un iour en cent & six ans, fondé sur l'observation que Ptolemee auoit faite de son temps enuiron l'an cent quarante & vnieme du Seigneur, conferee

ferée avec l'observation que ledit Albategnius feit environ huit cens octante trois ans apres la natiuité du Seigneur, sept cens quarante deux ans apres Ptolemee, laquelle il publia l'an subseqüet huit cès octantequatrieme apres la natiuité du Seigneur: durant lequel temps de sept cens quarante deux ans il deprehenda l'anticipation de l'an naturel Solaire de laquelle il anticipe l'an Iulien, estre de sept iours, par le nombre desquels il diuisa lesdits sept cens quarante deux ans, & il en prouindrent cent & six ans: Dont il conclud que, de cent & six en cent & six ans l'an naturel Solaire anticipoit l'an Iulien d'un iour. L'opinion duquel a esté enluiuie depuis de tous les Astrologues qui l'ont suiuy. Hipparchus aussi excellent Astrologue, a de mesme affermé que, en seize cycles dixneufuenaires l'an Lunaire anticipoit l'an Iulien, d'un iour. Surquoy les Astrologues de ce tēps fondēt vne ratiocination, par laquelle ils estimēt, qu'alors que l'an naturel Solaire anticipoit l'an Lunaire de deux iours, ledit an Lunaire anticipoit l'an Iulien d'un iour. On pourroit donc nous obiecter ceste supputation pour improuuer la nostre, si premierement nous ne l'auions preuenüe. Pour donc y respondre & satisfaire, nous appellerons ceste reuolution de cent & six ans apportee par Mahumede Arabe ou Albategnius, *le cycle d'Albategnius*: & le cycle de cēt & vingt ans, nous l'appellerons *le cycle prophetique*, pour luy dōner vne mesme liuree qu'à la Saison prophetique, & le discerner d'auec le cycle Albategnien: & la reuolutiō du seizie-

C H R O N O L O G I E

me cycle dixneufuenaire apportee par Hipparchus, qui cōtient trois cens & quatre ans, *la Saison d'Hipparche*. Pour dōc respōdre à l'obseruation d'Albategnius fondee sur l'obseruation de sept siēs cycles, Ie dy que si nous mesurons ces sept cycles Albategniens par les cycles prophetiques, il se trouueront six cycles prophetiques & loize soixantiemes d'un cycle. Ce qui mōstre q̄ suiuant nōstre supputation, dedās la reuolution des sept cycles d'Albategnius, l'an naturel Solaire f'estoit preuerty de six iours & d'onze soixantiemes d'un iour: tellemēt q̄ tant par nōstre supputation, que par la sienne, l'an Solaire f'estoit preuerty au septieme iour precedent depuis le tēps de Ptolemee iusques au temps d'Albategnius. Et n'y a à dire sinon en ce qu'il estime lesdits sept iours estre entiers. Mais ie veux dire vne chose, à sçauoir que Ptolemee & Albategnius ont beaucoup fait d'auoir remarqué en leurs tēps, en quels iours escheoiēt leurs equinoxes, & Albategnius notāment, d'auoir par iceux trouué en quel iour precedent f'estoit preuerty l'an naturel depuis Ptolemee iusques à son temps, & auoir touché la chose à peu pres ayant décoché sa fleche pres du blanc & du but. Mais ie dy, que par l'Astronomie & par son obseruation, oies qu'il peust dire en quel iour escheoit l'equinoxe, sine pouuoit il dire en quelle heure du iour escheoit ledit equinoxe, ny luy ny Ptolemee, pour pouuoir par là iuger si ces sept iours de l'anticipation estoīēt entiers ou non, pour suiuant cela establir vn probleme par lequel l'on puisse affirmer, que de cent & six en cent &

fix ans l'ā naturel Solaire preuertit son lieu d'un iour. Pour ceste cause, ores que ladite supputation se trouue en partie veritable, & ne puisse estre desmentie en sept cens quarante-deux ans, si est ce qu'à la longue, estant conferee avec vne plus longue suite d'annees, elle se trouue vaciller. Et pour preuue de ce que dessus, Si nous prenons les ans depuis l'institution du kalendar Iulien, & les diuisons par le cycle Albategnien, nous trouuerons y auoir quinze cycles & quelque peu plus. Qui monstre, que suiuant son calcul, l'an naturel Solaire se feroit preuerty au seizieme iour precedent depuis ladite institution: tellemēt que l'equinoxe Vernal, lequel au temps de l'institution du kalendar Iulien estoit au vingt-sixieme de Mars, suiuant cela auroit son cours maintenāt dedans le dixieme iour de Mars. Au lieu qu'au iugemēt de tous bons Astronomes, il ne se trouue enicor qu'au douzieme de Mars. Le mesme iugement peut estre fait de la Saison d'Hipparque, laquelle en vn petit nombre d'annees peut bien estre trouuee en partie veritable, mais à la conferer avec vne longue suite d'annees, elle se trouuera clocher d'un pied. Quant au bastiment que l'on fonde sur ces deux hypotheses, par lequel on pretend establir qu'alors que l'an naturel Solaire anticipe l'an Lunaire de deux iours, l'an Lunaire anticipe l'an Iulien d'un iour. La chose qu'on conclud est bien certaine, mais lesdites deux hypotheses ne peuuent conuenir à cela, Veu que pour faire qu'alors que l'an naturel Solaire anticipe l'an Lunaire de deux iours, l'an Lunaire

anticipe l'an Iulien d'un iour, il faudroit que la Saison d'Hipparque, qui est trois cens quatre ans, comprint trois cycles Albategniens de cent & six ans. Ce qui ne se peut faire, attendu que trois cycles Albategniens font trois cés dixhuit ans, & surpassent de quatorze ans la saison d'Hipparque, c'est à sçauoir de sept cent cinquante-deuxiemes de sadite Saison. Ce qui monstre que lesdites deux hypotheses ne conuiennent pas à ce que l'an naturel Solaire anticipe l'an Lunaire de deux iours, à mesure que l'an Lunaire anticipe l'an Iulien d'un iour. Parquoy il est necessaire ou que lesdites hypotheses soient fausses, ou que ce poinct soit faux, lequel neantmoins est tenu pour asseuré entre tous Astronomes, par lequel ils tiennent que l'an naturel Solaire anticipe l'an Lunaire de deux iours, à mesure que l'an Lunaire anticipe l'an Iulien d'un iour. Et pour monstre l'inconstance de ces deux hypotheses, ie prendray l'an du Seigneur mil cinq cens soixante-huit, auquel on auoit fait depuis la creation cinq mil cinq cés soixante-huit ans. Lesquels ie diuiseray par le cycle Albategnien de cent & six ans, & il en prouiendront cinquante-deux, & vingthuit cinquante-troisiemes. Ce qui monstre que suiuant iceluy, l'an naturel auroit en iceluy espace de tēps preuerti le poinct de sa creation, de cinquante-deux iours & demy, ou enuiron. Derechef ie prendray les mesmes cinq mil cinq cens soixante-huit ans, & les diuiseray par trois cens & quatre ans, qui est la Saison d'Hipparque, & il en prouiendront dixhuit & un quart: Ce qui monstre que

l'an Lunaire doit suiuañt ladite faisoñ d'Hipparque, auoir preuertí l'equinoxe naturel de la creation, de dixhuiñt iours & vn quart. Or voila que ie dy, que si lescdites hypotheses estoient vrayes, lescdits dixhuiñt iours & vn quart prouenuz par la diuision de 5568 ans par la saison d'Hipparque, estans triplez doiuent esgaliser les cinquante-deux iours & demy prouenuz de la diuision desdits 5568 ans par le cycle Albategnien: Ce qui ne peut. Car si vous triplez dixhuiñt iours & vn quart, il en proui édrót cinqñte-quatre iours & trois quarts, qui surpassent de plus de deux iours lescdits cinquante-deux iours & demy prouenuz de ladite diuision par le cycle Albategnien. Dont ie cõclu que lescdites deux hypotheses sont fausses, & que nostre supputation est veritable, laquelle ne peut varier en toute la durée du monde, d'vne minute, ny mesme d'vne seconde, & conuiendroit perpetuellement exactement avec les phainomenes, si la Lune marchoit tousiours souz la Lune eclyptique sans s'eloigner tantost d'icelle & tantost y reuenir souz la teste & queüe du dragon, (selon le langage des Astronomes:) ce qui fait qu'vne telle harmonie ne se monstre si manifestement qu'il seroit à desirer.

Toutes lesquelles choses pour mieux représenter, nous auons aduisé de les rediger sommairement en trente problemes, contenuz en la Table cy attachée.

CHRONOLOGIE

Refutation de l'erreur de ceux qui pensent que les ans de ces personnages de longue vie qui ont precedé le Deluge, soient de deux, ou trois, ou quatre mois, ou enuiron, & en somme, moindres que les ans dessus expliquez.

CHAP. XII.

L'appert par les choses deuant exposées, quelle a esté la constitution de l'an dès le commencement du monde, & comment ils estoient esgaux aux ans naturels de ce tēps icy. Et combien que la vraye institution de l'an ait esté incognue entre les Grecs & Latins par longs siecles apres le Deluge, Il ne s'ensuit pas qu'elle n'ait esté cognue depuis le commencement du monde à Adam, Seth, Enoch, Noé, & Abraham, lequel viuoit mesme du temps de Noé, & que ladite institution n'ait demeuree d'Abraham à ses enfans & familles, & soit par ce moyen paruenue à Moÿse, estant ignoree de la pluspart des natiōs estrangeres. Ainsi enuers les Grecs Bacchus est estimé estre inuenteur du cultiueement de la vigne, & Misraim enuers les Egyptiens est estimé auoir monstré le labourage & agriculture du bled : Ores que toutesfois cela n'empesche pas que Noé n'ait premierement planté la vigne, & beu du vin d'icelle. Ainsi encor que la vraye institution de l'an ait esté incognue aux natiōs estrangeres, Il ne s'ensuit pas quelle n'ait esté cognue à l'Eglise, mesme depuis le commencement du monde, & non seulement cognue, mais obseruee, & que tous les

ans descrits en la Bible, ne soient selon la vraye institution des ans Ecclesiastiques cy-dessus expliquez. Quelques vns toutesfois ont voulu doubter, si les ans de ces personnages qui ont esté de longue vie deuant & enuiron le Deluge, estoient de trois, ou quatre mois, ou autres, moindres que les ans desquels nous vsons aujour d'huy: Et la cause de ceste doute a esté, que le nombre des ans de ces premiers peres, surpassoit de beaucoup le nombre des ans des hommes d'aujourd'huy, tellement que cela a donné occasion de penser, que la pluralité des ans estoit recompensee de la minorité d'iceux. Et d'auantage aussi, Dieu instituant l'an sacré en sa loy, semble par icelle institution de l'an, presupposer que deuant, la vraye & certaine institution de l'an ait esté incognüe. Lesquelles raisons toutesfois n'ont nul lieu, veu que deuant que la loy de moyse fust, l'an du Deluge est descrit, auquel il est notoire que les mois d'icelle supputation estoient de trente iours, & est fait mention de ce qui est aduenü & deuant & apres le dixieme mois, en la description d'icelle annee. Ce qui monstre que ceste supputation estoit toute telle qu'est la supputation prophetique & ciuile, laquelle nous auons cy dessus exposee, l'ayant puissee de la source prophetique de l'Apocalypse & Daniel. Ce qui monstre bien, que la supputation sacree ne l'a nullement abrogee, & ne luy a en rien derogé, ains la sacree arriuant, a esté reseruee aux solennitez du Sanctuaire, & l'autre, cōtinuee pour les negociations ciuiles. Telle estoit aussi deuant la loy la consideration

Gen. 41.

Gen. 17. 21.

[Gen. 9.

de l'an aux sept années d'abondance, & sept années de famine d'Egypte, predites par Ioseph, & de l'an duquel parle l'Ange à Abraham, disant, *En ceste saison en l'an suivant Sara aura un fils*: Et semblablement de trois cens cinquâtes ans que Noé a vescu depuis le Deluge, lesquels ne peuuent estre autres que l'an du deluge, estans mis apres la description d'iceluy. Or tous les neuf cens cinquante ans sont sonmez au mesme lieu apres le deluge: Ce qui tesmoigne, que les six cens ans qu'il auoit vescu auant le deluge, estoient encor semblables à l'an du deluge. Il n'est dōc pas incompetent, qu'Adam & les autres n'ayent vescu les ans qui leur sont attribuez en la Bible, Et que ceste supputation Ecclesiastique ciuile n'ait esté dès le commencement du monde. Car au demeurant, vne telle varieté d'années n'a iamais esté remarquee en l'Eglise souz tiltre d'ans: Mais bien entre les gens estrangeres, Entre lesquelles Xenophon remarque, que les ans ont esté pris entre les Egyptiens, pour ans d'un mois, quelquefois de deux, autrefois de trois, & de quatre mois, quelquefois aussi pour des ans Solaires: Dit aussi, que les Iberiens vsoient le plus souuent d'ans de quatre mois, & rarement d'ans Solaires: Quant aux Chaldeens, dit qu'en l'antiquité de leurs disciplines, ils vsoient d'ans d'un mois, mais en toutes autres choses, d'ans Solaires. Or ces choses estās generalement expliquees du Tēps, & des parties d'iceluy, Il reste de venir aux particulieres supputations des ans de la duree du monde, commençans depuis la creation iusqu'au Deluge.



S' ENSVIVENT LES ANS DE
PVIS LA CREATION DV MON-
de iusques au Deluge.

CHAP. XIII.



R quatre mil ans sont coulez depuis la creation du monde, iusques à la natiuité de nostre Seigneur Iesus Christ. Desquels il en sont interuenuz deux mil cinq cens dix-sept, depuis la creation du monde, iusqu'à l'entree des enfans d'Israël en la terre de Chanaan: Et apres, mil quatre cens octante trois, depuis icelle entree iusques à la natiuité de nostre Seigneur. Mais pour exposer lesdits ans par ordre, nous comencerons par l'investigation des ans qui sont passez depuis la creation du monde iusques au Deluge, qui sont mil six cens cinquante six.

Adam vesquit cent & trēte ans, & engēdra Seth. 130. *Gen. 5.*

Seth vesquit cent & cinq ans, & engendra Enoc. 105.

Enoc vesquit nonante ans, & engendra Chaīnan. 90.

Chaīnan vesquit septante ans, & engendra Mahalaleel. 70.

Mahalaleel vesquit soixante cinq ans, & engendra Iared. 65.

Iared vesquit cent soixante deux ans , & engendra Enoch. 162.

Enoch vesquit soixâte cinq ans, & engendra Mathusalem. 65.

Mathusalem vesquit cent octante sept ans , & engendra Lamech. 187.

Lamech vesquit cent octante deux ans , & engendra Noé. 182.

Gen. 7. 11. Le Deluge escheut en l'â six cés de la vie de Noé. 600.

Somme , tous les ans depuis la creation du monde iusqu'au Deluge, mil six cens cinquante six. 1656.

On peut icy remarquer, que quand Moyse dit, *qu'Adam vesquit cent & trente ans, Et engendra Seth*, c'est autant comme s'il disoit, qu'Adam engendra Seth en l'an cent trentieme de son aage. Ce qui est apparent par les choses subsequentes, sçauoir par ce que Moyse dit, que *Adam vesquit huiët cens ans apres auoir engendré Seth, & auoir en tout vescu neuf cens trente ans*: Car si de neuf cens trente ans qu'Adam a vescu, vous en tirez huiët cens ans qu'il a vescu depuis auoir engendré Seth, il resteront cent & trente ans, qu'il auoit iustement vescu alors qu'il engendra Seth. Ce qui peut estre prouué de mesme des autres consequemment apres iusqu'à Noé.

En cet endroit il suruient vne difficulté touchant la natiuité d'Arphaxad, de laquelle il nous faut proposer la solution, premier que de nous acheminer à autre supputation. La cause de ceste difficulté gist en ce que Moyse dit, que *Noé a engendré Sem, Cham, & la-*

Gen. 5. 32.

phet, luy estant aagé de cinq cens ans. Dou il est apparent que Noé alors qu'il engendra Sem, estoit en l'an cinq cens de son aage. D'auantage l'Escripture dit, que le Deluge aduint en l'an six cens d'iceluy Noé. D'où il s'enfuit, que le Deluge aduint en l'an centieme apres que Sem fut engendré. D'autre part elle dit, que Sem a engendré Arphaxad, iceluy Sem estant aagé de cent ans. Il semble donc que cela soit adueni en l'an du Deluge. Et toutesfois Moyse dit, que Sem estant aagé de cent ans engendra Arphaxad, non en l'an du Deluge, mais deux ans apres le Deluge. Dont il semble y auoir mesconte de deux ans. Car il semble estre necessaire, Ou que Sem ait esté engendré en l'an cinq cens deuxieme de la vie de Noé, à fin qu'il se puisse faire qu'il ait engendré Arphaxad en l'an centieme de sa vie, & en l'an second du Deluge, (Car si Sem eust esté nay en l'an cinq cens & deuxieme de Noé, l'an centieme de Sem seroit l'an six cens & deuxieme de Noé, & l'an second apres le Deluge, veu que le Deluge est arriué en l'an six cens de la vie de Noé, qui est deux ans deuant l'an six cens & deuxieme de Noé.) Ou si Sem estoit nay en l'an cinq cens de la vie de Noé, & Arphaxad est nay en l'an centieme de Sem, Il s'enfuit qu'Arphaxad est nay en l'an du Deluge, & non deux ans apres. Et si Sem est nay en l'an cinq cens de la vie de Noé, & le Deluge est arriué en l'an six cens de Noé, & Arphaxad est nay deux ans apres le Deluge, Il semble n'estre pas nay en l'an centieme de Sem. Toutes lesquelles incommoditez ne peuent escheoir en la parole de Dieu, la verité &

ait engendré Arphaxad. Ce qu'il peut dire comme dessus sans absurde. Et mesme qui voudroit prendre ledit mot pour vn nombre principal signifiant deux ans, encor le pourroit on prendre pour deux portions desdits deux ans, sans absurde: Veu que en quelques lieux de l'Ecriture vne portion d'an est vsurpee pour l'an entier, ainsi qu'on pourra voir en la collation des ans des Rois d'Israël & de Iuda qui ont succedé depuis Salomon iusqu'à Iehu. Suiuant cela, nous colloquerons la natiuité d'Arphaxad immediatement apres le Deluge, sans precontenir lesdits deux ans qui sembloient deuoir estre precontez.

*S'ensuiuent trois cens nonante ans depuis le Deluge
iusques à la naissance d'Isaac.*

CHAP. XIII.

ARPHAXAD vesquit trentecin ans *Gen. 11. 12.*
 & engendra Sela. 35.
 Sela vesquit trente ans, & engendra
 Eber. 30.
 Eber vesquit trentequatre ans, & en-
 gendra Phaleg. 34.
 Phaleg vesquit trente ans, & engendra Reu. 30.
 Reu vesquit trentedeux ans, & engendra Sarug. 32.
 Sarug vesquit trente ans, & engendra Nachor. 30.
 Nachor vesquit vingtneuf ans, & engendra Tharé. 29.
 Tharé vesquit septante ans, & engendra Abram. 70.
 Abraham estât aagé de cent ans, engendra Isaac. 100. *Gen. 21.*
 Somme tous les ans, depuis le Deluge iusques à

Q. iij.

Isaach, trois cens nonante

En cet endroit il y a trois difficultez occurrentes en la supputation cy dessus proposée. L'une est, touchant la supputation des Septante Interpretes, laquelle est differente & toute autre que la supputation de Moïse, contenuë au texte Hebreu, Laquelle difficulté toutesfois n'est pas difficulté à ceux qui ont gousté tant soit peu la langue Hebraïque, veu qu'au texte Hebreu il n'y a aucune supputatiō ny nombre qui puisse estre pris diuerſement, ny dont la signification puisse engēdrer doute aucune. Parquoy cōme ainsi soit que nul ne puisse douter de la verité Hebraïque, Nous reietterons toutes telles supputations differentes & cōtraires, comme estrangeres, & telles qu'elles ne peuuent estre conciliees avec la verité Hebraïque.

Gen. ii.

Luc. 3 36.

L'autre difficulté, est encor rouchant la version des Septante. Car comme ainsi soit, que Moïse die qu'*Arphaxad a engendré Sela* sans faire aucune mention qu'Arphaxad ait engendré Chainan, les Septante Interpretes toutesfois, avec l'Euangeliste saint Luc, semblent affermer qu'Arphaxad ait engendré Chainan, & que Chainan ait engendré Sela. L'on demande dōc comment cela se peut faire, remettant en doute si Arphaxad a engendré Chainan, Ou si la generation de Chainan est là inferee hors de propos, ayant esté supposée par les Septante, & depuis par quelqu'un adioustee au texte de Saint Luc: Ou bien si à bon droit elle a esté suppléee par les Septante Interpretes, & par saint Luc, ayant esté obmise par Moïse: Et si est ainsi, com-

ment on pourra faire accorder les supputations ? Sur quoy ie respon, que sainct Luc ayant proposé iceluy an, Il se peut faire, non que Chaïnan ait esté engendré au temps que les septante Interpretes ont dit, ains que Arphaxad ait engendré Chaïnan, & Chaïnan Sela, & que toutesfois Moyse passe Chaïnan, & die qu'Arphaxad a engédre Sela: Veu que les fils des fils en l'Ecriture sont dictz & entēduz naistre aux peres de leurs peres. Et non seulement cela, mais qui plus est, Noëmi n'ayant point d'enfans, ains seulement vne sienne belle-fille, vefue d'un de ses fils, auquel Boos suscitoit lignee, l'enfant qui est entendu estre suscité & nay au fils de Noëmi de par sa belle-fille, est neantmoins dict *estre nay à Noëmi* sa grand-mere reputée. Ainsi en ce lieu, si Sela est nay à Chaïnan, il n'y a point d'inconuenient qu'il ne puisse estre dict *naistre à Arphaxad*, Mais si ainsi est, il faudroit neātmoins que les ans corespondissent, & non pas qu'ils fussent colloquez cōme ceux qui sont icy mis par les Seprāte Interpretes: Tellemēt qu'encor qu'il fust vray qu'Arphaxad eust engendré Chaïnan, & Chaïnan eust engendré Sela, Il ne s'ensuiuroit pas qu'il eust esté engédre au temps exposé par lesdits Septante, ains faudroit, que (suiuant ce que dit Moyse, que *Arphaxad a engendré Sela, estant aagé de trentecinq ans*,) Arphaxad eust engédre Chaïnan en tel aage comme à dixhuiet ans, & que Chaïnan eust engendré Sela à dixsept ans, de sorte que par ce moyen Sela seroit entendu estre nay à Arphaxad, iceluy Arphaxad estant aagé de trentecinq ans, suiuant ce que

Ruth 4. 17.

Gen. 11.

dit Moÿse, & ainsi cela ne pourroit preiudicier à nostre calcul. Tant y a que ie n'entre point à iuger si cela est, ou n'est point, & si cela a esté adiousté au texte de saint Luc, ou non : bien sçay-ie que nul ne peut
Dent. 4. impunément adiouster ou diminuer à la sainte Escri-
Neh. 7. 64. ture : Mais pour iuger du surplus, j'atten le prebstre
 ayant Vrim & Thumim, s'il faut que ie parle comme l'Es-
 criture parle du temps de Nehemie, lors que l'on
 doutoit de certains sacrificateurs s'ils estoient Leuites
 ou non. Car la decision de l'un de ces faiëts cōsiste en
 la cognoissance des genealogies aussi bien que l'autre,
 & l'ignoration de cestui-cy ne peut estre imputee à
 ignorance, non plus que l'ignoration de l'autre, du-
 quel la decision n'est pas mesme proposee.

La troisieme difficulté est, touchant la natiuité d'A-
 braham, duquel Moÿse dit, que *Tharé estant aagé de*
Gen. 11. 26. *septante ans, engēdra Abraham, Nachor, & Haran.* D'où
 il est apparent, qu'Abraham nasquit en l'an septantie-
 me de la vie de Tharé. Outre cela, Moÿse dit, que *Tha-*
Gen. 11. 32. *ré vesquit en tout deux cens & cinq ans,* Desquels si vous
 ostez septante ans qu'il auoit vesçu lors de la naissan-
 ce d'Abraham, vous trouuerez qu'il a vesçu encor par
 dessus, apres la naissance d'Abraham, cent trente cinq
 ans. Or d'autant que Moÿse tesmoigne, qu'*Abraham*
Gen. 12. 4. *est venu en la terre de Chanaan en l'an de sa vie septante-*
cinquieme, Si vous prenez ces septante cinq ans d'Abra-
 ham, & les tirez des cent trente cinq ans que Tharé
 vesquit apres la natiuité d'Abraham, vous trouuerez
 que Tharé a vesçu soixante ans, apres qu'Abraham a
 esté

esté venu en la terre de Chanaan. Il semble toutesfois qu'Estienne assure aux Actes des Apostres, que *Abraham est issu de Charran, apres la mort de Tharé son pere, Act. 7. 4.* & non pas durant la vie d'iceluy. Laquelle chose si elle estoit ainsi, il s'ensuiuroit qu'Abraham n'auroit pas esté nay en l'an septantieme de Tharé, selon ce que dit Moyse, Mais en l'an cent trentieme d'iceluy Tharé, dont il y auroit difference de soixante ans. Il semble donc que Moyse se soit grandement mesconté. Toutesfois la solution de ceste difficulté sera amenée par la solution d'une autre. Car Estienne dit au mesme lieu, *Que Dieu n'auoit point donné à Abraham en la terre de Chanaan, d'heritage & possession, non pas pour asseoir la plante de son pied.* Or Moyle telmoigne, que apres la *Gen. 23.* mort de Sara, Abraham acheta pour quatre cens sicles d'argent, le champ avec la caverne double, en laquelle fut ensevelie Sara, & depuis aussi Abraham, Isaach, Lea, Iacob, & Ioseph, tellemēt qu'il eut en possession le champ d'Ephron Hetien, avec les arbres qui estoient en iceluy. Lequel champ, acheté quatre cens sicles d'argent, est vne possession assez ample pour asseoir la plante du pied. Dieu donc ayant donné ce chāp à Abraham, luy a donné possession de terre assez ample pour asseoir la plante de son pied. L'on pourroit donc demander, pourquoy c'est qu'Estienne dit, *que Dieu n'a point donné à Abraham d'heritage pour asseoir la plante de son pied?* A laquelle question nous pouuons respondre, que ce que Dieu a donné à Abraham, n'a pas esté durant la vie de son pere Tharé, mais deux ans après le trespas d'i-

CHRONOLOGIE

celuy, à ſçauoir apres la mort de Tharé: Et eſt ce qu'Eſtienne a voulu dire, diſant, que *Dieu a trāſporté Abraham en ceſte terre apres le deces de ſon pere*, & qu'il ne luy auoit point donné de poſſeſſion en icelle pour aſſeoir la plāte de ſon pied. Car en premier lieu, qu'Abraham ait achetē le dit chāp deux ans apres la mort de Tharé, cela eſt apparent, parce qu'Abraham l'acheta apres la mort de Sara, laquelle mourut deux ans apres la mort de Tharé pere d'Abraham. Car Sara mourut deux ans apres la mort de Tharé, veu qu'elle mourut eſtāt aagée de cent vingſept ans: Auquel temps Abraham eſtoit aagé de cent trentesept ans, veu qu'il eſtoit aagé de dix ans plus que Sara, cōmme il appert par ce qu'il dit en vn certain lieu, *A ſçauoir-mon ſi celuy qui a cent ans engēdrra? Et ſi celle qui a nonante ans enfantera?* Mais Tharé eſt mort en l'an cēt trētecinquieme d'Abrahā, ayāt veſcu tout autant d'annees apres la naiſſance d'iceluy, cōmme nous auons veu cy deſſus. Sara donc eſtant morte en l'an cent trenteseptieme d'Abraham, & Tharé en l'an cent trentecinquieme d'iceluy, Tharé eſtoit mort deux ans deuāt que Sara mouruſt, & deux ans deuāt qu'Abraham achetaſt ce chāp d'Ephron Hetien, avec la cauerne double, & deuāt que Dieu dōnaſt à Abraham, de la terre de Chanaan en poſſeſſion & heritage, pour aſſeoir la plante de ſon pied, Et ainſi durāt la vie de Tharé, Abraham n'auoit pas de terre en Chanaan pour aſſeoir la plante de ſon pied, ſuiuant ce que dit Eſtienne. Eſtienne donc ſuiuant cela, dit que *Dieu a trāſporté Abraham depuis la mort de Tharé*, d'autant

Gen. 23. 1.

Gen. 17. 17.

qu'Abraham durant la vie de Tharé n'ayant aucune possession en la terre de Chanaan, & ayant encore droit en la maison de son pere en Charan où son pere vivoit, ne sembloit pas auoir esté encore transporté en la terre de Chanaan : Mais depuis, Abraham ayant acquis possession en Chanaan, semble y auoir esté transporté. Et à cōsens aussi conuient le mot duquel vse Estienne, à sçauoir *μετοικίσειν*, qui est à dire, *trāsporter le droict de l'habitation* : Signifiant que durant la vie de Tharé Dieu n'auoit pas transporté le droict de l'habitation d'Abraham, de Charan en Chanaan, Mais tant seulement apres la mort de Tharé pere d'Abraham : Ce qui n'empesche pas qu'Abraham comme pelerin & estranger n'y ait habité durant la vie dudit Tharé, & qu'il ne soit nay en l'an septatieme d'iceluy Tharé : Et par ce moyen il ne reste aucune difficulté en la supputation dessus exposée.

Des quatre cens & trente ans, interuenus depuis la naissance d'Isaach, iusques à l'issue d'Israël hors d'Egypte : Ensemble des quarante ans de la peregrination d'iceluy Israël au desert. CHAP. XV.



Depuis la naissance d'Isaach, iusques à l'issue des enfans d'Israël hors d'Egypte, il y a eu quatre cens & trente ans. En l'exposition desquels il escheent beaucoup de difficultez, à cause des diuerses expositions d'iceux, qui se presentent en diuers lieux de l'Escripture. Car en pre-

Gen. 15. 13.

mier lieu, Dieu dit à Abraham : *Scache pour certain que ta semence habitera en terre non sienne, & l'afferviront & affligeront par quatre cens ans : Toutesfois ie rugeray la gent à laquelle ils seruiront, & apres ils sortiront en grande cheuance, & toy tu i'en retourneras avec tes peres, estant enseuely en bonne vieillesse: Et eux ils reuindront icy en la quatrieme generation. Auquel lieu il semble que Dieu prophetise, que la semence d'Abraham deult estre captiue en Egypte quatre cens ans. Toutesfois il semble que Moysé assure le contraire de cela, à l'issue des enfans d'Israël hors d'Egypte. Car il semble qu'il vueille dire, que l'habitation des enfans d'Israël en Egypte, ait esté non seulement de quatre cēs ans, mais de quatre*

Exod. 12. 40.

cens trente, disant: Et l'habitation des enfans d'Israël, de laquelle ils ont habité en Egypte, est de quatre cens trente ans: Mais il aduint au bout de quatre cens trente ans, au mesme iour, les armées du Seigneur sortirēt de la terre d'Egypte. Moysé dōc semble affermer, que l'habitation des enfans d'Israël en Egypte, ait esté de quatre cens trente ans, mesmement depuis le temps que les enfans d'Israël entrèrent en Egypte. Toutesfois Moysé ne l'entend pas ainsi: Car luy mesme tesmoigne le contraire au chap. 6. de l'Exode, là où il enseigne, que Chaath a

Gen. 6. 18.

esté pere d'Amram, & Amram de Moysé: Disant d'auantage, que Chaath auoit vescu cēt trente trois ans, & Amram cent trente sept. Et outreplus, il conste que Chaath

Gen. 46. 11.

Gen. 7. 7.

est de ceux qui sont entrēz en Egypte, & que Moysé en est issu, estant agé d'octante ans. Tous lesquels ans, tant de Chaath, qui entra en Egypte, que de Amram, & de

Moÿse qui en sortit, estans joints ensemble, font trois cens cinquante ans: Ausquels si vous adioustez vingt & trois ans, que Ioseph auoit esté en Egypte auant la venuë de son pere, il en seront faits trois cens septante trois ans, lesquels tout au pis aller les enfans d'Israël pourroient auoir habité en Egypte, & non quatre cens trente ans, ny mesme quatre cens. On me pourroit toutesfois demander, d'où c'est que ie pren, que Ioseph eust demeuré vingt & trois ans en Egypte? Sur quoy ie respon, que *Ioseph ayant gouverné les brebis de son pere iusques à l'an dixseptieme de son aage, au mesme tēps fut transporté en Egypte. Apres il assista deuant Pharaon, luy estant aagé de trente ans, qui estoit treize ans apres qu'il fut descendu en Egypte: Apres lesquels coulerent sept ans d'abondance, & deux ans de famine, faisant neuf ans, depuis le temps auquel il assista deuant Pharaon, iusques à l'an auquel il commença à semondre son pere de se retirer en Egypte: Lesquels neuf ans estans adioustez avec les treize dessus exposez, font vingt-deux ans, depuis la descente de Ioseph en Egypte, iusques à l'aduertissement donné à Iacob pour y descendre: Depuis lequel temps iusques à l'an suiuant, auquel Iacob descendit en Egypte, qui estoit l'an subsequant apres le susdit aduertissement, l'on peut conter lesdits vingt & trois ans. Lesquels vingt trois ans estans adioustez avec les dixsept dessus exposez, durāt lesquels Ioseph auoit gardé les brebis, il en sont faits quarante ans, que Ioseph auoit alors que Iacob descendit en Egypte, & assista deuant Pharaon, en l'an cent trentieme.*

Gen. 37.

Gen. 41. 46.

Gen. 41. 53.

Gen. 45. 6.

Gen. 47.

de la peregrination de Iacob. Ces vingt & trois ans donc de Ioseph, durant lesquels il auoit esté en Egypte deuant que Iacob y descendist avec toute sa famille, en laquelle estoit Chaath, estâs adioustez avec les trois cens cinquâre ans dessus exposez, ne peuuent faire quatre cens trente, ny mesme quatre cens ans. Parquoy il est necessaire de chercher vne autre explication du lieu preallegué. Toutesfois nous ne pouuons chager l'un des termes, Veu qu'il est certain que l'an de l'issue des enfans d'Israël hors d'Egypte, est l'an quatre cens trentieme, Mais à conter depuis quand, c'est ce qui est en question. Or ie dy, que ces quatre cens & trente ans doiuent estre contez depuis la natiuité d'Isaach, Et c'est ce que i'entreprend prouuer, Non pas par les liures de Moÿse, mais par les Epistres de saint Paul Apostre, en l'Epistre aux Galates, où il explique le lieu dessus allegué, disant ainsi: *Freres (dit-il) ie parle selon l'homme, Vne alliance confirmee, ores que d'un homme, nul n'en oste ou adiouste. Or les promesses ont esté faictes à Abraham & à sa semence. Il ne dit pas, à ses semences, comme de plusieurs, mais comme d'une, & à ta semence, qui est Christ. Or ie dy cela, l'alliance estant préconfirmée de Dieu enuers Christ, la Loy, qui fut apres quatre cens & trente ans, ne peut enfreindre la promesse. Auquel lieu, l'Apostre tesmoigne la Loy estre venue quatre cens & trente ans apres l'alliance deuant confirmee en la semence, qui est Christ. Il est donc question, quelle est ceste alliance préconfirmée en la semence qui est Christ, Et quelle est la semence qui est Christ, en laquelle l'alliance a esté deuant confirmee,*

Galat. 3. 15.

Et quelle est la confirmation de ceste alliance en la semence qui est Christ. Lesquelles choses si nous recherchons chez Moyse, nous trouuerons que Dieu feit vne alliance avec Abraham, au mesme temps auquel il luy predist la peregrination de sa semence par quatre cens ans. De laquelle alliãce les parolles sont telles:

En ce mesme iour Dieu feit alliãce avec Abraham, disant, le Gen. 15. 18.
dõneray ceste terre à ta semence, depuis le fleuue d'Egypte iusques au grand fleuue le fleuue Euphrate, le Ceneen, & Cenizien, & Cadmoneen, & Hitteen, & Pherezien, & les Rephaïm, & l'Amoreen, & le Chananeen, & le Girgazien, & le Iebusien. Auquel lieu est bien proposée vne alliance, mais il n'est fait aucune mention de confirmation d'icelle. Mais puis apres en la Circoncision, Dieu donna la confirmation de l'alliance, disant: Et ie Gen. 17. 7.
confirmeray mon alliance entre moy & toy en leurs generations, en alliance perpetuelle, à fin que ie te soy pour Dieu, & à ta semence apres toy. Et te donneray, & à ta semence apres toy, la terre de tes peregrinations, toute la terre de Chanaan, en possession perpetuelle, & seray leur Dieu. D'auantage Dieu dist à Abraham, Et toy tũ garderas mon alliance en leurs generations: C'est cy mon alliance, que vous garderez entre moy & vous, & entre ta semence apres toy, Que tout masle soit circoncis, Et circõcirez la chair de vostre prepuce, Et sera signe entre moy & vous, &c. Auquel lieu nous voyons que l'Escripture propose la Circoncision, pour confirmation de l'alliance. Tellement qu'en la circoncision, l'alliance a esté confirmee en la semence d'Abraham. Puis apres, il nous faut voir, quelle est ceste se-

mence qui est appelée Christ: Et nous trouuerons, que *c'est Isach*. Car cela n'est pas dit comme de plusieurs semences, mais comme d'une, qui est appelée Christ, laquelle est neantmoins Isach, suiuant ce qui est dit, *Et en Isach te sera appelée semence*. Car aussi Iesus Christ n'estoit pas encore nay selon la chair, dont il peust estre appelé *semence d'Abraham*, deuât la Loy. Isach donc est appelé Christ, de mesme cōme Israël est appelé *le fils aîné de Dieu*, en estant la figure. Tournesfois l'on me pourroit dire, que ceste alliance pouuoit estre confirmée en Christ, ores qu'il ne fust pas nay selon la chair, attendu qu'il ne laissoit pas d'estre, estant fils de Dieu, iacoit qu'il ne fust pas encore fils de Dauid selon la chair, ny pareillement fils d'Abraham selon la chair. Mais là dessus on peut respondre, que *ores que Iesus Christ fust* (cōme luy mesme tesmoigne) *deuant qu'Abraham fust*, si est-ce que l'alliance ne pouuoit estre confirmée en luy, cōme semence d'Abraham, *n'estant pas encore nay de la semence d'iceluy*: bien pouuoit elle estre confirmée en Isach, estant semence d'Abraham, & figure de ceste vniue semence Christ, & par ce moyen estre entendue estre confirmée en Christ. Tellement que l'alliance confirmée en Isach, est par ce moyen confirmée en Christ. Laquelle fut confirmée, alors qu'Isach fut circoncis, *la circoncision estant donnée pour l'alliance confirmée*. La Loy donc, qui arriva quatre cēs & trente ans apres l'alliance preconfirmée en la semence, vint quatre cens & trente ans apres la naissance & circoncision d'Isach. Laquelle

Loy

Loy estant donnee le *second mois apres l'issue d'Egypte*, *Exod. 19.*
monstre que l'issue des enfans d'Israël hors d'Egypte, ad-
uint quatre cens & trente ans apres la naissance & circon-
cision d'Isaach. C'est donc ainsi qu'il faut entendre le
lieu de Moysè preallegué, auquel il dit que l'habita-
tion des enfans d'Israël de laquelle ils ont habité en Egypte,
est de quatre cens & trente ans. Il sera toutesfois bon de
noter la locution de l'Apostre: Car il ne dit pas, que la
Loy soit venue quatre cens & trente ans apres la pro-
messe, mais dit notamment, *quatre cens & trente ans*
apres l'alliance, Et non pas seulement Apres l'alliance,
Mais adiousté, *apres l'alliance preconfirmee*, c'est à dire,
deuant confirmee, monstrant qu'elle est confirmee ces
quatre cēs & trente ans deuant la Loy. Quelcun tou-
tesfois pourroit demâder, que c'est que l'on doit esti-
mer des quatre cens ans desquels Dieu auoit parlé à
Abraham. Auquel ie respon, que Dieu auoit bien
notifié à Abraham la peregrination de sa semence, &
enuiron le temps d'icelle, & d'auantage, la future de-
liurance, & retour en la terre de Chanaan, Toutesfois
il ne luy a point exprimé le temps d'icelle deliurance.
Tellement qu'il n'exprime pas le terme & extremité
de sa prophetie, comme il fait bien ailleurs, de certai-
nes autres propheties, desquelles le temps est plus à
plain spécifié, cōme il pourra estre prouué par exem-
ple pris de Jeremie, où le Seigneur parle ainsi: *Et toute* *Jerem. 25. ix.*
ceste terre (dit il) *sera en solitude & desolation, & ces gens*
cy seruiront au Roy de Babylone, septante ans. Là où le Sei-
gneur exprime le temps de la desolation, mais il n'ex-

Iere. 29. 10.

prime pas encor le temps de la deliurance. Toutesfois il le met apres, disant, *Car quand septante ans seront accomplis en Babylone, ie vous visiteray, & susciteray sur vous ma bonne parole, pour vous ramener en ce lieu.* Auquel lieu il est aisé à voir, que Dieu exprime le temps de leur deliurance. D'où aussi il est aduenü, qu'ils ont esté deliurez de leur captiuité en l'an septatieme d'icelle, selon la parole du Seigneur apportee par Ieremie, ainsi qu'il est apparent par les liures des Rois, & Annales, & Esdras. Ainsi en ce lieu, le Seigneur propose generale-ment le temps de la seruitude, Mais il n'exprime pas le temps de l'issue & deliurace d'icelle. Car s'il eust dit en cest endroit cōme il dit en Ieremie, *Toutesfois au bout des quatre cens ans, ie vous visiteray & susciteray sur vous ma bōne parole, pour vous ramener en ceste terre,* Pour vray il les eust deliurez en la fin desdits quatre cēs ans. Mais il n'auoit pas expressémēt promis cela, Ains seulemēt il auoit dit, *qu'il iugeroit la gent à laquelle ils seruiroient.* Ce qui est aussi aduenü, Car Dieu a iugé les Egyptiens: Toutesfois il n'auoit pas exprimé le temps auquel il les deuoit iuger. Quelcun neātmoins pourroit prendre ces choses si seueremēt, qu'il pourroit estimer que ces quatre cens ans deussent estre exactz, sçauoir, Ou que les enfans d'Israël deussent demeurer en Egypte exactement quatre cens ans, (mais desia nous auons mōstré q̄ cela ne se peut faire, par les aages de Chaath, Amram, & Moÿse:) Ou que la semence d'Abraham deust estre exactemēt quatre cens ans en terre estrange, & non plus. Il faudroit adonc prendre le cōmen-

cement de la peregrination de la semēce d'Abraham en terre non sienne , deslors qu'*Isaach* commença de- Gen. 10. 21.
stre estranger en Gerar terre non sienne, où il n'asquit : Et faudroit que ceste peregrinatio cōprint deslors tout le temps qu'ils ont demeuré en terre estrāge, iusques à tant qu'ils sont non seulement sortis d'Egypte, Car encor ceste semēce demeueroit en terre non sienne, sçauoir au desert, Mais faudroit qu'elle cōprint iusques au temps auquel les enfans d'Israël sont entrez en leur terre de Chanaā. Ce qui ne se peut faire: Ains pour euitier toutes ces difficultez, le meilleur & le pl^r seur est, de nous maintenir aux paroles de l'Apostre, & cōsentir auec luy, que depuis la naissāce d'*Isaach*, iusques à l'issue des enfans d'Israël hors d'Egypte, il y a quatre cēs & trente ans. Or les Israélites furent parmy les deserts, depuis l'issue d'Egypte iusqu'à quarante & vn an apres. Car eux ayans en l'an second de l'issue d'Egypte enuoyé des espies en la terre de Chanaan, pour espier la terre, *Iceux espies ayans en quarante iours espié la terre, la* Nom. 14. 34.
diffamerent, dont toute la congregation d'Israel murmura, horsmis Iosué fils de Nun, & Chaleb fils de Iephoné, lesquels auoient soustenu le party du Seigneur: Le Seigneur alors decreta, de consumer les espies diffamateurs de la terre, qui auoiēt induit la multitude à murmurer, ensemble perdre toute la congregation murmurante: Et pour ceste fin , ordonna que selon le nom- Nom. 26. 64
bre des iours esquels on auoit espié la terre, sçauoir quarante, ils demeureroiēt autant d'annees au desert, tant que leurs charoignes fussent cheutes illec, Dōt aussi ils demurerēt

au desert par 40 ans, à côter depuis ledit an secôd de l'issue d'Egypte, à sçauoir quarante & vn an depuis la dite issue. Car l'an de l'issue d'Egypte estoit expiré, & l'an second estoit bien auancé alors que Dieu dist notamment, que les Israélites demeureroiét encore quarante ans au desert auant qu'entrer en la terre de Chanaan, pour la murmuration des espies qui auoient induit le peuple à murmurer. Par ainsi il faut côter quarante & vn an depuis l'issue des Israélites hors d'Egypte iusques à leur entree en la terre de Chanaan. Durant lesquels moururent tant les espies, que le peuple murmureur, au desert, Tellement que *comme ainsi*
105. *fust qu'en l'issue d'Egypte tous les enfans d'Israel fusset premieremēt circoncis, & qu'en leur entree en la terre de Chanaan ils se circoncissent de rechef, En ceste derniere circoncision, ne se trouua pas vn de ceux qui auoient esté circoncis à l'issue d'Egypte, hormis Chaleb fils de Jephoné, & Iosué fils de Nun.* De sorte que par ce moyen il appert, que ces quarante ans furent entiers, durant lesquels les enfans d'Israel demeurèrent aux deserts.

Des quatre cens & quarante ans, qui sont colligez depuis l'entree des enfans d'Israel en la terre de Chanaan, iusques à la construction du temple commencée par Salomon. CHAP. XVI.



Iusques icy nous auons veu la supputation des ans, depuis la creation du monde, iusqu'à l'entree des enfans d'Israel en la terre de Chanaan. Dorésnauant s'ensuit la supputation des

ans depuis ladite entree, iusqu'à nostre Seigneur Iesus Christ. Or d'autant que les Israélites commencerent à compter leurs semaines d'ans & Iubilez, depuis leur arriuee en la terre de Chanaan, suiuant ce que nous en auons enseigné cy deuant, Pour ceste cause aussi la supputation subsequente pourra estre confirmée par iceux. Et pour mieux la pouuoir appuyer, nous la separerons des precedentes supputations, Lesquelles nous rassemblerons en vne depuis le commencement du monde, iusques à l'an de la susdite entree en ladite terre.

Nous auions dit cy-dessus, que depuis la creation du monde iusques au Deluge, il y auoit mil six cens cinquante six ans. 1656.

Et depuis le Deluge, iusques à la naissance d'Isaach, trois cens nonante ans. 390.

Depuis la naissance d'Isaach, iusques à l'issue d'Egypte, il y a quatre cens trente ans. 430.

Et depuis l'issue d'Egypte, iusques à l'arriuee des enfans d'Israël en la terre de Chanaan, les enfans d'Israël ont erré parmy les deserts quarante-vn an. 41.

Somme, tous les ans depuis la creation du monde, iusqu'à l'entree des enfans d'Israel en la terre de Chanaan, deux mil cinq cēs dix sept ans. 2517

On peut toutesfois remarquer, que les enfans d'Israel entrerent en la terre de Chanaan, en l'an du monde deux mil cinq cens dixhuietieme, & au premier mois d'iceluy. Ce qui peut estre entendu, de ce que c'estoit le mois premier de l'an deux mil cinq cens

dixhuietieme, selon la supputation sacree.

Ces choses estãs ainsi disposees, nous pouuõs pour-
suiure le reste de nostre supputation, contans les ans
depuis l'entree des enfans d'Israël en la terre de Cha-
naã, iusqu'à la natiuité de nostre Seigneur Iesus Christ,
En laquelle nous trouuerons mil quatre cens octante
trois ans: A sçauoir huiet cens nonãte ans, depuis l'en-
tree des enfans d'Israël en la terre de Chanaan iusqu'à
transmigration de Iuda en Babylone: & de là, cinq cēs
nonante trois, iusqu'à la natiuité de nostre Seigneur.
Nous donc poursuiurõs ladite supputatiõ, par les ans
des Iuges qui ont iugé Israël, depuis le tēps de Iosué,
iusqu'à Saül Roy. Et de là en auãt, par les ans des Rois
de Iuda, depuis Saül iusqu'à Zedecias, lors que les Iuifs
furent transportez en Babylone, y messans cependant
l'histoire des Rois d'Israel qui ont regné en Therse &
Samarie, depuis Ieroboam iusqu'à la transmigration
d'Osee Roy d'Israël, qui fut transporté par Salmanasar
Roy de Babylone. Apres, nous recueillerõs les ans des
particulieres supputatiõs, depuis la transmigration de
Babylone, iusqu'aux septãte sepmaines de Daniel, par
lesquelles nous poursuiurõs le reste de nostre suppu-
tation. Or si d'auẽture en quelque endroit la supputa-
tiõ des Rois de Iuda par nous proposee, semble vacil-
ler, nous esperõs neãtmoins de l'appuyer par la suppu-
tatiõ des Sabaths de la terre, & ans de liberté, & ans de
Iubilé, si biẽ qu'il n'y restera plus aucun lieu de doute.

Depuis la susdite entree des enfans d'Israël en la ter-
re de Chanaan, iusques à la construction du Temple

commencee par Salomon, Il y eut quatre cens & quarante ans, comme appert par l'exemple subsequnt.

Il faut donc noter, que depuis l'entree des enfans d'Israel en la terre de Chanaan, lesdits enfans d'Israel furent souz la Iudicature d'Othniel, par quarante ans, que l'Ecriture remarque, disant:

Iosué estât mort, les enfans d'Israel seruirēt huiët ans *Iug. 3. 8.*
à Chusanrisataïm Roy de Syrie, lequel le Seigneur liura entre les mains d'Othniel fils de Cenaz, frere puîsnay de Chaleb. *Dõt la terre eut repos par quarāte ans. 40.*

Derechef les Israelites seruirent à Eglon Roy de Moab, dixhuiët ans, lequel Ehud fils de Gera occist, *Iug. 3. 30.*
& la terre fut quiete par l'espace de octante ans. *80.*

Sifara opprima les Israelites vingt ans durant, lequel Debora occist, laquelle estant femme iugeoit Israel souz vne palme, entre Rama & Bethel, en la mōtagne d'Ephraïm, & la terre fut tranquille par quarante ans. *Iug. 4.*
40.

La terre eut repos par quarante ans és iours de Gedcon fils de Ioas, de la lignee de Manaïë. *Iu 4. 8. 28.*
40.

Abimelech fils de Gedcon, obtint la principauté par trois ans. *Iug. 9. 22.*
3.

Thola Isascarite fils de Pua, fils de Dodon, qui habitoit en Samir, iugea Israel en la montagne d'Ephraïm, vingt & trois ans. *Iug. 10. 2.*
23.

Iaïr Galaadite iugea Israel vingt deux ans. *Iug. 10. 3.*
22.

Dieu liura les Israelites és mains des Philistins & Ammonites, apres Iaïr, dixhuiët ans. *Iug. 10. 8.*
18.

Iephté Galaadite iugea Israel, six ans. *Iug. 12. 7.*
6.

Ebsan Bethleemite iugea Israel, sept ans. *Iug. 12. 9.*
7.

<i>Iug.</i> 12. 11.	Elon Zabulonite iugea Israël <i>dix ans.</i>	10.
<i>Iug.</i> 12. 14.	Le fils d'Hillel, Habdon Piratonite, iugea Israël en la montagne d'Ephraïm, <i>huiet ans.</i>	8.
<i>Iug.</i> 15. 20.	Sâson Danite, fils de Manoa, iugea Israël <i>vingt ans.</i>	20.
<i>1. Sam.</i> 4. 18.	Heli sacrificateur, iugea Israël <i>quarante ans.</i>	40.
<i>1. Rois</i> 13. 21.	Samuel sacrificateur & Saül Roy, ont regi Israël <i>quarante ans.</i>	40.
<i>2. Sam.</i> 5. 5.	Dauid regna <i>quarante ans.</i>	40.
<i>1. Rois</i> 2. 11.	Salomon commença à bastir le Temple, <i>ayant régné trois ans,</i> au cōmencement de l'an quatrieme de son regne.	3.

Ainsi tous les ans, depuis l'entree des enfans d'Israëlen la terre de Chanaan, iusqu'à la cōstruction du Temple souz Salomon, furent quatre cens quarante ans. 440.

En ceste supputation, quand l'Escripture narre & tesmoigne que *les Israëlités apres la mort de Iosué, servirent à Chusanrisataim Roy de Syrie, huiet ans,* & que *Othniel l'occist, dont la terre reposa quarante ans,* Nous disposons lesdits quarante ans, apres les quarante ans durant lesquels les Israëlités demeurèrent aux deserts. Car nous entendons qu'il faut ordonner ces quarante ans esquels la terre reposa souz Othniel, apres l'entree des enfans d'Israël en la terre de Chanaan, & non apres la mort de Iosué. Car si quelcun arrêgeoit ceste supputation, en telle façon, qu'apres les quarante ans de la peregrination des enfans d'Israël es deserts, il constituast la Iudicature de Iosué, à laquelle il attribuaist son temps à part, Puis apres collocaist les huiet ans esquels
les

les Israélites ont serui à Chusanrisataim Roy de Syrie, & contant leſdits huiſt ans apres la iudicature de Iofué, les ſeparaſt d'auec les quarante ans de la iudicature de Othniel, eſtimant que les quarante ans dudit Othniel, doiuent eſtre contez à part, apres le temps de la iudicature de Iofué, & apres les huiſt ans de la ſeruitude des Iſraelites ſouz Chusanriſataim Roy de Syrie: Pareillement ſi apres les quarante ans d'Othniel, vous adiouſtez les dixhuiſt ans eſquels les Iſraelites ont ſerui à Egló Roy de Moab, Et de rechef apres ceux là, vous colloquez les oſtante ans eſquels la terre eut repos ſouz Ehud, Vous en feriez vne ſupputation ſuperflue, & ſemblable à celle de Iofephe, laquelle ne conuiendroit pas à la ſomme des années colligees depuis l'iſſue d'Egypte iuſques à la conſtruction du temple, laquelle ſomme eſt propoſee au premier liure des Rois, & au liure des Chroniques, aſſauoir *quatre cens oſtante ans.*

Iofephe & Archeolo. 8.2.

1. Roys 6.1.

Nous auions dit cy deſſus que le temps auquel Samuel & Saül auoyent regi Iſraël, eſtoit de quarante ans, ayant pris le temps de ces deux enſemble, d'autant que leurs ans ne ſe trouuent ſeparémēt en l'Eſcriture, ny enſemblement au vieux Teſtament, ains au nouueau & Actes des Apoſtres.

Quelcun pourroit eſtimer que Saül eut regné deux ans tant ſeulement, par ce que Samuel dit, que *Saül regna cōme vn enfant d'un an, & qu'il regna deux ans.* Toutesfois il eſt notoire, que Saül regna bien plus de deux ans, comme il eſt facile de le colliger, de ce que Dauid

1. Sam. 13.1.

fuyant en Siclag, de la face de Saül, demeura en Siclag environ quatre ans & quatre mois. Dont l'Eſcriture dit apres, *Or le nombre des iours eſquels David reſida en la region des Philiftins, furent des iours & mois quatre*, Car ce nombre de quatre, eſt referé tant aux iours qu'aux mois. Ce qui eſt le meſme comme ſ'il diſoit, que tant les iours que les mois eſquels David demeura en la region des Phyliftins, eſtoient quatre, dont il y atoit quatre iours & quatre mois. Or les iours conſtituez deuant les mois, ſont mis pour ans, Tellement que ce n'eſt pas de meſme comme ſ'il diſoit, quatre mois & quatre iours, Mais quatre iours & mois, ſignifient *quatre ans & quatre mois*. Ce qui peut eſtre confirmé par

1. Sam. 29. 3. ce que meſme le Roy Achis dit de David, *N'eſt-ce pas David, ſerviteur de Saül Roy d'Iſſraël, qui a eſté avec moy ia par certains iours ou ans?* Là où le Roy Achis expoſe de meſme les iours, par ans. Comme ainſi ſoit donc que David ait fuy de deuant Saül Roy, plus de deux ans, Il ſenſuit que Saül a regné plus de deux ans. Il eſt donc queſtion de bailler vne autre interpretation du lieu preallegué, auquel il ſemble que ſamuel afferme que Saül n'ait regné que deux ans. Nous donc diſons, que *Saül regna comme un enfant d'un an*, c'eſt à dire *comme un enfant quant à la malice*, & auoir regné en telle ſimplicité deux ans, eſquels il eſt eſtimé auoir legitiment regné. Mais és ans ſubſequés, encor qu'il regnaſt, toutesfois il ne regnoit pas legitiment, Pour laquelle raiſon auſſi, il eſt eſtimé de meſme comme ſ'il n'eust pas regné. Là où neant-

moins le nom de *regne* est pris ſeulement , pour vn regne vray , legitime , & plein de pieté. D'auantage Samuel ſuiuſſant cela teſtifie audit Saül , diſant: *Tu as fait ſolement , n'ayant point gardé le mandement du Seigneur ton Dieu, lequel il t'auoit commandé. Car ores il auoit préparé ton regne à perpetuité , & maintenant ton regne ne ſera point ſtable: Le ſeigneur ſeſt cherché vn homme ſelon ſon cœur , & luy a commandé qu'il ſoit Prince ſur ſon peuple , par ce que tu n'as point gardé ce que le Seigneur t'a commandé.* Le regne donc de Saül fut deſrompu en la ſeconde année d'iceluy , & aſſigné à vn homme meilleur que luy , Pour ceſte raiſon il eſt eſtimé regner tant ſeulement deux ans d'vn regne legitime , Ores que de ſon regne impie le temps ne ſoit point exprimé à par ſoy en l'Eſcriture.

1. Sam. 13. 13

Nous auons auſſi veu en l'exemple cy deſſus expoſé , que les ans depuis l'entrée des enfans d'Iſraël en la terre de Chanaan , iuſques à la conſtruction du Temple commencée par Salomon , ont eſté quatre cens & quarante ans, Auſquels ſi vous adioutez les quarante ans eſquels les enfans d'Iſraël ont erré au deſert, depuis leur iſſuë d'Egypte, iuſques à leur dite entrée en la terre de Chanaan , Il en ſeront faiſts quatre cens & octante ans, depuis l'iſſue des enfans d'Iſraël hors d'Egypte, iuſques à la dicte conſtruction du Temple. Nous pouons toutesſois prendre garde quand l'Eſcriture dit, que *Salomon commença à baſtir le Temple en l'an quatrieme de ſon regne , & en l'an quatre cens octantieme de l'iſſuë*

des enfans d'Israël hors d'Egypte , Que l'an quatre cens oçantiesme de l'issue d'Egypte finissoit lors que l'an quatriesme de Salomon commençoit.

Ce qui peut estre entendu , par ce que , Si vous prenez tous les ans depuis l'entree des enfans d'Israël en la terre de Chanaan , iusques au dernier an de Dauid, vous y trouuerez quatre cens trente sept ans, Et si v'ous y adioustez les quarante ans que les enfans d'Israël furent au desert , il en seront faict quatre cens septante sept ans, Ausquels si vous adioustez lesdits trois ans de Salomon, vous trouuerez les quatre cens oçtante ans, desquels il est parlé au liure des Rois , lesquels trois ans atteignent iusques au commencement du quatrieme de Salomon, qui est l'an de la construction du Temple: Mais si vous contiez les premiers quatre ans de Salomon , & les adioustiez avec les precedens quatre cens septante sept ans, qui furent depuis l'issue d'Egypte iusques au dernier an de Dauid, & commencement du regne de Salomon , Il en seroient faicts quatre cens oçtante vn an depuis l'issue d'Egypte iusques à ladiçte cōstruction du Temple, Là où il n'y en doit auoir que quatre cens oçtante, suiuant le tesmoignage preallegué du liure des Rois. Pour ceste raison, Salomon ayant regné quarante ans, desquels les trois ont esté colloquez en la supputation dessus exposée, Nous reseruerons les trente sept ans restans d'iceux, pour les adioindre à l'Exemple subseqent.

De cent vingthuit ans qui ont en leur cours depuis le commencement de la construction du temple de Salomon, iusques à la coniuration de Iehu.

CHAP. XVII.



R depuis la cōstruction du Temple souz Salomon, iusques à la transmigration de Iuda en Babylone souz Nabuchodonozor, il ya quatre cens cinquante ans, lesquels d'oresnauant nous exposerōs par les ans des Rois suiuan. Il est toutesfois à noter, que le regne apres Salomon, pour les pechez d'iceluy fut diuisé en deux regnes, desquels l'vn fūt dict *le regne de Iuda*, auquel succederent les Rois de Iuda de la maison de Dauid, regnans en Ierusalem, lesquels possedoient tant seulement vne lignee: L'autre regne fut appellé *le regne d'Israel*, qui fut erigé en Therza & Samarie, lequel regne possedoit les dix lignées restantes. En contant donc les ans de ces Rois, il sera necessaire de conferer les ans des Rois de Iuda, avec les ans des Rois d'Israel, En laquelle collation plusieurs difficultez interuiennent, pour la diuersité des supputatiōs des ans des Rois d'Israel, *Par ce qu'ils usurpoient souuent vne portion d'un an pour vn an entier.* Ce qui aduiant frequemment en toutes leurs supputations iusques à Iehu. Or ces difficultez, à peine pourroient elles estre demessees en vne longue suite d'ans. Pour laquelle cause nous auons de libéré de diuiser la supputation, & poursuiure les par-

I. Rois II.

ticularitez d'icelle, iufques aux endroits où les ans des deux regnes se terminent & finiffent en vn mefme terme & endroit, comme ils font en la coniuration de Iehu, en laquelle en vn mefme temps le Roy de Iuda & le Roy d'Ifraël furent tous deux occis.

- Or depuis la construction du Temple de Salomon iufques à la coniuration de Iehu, en laquelle il occift
2. Rois 9. Achazias fils de Ioram Roy de Iuda, & Ioram fils d'Achab Roy d'Ifraël, il y eut cent vingthuit ans. Durant lefquels Salomon premierement regna trente
1. Rois 11. 43. fept ans. *Après lequel Roboam son fils obtint le regne:* Toutesfois pour les pechez de fon pere, le regne fut diuifé. Et aduint cefte diuifion de regne, par ce que Salomon durant la construction du temple & bafiment de fa maifon, ayant aggraué le ioug du peuple d'une infinité d'infupportables exactions, Après la mort d'iceluy, le peuple defirant d'efre defchargé d'icelles, fe retira au fils dudit Salomon nommé Roboam, qui luy fuccedoit au Royaume, Lequel ayant mefprié le confeil des anciens Confeillers de fon pere, & fuiuy l'opinion friuole & temeraire de fes ieunes confeillers, refufa de defcharger le col du peuple d'une telle charge, Dôt le peuple refufa auffi d'ailleurs de ployer le col fous le ioug d'icelle. Parquoy fe rebellans, ils fe meirent à fuiure le party de Ieroboam fils de Nabath, lequel erigea le regne d'Ifraël en Therza. Par
1. Rois 14. 21. ainfi *Roboam fils de Salomon, regna fur Iuda en Ierufalem,*
1. Rois 14. 20. *dix fept ans, après la mort de fon pere: Auquel temps mefme, Ieroboam regna fur Ifraël en Therza, vingti* Et

deux ans. Apres la mort de Roboam fils de Salomon, *Abiam* fils dudit Roboam regna sur Iuda en l'an dixhuietieme de Ieroboam fils de Nabath Roy d'Israël; Iceluy *Abiam* regna trois ans, sçauoir en l'an dixhuietieme, dix neuuiesme, & vingtieme de Ieroboam Roy d'Israël. En laquelle mesme année, mais sur la fin d'icelle, *Afa* fils d'*Abiam* commença à regner sur Iuda, & regna quarante & vn an. Ieroboam donc regna encor avec *Afa* deux ans, sçauoir l'anvingtvieme de son regne, qui estoit l'an premier d'*Afa*, & l'an vingtdeuxieme de son regne, qui estoit le secôd du regne d'*Afa* Roy de Iuda. Toutesfois audit an second d'*Afa*, Ieroboam estant mort, *Nadab* son fils commença à regner sur Israël: Pour ceste raison, vn mesme an est attribué à deux Rois Israélites, par ce que chacun d'iceux a regné en mesme an, toutesfois l'vn sur le cōmencemēt, & l'autre, sur la fin de l'an; en telle façon neātmoins, que la portiō de ceste annee là en laquelle chacun d'eux a regné, leur est prescrite pour vn an, ny plus ny moins q̄ s'ils eussent regné ledict an tout entier. Ce qui n'est pas seulement adueni en la description du regne de ces deux Rois, mais aussi en tous leurs successeurs iusques à Iehu, cōme nous auōs desia touché cy dessus, & cōme aussi nous auions remarqué en parlāt de la natiuiré d'Arphaxad. De peur toutesfois q̄ ceste maniere d'vsurper la partie pour le tout, c'est à sçauoir vne portiō d'année pour vn an entier, ne confondist nostre supputatiō, Nous auons osté à Ieroboam le cōmencement de la vingtdeuxiesme année, en laquelle il n'a fait q̄ cōmen-

1. Rois 15. 1.

1. Rois 15. 9.

1. Rois 14.

20.

1. Rois 15. 25

cer à regner, & luy auons tant seulement laissé pour le temps de son regne, les vingt & vn an qu'il a accomplis, Et auons redonné ceste portion d'année à Nadab fils dudit Ieroboam, lequel aussi auoit regné audit an, tant seulement sur la fin, à fin que ceste année là luy de meure toute entiere, en faisant vne entiere desdites portions: Et ainsi en auons nous fait à tous les Rois d'Israël subsequens, iusques à Iehu, pour accorder les ans de leur regne, avec les ans des Rois de Iuda. Nadab donc est dit auoir regné deux ans, assauoir deux portions d'ans, l'une en l'an second d'Asa Roy de Iuda, avec Ieroboam son pere, & l'autre, en l'an troisieme du dit Asa Roy de Iuda: *Auquel an aussi, ledit Nadab estant mort, son meurtrier Baasa regna en sa place, dont semblablement ladite année est attribuée à deux Rois Israélites, assauoir à Nadab & Baasa, iceux s'attribuans vne portion d'an pour vn an: Parquoy aussi, comme nous auons fait à Ieroboam; ainsi ferons nous à Nadab son fils, auquel nous osterons la portion du dernier an de son regne, pour la donner à Baasa son successeur, a fin que conioignant le commencement de l'an troisieme d'Asa Roy de Iuda, auquel Nadab regnoit, avec la fin dudit an retranché, auquel il a commencé de regner; De ces deux portions d'un mesme an, il en face pour soy vn an entier, sçauoir le troisieme d'Asa, & par ainsi se le puisse de droict attribuer pour vn an. Et par ce moyen il ne restera qu'un an à Nadab pour son regne, lequel nous luy mettrons en compte en l'exemple subsequent. Baasa donc regna en l'an troisieme d'Asa Roy de*

1. Rois 15. 28.

1. Rois 15. 33.

Roy de Iuda, & regna vingt quatre ans, ſçauoir iufques à l'an vingt fixiefme d'Afa Roy de Iuda, *Auquel an auffi* 1. R. 16. 8.
regna Ela fils de Baafa, Lequel an nous oſterons à Baafa, luy en laiſſans ſeulement vingt & trois, par meſme raiſon que deſſus, & le reſignerons à Ela ſon ſucceſſeur, lequel eſt dict auoir regné *deux ans*, ſçauoir au vingt-fixieme & vingt-ſeptieme d'Afa Roy de Iuda: *Auquel an auffi regna Zimri cõiurateur & meurtrier d'Ela.* 1. R. 16. 10
 Pour ceſte cauſe auffi, ayãs tous deux regné en vn meſme an, Nous oſterõs la portion du dernier an d'Ela à Ela, & l'attribuerons à ſon ſucceſſeur, & par ce moyen laiſſerons vn ſeul an à Ela. Zimri donc coniura contre Ela, & l'occit en l'an vingt ſeptieme d'Afa Roy de Iuda: *Mais le peuple qui pour lors tenoit aſſiegé Gibbethon,* 1. R. 16. 16
crea pour Roy Amri au camp Et ſiege dudit Gibbethon,
lequel eſt dict auoir regné douze ans, ſçauoir depuis le vingt ſeptieme d'Afa Roy de Iuda, iufques à l'an trentehuietieme d'iceluy Afa: *Auquel an meſme Achab re-* 1. R. 16. 23
gna; parquoy auffi nous l'oſtons à Amri, pour le donner à Achab, par meſme moyen que deſſus, Et ainſi il reſtent audit Amri tant ſeulement onze ans, leſquels nous luy attribuerons en l'exẽple ſubſequent. Achab donc cõmença à regner en l'an xxxviii. d'Afa Roy de Iuda, & eſt dict auoir regné xxij. ans, deſquels il a regné quatre ans du viuant d'Afa Roy de Iuda, ſçauoir aux ans xxxviii, xxxix, xl. & xli. dudit Afa. Et en la fin de l'an quatrieme d'Achab Roy d'Iſraël, Iſaphat fils d'Afa cõmença à regner ſur Iuda, & eſt dict auoir regné *vingt cinq ans.* Achab donc Roy d'Iſraël, depuis l'an 1. R. 22. 41

quatrième de son regne , en la fin duquel Iosaphat commença à regner sur Iuda, regna sur Israël dixhuit ans, moyennant lesquels il est dict auoir regné vingt deux ans ; Il regna dōc iusques à l'an dix-huitième de Iosaphat ; Et son fils, q^{ui} est dict auoir regné apres luy, luy estāt mort, doit dōc auoir cōmencé à regner audiēt an dixhuitième de Iosaphat, Dont aussi nous osterons cet an dixhuitième de Iosaphat, des vingt deux ans d'Achab, & luy en laisserons vingt & vn. Suiuant cela, *Ochosias fils d'Achab, qui est dict auoir regné deux ans sur Israel*, regna l'an dixhuitième & dixneu-
1. Rois 22. 52.
fième de Iosaphat Roy de Iuda. Et toutesfois l'Escr-
iture dit qu'iceluy *Ochosias commença à regner*, non le dixhuitième an de Iosaphat, *mais le dixseptieme de son regne*. Il semble donc qu'il y ait erreur de compte en la supputation proposée en l'Escrature. Mais la solution de ceste question peut estre prise de ce, qu'un mesme an d'un mesme Roy , peut tenir diuers rang & ordre en la supputation, Comme nous verrons qu'un mesme an, auquel Achasisas fils de Ioram Roy de Iuda cō-
mença à regner, est appelé l'an onzième de Ioram fils d'Achab Roy d'Israël, & en vn autre endroit il est ap-
pelle, non l'onzième, mais le douzième dudiēt Ioram fils d'Achab roy d'Israël. En cet endroit aussi, il est ne-
cessaire de conclurre, que l'an dixhuitième de Iosa-
phat, est appelé l'an dixseptieme d'iceluy, Ou bien que l'an qui est dict le quatrième d'Achab, auquel Io-
saphat cōmença à regner, fut la fin de l'an cinquième dudit Achab, Et par ce moyē il s'ensuiuroit qu'il y au-

roit en vn an d'interstice & interregne entre Asa & Iosaphat; Toutesfois les ans de la supputation se rapporteroient tousiours au mesme but & fin, Car le mesme nôbre d'ans en prouïeroient. Nous neârmoins continuerons nostre supputation, la prenans côme nous l'auons encommencée. Tellement qu'Ochosias fils d'Achab ayant commencé à regner l'an dixhuietieme de Iosaphat, & toutefois estat dit auoir cômencé à regner en l'an xvii. d'iceluy, l'an xvii. estant pris pour le dixhuietieme, le dixhuietieme aussi est pris pour le dixneuvieme. Dont *Ioram fils d'Achab estant dict auoir* 1. Rois 1. 1. *cômencé à regner en l'an dixhuietieme de Iosaphat,* doit selon nostre hypothese, estre entendu auoir commecé à regner en l'an dixneuvieme de Iosaphat, & au commencement dudit an dixneuvieme de Iosaphat. Ochosias donc, selon le texte, ayât regné deux ans, assauoir depuis le dixseptieme iusques au dixhuietieme de Iosaphat, & Ioram fils d'Achab ayant regné au mesme an, Par la mesme raison que dessus, Il est besoin d'oster le dernier an du regne d'Ochosias, pour le dōner à Ioram son frere & successeur. Et ce pendant suiuant nostre hypothese, nous entendrons qu'Ochosias fils d'Achab commençâ à regner en l'an d'ixhuietieme de Iosaphat, que le texte appelle dixseptieme d'iceluy, & qu'il a regné iusques au dixneuvieme de Iosaphat, que l'escriture appelle dixhuietieme, Auquel an Ioram fils d'Achab cōmença regner, apres qu'Ochosias eut regné vn an & vne partie d'vn autre an, qui est attribuée à son successeur & frere Ioram, qui regna douze ans,

qu'en lan vnzieme dudit Ioram fils d'Achab, Achasias commença à regner, & ailleurs est dict, que c'estoit en l'an douzieme dudit Ioram fils d'Achab, que Achasias commença à regner, comme nous auons remarqué cy dessus. Toutesfois à fin qu'aucun ne pense que les ans des Rois d'Israel que nous auons retranschez doiuent estre laissez en leur entier, sans les oster comme nous auons fait, Qu'on prenne garde depuis l'an second d'Afa, Roy de Iuda, auquel Nadab fils de Ieroboam commença à regner, combien d'ans il ya, iusques à l'an trentehuitieme d'iceluy Afa, auquel Achab fils d'Amri commença à regner sur Israel, Et il trouuera par les ans du susdict Afa, qu'il n'y peut auoir que trente six ans, Et touresfois par les ans des Rois d'Israel, si les falloir tous prendre pour entiers, on y en trouueroit non seulement trentesix, mais quatre d'auantage, selon le nombre des Rois qui entrent en icelle supputation, Car il y trouueroit par ce moyé quarante ans, Deux de Nadab fils de Ieroboam, & vingt quatre de Baasa son coniurateur, meurtrier, & successeur, lesquels ioincts ensemble font vingt-six ans, qui estans adioustez avec deux ans d'Ela fils de Baasa, feroiēt vingthuit ans, lesquels ioincts avec les xii. ans d'Amri, feroient quarante ans, qui sont quatre ans plus qu'il ne faut au calcul des ans de quatre Rois, Desquels si vous ostez vn an pour chacun Roy, ce qui vous restera, sera le droit nôbre des ans de ladite supputatiō. D'où il est aisé à cōclurre, qu'à bñ droit nous auons osté vn an du regne de chacū de ces Rois, ou pour

En l'an douzieme de Ioram En l'an 17. de Iosaphat Roy
 Roy d'Israel, Achafias fils de Iuda, Ochofias fils d'A-
 de Ioram regna sur Iuda, vn chab regna sur Israel, 1. an. 1.
 an.

1. En l'an 18. de Iosaphat Roy
 de Iuda, Ioram fils d'Achab
 frere d'Ochofias, regna sur
 Israel, douze ans. 12.

Iehu occist ces deux Rois en vn mesme temps.

Somme tous les ans, depuis le commencement
 de la construction du Temple de Salomon, iuf-
 ques à la coniuration de Iehu, cent vingt-huict
 ans. 128.

*De cent septante sept ans, qui se passerent depuis
 la coniuration de Iehu, iusques à la trans-
 migration d'Osee.*

CHAPITRE XVIII.



En cet endroit nous voyons les ans
 des deux regnes, de Iuda & d'Israel,
 s'entrerecontrer en la coniuration
 de Iehu, en laquelle en vn mesme
 temps les deux Rois, de Iuda & d'I-
 srael, furent occis par ceux qui e-
 stoient de la conspiration. Dorenavant nous pour-
 rons voir vn autre endroit auquel les ans desdicts
 deux regnes s'entrerencontrent derechef, à sçauoir
 lors qu'Osee fut transporté avec les onze lignées d'I-
 srael, par Salmanazar Roy de Babylone, en Assyrie, en
 l'an sixieme d'Ezechias Roy de Iuda, laquelle trans-

2. Rois II.

migration aduint cent septante sept ans apres la susdictẽ conspiration de Iehu. Durant lequel temps, *Athalia* mere d'*Achasis* Roy de Iuda, *Achasis* son fils estât mort par le complot de Iehu, occit tous ceux qui estoient de la semence Royale, excepté *Ioas*, lequel ayant esté desrobé par *Iehoseba* sœur dudit feu *Achasis*, fut nourry secrettement.

2. Rois 10. 36

2. Rois 12. 1.

Athalia donc ayant occupé le regne, regna six ans sur Iuda. Et Iehu regna vingt-huict ans sur Israël. En l'an septieme duquel, regna *Joas* fils d'*Achasis* sur Iuda, quarante ans. Or d'autant que durant les vingt huict ans du regne de Iehu, *Athalia* auoit occupé le regne de Iuda par six ans, Si vous ostenz lesdits six ans esquels Iehu auoit regné avec *Athalia*, des vingt huict ans du regne entier de Iehu, Il resteront vingtdeux ans, durant lesquels Iehu a regné apres la mort d'*Athalia*, assauoir iusques au vingtdeuxieme du regne de *Ioas* fils d'*Achasis* Roy de Iuda. Par ainsi en l'an subsequant, qui estoit le vingt & troisieme dudit *Joas*, *Iehoachas* fils de Iehu regna sur Israël en Samarie, dix sept ans, Lesquels doiuent atteindre iusques à l'an tranteneufieme de *Ioas*: & toutesfois *Iehoas* filz de *Iehoachas* Royd'Israel, est dict auoir commencé à regner, non en l'an trenteneufieme de *Ioas* Roy de Iuda, mais en l'an xxxvij. d'iceluy, qui est deux ans deuant. Dont il semble y auoir mescõte desdits deux ans. Ou biẽ il seroit necessaire q̃ *Iehoachas* Roy d'Israël & *Iehoas* son fils, eussent regné deux ans ensẽble. Mais cela ne se peut faire attẽdu q̃ l'Escripture tesmoigne notãment, que *Iehoas* a regné apres la mort de *Iehoachas* sõ pere, & nõ du viuãt d'iceluy. Dauã-

2. Rois 13. 1.

2. Rois 13. 10

2. Rois 13. 9.

tage si

rage, si Iehoas fils de Iehoachas Roy d'Israël, eust cōmécé à regner en l'ã trêtesepieme de Ioas Roy de Iuda, Il eust regné trois ans durant la vie dudit Ioas, sçauoir l'an trentehuietieme, trèteneufieme, & quaratieme dudit Ioas: Dont Amasias successeur de Ioas eust cōmécé à regner en l'an quatrieme dudit Iehoas Roy d'Israël. Or l'Ecriture tesmoigne, *qu'Amasias a regné* 2. Rois 14.1.
sur Iuda en l'an second d'iceluy Iehoas fils de Iehoachas Roy d'Israël. Parquoy il sensuit que ce n'est pas en l'an trenteseptieme dudit Ioas Roy de Iuda, que Iehoas fils de Iehoachas Roy d'Israël a cōmencé à regner, Mais c'est en l'an trenteneufieme dudit Ioas Roy de Iuda. Quelcun donc demandera pourquoy c'est que l'Ecriture dit, *que Iehoas fils de Iehoachas Roy d'Israël a regné en l'an trêtesepieme de Ioas Roy de Iuda*? A laquelle question ie respon, que c'est en prenant le nom de *Regne* seuuement suiuant sa signification exacte: cōme nous auons veu qu'il a fallu faire pour l'intelligēce de ce qui est dit du regne de Saül, qui est dit auoir esté tant seulement de deux ans, selon la signification exacte du Regne, Ores qu'à prendre le Regne comme il est pris coustumierement, il ait regné plus que cela. Ainsi en cet endroit, à prendre le nom de *Regne* exactement, Ioas ne sera estimé auoir regné, sinon deslors qu'il a eü l'aage de discretiō, qui fut alors qu'il estoit en l'aage de huiēt ans, deux ans apres le commencement de son regne generalmente pris. A compter donc depuis là, l'an trenteneufieme de son regne generalmente pris, ne sera que le trenteseptieme de son regne vsurpé en la significa-

la s^{ap}ience est dite estre l'arbre de vie, Salomon nous l'en-
 seignant ainsi, laquelle s^{ap}ience est aussi la crainte du Sei-
 gneur, ainsi que Iob le tesmoigne. Et la crainte du Sei-
 gneur, est fuir le mal, & faire le bien, ainsi que Dauid le
 monstre. Or pour fuir le mal & faire le bien, Il n'est
 pas seulement besoin de discretion, Mais qui plus est,
 d'election & reprobation. La s^{ap}ience donc & l'arbre
 de vie ayant la crainte du Seigneur avec soy, contient
 aussi la discretion du bien & du mal. L'arbre de vie
 donc qui estoit au iardin du Seigneur, estoit vne figu-
 re de la s^{ap}ience qui est iointe avec la crainte du Sei-
 gneur, laquelle comprend en soy la discretion du bien
 & du mal, avec l'election du bien, & reprobation du
 mal. D'où nous pouuons conclurre, que l'arbre de vie
 estoit aussi bien vn arbre de science de bien & de mal,
 commel'arbre qui est ainsi nommé. Toutesfois il y
 auoit grande difference entre l'vn & l'autre: Car cet ar-
 bre de vie, estoit la figure de l'homme fidele, & de l'ar-
 bre de la foy, & de l'ouye, qui est l'intelligēce & obeis-
 sance, qui sont les causes & parties essentielles de la
 foy. Veu que la s^{ap}ience est à l'homme intelligence, ainsi que
 Salomon tesmoigne, Et la crainte du Seigneur, est l'obeis-
 sance, par laquelle on suit le mal & obeit en faisant le biē.
 Mais l'arbre de science de bien & de mal, est l'arbre d'v-
 ne science cōfuse & indiscrete du bien & du mal, telle
 qu'est l'opinion de ceux qui adherent à la persuasion,
 desquels Salomon dit, q̄ le credule croit à toute parole, ap-
 pellat credule, celuy q̄ est aisé à estre persuadé & abusé,
 cōme le mot *ῥῶ* (*peithi*) du q̄l il vse, le mōstre. La discre-

Prou. 3. 23.

Iob 28. 23.

Pse. 34. 12.

Prou. 10. 23.

Prou. 14. 15.

Is. 1.

tion donc & la sâpience, est l'arbre de vie à ceux qui la possèdent. Toutesfois il est besoin de sçauoir, que pour parler absolument de l'arbre de vie, c'est la Parole de Dieu qui est l'arbre de vie, suiuât ce qui est dir, *qu'en elle estoit la vie*, c'est à sçauoir en la Raison & Sâpience de Dieu, qui est Iesus Christ, *par laquelle toutes choses ont esté faites*. Et au contraire, la persuation du diable, par laquelle le diable persuade l'homme en la parole, de mesme comme il a persuadé la femme au commencement, est celle qui apporte le fruiât de l'opinion, en laquelle cōsiste la sciēce indiscrette & confuse du bien & du mal. L'homme donc suiuant ce que dessus, participe à l'arbre de vie, qui est la sâpience de Dieu, alors qu'il est fait sage par la communication de la sâpiēce de Dieu, par la droicte & discrette cognoissance d'icelle. Et ceste sâpience particuliere de l'homme que Dieu luy dōne, est le bois de vie qui est au paradis de Dieu, que Dieu donne à manger à ceux qui vainquent par la foy, *qui est la victoire du monde*. Cependât l'arbre de vie est planté aux places de la Ierusalē celeste, qui est interpretee l'Alliance. Ce qui nous mōstre, que nul ne peut estre participât de ceste vraye sâpience qui est l'arbre de vie, qu'il ne soit fait participant de l'alliance. L'homme donc n'estant point capable de l'alliance deuât l'aage de huit ans, ne peut aussi deuât iceluy aage estre capable de discretion, pour pouuoir par icelle regner & iuger le peuple, en loiant les bōs, & estant vengeur à ire de celuy qui fait le mal. Cecy peut estre prouué par l'exemple pris de nostre Seigneur Ie-

2. Ican 5. 4.

Apoc. 22. 2

Galas. 4. 24.

sus Christ, duquel l'aage de discretion est remarqué
 dans Isaye le Prophete. Car Isaye parlant de cet enfant
 qui deuoit naistre de la Vierge, qu'il appelle *Immanuel*,
 dit qu'il mangeroit beurre & miel tant qu'il sceust reprouuer
 le mal & eslire le bien, c'est à sçauoir iusques à l'aage de
 discretion du bien & du mal, que le temps luy appor-
 ta. Je dy bien, que le temps luy apporta, non pas la dis-
 cretion, mais l'aage de discretion, mesurant l'aage de la
 discretion par le temps, & non la discretion & sagesse
 mesme: Veu que ce n'est pas le temps qui peut mesu-
 rer la sagesse du Seigneur, mais c'est la sagesse d'iceluy qui
 a mesuré le temps. ^{2. Esdr. 4. 37.} Isaye donc auoit dit, que auant que le-
 dit *Immanuel* sceust discerner le bien & le mal, *Samarie* &
Syrie seroient abandonnees de leurs Rois, & soixantecin-
 ans apres, *Ephraïm* seroit retranché & excindé de son peuple.
 Si dōc nous posons que l'aage de discretion de nostre
 Seigneur, ait esté l'aage de huit ans, il sensuiura selon
 ladite prophetie, que *Samarie* & *Syrie* ont esté delais-
 sees de leurs Rois deuant que nostre Seigneur n'ait at-
 teint ledit aage, Et sensuiura qu'*Ephraïm* a esté re-
 tranché de son peuple soixante cinq ans apres ledit an
 huitieme du Seigneur. Ce qui est aduenue. Car en ice-
 luy tēps auquel le Seigneur a atteint l'aage de discre-
 tion, les Royaumes de *Samarie* & de *Syrie* n'estoient
 desia plus, ny long temps deuant: Et au reste, l'an soi-
 xātecinquieme apres ledit an huitieme du Seigneur,
 qui estoit l'an septantetroisieme apres sa natiuité,
Ephraïm & tout le peuple Iudaïque ont esté excin-
 dez, d'autant que c'est l'an auquel *Ierusalem* fut ruinee.

par Vespasien, & tout le peuple Iudaïque, dispersé. Lequel an, fut l'an quarâtieme apres l'an trentetroisime de nostre Seigneur Iesus Christ. Car trentetrois & quarante ans, font autant comme huiët & soixâtecinq ans, c'est à dire septantetrois ans. Il falloit donc que la ruine du peuple aduint en l'an quarâtieme apres l'an de la mort de nostre Seigneur Iesus Christ. Ce qui est aussi aduenü, Le Seigneur Iesus Christ l'ayant luy mesme ainsi prophetisé, ayât amené à ce propos la prophetie de Ionas, aux Pharisiës luy demâdâns signe, auxquels il respōdit, *q nul signe ne leur seroit dōné sinon le signe de Ionas le Prophete: Car tout ainsi q Ionas auoit esté au ventre de la baleine trois iours & trois nuiëts, Ainsi (dit-il) sera le fils de l'homme au cœur de la terre trois iours & trois nuiëts*. Par laquelle chose le Seigneur nous enseigne, que c'est luy duquel Ionas estoit la figure. Et de faiët aussi, *l'Esprit de Dieu est descendu sur luy en forme d'une colombe*, qui est appelée Iona en l'Escripture. Il nous donne donc à entēdre, que tout ainsi qte Ionas auoit esté au ventre de la baleine, voire (comme luy-mesme parle) *au cœur de la mer*, trois iours & trois nuiëts, Ainsi falloit il que nostre vray Ionas, c'est à dire, nostre colombe, fust trois iours & trois nuiëts au cœur de la terre, c'est à sçauoir au cœur terrien de la baleine Pharisaïque, ou en la garde de leur cœur. Apres laquelle chose aussi, il l'ensuiuiuoit, que tout ainsi que Ionas annonçoit à Ninie la subuersion d'icelle dans quarante iours, Ainsi nostre second Ionas entendoit, qu'apres qu'il auroit demeuré trois iours & trois nuiëts au

Matt. 12. 39.

Matt. 3. 16.

Ion. 2.

cœur de la terre, la Ninive à laquelle il estoit enuoyé, qui estoit Ierusalem, seroit subuertie par mesme espace de iours prophetiques, c'est à sçauoir quarante ans apres sa mort. Ce qui est aussi aduenu, de mesme comme il l'auoit prophetisé. Car en l'an quarâtieme apres la mort du Seigneur, qui estoit l'an soixâtecinquieme apres l'an huietieme de son aage, qui estoit l'aage de discretion, Ierusalem fut subuertie, & tout le peuple Iudaïque avec Ephraïm, ruiné. Dont nous pouuons conclurre, que l'an huietieme du Seigneur, estoit l'aage que le Prophete auoit pris pour l'aage de discretion du Seigneur. Et qu'aussi l'aage de discretion de Ioas, est l'an huietieme de son aage.

Suiuant cela, Ioas a commencé à regner avec discretion depuis l'an huietieme de son aage, & depuis cet an là il est estimé regner, selon la vraye & exacte definition du Regne, ores qu'il ait regné depuis l'an sixieme de son aage finissant, selon la definition du Regne vsurpé plus generalement. Tellement que l'an qui estoit le trenteneufieme de Ioas, selon la plus generale signification du Regne, suiuant laquelle il auoit commencé à regner à la fin de l'an sixieme de son aage, estoit neantmoins l'an trenteseptieme de sondit aage, parlant selon la plus estroite & exacte signification du Regne. Auquel an Ichoas fils de Iehoachas Roy de Israël, a commencé à regner, & a regné avec le susdit Ioas Roy de Iuda, tout l'an quarantieme dudit Ioas, & de là en auant, quinze ans, iusques auoir accompli l'an seizieme de son regne. Et en l'an second dudit Ichoas 2. Rois 14. 1.

CHRONOLOGIE

- fils de Iehoachas Roy d'Israël, Amasias commença à regner sur Iuda, lequel regna vingtneuf ans . Cependant le susdit Ioas fils de Iehoachas Roy d'Israël, regna iusques au*
2. Rois 4. 23 *quinzieme d'Amasias fils de Ioas Roy de Iuda. Auquel an commença à regner Ieroboam fils de Iehoas Roy d'Israël, lequel regna quarante & vn an. Et Amasias regna iusqu'à l'an quinzieme dudit Ieroboam fils de Ioas Roy d'Israël. Car ainsi faut il entendre ce qui est dit, que Ama-*
2. Rois 14. 17 *sias vesquit quinze ans apres la mort de Iehoas Roy d'Israël. Apres la mort d'Amasias, il y eut vn interregne de douze ans en Iuda, Lesquels si vous adioustez avec les susdits quinze ans de Ieroboam, vous en ferez vingtsept*
2. Rois 15. 1. *ans. Ainsi en l'an vingtseptieme dudit Ieroboam, Azarias fils d'Amasias regna sur Iuda cinquante deux ans . Neantmoins Ieroboam depuis l'an vingtseptieme de son regne iusques à l'an quarant'unieme d'iceluy, regna iusques à l'an quinzieme d'Azarias Roy de Iuda. Depuis lequel temps il y eut vn interregne de vingt & trois ans en Israël, iusques à l'an trêtechuictieme dudit Azarias Roy de Iuda. Apres lequel an consequemment, en*
2. Rois 15. 8. *l'an trentechuictieme d'Azarias Roy de Iuda, Zacharias fils de Ieroboam regna sur Israël, six mois, lesquels nous adiou-*
2. Rois 15. 13. *sterons avec le regne de Sallum. Sallum donc regna vn mois en l'an trenteneufieme d'Azarias : lesquels six mois de Zacharias, avec ce mois de Sallum, nous leur al-*
2. Rois 15. 17. *louérons pour vn an, pour remplir l'an trenteneufieme d'Azarias. Apres, Menahem fils de Gadi regna sur*
2. Rois 15. 23 *Israël en Samarie, en l'an trenteneufieme d'Azarias, & regna dix ans . Puis Pekahia fils de Menahem regna sur*
- Israël

Israël en l'an cinquantieme d'Azarias, & regna deux ans. Et en l'an cinquantedeuxieme d'Azarias, Peka fils de Romelia regna sur Israël vingt ans. Il regna donc avec Azarias vn an, sçauoir en l'an cinquantedeuxieme d'Azarias. Et en l'an second de Peka fils de Romelia, Iotham fils d'Usias (ou Azarias) regna sur Iuda seize ans, iusqu'à l'an dixseptieme de Peka Roy d'Israël. Mais en l'an dixseptieme dudit Peka, Achaz fils de Iotham regna sur Iuda seize ans. Peka donc Roy d'Israël regna depuis le dixseptieme iusques au vingtieme de son regne (c'est à sçauoir trois ans) avec Achaz Roy de Iuda, c'est à dire, iusques à l'an troisieme dudit Achaz. Depuis lequel an iusques à l'an treizieme d'iceluy Achaz, il y eut interregne en Israël, de dix ans. Puis en l'an treizieme dudit Achaz, Osee commença à regner, & regna neuf ans. L'Escriture toutesfois dit, que Osee commença à regner en l'an douzieme d'Achaz : Mais c'est en la maniere que nous auons veu cy dessus, où vn mesme an est quelquefois vsuré pour le subsequant. Ce qui est aisé à cognoistre, de ce qu'en l'an troisieme dudit Osee, Ezechias fils & successeur d'Achaz commença à regner, lequel an est le quatrieme apres le douzieme d'Achaz : Et si Osee eust commencé à regner au douzieme d'Achaz, Ezechias ne pourroit auoir succédé à Achaz au troisieme an d'Osee, ains en l'an quatrieme d'iceluy. Or Osee Roy d'Israël, en l'an neuvieme de son regne, qui estoit aussi l'an sixieme du regne d'Ezechias Roy de Iuda, fut transporté en Babylone par Salmanasar Roy d'Assyrie. Dont fut tout le temps depuis la coniuration de Iehu, iusques à la

CHRONOLOGIE

transmigration d'Osee, cent sept ante hui& ans, comme il est facile à voir par l'exemple suiuant.

Les Rois de Iuda.

Athalia mere d'Achazias
ayât meurtri toute la semen-
ce Royale, occupa le regne
de Iuda, six ans.

Ioas en l'an septieme de
Iehu, & septieme de son aage,
regna quarante ans.

En l'an secôd de Iehoas fils
de Iehoachas Roy d'Israel,
Amasias fils de Ioas, regna
sur Iuda vingtneuf ans.

En cet endroit on peut re-
marquer vn interregne en Iu-
da, de douze ans.

En l'an vingtseptieme de
Ieroboam Roy d'Israel, Afa-
rias fils d'Amasias, regna sur
Iuda en Ierusalem, cinquan-
te deux ans.

Les Rois d'Israel.

Iehu ayant occis les deux
Rois dessus exposez, apres sa
conspiration regna vingthuit
ans.

En l'an vingt-troisieme de
Ioas Roy de Iuda, Iehoachas
fils de Iehu regna sur Israel en
Samarie, dixsept ans.

En l'an trenteseptieme de
Ioas Roy de Iuda, Iehoas fils
de Iehoachas regna sur Israel
seize ans.

En l'an quinzieme d'Ama-
sias Roy de Iuda, Ieroboam
fils de Iehoas, regna sur Israel
en Samarie, quarâte vn an.

En cet endroit est remar-
qué en Israel vn interregne
de vingt trois ans.

En l'an trêtehui&tieme d'A-
zarias Roy de Iuda, Zacha-
rias fils de Ieroboam regna sur
Israel six mois, lesquels nous
conioignons avec le regne de
Sallum.

En l'an trêtenceufieme d'A-
zarias Roy de Iuda, Sallum
regna sur Israel vn mois, le-
quel nous conioignons avec
les six mois de Zacharias, &

En l'an second de Peka fils leur attribuons vn an , pour de Romelia Roy d'Israel, Iotham fils d'Azaria (qui est aussi dit Vfia) regna sur Iuda seize ans. 16.

En l'an trēteneufieme d'Azarias finissant, Menahem fils de Gadi regna sur Israël, dix ans. 10.

En l'an cinquātieme d'Azarias Roy de Iuda, Pekahia fils de Menahem regna sur Israel en Samarie, deux ans. 2.

En l'an dixseptieme de Peka fils de Romelia Roy d'Israel, Achaz fils de Iotham regna sur Iuda seize ans. 16.

Peka fils de Romelia, en l'ā cinquante-deuxieme d'Azarias par coniuration occit Pekahia, enuahit le regne d'Israel & l'occupa vingt ans durant. 20.

En l'an troisieme d'Osee fils d'Ela Roy d'Israel, Ezechias fils d'Achaz, regna sur Iuda. En l'an seizieme duquel Salmanasar Roy d'Assyrie transporta Osee Roy d'Israel, avec les dix lignees d'Israel, en Babylone. 6.

En l'an douzieme d'Achaz Roy de Iuda, Hosee fils d'Ela regna sur Israel neuf ans, au bout desquels il fut trāsporté en Babylone par Salman-Azar Roy d'Assyrie. 9.

Somme tous les ans, depuis la coniuration de Iehu, iusques à la transmigration d'Osee & des dix lignees d'Israël, en Babylone, souz Salman-Azar, cent septante sept ans. •

CHRONOLOGIE

En quelle façon la supputation de l'histoire estrangere peut estre conferee avec l'histoire sainte.

CHAP. XIX.



Usques icy en l'exposition de nostre Chronologie nous auons tant-seulement enluiu l'histoire sainte, sans entremesler aucune supputation de l'histoire estrangere. Dorenavant toutesfois nous serons contrainsts d'expliquer non seulement l'histoire Sainte, Mais aussi les ans de l'histoire estrangere. Car comme ainsi soit que l'histoire sainte en plusieurs lieux allegue l'histoire des Rois estrangers, cōme principalement des Rois Babyloniens & Persiens, Et dauantage les propheties mesme parlent de la Monarchie des Grecs & Romains: Et que l'histoire du nouveau Testamēt en plusieurs lieux (desquels la consequence n'est pas petite) allegue aussi l'histoire des Empereurs Romains: Il sera necessaire pour l'intelligēce d'iceux lieux; d'auoir prealablement cognoissance d'icelles histoires estrangeres. D'auātage aussi, comme ainsi soit que l'histoire Sainte confere l'an auquel Sennacherib est mort & Assar-Adon a regné en Babylone, avec l'an quatorzieme d'Ezechias Roy de Iuda, Et l'an dixneuſieme de Nabuchodonosor Roy de Babylone, avec l'an onzieme de Sedecias Roy de Iuda, Et d'auantage, l'an auquel Baltasar est mort, & Cyrus & Darius Hydaspis ont regné, avec l'an septantieme de la captiuité de Iuda, qui est l'an du retour d'icelle: Nous enseignāt puis apres, qu'il

2. Rois 19.

37.

2. Rois 18. 13.

2. Rois 25.

Dan. 5. 30.

6. 1. 1.

28.

Dan. 9. 1.

1. Esd. 1.

y a trois ans depuis ledit retour cōcedé, iusqu'à la construction du Temple, & quarātesix ans en icelle construction, finissans en l'an sixieme de Darius Artaxerxes, cōme il appert tant par l'histoire Euangelique, laquelle explique lesdits quarātesix ans, que par l'histoire du vieux Testamēt, laquelle nous enseigne qu'icelle construction fut parfaite en l'an sixieme de Darius: Puis en l'an quatorzieme apres, qui estoit l'an vingtieme dudit Darius Artaxerxes Longue-main, l'Ecriture enseigne qu'iceluy Artaxerxes donna permission de construire le mur de Ierusalem: Depuis lequel tēps, iusqu'à l'an quinzieme de Tybere Cesar (auquel an nostre Seigneur *amenant la iustice des siecles*, publia l'an de liberte) les septante sepmaines legales de Daniel, qui sont quatre cens & nonāte ans, ont eu leur cours. Comme ainsi soit (di-ie) qu'il faille verifier par l'histoire estrangere, tous ces ans remarquez en l'histoire Sainte & en la Prophetie, Il est necessaire de remarquer ces ans de la Chronique estrangere, pour l'intelligēce des ans de l'histoire Sainte. Pour ceste raison, nous auōs deliberé de proposer les ans des Rois Babylo niens & Persiens, sur lesquels l'histoire Assyrienne s'appuye, Et aussi les ans des Olympiades, sur lesquelles l'histoire des Grecs est fondee, Et les ans de la fondatiō de Rōme, sur lesquels l'histoire Romaine s'arreste. Toutes lesquelles choses nous n'amenōs pas comme pour vn fondemēt demonstratif, mais pour vne simple verification: Et ne les mettrōs pas en auāt comme pretendās par icelles iuger & reigler l'histoire Sainte.

Mais plustost par la verité de l'histoire Sainte nostre intention est de reigler l'histoire estráger. Car le discord q̄ est entre les historiés estrágers est assez cognu: qui conueinq necessairement quelques vns d'iceux de mēsonge, en ce qu'ils ne s'accordēt pas entr'eux. Nous donc par la verité de l'histoire Sainte iugerons ces histoires pour veritables, lesquelles s'accorderont avec icelle Sainte histoire, Et les autres nous les delaissērōs cōme faulſes & menſongeres. Par ceste reigle nous pouuons iuger les histoires qui ont traitté les ans des Rois Babyloniens & Perſes, depuis le tēps auquel Sardanapalus estant occis, la Monarchie de Babylone fut mespartie entre les Babylonies & Medes, (auquel tēps cōmēça à regner Phul Belochus duquel parle l'histoire des Rois, & de ses successeurs) iusqu'à Darius Artaxerxes, qui est le dernier Roy de Perſe duquel l'Eſcriture ſpecifie le nom & le tēps de son regne. Pour ceste raison en parlant de l'histoire des Rois Babyloniens, Nous ensuiurons tant ſeulement l'histoire de Metaſtene, & par icelle auſſi dés à present nous propoſerōs les ans des Rois de Babylone, depuis le temps auquel la Monarchie apres Sardanapalus estant mespartie, Phul Belocus commēça à regner du coſté de Babylone, qui fut en l'an ſecond d'Azarias Roy de Iuda.

2. Rois 15. 19. Phul Belochus, que l'histoire Sainte appelle *Phul Aſſyrien*, commença à regner en l'an ſecond d'Azarias Roy de Iuda, & regna quarante huit ans. *Menahem Roy d'Iſraël luy contribua mil talens d'argent.* 48.

2. Rois 15.
29.

Phul Aſar est appellé en l'Eſcriture *Tiglathpileſer*, le-

quel cōmença à regner en Babylone en l'an quarante-neufieme d'Azarias Roy de Iuda, & regna vingtcinq ans. C'est luy qui desia transporta en Babylone Hijon, & Abel, & Beth-Mahacha, & Ianoa, & Cheden, & Hasor, & Galaad, & la Galilee, & toute la terre de Nephthali. 25.

Salman-Afar regna dixsept ans en Babylone. Iceluy transporta en Babylone Osee le Roy d'Israel, avec les dix lignees d'Israel, en l'an neuvieme dudit Osee, & sixieme d'Ezechias Roy de Iuda. 17.

Sennacherib regna sept ans en Babylone. Iceluy faisant vn voyage vers la Phœnice & Palestine, enuoya Tartan, Rablaké, & Rabfari, avec vne forte armee cōtre Ierusalem, en l'an quatorzieme d'Ezechias Roy de Iuda: pour les blasphemés desquels Dieu enuoya son Ange, qui occit cent quatre vingts & cinq mil hommes en leur camp: dont luy s'en estant retourné en son pays, fut tué par ses garçons au tēple de son Dieu Nisroch, Et Asar-Adon regna pour luy. 7.

En cet endroit il viēdra bien à propos d'admōnester & aduertir le Lecteur touchāt le commencement des Olympiades, qui cōmencerent enuiron ce temps, lesquelles (cōme nous auons ja dit) seruent pour asseurer & diriger l'histoire Greque: Et pour ceste raison nous les accorderons avec l'histoire sainte, à fin de pouuoir aussi mieux accōmoder l'histoire Greque avec l'histoire sainte, accordans les ans de l'une avec les ans de l'autre. Les Olympiades donc estoient, des cōbats ou luites & jeux d'exercice, q̄ l'on souloit anciennemēt celebrer en Grece pres la ville d'Olympe, ausquels tou-

te la fleur de la ieunesse Grecque auoit accoustumé de s'exerciter en diuers genre de cōbats, cōme à s'entrefeir de cestes ou gands plōbez, à se deuācer l'un l'autre à la course, ou se surpasser en sautāt, ou se surmonter en jettant la pierre ou la barre, ou à se vaincre l'un l'autre à la palestrine ou jeu d'armes. Illec quatre iuges presidoient au combat, & couronnoient les victorieux, de couronnes d'Oliuier. Ces jeux estoient instituez en l'hōneur d'un certain Iupiter Olympien, & auprès de la ville d'Olympe, d'où aussi ils ont obtenu le nom de *Olympiades*. Et Olympe estoit vne ville de Grece, qui estoit iadis nōmee Pise, laquelle estoit voisine d'Elis, non loing du fleuve Alpheé: Et au contraire il y auoit vne autre ville nommee Olympe, laquelle changea de nom auēc Pise, & fut nōmee Pise, au lieu qu'auparauāt elle se nōmoit Olympe, Et au contraire cesteci qui se nommoit auparauant Pise, prenāt le nom de l'autre sa voisine, fut nōmee Olympe. Ces Olympiades se souloient celebrer de cinq en cinq ans, laissant couler quatre ans entiers au milieu de deux Olympiades: Et d'autant qu'elles reuenoient tousiours en la cinquieme annee l'une apres l'autre, pour ceste raison les Grecs les appelloient *πεντέις*, qui est autant comme si on les appelloit en François *quinquennales*, cōme ayāt accoustumé de s'entrefuire de cinq en cinq ans, ou pour mieux dire, en la cinquieme annee. Toutesfois il est besoin de prédre garde que ce nom ne conduise quelcun à prédre l'espace d'une Olympiade à par soy, pour l'espace de cinq ans entiers, cōme si deux Olympiades deuoient

deuoient cōprendre l'espace de dix ans, ou dix Olympiades cinquante ans. Car au cōtraire, il faut entendre, que chacune Olympiade cōprenoit à par soy quatre ans, & celle qui la suiuiot, cōmēgoit la cinquieme annee: en telle façon que deux Olympiades ne cōprennent q̄ huit ans, & dix Olympiades, quarāte ans. Tel estoit aussi le *Lustre* enuers les Latins. Or ces Olympiades furent premierement instituees par Hercules Ideē, apres qu'il eut surmôté & vaincu Augea Roy des Eleēs: Il mesura aussi la stade d'icelles, D'ou Pythagoras Mathematicien bien long temps apres, comme on recite, iugea & deprehenda la grandeur de la stature dont lediēt Hercules auoit peu estre. Les Olympiades toutesfois n'ont pas commēcé a estre contées ny celebrées en telle magnificence apres l'institution d'Hercules, comme elles ont depuis le temps d'un Iphite fils de Praxonides, lequel les renouuela en l'an second de la principauté & gouuernemēt d'Æschyle fils d'Agamnestor, lequel fut gouuerneur d'Athenes. Lesquelles Olympiades cōmencerent en l'an premier du regne de Iothā Roy de Iuda regnant en Ierusalem.

Au demeurant, les Historiens en annotant les tēps par les Olympiades, souloient noter l'an de l'Olympiade proposée, le nommant second, troisieme, ou quatrieme, si la chose aduenue qui deuoit estre quōtée par les Olympiades, n'estoit escheüe en l'an mesme auquel l'Olympiade qui deuoit estre proposée, auoit esté celebrée. Comme quand Phegon (lequel selon le tesmoignage d'Eusebe, est excellent supputa-

teur d'Olympiades) dit qu'en l'an quatrieme de l'Olympiade deux cens & deuxieme, vne insigne Eclypse de Soleil aduint en pleine Lune, en laquelle les estoilles apparurent au Ciel: Il entend que ceste Eclypse (*qui aduint alors que nostre Seigneur souffroit mort sous Pöce Pilate*) aduint en l'an quatrieme apres que la deux cens deuxieme Olympiade fut celebrée. Mais si quelcun dit qu'une certaine chose a esté celebrée en une certaine Olympiade, sans y adiouster aucune plus speciale marque des ans d'icelle, Ce faict là est entendu estre aduenu en l'an mesme auquel l'Olympiade a esté celebrée. Ainsi quand les Historiens disent, qu'Alexandre le grand a commencé à regner en l'Olympiade cent onzieme, Nous entendons qu'il a cōmencé à regner en l'an premier de la cent-onzieme Olympiade. Mais quant à Eusebe, il n'observe pas cela si severement. En quoy sans doubte il est reprehensible: Car en cet endroit en promettant de constituer le commencement du regne de Iotham en la premiere Olympiade, En lieu de le constituer en l'an premier d'icelle, il le constitue en l'an quatrieme, Où il y a mesconte de quatre ans, Outre l'an premier d'Æschylus, auquel l'an premier de Iotham se deuoit rapporter & conuenir. Eusebe aussi se mescôte en la mesme façon en la constitution de la natiuité d'Alexandre le Grād; laquelle il constitue en l'an second de la cent sixieme Olympiade, ores que toutesfois il fut nay en l'an mesme & au temps auquel l'Olympiade fut celebrée. Ce qui peut estre cognu par ce que Iustin recite, qu'an

iour auquel Alexandre naquit, Philippe son pere receut les nouuelles de deux victoires, l'une de la guerre Illyrique, & l'autre du combat Olympique, auquel il auoit enuoyé ses chariots. Ainsi donc si quelque chose bien remarquée, est dictée estre aduenue souz quelque Olympiade, si elle est aduenue hors de l'an de la celebration d'icelle, l'an sera remarqué, Et si l'an second, troisieme, ou quatrieme de l'Olympiade n'est point remarqué, C'est signe ou que la chose annotée est aduenue en l'an de l'Olympiade proposée, ou qu'elle a esté mal notée. Or ceste supputation estoit si exacte, que si l'on se trouue y estre interuenue quelque faute, elle est à imputer non à la supputation, mais au supputateur.

Ayant posé ce commencement d'Olympiades en l'an premier de Iotham Roy de Iuda, il s'en suit que la premiere Olympiade a esté celebrée en l'an quatrieme de Phul-Asar Roy de Babilone, lequel l'Escripture appelle Tiglath-pil-eser, d'autant que l'an quatrieme d'iceluy conuient avec l'an premier de Iotham Roy de Iuda, & d'auantage avec l'an premier de Mandanes Roy de Mede.

L'an aussi de la fondation de Rôme est l'an second de la septieme Olympiade, qui fut l'an dixieme d'Achazias Roy de Iuda. Ce qui se prouuera plus manifestement avec l'ayde de Dieu, lors que nous expliquerons l'an de la mort du Seigneur, auquel apparut vne eclypse generale, qui est remarquée estre aduenue en l'an quatrieme de la deux cens deuxieme Olympiade.

neuf ans.

23.

Manassé fils d'Ezechias, estant aagé de douze ans,
regna cinquante cinq ans.

2. Rois 21. 1

55.

En cet endroit il y a eu vn interregne de douze
ans.

12.

Ammon fils de Manassé, regna deux ans.

2.

2. Rois. 21. 19.

Iosias fils d'Ammon, estant aagé de huiet ans

2. Rois 22. 1

regna trente vn an.

31.

Ichoachas apres la mort de son pere, fut constitué

Roy, lequel toutesfois Pharaon Necao emmena pri-

2. Rois. 33. 31.

sonnier apres qu'il eut regné trois mois, & subrogea

en sa place Eliachim son frere. *Eliachim donc fils de Io-*

sias, estant constitué Roy par Pharaon regna onze

ans.

11.

Ichoiachim fils d'Eliachim, aagé de huiet ans, re-

2. Rois 24. 8.

gna avec son pere dix ans, Puis estant aagé de dix huit

ans, regna trois mois apres le decez de son pere.

Mathanias fut par Nabuchodonozor nommé Se-

2. Rois 24. 18

decias, il estoit oncle d'Eliachim, lequel Nabuchodo-

nozor auoit transporté en Babylone. *Iceuluy estant con-*

stitué Roy par Nabuchodonozor, regna onze ans.

11.

Somme tous les ans, depuis la transmigra-

tion d'Osée & des dix lignées d'Israël, ius-

ques à la transmigration de Zedecias avec la

lignée de Iuda; cent quarante cinq ans. 145.

En ceste supputation n'eschet presque point de diffi-

culté, si ce n'est touchant l'interregne de douze ans

Leuit. 25.

Leuit. 25.

qui a esté par nous proposé, duquel nous mettrons aussi en atant l'inuestigation. L'inuention donc d'iceluy depend de la supputation *des sepmaines d'ans & Iubilez instituez en la Loy de Moysé*. Car nous sçauõs que les sepmaines de liberté & sabats de la terre & Iubilez ont commencé à auoir leur cours depuis l'entrée des enfans d'Israël en la terre de Chanaan, & ont continué depuis. Tellement que l'an septieme apres que les enfans d'Israël furent entréz en la terre de Chanaan, fut vn an de Sabath de la terre, auquel ne fut loisible de semer ny moissoner. Il fut aussi vn an de liberté, auquel les seruiteurs Hebrieux estoient affranchis & obtenoient liberté: Et le mesme, estoit vn an de trefues ou intermission pour les debiteurs, auquel an il n'estoit loisible aux crediturs de leur rien demander. Et ceste sepmaine ainsi instituée & commencée, a tousiours continué depuis en telle façon, que tousiours le septieme an apres le precedent Sabath, a esté vn an de Sabath, de mesme comme nous voyons les sepmaines de iours s'entresuiure. *Le premier Iubilé aussi qui fut célébré, fut publié en l'an du septieme Sabath*, qui aduint quaranteneuf ans apres la susdicte entrée en la terre de Chanaan, & a tousiours continué consecutiuelement de sept en sept Sabaths d'années. Ayans donc premierement faiët le calcul de tous les ans qui sont passez depuis l'entrée des enfans d'Israël, iusques à la trāsmigration de Sedecias, Nous auons voulu verifier si nostre supputation estoit exacte, & n'auons peu trouuer preuue plus suffisante, ny mesure plus equi-

table & iuste, que de ces sepmaines d'ans & Iubilez. Parquoy deslors aussi nous auons cerché pour voir si nous pourrions point asseoir le pied de nostre mesure en quelque lieu asseuré, Et ayans trouué dans le liure de la Prophetie de Ieremie, la description pleine & entiere d'un an de liberté, qui fut publié en l'an onzieme de Zedecias, lors que Nabuchodonozor tenoit assiegée Ierusalem, Nous auons pris tous les ans depuis l'entrée des enfans d'Israël, iusques à la susdicte année, & les auons reduits en sepmaines. les diuisans par sept, Et par ce moyen sommes venuz à la cognoissance exacte desdicts ans, & inuestigation de l'interregne proposé.

Ieremie donc au trente-quatrieme chapitre de sa Prophetie, narre comme c'est que Nabuchodonozor tenoit assiegée Ierusalem, & Lachis, & Azeca, villes munies de Iuda, alors que Sedecias auoit faict alliance avec tout le peuple d'Israël qui estoit en Ierusalem, pour publier la liberté, Afin qu'un chacun enuoyast franc son seruiteur. Et sa seruante Hebrien ou Hebrieue, à ce que nul d'eux ne seruist à son frere Iuif. Dont tous les Princes. Et tout le peuple qui estoient conuenuz en l'alliance, ouïrent dire qu'un chacun laissast aller son seruiteur franc Et sa seruante pour ne leur plus servir. Ils obeirent donc, Et leur donnerent congé. Mais ce faict, ils estoient peruertis & auoient retiré leurs seruiteurs & seruantes qu'ils auoient delaissez francs, & les auoient assubietis comme seruiteurs & seruantes. Par laquelle narration nous pouuons cognoistre, qu'en l'an dixieme de Sedecias Roy de Iu-

Ierem. 34.

Mais aussi aux seruites q̄ ne pouuoient de rien seruir à la bataille. Et dauantage, le Seigneur notammēt mōstre, que ceste liberté a esté publiée suiuant la coustume & institution legale, quand il dit consequemmēt: Et la parole du Seigneur fut donnée à Ieremie, disant:

Le Seigneur Dieu d'Israël dit ainsi : J'ay fait alliance avec

Ierem. 34.

voix peres au iour que ie les menay hors de la terre d'Egypte de la maison de seruitude, disant : A la fin de sept ans, laissez aller un chacun son frere Hebrieu qui t'a esté vendu: Il te seruira six ans, puis tu le renuoyeras franc arriere de toy: Mais ilz ne m'ont point ouy, & n'ont point presté leur oreille. En

quoy le Seigneur se complaint enuers les Princes de Iuda, de leurs peres qui n'auoient pas obey à vne telle ordonnance; Mais quant à eux en ce temps là, il leur concede qu'ils auoient faict droictement y ayans obey, Et puis apres auoient faict laschement, festans repentis d'auoir bien faict en obeissant à vne telle alliance, & publiant la liberté suiuant icelle, & bref faisans alliance en laquelle ilz protestoient d'obeyr à l'alliance du Seigneur, en renuoyant leurs seruiteurs francs selon icelle. Il dit donc ainsi: Mais vous

aujourdhuy (dit-il) vous vous estes conuertis à faire ce qui estoit droict deuant mes yeux, en publiant la liberté vn chacun à son prochain: & auez faict alliance en ma presence en la maison sur laquelle mō nom est inuoué. Mais vous vous estes peruertis, & auez souillé mon nom: Car vous auez retiré vn chacun son seruiteur, & vn chacun sa seruante, que vous auez laissé aller francs à leur volonté, & les auez rendu subiects, tellement qu'ils vous sont pour seruiteurs & ser-

Mais si nous laissons à part ledict interregne de douze ans, & l'an onzieme de Sedecias, & prenons sans interregne, les ans depuis l'an de ladite transmigration d'Ozee, iusques à l'an dixieme de Sedecias, qui estoit l'an de liberté dessus exposé, Il resteront cent trente-deux ans, ausquels si vous adioustez les trois ans qui estoient reseruez de la precedente supputation, Il en prouieront cent trente cinq ans, Lesquels diuisez par sept, produisent dixneuf sepmaines & deux ans. Or ces deux ans restans, monstrent qu'il y a faute en la supputation. Car si la supputation eust esté exacte, Veu que le premier an de toute la supputation (qui est l'an de l'entrée en la terre de Chanaan, estoit le premier an de la sepmaine, & l'an dernier de ladite supputation (qui est le dixieme de Sedecias) est vn an de liberté, qui est le dernier an de la sepmaine, Tous les ans susdicts estans diuisez en sepmaines, deuoient esgaliser toute la supputation, & esgalement diuiser les ans d'icelle, sans que rien restast. Ou si ladicte supputatiō estoit vraye, L'an dixieme de Sedecias, qui est l'an dernier d'icelle, seroit vn an secōd de la sepmaine Legale & ciuile. Ce q ne peut estre, attēdu qu'il appert par Ieremie q c'estoit vn an de liberté, Lequel ne peut escheoir en l'an secōd de la sepmaine, mais en l'an septieme d'icelle. Il sensuit dōc qu'il ya faute en la supputatiō, & est necessaire d'adiouster v. ans avec les deux qui restent pour réplir la sepmaine. Apres cela il reste de rassembler les sepmaines dessus proposées, assauoir les septante deux sepmaines qui sont depuis l'entrée

C H R O N O L O G I E

des enfans d'Israël en la terre de Chanaan , iusques à l'edification du temple, Puis dixneuf iusques à la con- iuration de Iehu, Puis vingtcinq iusques à la transmi- gration d'Osée, Et puis vingt depuis ladite trāsmigra- tion, iusques à l'an dixieme de Sedecias, Lesquelles se- maines ioinctes ensemble , font deux cens vingt six sepmaines. Cela estant despesché, il est question de voir par vne autre preuue, si nostre supputation est e- xacte, à sçauoir en mesurant lesdites années par les Iu- bilez. Mais d'autant qu'il ne se trouue en escript qu'au- cun Iubilé ait esté célébré depuis l'entrée des enfans d'Israël en la terre de Chanaan iusques icy , duquel on puisse recognoistre la trace, Nous auons attendu iuf- ques à l'an vingtsixieme de Darius Artaxerxes, auquel an se trouue auoir esté célébré vn Iubilé; lequel ayant esté appliqué pour la verification de nostre supputa- tion, Par la mesure des susdicts Iubilez , nous auons trouué qu'il manquoit encor en cet endroit vne sep- maine ; Tellement qu'il estoit necessaire qu'il y eust deux cens vingtsept semaines depuis l'entrée des en- fans d'Israël en la terre de Chanaan, iusques au susdict an dixieme de Sedecias. Laquelle sepmaine estāt ioin- cte avec les cinq ans que nous auions desia adioustez pour réplir la sepmaine de laquelle nous n'auions trou- ué q̄ deux ans, Il en prouient les douze ans de l'in- terregne cy dessus exposé. Lequel interregne nous a- uons mis en auant par prouision, attendans que nous le puissions plus amplement verifier, alors que nous arriuerons à parler de l'an vingtsixieme de Darius Ar-

taxerxes, auquel endroit nous monstrerons (Dieu aidant) qu'il a esté célébré vn Iubilé en iceluy an. Ces choses estans entenduës, nous pouuons colliger toutes les sommes des ans qui ont esté depuis l'entrée des enfans d'Israël en la terre de Chanaan, iusques à ceste transmigration de Sedecias, selon qu'elles ont esté dessus exposées

Nous auions colligé cy dessus les ans depuis l'entrée des enfans d'Israël en la terre de Chanaa, iusques à l'an de la construction du Temple de Salomon, que nous auions dict auoir esté quatre cens quarante.

440.

Tous les ans aussi qui sont passez depuis l'an auquel Salomon commença à edifier le Temple, iusques à la coniuration de Iehu, ont esté trouuez par nostre calcul auoir esté cent vingthuit.

128.

Et depuis la coniuration de Iehu, iusques à la transmigration d'Osée Roy d'Israël & des dix lignées transportées avec luy en Babylone, il y a eu cent septante sept ans.

177.

Et depuis la transmigration d'Osée Roy d'Israël iusques à la transmigration de Sedecias Roy de Iuda, il y a eu cent quarante cinq ans.

145.

Somme tous les ans, colligez depuis l'entrée des enfans d'Israël en la terre de Chanaan iusques à la transmigration de Sedecias Roy de Iuda souz Nabuchodonozor Roy de Babylone, huiet cens nonante ans.

890.

Ainsi donc tous les ans, depuis l'entrée des enfans d'Israël en la terre promise, iusques à la transmigration de Ierusalem, sont huit cems nonante. Mais si nous en oſtons l'an onzieme de Sedecias, nous trouuerôs que depuis ladiſte entrée en ladiſte terre, iusques à l'an dixieme de Sedecias, auquel fut publié l'an de liberté duquel nous auons parlé cy deſſus, il y a eu huit cems octanteneuf ans, lesquels peuuent eſtre reduicts en cent vingt & ſept ſepmaines pleines & exactes, comme nous auions dict cy deſſus.

Or n'ay-ie point encore veu aucun Chronographe ny Historien qui ait remarqué ces ſepmaines d'ans pour ſ'en ſeruir à appuyer ſes ſupputations. Bien ay-ie veu quelques Chronographes Hebreux, qui ont voulu dire que l'an quatorzieme d'Ezechias Roy de Iuda eſtoit vn an de Sabbath, Mais apres l'auoir remarqué, ilz ne ſ'en ſeruoient pas plus auant pour prouuer & autorifer leur calcul. Mais la cauſe pour laquelle ilz ont eſtimé que ledict an fut vn an de Sabbath, eſt ce qu'Iſaie dit audiſt Ezechias; Or tu auras ce ſigne (dit-il c'eſt que tu mangeras en ceſte année ce qui prouiendra de ſoy meſme, & en l'autre année encor ce qui de ſoy meſme naiſtra: Mais au troiſieme an vous ſemerez *Et* moisſonnerez, *Et* planterez des vignes, *Et* mangerez le fruiſt d'icelles. Ils prennent donc de là occaſion de penſer que ces choſes ayent eſté dites pour vn Sabbath de la terre. Mais ceſte animaduersion & obſeruation eſt fort mal à propos ſi l'on y prend bien garde de pres, Veu que ſil eſtoit ainſi, il y auroit deux ſabats conſe-

cutifs; le premier seroit, celui auquel le Prophete parle, disant: *Tu mangeras ceste année ce qui prouiendra de oy mesme*, Car telle estoit la coustume du Sabath de la terre; Et l'autre an seroit le subsequence, duquel le Prophete dit, *Et en l'autre année tu mangeras ce qui de soy mesme naistra*. Ce qui monstre bien que ce qui est dit, n'est pas dict à l'occasion du Sabath de la terre, mais pour l'occasion du camp, lequel ayant tenu assiegée la ville, auoit foulé aux pieds des cheuaux les fruiçts de la terre, qui estoit cause qu'il estoit besoin que Dieu pourueust extraordinairement à la necessité du peuple, cōme aussi il fait, promettant cecy pour vn signe, c'est à dire pour vne chose extraordinaire, & non comme vne chose ordinaire, & telle qu'estoit la celebration des ans des sabaths. En ceste façon aussi le Soleil reculant en l'orloge d'Achaz, donné audiēt Ezechias en signe, & le signe promis de la vierge qui deuoit enfanter, sont choses extraordinaires, Et les choses qui aduiēent ordinairement, ne sont pas données en signe. Et d'auantage, si cecy eut esté dict pour le respect du Sabath, Il seroit faict quelque mention de l'institution d'iceluy, à fin qu'on cognust que c'estoit du Sabath qu'il parloit, de mesme comme nous auons veu que Ieremie parlant de l'an de liberté, a fait mention de l'institution d'iceluy.

Particuliere & exacte obseruation de l'entresuite des ans depuis la creation, iusques à la transmigration de Iuda en Babylone.



V demeurant il est à noter, que tous les ans depuis le commencement du monde, iusques à l'entrée des enfans d'Israël en la terre de Chanaan, ont esté deux mille cinq cens dixsept. Toutesfois l'an auquel les enfans d'Israël entrèrent en ladicte terre, estoit l'an du monde deux mille cinq cés dixhuietieme, Et le mois auquel ilz entrèrent en icelle, estoit le premier mois de l'an deux mille cinq cens dixhuietieme, selon la supputation sacrée; Mais selon la supputation civile, c'estoit le mois septieme de l'an deux mille cinq cens dixhuietieme. Lequel an civil finissoit au septieme mois apres l'introduction desdicts Israëlites en ladicte terre, Et le premier an des sepmaines civiles commençoit alors, c'est à sçauoir au septieme mois apres leurdicte entrée, Auquel temps les Israëlites commencerent à semer la terre; Tellement que l'an civil auquel les Israëlites entrèrent en la terre de Chanaan estoit desia passé, estant auancé iusques au septieme mois. D'où nous pouuons colliger, que l'an premier de la sepmaine, arriuant en l'issuë de cet an civil, & au milieu de l'an sacré, arriuoit neantmoins non pas au mesme an civil auquel ilz estoient entrez en la terre, mais en l'an second. Dont aussi le Iubilé est appellé l'an cinquatieme à occasion de cela, & aussi à cause que l'un Iubilé estoit esloigné de l'autre, de cinquante ans, en contât les deux ans extremes cōme nous auōs dit au chapitre de la Sepmaine. Nous pouons

uós aussi remarquer, que depuis ladite entree iusques à la transmigration de Sedecias, il y a eu huiët cës nonante ans, en cõtant l'an onzieme dudit Sedecias: Mais la transmigration arriva au cinquieme mois dudit an: Tellemēt que les Israëlités ont demeuré en ladite terre huiët cens octante neuf ans & cinq mois, Et ainsi deuons nous entēdre qu'ils y ont demeuré huiët cens nonante ans, en contant ces cinq mois pour vn an. Et neantmoins est à noter, que les Israëlités demeurèrent en icelle terre depuis ladite entree iusqu'à la transmigration de Sedecias, par ces huiët cens & octante neuf ans, commençans au septieme mois apres leur entree en ladite terre, & finissans vn mois apres la trāsmigration de Sedecias: Toutesfois nous auons conté les ans des sepmaines depuis ladite entree iusques à l'an dixieme de Sedecias, pource que l'an de liberté cōmençoit en l'an dixieme de Sedecias, & finissoit en l'an onzieme. Prenant donc les ans iusques à l'an dixieme de Sedecias, c'est prēdre les ans selon la supputation sacree, lesquels on peut reduire à la supputation ciuile, en la maniere que nous auons expliqué, Et mesme en prenant tous les ans depuis la creation du monde iusques audit an de la transmigration de Sedecias. Car en premier lieu, depuis la creation du monde iusques à l'entree des enfans d'Israël en la terre de Chanaan, à le prēdre largement il y a deux mil cinq cens dixsept ans, Et depuis ladite entree iusqu'à la trāsmigration de Sedecias, il y a huiët cens nonante ans, Lesquels estans adioustez aux precedens, il en prouiendront trois mil

quatre cens sept ans, depuis la creation du monde iusques à ladite transmigration de Sedecias. Et à prendre selon la supputation ciuile, il y a depuis la creation du monde iusques au premier an ciuil des sepmaines obseruees en la terre promise, deux mil cinq cēs dixhuiēt ans entiers & complets, veu que ledit an ciuil cōmença à estre conté au septieme mois apres ladite entree, qui estoit l'issue de l'an ciuil. Et les enfans d'Israël demeurèrent deslors en ladite terre, huiēt cens octante neuf ans ciuils, Lesquels ioints aux precedens, font de mesme trois mil quatre cens sept ans ciuils, depuis le commencement du monde iusques à ladite transmigration. Et fut icelle transmigration en l'onzieme mois dudit an du monde trois mil quatre cens septieme, selon la supputation ciuile, lequel mois estoit le cinquieme de la supputation sacree.

*Verifcation de l'Interregne ci-dessus proposē, par
les ans des Rois de Babylone.*

C H A P. X X I I.



ET Interregne de douze ans a esté presque cognu des Septante Interpretes, lesquels à ceste occasion ont fait le regne d'Ammon, de douze ans, bien qu'il ne soit que de deux ans. Tāt y a qu'il ne laisse pas d'auoir regné deux ans, & d'y auoir eu vn interregne de douze ans. Lequel interregne peut aussi estre verifié par les ans des Rois de Babylone qui ont esté depuis la mort de Sennache-

rib (qui mourut en l'an quatorzieme d'Ezechias Roy de Iuda) iusques à Nabuchodonozor qui transporta Sedecias. Car l'Escripture tesmoigne, *que Sennacherib* ^{2. Rois 18. 13.} *vint en Iudee & assiegea Ierusalẽ en l'an quatorzieme d'Ezechias Roy de Iuda, & sen estant retourné mourut, occis* ^{2. Rois 19. 37} *par ses garçons au temple de son Dieu Nifroc, en la mesme année, & qu'Asar-Adon son fils regna en sa place en l'an quinzieme d'Ezechias. Et d'auâtage tesmoigne, que l'an onzieme de Sedecias (qui fut l'an de la tranlmigration)* ^{2. Rois 25.} *estoit l'an dixneuvieme de Nabuchodonozor. D'où nous pouuons, non pas demonstrier, mais au moins verifier cet Interregne. Car depuis le tẽps auquel Sennacherib mourut, & Asar-Adon regna, en l'an quinzieme d'Ezechias, iusques à l'an dixneuvieme de Nabuchodonozor, auquel aduint la transmigration de Sedecias, en l'an onzieme d'iceluy, Il y a eu autãt d'ans par les ans des Rois Babyloñiens, comme nous en trouuons depuis le quinzieme dudit Ezechias Roy de Iuda, iusques à l'an onzieme de Sedecias, par les ans des Rois de Iuda, y compris ledit Interregne. Car tant en l'une qu'en l'autre supputation, il s'y trouue cent trentesept ans: Mais si'ont prend la supputation des Rois de Iuda, sans comprẽdre ledit interregne, elle se trouuera moindre que la supputation prise par les ans des Rois de Babylone, desdits douze ans dudit interregne. Lesquelles choses apparoißtrot plus clairement par l'exemple que nous proposerons conséquẽment.*

Asar-Adon regna dix ans depuis l'an quatorzieme d'Ezechias,

CHRONOLOGIE

Merodach regna cinquante deux ans.	52.
Ben Merodach regna vingt & vn an.	21.
Nabuchodonosor premier, regna trêtecinq ans.	35.
Nabuchodonosor le Grand auoit regné dixneuf ans alors qu'il print Ierusalem, en l'an onzieme de Se- decias.	19.

Somme tous les ans, depuis la mort de Sennacherib., & commencement du regne d'Assar-Adon son fils & successeur, iusques au dixneuuieme de Sedecias, auquel Ierusalem fut ruinee, cent trentesept ans. 137.

Si vous expediez la mesme supputation par les ans des Rois de Iuda, selon la supputation ci-dessus par nous exposee, en prenant depuis le quatorzieme d'Ezechias, auquel Sennacherib mourut, & le commencement du quinzieme dudit Ezechias, auquel Assar-Adon regna, iusques à l'onzieme de Sedecias, vous y trouuez lesdits cent trentesept ans : Mais sans l'Interregne, il n'y en auroit que cent vingt & cinq, là où il manqueroient douze ans à ladite supputation des Rois de Iuda, pour paruenir & atteindre ladite supputation prise par les ans des Rois Babyloniens. D'où nous pouuons conclurre la verité de l'Interregne par nous proposé, Et que les supputations de ceux qui le passent sans en faire mention, sont manques & defectueuses.

En cet endroit il arriue vne autre difficulté, touchant le regne de Iehoiachim fils d'Eliachim, lequel le
chron. 36. *second liure des Annales dit auoir regné estât aagé de huiet*

ans, & auoir regné trois mois & dix iours. Et le liure des Rois dit, qu'il a regné estant aagé de dixhuiet ans, & auoir ^{2. Rois 24.} regné trois mois : D'où nous pouuons colliger, qu'il a regné dix ans & trois mois, Sçauoir, les dix ans, depuis l'an huietieme de son aage, auquel il regnoit, suiuant le tesmoignage du liure des Annales, iusques à l'an dixieme apres, qui est l'an dixhuietieme de son aage, auquel il regnoit, suiuant le tesmoignage du liure des Rois. L'on pourroit toutesfois pëser qu'il eut regné ces dix ans, apres la mort de son pere. En quoy on se tromperoit grandement, veu qu'il appert du contraire, par ce que *Eliachim pere dudit Iehoiachim*, ^{2. Rois 24.} auoit regné iusques à l'an huietieme de Nabuchodonosor, ^{12.} & en icelle annee fut transporté en Babylone, Et depuis ce temps là, il n'y a eu qu'onze ans de regne en Ierusalem, à sçauoir iusques à l'an dixneuuieme dudit Nabuchodonosor, esquels Sedecias regna dix ans & cinq mois. Il se peut donc bien faire, qu'auant que Sedecias regnast, Eliachim eust regné ces trois mois, luy estant aagé de dixhuiet ans, Mais quant aux autres dix ans qu'il a regné, il est necessaire que ç'ait esté: qu'il ait regné avec son pere Eliachim deuant qu'il fust transporté en Babylone.

Des septante ans de la captiuité, qui sont interuenuz depuis la transmigration des Iuifs & de solation de Ierusalem, iusques à l'an premier de Cyrus, auquel an la captiuité fut relaschee...



Jer. 25. 11.

2. Chron. 36.

verset 21.

Epuis l'an dixneuſieme de Nabuchodonosor, auquel Ierusalem fut prise, iusqu'à l'an premier de Cyrus, auquel la captiuité fut relaschee, & la liberté restituee aux Iuifs avec permission de réedifier leur temple, il y a eu septante ans. Lesquels auoient esté prophetisez par Ieremie le Prophete, disant : *Et toute ceste terre sera redigee en desolation & solitude, & serviront au Roy de Babylone, septante ans.* Là où nous voyons, qu'il prophetise septante ans de desolation. Toutesfois pour ne nous trôper point en l'explication de ces septante ans, Il est question de chercher les deux extremes d'iceux, à sçauoir le temps de leur commencement, & la remarque de leur fin. Pour donc voir où c'est que lesdits septante ans doiuent commencer, Nous prendrons garde que Ieremie prophetise septante ans de desolation, non pas à vne partie de la terre, mais generalemēt à toute la terre de Iuda & de Ierusalem, en laquelle il estoit predisant ces choses. Or ceste terre ne fut pas reduite en totale desolation, premier que Ierusalē fust prise & desolée, Mais alors que Ierusalem fut prise par Nabuchodonosor en l'an onzieme de Sedecias, le liure des Annales tesmoigne *que toute la terre fut desolée.* Et pour plus ample preuue de cela, dit *que la terre accomplit ses Sabaths en ceste desolation,* se reposant durāt les septante ans esquels elle fut desolée.

Pour l'intelligence de laquelle chose, nous nous deuons ressouuenir que l'an auquel Ierusalem fut prise, estoit vn an de liberté, lequel le Seigneur conuertit en vn an de captiuité, *publiant la liberté à la peste, à la guerre, & à la famine, pour la punition de la peruersité de ceux qui auoient prophané le nom du Seigneur & ayans publié l'an de liberté, & neantmoins contre le priuilege & franchise d'iceluy, auoient remis & redigez en seruitude leurs seruiteurs qu'ils auoient laissez aller francs.* Ier. 34. 17. Puis sçachans que l'an de la prise de Ierusalem estoit vn an de liberté & Sabath de la terre, Nous sçaurons que le premier an de ces septante, estoit le premier an d'une sepmaine ciuile, & le dernier, vn an de Sabath, Et en somme, que tous ces septante ans, estoient dix sepmaines assises & continuees sur les sepmaines instituees en la Loy. Et sçachans cela, nous entendrons pourquoy c'est que ces septante ans sont appelez *Sabaths de la terre*, l'auoir d'autant que c'estoient sepmaines legitimemēt instituees, & desquelles tousiours l'an septieme escheoit dans l'an du Sabath de la terre, & les sepmaines ainsi instituees sont nommees quelquefois *Sabath*, comme nous auons prouué au chapitre de la Sepmaine ci-dessus proposé. Ainsi donc ces Sabaths esquels la terre a reposé, sont ces dix sepmaines d'ans, c'est à dire, ces septante ans de la captiuité, esquels la terre a accompli ses Sabaths en desolation, se reposant perpetuellement en iceux à faute d'homme qui la cultiuast. Ces septante ans donc ont commēcé depuis la prise de Ierusalem. Mais maintenant il est que-

2. Chro. 36.

22.

1. Esdr. 1.1.

Dan. 9.

Dan. 5. 30.

Et 6. 1.

stion de voir quād est-ce qu'ils ont fini. Ils ont donc persisté *iufques à l'an premier de Cyrus* (ainfi que tefmoigne le fecond liure des Annales, & le premier & troifieme liure d'Esdras) *Et iufqu'à l'an premier de Darius de Mede*, c'est à dire de Darius Hydaspis, auquel an Daniel entendit que les feptante ans de la captiuité predite par Ieremie, estoient accomplis. Lequel an premier de Darius, estoit l'an auquel il tua Balt-Afar. Quelcun toutefois pourroit demander, comment il se peut faire que ces feptante ans soient accomplis en l'an premier de Cyrus & en l'an premier de Darius? Sur quoy ie refpon qu'il se peut aifément faire, veu que l'an premier de Cyrus estoit auffi l'an premier de Darius, d'autant qu'ils regnoient tous deux enfemble, comme il est aisé à voir au fixieme chapitre de Daniel.

Nous pouuons donner exemple de ceci, non pas par les ans des Rois de Iuda ou d'Israël, veu que leur courōne estoit captiue en Babylone, Mais par les ans des Rois de Babylone, depuis l'an dixneuifieme de Nabuchodonofor, iufques à l'an premier de Cyrus, qui regna apres Balt-Afar. Il faut toutesfois premiere-ment entendre, que Nabuchodonofor regna en tout quarantecinq ans, fçauoir dixneuf auant la prise de Ierufalem, & depuis, encor vingt fix.

Nabuchodonofor apres la prise de Ierufalem, regna vingt fix ans.

26.

Amilin Euilmerodach regna trente ans.

30.

Le premier fils d'iceluy nommé Afar, regna trois

ans.

3.

Le

Le second, Lab-Asar, regna six ans. 6.

Le troisieme estoit Baltasar, lequel regna cinq ans,
& en l'an cinquieme de son regne, fut tué par Cyrus
& Darius. 5.

Somme tous les ans, depuis la prise de Ierusalem,
iusqu'à l'an premier de Cyrus, seprante
ans. 70.

On peut remarquer en passant, qu'Amilin Euilmerodach regna en Babylone apres Nabuchodonosor en l'an trenteseptieme de la captiuité de Iehoiachim, qui est l'an vingtsixieme de la captiuité de Sedecias & de Ierusalem, & tira hors de prison ledit Iehoiachim, Ierem. 52. 31.
luy donnât portion honorable & Royale. Et signifie 2. Rois 25.
le nom d'Euilmerodach, Merodach le fol. Ce qui denote, que c'est celuy qui estant aueuglé par sa temerité & superbe, repeut l'herbe entre les bestes, estât estimé fol & brutal, & indigne de la societé & cōpagnie des hommes raisonnables, par l'espace de sept saisons ou ans, iusqu'à tant que Dieu luy restitua sa sagesse & son regne en sa premiere splendeur & dignité, ainsi qu'il est cōtenu en Daniel. Apres cestui-cy l'Escripture ne fait point de mētion de ses deux premiers fils, sçauoir du premier Asar, & Lab-Asar, mais bien du troisieme Balt-Asar, q̄ Darius de Mede vainquit & occit. 27.

Au surplus, nous pouuons aussi remarquer en passant, que Cyrus & Darius Hydaspis ou Hyftapis, ont regné ensemble les quat orze premiers ans de leur regne, au bout desquels Darius mourut, & Cyrus regna encor apres luy vingt & deux ans, Et Cambyses aussi

C H R O N O L O G I E

regna en Perse, du temps que Cyrus son pere viuoit & regnoit avec Darius, faisans la guerre à Tomiris Roine des Scythes. Car apres que Cyrus & Darius eurent regné six ans en Perse, ils feirēt la guerre à Tomiris, ayās resigné le regne Persien es mains de Cambyfes. Cyrus donc commença à regner avec Darius en la soixante-vnieme Olympiade, & regna avec luy en Perse six ans, sçauoir iusques à l'an second de l'Olympiade soixante deuxieme: Et ayans regné ces six ans en Perse, ils feirent la guerre à Tomiris autres six ans, A la fin desquels ils furent appelez par les Babylo niens: ce qui fut en la soixante quatrieme Olympiade. Et alors ayans tué Balt-Asar, regnerent encor deux ans ensemble. En la fin desquels Darius Hydas pis mourut, estant aagé de soixante deux ans, Et Cyrus regna de là en auant seul par l'espace de vingt deux ans. Il conuient toutesfois noter, que l'an que l'Escri-
*ture appelle l'an premier de Cyrus & Darius, auquel la captiuité fut relaschee, n'est pas l'an premier auquel Cy-
 rus & Darius ont regné en Perse: Car l'Ecriture en-
 tend que Cyrus en l'an premier de son regne donna relasche à la captiuité des Iuifs, Ce qu'il ne pouuoit faire alors qu'il regnoit en Perse, & non en Babylone, Car les captifs n'estoient pas en Perse, mais en Baby-
 lone. Parquoy c'est l'an premier auquel Cyrus & Da-
 rius regnerent en Babylone, apres auoir regné six ans en Perse, & auoir fait six ans la guerre à Tomiris, ayās resigné le regne de Perse à Cambyfes.*

1. Esdr. 1.
 Dan. 1. 9.

*Refutation des fausses opinions que quelques uns ont
en touchant l'assiete des septante ans de la ca-
ptiuité dessus-exposez.*

CHAP. XXIIII.



Vcuns ont estimé, que ces septâte
ans de la captiuité auoient eu leur
cours depuis l'an treizieme de Io-
sias Roy de Iuda, pource que ce
sont les septâte ans prophetisez par
Ieremie, & que Ieremie commença *Ierem. 1. 2.*
en ceste annee là à prophetizer. Autres ont pensé, que
c'est depuis l'an quatrieme de Iehoiachim Roy de
Iuda, qui estoit l'an premier de Nabuchodonosor,
pource qu'en iceluy an le Seigneur descouurit & re- *Ierem. 25.*
uela à Ieremie ceste captiuité de septante ans. Autres
encor ont voulu, qu'iceux septante ans ayent cōmen-
cé en l'an auquel Iehoiachim fut mené prisonnier &
transporté en Babylone, pource qu'alors Iehoiachim *2. Rois. 24.*
fut mesme captif, Et semble que la captiuité ait com-
mencé deslors qu'il y a eu vn Roy captif, & plusieurs
tât des Princes que du peuple avec luy, & pource aus-
si que Ieremie par iceux mada aux captifs qui estoient *Ierem. 29.*
en Babylone, que la desolation deuoit durer septante
ans, & qu'en la fin de septante ans Dieu les visiteroit.
Mais toutes ces raisons n'ont point de lieu: Veu que
Ieremie remarque notamment la totale desolation,
disant, *que toute ceste terre sera reduite en desolation & so-* *Ierem. 25. 11.*

litude, & qu'ils seruiront septante ans au Roy de Babylone.
Ce qui monstre, que ces septante ans n'ont eu leur cours, que préalablement toute la terre ne fust reduite en desolation & folitude, Ce qui n'aduint ny en l'an treizieme de Iosias, ny en l'an quatrieme de Iehoiachim, ny en l'an de sa transmigration, Mais en la transmigration de Sedecias. Pour ceste raison aussi, au liure des Annales ladite desolation est tresbien remarquee, & noté qu'en ces septante ans la terre s'est reposée, ayant commencé à se reposer apres le transport de Sedecias, alors qu'il ne resta plus aucun du peuple pour cultiuier la terre, & non plus tost. Ainsi donc le premier limite desdits septante ans, a esté à bon droit posé en l'an de la transmigration de Sedecias, Et est mal colloqué par ceux qui le disposent autrement.

Il y en a d'autres qui errent en la situation du limite final de ces septante ans. Et de cet erreur, la principale source est la fausse narration des Rois de Babylone & de Perse. Car au lieu que nous auons veu par la narration que nous auons ci-dessus proposée, prise de Metastene, que Cyrus, Darius, & Cambyses, ont regné du viuant l'un de l'autre, Et qu'à cela s'accorde la prophetie de Daniel, laquelle cōioint le regne de Darius & de Cyrus, & enseigne que les septante ans de Ieremie ont esté accomplis en l'an premier de Darius, comme aussi l'histoire des Annales & d'Esdras tesmoigne qu'ils ont esté accomplis en l'an premier de Cyrus, Ce qui appuye l'histoire de Metastene plus ferme qu'un rocher: Eux au contraire, constituent

2. Chro. 36.
21.

Dan. 6. 28.

Dan. 9. 1.

2. Chro. 36.
22.
1. Esdr. 1. 1.

les ans de Cambyfes apres les ans de Cyrus, & les ans de Darius, apres les ans de Cambyfes, comme si Cambyfes auoit regné tant seulement apres la mort de Cyrus, & Darius, apres la mort de Cambyfes. Laquelle chose ne se peut faire, sans miserablement deschirer le fil de la Chronique. Pour ceste raison, ayans pris vn si miserable fondement, ils sont contraincts d'exco- giter des distinctions à leur poste, Comme entre au- tres, qu'il y a difference entre les septante ans de la de- solation du peuple, & les septante ans de la desolation du Temple. Sur quoy ie voudroy bien sçauoir, qui est le Prophete qui leur a prophetisé ceste distinctiō, car ie sçay bien qu'elle n'est pas de Ieremie, ny de tou- te la Sainte Escriture, ains est estrangere & forgee à plaisir, pour pallier & excuser la fausseté de ceste Grec- quenarration de l'histoire des Rois de Perse. Ils di- sent donc, que les septante ans de la captiuité du peu- ple commencerent en l'an treizieme de Iosias, & fini- rent en l'an premier de Cyrus, & les septante ans de la desolation du Temple, durerent depuis l'an de la prise de Ierusalem, iusques à l'an second de Darius. Or comme nous auons ja monstré, il n'y a lieu de di- stinction pour ces septante ans, veu qu'il n'en est fai- te aucune distinction en l'Escriture, & n'y a lieu sur lequel on la puisse appuyer. Et n'est question de com- mencer ces septante ans, ailleurs qu'en l'an de la pri- se de Ierusalem, & non en l'an treizieme de Iosias, comme nous auons ja prouué. Quant au surplus, les- dits septante ans finissent bien en l'an premier de Cy-

rus , Mais cela s'entend tant de la desolation du peuple, que du Temple, attendu que ce n'est qu'une mesme desolation, Et le commencement n'estant pas diuers, aussi la fin & issue n'en peut estre diuerse . Ils disent aussi que les septante ans de la desolation du Temple, ayans commencé en l'an de la prise de Ierusalem, eurent leur fin en l'an second de Darius Hydaspis. En quoy ils assient bien le commencement des septante ans, mais non la fin, veu que lesdits septante ans finissent en l'an premier de Darius, ainsi que nous auons ci-dessus prouué par Daniel , & non en l'an second de Darius, Lequel an premier de Darius, est aussi l'an premier de Cyrus, auquel aussi lesdits septante ans finissent . Or ceux qui veulent appuyer une telle supputation, pensent auoir pour tesmoin familier Zacharie, qu'ils disent auoir dit en l'an second de Darius Hydaspis, *c'est cy l'an septantieme*, disans que c'est l'an septantieme de la captiuité. Mais il est aisé de monstrier que Zacharie ne parle pas de l'an second de Darius Hydaspis, & ne dit pas, *c'est cy l'an septantieme* . Toutesfois Zacharie parloit en l'an second de Darius Longue-main, comme nous esperons monstrier en son lieu, auquel aussi nous remettons toute la refutation de toute ceste question.

Zach. i. 12.

De soixante trois ans, compris depuis le premier an de Cyrus, auquel la captiuité des Iuifs fut affranchie, iusques à l'an vingtieme de Darius Longue-main, auquel il fut permis de réédifier les murailles de Ierusalem.

CHAP. XXV.



E PUIS l'an septantieme de la captiuité, auquel an Balt-Asar estant mort, Cyrus & Darius regnerent en Babylone, & donnerent relasche à la captiuité, iusques à l'an vingtieme de Darius Longue-main, auquel an il fut permis de par ledit Darius de rebastir le mur de Ierusalem, il y a eu soixante trois ans. Sçauoir, trois ans depuis ledit an septantieme de la captiuité, iusques à l'an auquel les fondemens du Temple furent posez : Puis quarante six ans, esquels le Temple fut construit, finissans en l'an sixieme de Darius Longue-main, Et puis quatorze ans depuis ledit an sixieme de Darius, iusqu'au vingtieme d'iceluy, auquel an il donna la permission de réédifier le mur. Car l'Escripture tesmoigne, que Cyrus en l'an premier de son regne donna relasche à la captiuité, auquel an & au mois septieme d'iceluy, les Iuifs arriuaus en Ierusalem bastirent vn autel, & delibererent de la construction du Temple. Cestuy an donc, qui est l'an premier apres l'an septantieme de la captiuité, est l'an du retour des Iuifs en Ierusalem.

1. Esd. 1.1.

1. Esd. 3.1.

Or l'Eſcriture teſmoigne auſſi, *que deux ans apres ce retour, les fondemens du Temple furent poſez*. Ces deux ans donc apres le retour, doiuent eſtre conioints avec l'an du retour, & ainſi il en ſeront faits trois ans, apres l'an ſeptantieme de la captiuité. Ce qui mōſtre que le fondemēt du Temple fut polé trois ans apres l'an ſeptantieme de la captiuité. D'autre coſté, l'Euaḡile teſmoigne, *que le Temple fut conſtruit en quarāte ſix ans*, leſquels eſtans cōioints avec les trois ans deſſus propoſez, font quaranteneuf ans. Ce qui monſtre, que ledit Temple fut baſti quaranteneuf ans apres l'an ſeptantieme de la captiuité. D'ailleurs auſſi l'Eſcriture teſmoigne, *que ledit temple fut achené de baſtir en l'an ſixieme de Darius*, lequel Darius eſt appellé Artaxerxes: Et Nehemie auſſi teſmoigne, *que ledit Artaxerxes donna permiſſion d'edifier le mur de Ieruſalē*. Or depuis l'an ſixieme d'Artaxerxes, auquel la conſtruction du Temple fut accomplie, iuſques au vingtieme d'iceluy, auquel an il fut permis de réedifier le mur, Il y a eu quatorze ans, leſquels eſtans cōioins avec les quaranteneuf ans qui auoient eſté depuis l'an ſeptantieme de la captiuité, iuſques audit an ſixieme d'Artaxerxes, font ſoixante trois ans, compris depuis l'an ſeptantieme de la captiuité iuſques à l'an vingtieme de Darius Artaxerxes, auquel il fut permis de réedifier le mur de Ieruſalem.

Quant à l'ordre des Rois, l'Eſcriture ne fait point de mention de Cambyſes, parce qu'il a régné en Perſe, & non en Babylone, où eſtoient les eſcriuains de l'hiſtoire Sainte ſouz la captiuité. Mais l'Eſcriture fait mention

mention de Cyrus & Darius, coarctant les ans de leur regne en vn mesme temps, Et aussi l'Escripture ne fait nulle mention de leur regne de Perse, non plus que du regne de Cambyses, Ains conte le premier an de leur regne, deslors qu'ilz ont regné en Babylone, auquel temps ilz donnerent permission & commandement de bastir le Temple. Au surplus, l'histoire Sainte nous enseigne, *qu'apres que les fondemens du Temple furent posez du commandement de Cyrus & Darius, l'edifice fut intermis, estant empesché par la malice de mihredath, Thabeel, & autres ennemis de Iuda, lesquels escriuirent des accusations contre les enfans d'Israël à Artaxerxes Assuerus. Dont l'edifice fut intermis iusques à l'an second de Darius Artaxerxes, es iours duquel le Temple fut acheué de bastir.* D'où nous sommes instruits que, apres le regne de Cyrus cōsecutiuemēt est arriué le regne d'Artaxerxes Assuerus, & apres Artaxerxes Assuerus sen est ensuiuy le regne d'Artaxerxes Darius Longuemain. Il reste donc de produire l'exemple qui correspond de tout poinct à ce qui a esté dessus exposé.

Cyrus regna en Babylone deux ans avec Darius Hydaspis, puis seul vingtdeux ans. Dont en tout il y regna vingt & quatre ans.

Artaxerxes Assuerus fils de Darius Hydaspis, regna vingt ans.

Darius Artaxerxes Longuemain & Cyrus Artabanes combattirent sept mois pour le regne, & au septieme mois Darius obtint la victoire, & regna avant que donner la permission de reedifier le mur de le-

rusalem, dixneuf ans.

19,

Somme tous les ans, depuis l'an premier de Cyrus auquel il donna relasche à la captivité, iusques à l'an vingtieme de Darius auquel il donna la permission de reedifier le mur de Ierusalem, soixante trois ans.

63.

Il est toutesfois à noter, que quand l'Ecriture dit que le Temple a esté basty en quarantefix ans, Elle n'entend pas que l'on ait employé tout le temps de quarantefix ans à bastir le Temple. Mais la cause pour laquelle le Temple a esté basty en quarantefix ans, est d'autant que la construction d'iceluy a esté intermise & a cessé, estant empeschée par Mithredat, Tabeel, & autres de leur ligue, presque du commencement qu'elle fut entreprise, & cōtinuerent d'ēpescher l'œuvre tout le temps d'Artaxerxes Assuerus, qui regna apres Cyrus, Iusques à tant qu'Artaxerxes Darius Longimanus regna, *En l'an second duquel Aggée & Zacharie prophetiserent de la construction du Temple, & Dieu* fait prosperer l'œuvre, dont en l'an sixieme d'iceluy Darius Artaxerxes Longuemain la construction fut accomplie. Tellement que c'est l'an second de ce Darius icy, auquel Aggée & Zacharie prophetiserent, & non l'an second de Darius Hydaspis.

1. Esdr 5.

Outreplus il est à noter, que les quarantefix ans de la construction du Temple finirent alors que l'an sixieme de Darius commençoit, & que les soixante trois ans dessus specifiez finissoyent alors que l'an

vingtieme dudit Darius commençoit, qui estoit en la fin de l'an dixneuvieme d'iceluy. Et est à remarquer que ledict an dixneuvieme dudit Darius Artaxerxes estoit vn an de Sabath de la terre & vn an de liberté, de mesme comme l'an septantieme de la captiuité. Car les soixantetrois ans dessus exposez sont aussi bien diuisibles par sept & reduisibles en sepmaines, comme les septante: Tellement que ces soixante trois ans sont neuf sepmaines. Ce qui est bien remarquable. Car de là sensuit, que l'an vingtieme dudit Darius Artaxerxes, estoit le premier an d'une sepmaine Legale, Lequel an fut celuy auquel ledict Darius Artaxerxes donna permission de reedifier le mur de Ierusalem: depuis lequel an les septante semaines de Daniel ont eu leur cours, lesquelles ayans commencé au premier an d'une sepmaine Legale, il sensuit que toutes ces septante sepmaines ont esté sepmaines Legales, lesquelles doiuent auoir finy en vn an de Sabath & de liberté, ordonné selon l'institution de la Loy Moysaïque.

D'auantage l'on peut remarquer, qu'apres la mort d'Artaxerxes Asuerus, ses fils Darius & Cyrus Artabanes eurent guerre sept mois durant pour raison du regne, mais au septieme mois la victoire fut obtenue par Darius, lequel deslors regna trentesept ans: Aufquels si vous adioustez les sept mois de la controuersé du regne, ce seroit environ trentehuit ans que Darius Artaxerxes a regné. Et est à noter, que pour trouuer l'accord de l'histoire de la Bible avec celle de Me-

taftene', il faut conter le regne dudit Darius Artaxerxes, comme fil eust regné dés la mort de son pere, & comme fil eut regné deffors trentehuiét ans. Car il est estimé regner dés la mort de son pere, pource que deffors le droit du regne luy appartenoit, Dieu l'ayât esleu pour Roy, comme il a monsté par le succes de leur controuerse.

Collation de la narration des Grecs touchant l'histoire des Rois de Perse avec l'histoire Sainte, en laquelle est prouué que ladicte Greque narration n'est que colligée par coniecture, étant fausse Et supposée.

CHAP. XXVI.



Nous auons peu voir cy-dessus, tant par la deduction de l'histoire Sainte, que par les exemples de l'histoire de Babylone & de Perse, comme l'histoire des Chaldeens & Perses conuient d'une merueilleusement belle harmonie avec ce qui en est recité en l'histoire Sainte. Lequel accord & harmonie monstre que l'histoire de Metastene, de laquelle nous auons puisé de poinct en poinct tous noz exemples, est la vraye histoire d'iceux Rois de Babylone & de Perse; Laquelle aussi Metastene tesmoigne auoir prise de la publique Bibliotheque de Suliane, qui est l'ancienne ville

Royalle où les Rois de Perse souloient le plus souvent entretenir leur cour. Quelques vns toutesfois ont voulu doubter de la verité de l'histoire de Metastene, & establir vne certaine narration touchant les Rois de Perse & de Babylone, laquelle est compilée de certaines rapsodies & fragmens recueillis & ramassez par certains autheurs Grecs qui les ont orné de beaucoup de fard Rhetorical, & les ont venduz pour veritables. Or nonobstant l'opinion de ceux par laquelle ilz reuoquét en doubte l'histoire de Metastene, Si est ce que Metastene ne sçauoit pretendre vne plus belle approbation que celle qu'il a, estant trouué en tout & par tout accordant à la verité de l'histoire Sainte. Car il est necessaire que ce qui s'accorde harmonieusement avec la verité, soit veritable. Mais quant à la narration des Grecs, quand on l'appuyeroit d'eschâlas, si est-ce que son autorité ne pourroit estre soustenue. Car vne chose ne sçauoit mieux estre conuaincuë de mensonge, que quand elle ne s'accorde ny avec la verité, ny avec soy mesme. Or quant aux narrations des Grecs qu'ilz ont faictes des Rois de Perse, quiconque prendra bien garde à leursecripts, il les trouuera en beaucoup d'endroits discordans. Et de vouloir icy amener les lieux de leurs discords, ce seroit vouloir repaistre le Lecteur de parolles: Veu qu'il y a assez d'histoires qui ont remarqué leurs discors, & entr'autres Iosephé, Et qu'il fust que nous mettrions en auant leur discord avec l'histoire Sainte. Ce qui sera mesme vtile.

CHRONOLOGIE

& seruira pour vne plus claire intelligence de l'histoire Sainte, & pour garder le Lecteur de s'acheurer dorefnauant en telz rencontres. Ainsi les mariniers ne se contentent pas de sçauoir les bonnes routes & sentiers en la mer, silz ne sçauēt aussi les endroits des gouffres & escueils & tels lieux perilleux pour les e- uiter. Nous donc proposerons premicrement l'ordre des Rois de Perse selon la plus commune narration des Grecs, & puis mettrons en auant les endroits auxquels ils discordent de l'histoire Sainte.

Cyrus regna trente ans.	30.
Cambyfes regna neuf ans.	9.
Les freres Magiciens ou Mages, sept mois,	7.
Darius, trente six ans.	36.
Xerxes, vingt ans.	20.
Artabanus, sept mois.	7.
Artaxerxes Longuemain, quarante ans,	40.
Xerxes, deux mois.	2.
Sogdian, huit mois.	8.
Darius le bastard, dixneuf ans.	19.
Artaxerxes Mnemon, quarante ans.	40.
Artaxerxes Ochus, vingt six ans.	26.
Artes, quatre ans.	4.
Darius fils d'Artam, six ans.	6.

Ceux donc qui entreprennent d'accorder le fil de ceste histoire ainsi disposée, avec l'Histoire sainte, se trouuent empeschez en beaucoup d'endroits. Car en premier lieu, ilz ne peuvent trouuer la verifiatiō des septante ans de la captiuité Iudaïque, ains sont con-

traints d'excogiter des distinctions à propos pour donner quelque couleur à leur supputation, comme nous auons dit ci-dessus, Et leur fil d'histoire ne peut correspôdre à ce qu'il y ait eu vn Darius qui ait regné avec Cyrus suiuant ce qui nous est enseigné en l'histoire Sainte, tant en Daniel sixieme, qu'en plusieurs autres lieux par nous cy dessus alleguez : En quoy le fil de ceste histoire est purement & à plain conuaincu de fausseté. Outreplus l'an premier de Cyrus est l'an de la relaxation de la captiuité, & du retour des Iuifs en Ierusalem; & l'an second apres, qui est l'an troisieme de Cyrus, est l'an de la fondation du Temple, cōme il appert par l'histoire d'Esdras, Lequel Temple a esté construit en quarantesix ans, Lesquels ioincts aux trois precedens, font quaranteneuf ans depuis l'an premier de Cyrus iusques à l'an auquel le Temple fut acheué de bastir, qui fut en l'an sixieme de Darius: Lesquelz quaranteneuf ans ne scauroient estre accordez avec les ans de ladite narration Greque de laquelle l'exemple est cy-dessus proposé. Et dauantage l'histoire d'Esdras nous enseigne que la construction du Temple ayant esté entreprise du temps de Cyrus, fut empeschée tout le temps de Cyrus & tout le temps d'Artaxerxes Assuetus, & encore deux ans durant le regne de Darius Artaxerxes. Ce qui monstre qu'apres Cyrus, il n'y a eu qu'Artaxerxes Assuerus qui ait regné deuant Darius, Ce qui doit estre entendu entant que Darius est estimé auoit regné deslors qu'il a aspiré au regne combattant pour la couronne contre

1. Esdr. 6. 14. Cyrus Artabanes. Et ce Darius qui vint apres Artaxerxes Assuerus, est aussi par Esdras nommé Artaxerxes, & est celuy souz lequel le Temple fut, non pas commencé de bastir, mais acheué, & le mur de Ierusalem construit. Mais en ceste hystoire supposée, apres Cyrus au lieu d'Artaxerxes Assuerus, est proposé Cambyse, & apres luy, au lieu de Darius Artaxerxes souz lequel le Temple fut acheué de bastir, est proposé Darius Hydaspis, souz lequel le fondement du Temple fut posé en l'an qu'il mourut. Parquoy tout le fil de ceste hystoire est mal basti & faullement disposé.

2. Esdr. 4. 6. Toutesfois quand Esdras dit ainsi: *Et au regne d'Assuerus au commencement de son regne, escriuirent vne accusatiō contre les habitans de Iuda & Ierusalem, a sçauoir es iours d'Artaxerxe, Mithredat & Tabeel & le reste de ses compagnons escriuit à Artaxerxe Roy de Perse, & l'escriure estoit escripte en langue Syriaque, & l'interpretation estoit Syriaque,* On pourroit penser qu'Assuerus & Artaxerxe fussent deux diuers Rois, & non vn mesme Roy: cōme il y en a mesme qui ont pensé que ce fussent deux Rois disposez en ordre renuersé. ce qui est faux. Car quand mesme ce seroient deux Rois, Il s'en suiuroit qu'ils auroyent regné en vn mesme temps, & qu'es iours de celuy qui seroit nommé Assuerus on eust escript à celuy qui auroit esté nommé Artaxerxe. Mais ce ne sont pas deux diuers Rois, ains vn mesme Roy, ainsi nommé en diuers versets, ainsi qu'en diuers versets Dauid dit, *Israël se iouira & Iacob aura ließe,* là où Iacob & Israël ne sont que les noms diuers d'un mesme homme

hōme, ores qu'ils soient colloquez en versets diuers.

Nous pouuons aussi en cest endroit refuter l'opinion de ceux qui pensent que l'an second de Darius, auquel Zacharie & Aggee prophetisoient, fut l'an septantieme de la captiuité. Car ceux-là errent en ce qu'ils pensent que ce Darius, fust Darius Hydaspis, & en ce qu'ils pensent que ce fut l'an septantieme de la captiuité, & encore en ce qu'ils interpretent le passage de Zacharie comme fil disoit, *C'est cy l'an septantieme de la captiuité.* Lesquels trois erreurs nous pouuons aisément refuter. Ceux donc qui estiment que ce Darius ici fut iceluy Darius qui fut nommé Hydaspis (à cause qu'il estoit de Mede d'une region qui se nommoit Hydaspis, à raison d'un fleuve de pareil nom) *en l'an premier duquel, Daniel entendit que la prophetie des septante ans de Ieremie estoit accomplie,* se trompent grandement. Car Zacharie & Aggee ne prophetiserent pour la restauration du temple, sinon apres q̃ Cyrus & Darius Hydaspis eurent donné relasche à la captiuité, avec permission de reédifier le temple, & que l'on eut posé le fondement du temple, & que l'edification eut esté interrompue tout le temps de Cyrus & d'Assuerus Artaxerxes son successeur, & qu'un autre Darius qui est surnommé Artaxerxes, qui estoit Darius Artaxerxes Longue-main, regna en l'an second duquel Zacharie & Aggee prophetiserent de la construction du temple, laquelle fut acheuue en l'an sixieme d'iceluy, & le mur construit durant son regne, cōme nous pouuons aisément

Ee

Zach. i. 12.

colliger de l'histoire d'Esdras & Nehemie. Or l'an sixieme de ce Darius, a esté par cy deuant demonstré estre l'an quaranteneufieme apres l'an septantieme de la captiuité. Il s'ensuit donc que l'an second d'ice-luy, estoit l'an quarantecinquieme apres l'an septantieme de la captiuité. Ce n'estoit donc pas l'an septantieme d'icelle. Ilz alleguent toutesfois pour autoriser leur dire, le passage de Zacharie, auquel en l'an second de Darius Artaxerxes Longuemain, le Prophete se complaint au Seigneur, luy demandant *Jusqu'à quand il sera courroucé sur les villes de Juda & Ierusalem, sur lesquelles il a esté irrité ja par septante ans.* Et eux pour mieux venir à leur compte, traduisent ceste clause là où il y a *ja par septante ans*, comme s'il y auoit, *C'est cy l'an septantieme*, & que cet an septantieme fust l'an septantieme de la captiuité. Mais ilz traduisent mal le passage, qui est en l'Hebreu ainsi, *זע צבצב זי* (*Ze chibim chana*) c'est à dire *ja par septante ans*. Là où il y a vne particule, *זי* (*ze*) qui peut estre prise pour vn pronom demonstratif, & signifier *Cestui-y*, comme ilz veulent qu'il signifie en cet endroit. Et peut aussi estre pris pour vn aduerbe qui signifie *ja* ou *desia*, cōme il doit estre pris en cet endroit. Car quād *זי* (*ze*) est pris pour vn pronom demonstratif, il est pris au nombre que les Grammairiēs appellent singulier, & au genre qu'ilz appellent masculin; Et doit estre ioinct avec vn nom singulier de mesme. Ce qu'il ne peut en cet endroit là, où *צבצב* (*chibim*) est pluriel, & *זי* (*chana*) féminin. Parquoy il doit estre pris pour vn aduerbe qui signi-

fie ja ou *desia*. Comme aussi quand l'Ange dit à Ba-
 laam que son asnesse s'estoit destournée de deuant
 luy, וְהָלַךְ רָגְלִים (Ze *chaloeh regalim*) c'est à dire ja par trois
 fois, là où on ne traduit pas C'est icy la troisieme fois. Et Nomb. 22. 28
32. 33.
 Dieu aussi se complaignant que les Israëlites l'auoient
 tenté וְעָשָׂה פַעֲמִים (Ze *echer peamim*) c'est à dire *desia* dix Nomb. 14. 22.
 fois, on ne traduit pas C'est icy la dixieme fois. On me
 pourroit toutesfois opposer, que les Septante inter-
 pretes ont ainsi tourné ce passage. Mais ie respon-
 ds, que les septante Interpretes n'ont pas ainsi inter-
 préte le lieu où Iacob dit à Laban וְעָשָׂה שָׁנָה אֶכְרִים עִמָּךְ (Ze Genes. 31. 38.
echrim chana anoki immac) Car ils ont traduit εἰκοσι ἔτη
 ἐγὼ εἰμι μετὰ σοῦ, c'est à dire, Il y a ja vingt ans que ie suis a-
 uec toy. Là où ilz ne traduisent pas, C'est icy l'an vingtie-
 me que ie suis avec toy. Ainsi au mesme endroit là où il
 est dict, וְלִי עָשָׂה שָׁנָה בִּבְתֵּהָ (Ze *liechrim chana bethethca*)
 les Septante interpretes tournent ce passage en ceste
 forte, ταῦτά μοι εἰκοσι ἔτη ἐγὼ εἰμι ἐν τῇ οἰκίᾳ σοῦ, c'est à dire,
 Ce m'ont esté vingt ans esquels i'ay esté en ta maison, Là où
 ilz ne disent pas, C'est icy l'an vingtieme que ie suis en ta
 maison, Ains prennent ceste particule (Ze) pour vn ad-
 uerbe, comme nous faisons icy, & non pour vn pro-
 nom demonstratif. Ie dy donc qu'à plus forte raison
 en cet endroit il doit estre pris pour vn aduerbe, veu
 qu'il ne peut estre pris pour vn pronom, sans peruer-
 tir le sens du texte. Par cecy donc nous pouuons co-
 gnoistre de combien errêt ceux qui prennent ce pas-
 sage pour prouuer que l'an auquel Zacharie prophe-
 citoit pour la construction du Temple, fut l'an sep-
 Ec ij

tantieme de la captiuité, Et combien est vaine la source de cet erreur, puisée de l'opinion de ceux qui ont voulu accorder la Greque narration des Rois de Perse, avec l'histoire Sainte.

De la supputation des Iubilez, par laquelle sont prouuées & appuyées toutes les supputations des ans qui ont esté depuis l'entrée des enfans d'Israël en la terre de Chanaan, iusques à l'an vingt sixieme de Darius Artaxerxes Longue-main.

CHAP. XXVII.



NOUS auons veu cy-dessus, que l'an de la prise de Ierusalem & captiuité du peuple Iudaïque souz Nabuchodonozor, estoit vn an de liberté & sabath de la terre, comme aussi l'an septantieme de la captiuité, & aussi l'an dixneuuieme de Darius Artaxerxes Longue-main, qui estoit l'an soixâte-troisieme apres l'an septantieme de la captiuité. Et auons dict que l'an de la captiuité du peuple Iudaïque, estoit l'an du cét vingt septieme Sabath de la terre, celebré depuis l'entrée des Israélites en Chanaan. Dont il s'ensuit, que l'an septantieme de la captiuité, (qui fut l'an du decés de Balt-Asar, & l'an du dixieme sabath suivant) estoit l'an du cent trente-septieme sabath, à conter depuis le premier celebré en l'entrée en ladi-

cte terre. De là aussi s'ensuit, que l'an dixneuſieme de Darius (qui eſt l'an ſoixante-troiſieme apres le retour de la captiuité, & le neuſieme ſabath apres celuy qui eſcheut en l'an ſeptantieme de la captiuité) eſtoit le ſabath cent quarâte-ſixieme apres le premier: Auquel ſi vous adiouſtez encore vne ſepmaine.d'ans, vous paruiédrez à l'an vingtsixieme de Darius Artaxerxes Longue-main, & au ſabath cent quarâteſeptieme depuis le premier, Et trouuerez que c'eſtoit vn an de Iubile. Et pour ce faire, d'autât qu'un chacun Iubile comprend ſept ſabaths, Diuiſez les ſuſdits cēt quaranteſept ſabaths par ſept, & il en prouiédra vingt & vn. Ce qui denote, que depuis l'entrée des enfans d'Iſraël en la terre de Chanaan, iuſques audict an vingtsixieme de Darius ſurnommé Artaxerxes Longue-main, vingt & vn Iubilez y ont eu leur cours, qui cōprenent mille vingtneuf ans, ſçauoir huit cens octâte neuf ans ciuils en la terre, depuis l'entrée iuſques à l'iſſuë d'icelle, Puis ſeptante ans de la captiuité, Leſquels ioincts aux precedens, font neuf cens cinquante-neuf ans, Puis ſoixante & trois ans iuſques au vingtieme de Darius Artaxerxes, font mille vingt deux ans, Ausquels ſi vous adiouſtez ſept ans pour venir audict an vingtsixieme finiſſant & vingt ſeptieme commençant de Darius Artaxerxes Longue-main, Il en prouiendront leſdicts mille vingtneuf ans, qui comprennent les vingt & vn Iubilez deſſus propoſez.

Pour donc ſçauoir que l'an vingtsixieme d'Artaxer-

xes Longuemain estoit vn an de Iubilé , Il est besoin
 d'examiner la description d'un Iubilé qui est faite par
 Nehemie au cinquieme chapitre de son liure, là où il
 dit: Or il fut fait vn grand cry du peuple & de leurs femmes
 à l'encontre des Iuifs leurs freres. D'autant qu'il y en auoit
 qui disoient, Nous, noz fils & noz filles, sommes plusieurs,
 lesquelz ayans pris du froment, en auons mangé & vescu.
 Autres disoient, Nous auons pris du froment pour la fami-
 ne, engageans noz champs, & noz vignes, & noz maisons.
 Autres disoient, Nous auons emprunté d'argent pour les tri-
 buts du Roy, sur noz champs & noz vignes. Et maintenant
 telle qu'est la chair de noz freres, telle est nostre chair, & noz
 enfans sont comme leurs enfans. Et voicy, nous assubietif-
 sons noz fils & noz filles à seruage, dont il y a de noz filles
 qui sont subiectes & ne sont en nostre puissance, & noz vi-
 gnes sont à autrui. Je fuZ fort courroucé lors que i'ouy le
 cry d'iceux & ces paroles. Et deliberay en mon cœur de dispu-
 ter ce fait cy enuers les gouuerneurs & Magistrats, Et leur
 dis, Exigez-vous des exactions vn chacun de son frere? Et
 mis à l'encôtre d'eux vne grande assemblée. Et leur dis, Nous
 rachettons noz freres Iuifs qui sont venduz aux Gentils se-
 lon nostre faculté, Et vous-mesmes vendez voz freres qui
 vous ont esté venduz. Et ils se teurent, ne trouuans que redi-
 re. Lors ie leur dy, Ceste chose que vous faïtes n'est pas bon-
 ne, Marchez en la crainte de Dieu pour l'opprobre des gens
 noz ennemies. Moy aussi, mes freres, & mes garçons auons
 exigé sur eux de l'argent & du froment. Mais maintenant
 delaissons ceste exactiō. Rendez leur auourd'hy leurs chāps
 & leurs vignes, & leurs oliuiers, & leurs maisons, & la

centieme partie de l'argent, & du froment, & du moult, & de l'huile, que vous auez exigé d'eux.

Cette narration de Nehemie a esté iusques icy fort mal interpretée: Veu qu'on a estimé que tantseulement ce fut vne description d'une année de famine. Mais quiconque entendra bien la Loy du Iubilé, & considerera & examinera de pres & attentiuement ceste narration, Il cognoistra aisément que ce n'est pas vne simple description d'une année de famine, mais d'un an de Iubilé. Car en l'an du Iubilé, *vn chacun* *Leuit. 25.* *serf & seruante, Hebrieu & Hebrieue, estoit affranchi encor mesme qu'il fut nay en la maison de son maistre, & qu'il fust oreille-percé, & vn chacun estoit restitué en toutes ses possessions, tant de champs & vignes, que des maisons champpestres, En toutes lesquelles choses le peuple demande d'estre redintegré & restitué. Et la raison de cela estoit, que l'an du Iubilé estant arriué, ilz auoient droict de le demander, Et cognoissans que la loy de Dieu leur concedoit vn tel priuilege, ils le demandoient de tant plus asseurémēt. On pourroit toutesfois estimer, que ce fut la necessité presente qui eut occasionné le peuple à susciter vn tel cry, & que ce fut vn cry plaintif, tendant à esmouuoir les Princes à misericorde & grace, Et nō vn cry de murmure tédant à auoir Iustice de la main des Magistrats, ou à recouurer par force le priuilege à eux accordé par la Loy de Dieu. Mais le peuple criant, & disant, *Notre chair est comme leur chair, & nos enfans sont comme leurs enfans*, montre qu'il ne demande pas*

grace: mais pretéd q'il luy est deu par le droit du Iubilé la deliurâce de leurs enfans, lesq̃ls sont cōme les enfans de leurs maistres, sçauoir esgalement librés cōme eux: Ce qui ne pouuoit pas mesme estre dict en vn simple an de liberté, ains seulement en l'an du Iubilé: *veu qu'en l'an de liberté le seruiteur oreille-percé n'estoit pas affranchi, ny celuy qui estoit nay du serf à la maison de leur maistre, ains ceux-la demouroient en leur seruitude iusques à l'an du Iubilé.* Ceux la donc qui estoient ainsi serfs, estans neantmoins enfans du peuple murmurant, ne pouuoient estre comme les enfans de leurs maistres, estans faits participans d'vne mesme liberté & frâchise, en autre saison qu'en l'an de Iubilé. D'auâtage aussi, Nehemie confesse, *qu'il a vſé luy mesme de telles exactions, lesquelles neantmoins pour lors & au iour auquel il estoit il conseille de quitter, rendant neantmoins tesmoignage en la suite du texte, qu'il s'est porté en tout fidelement, demandant à Dieu qu'il luy rende selon son deportement.* Ce qui monstre que telles exactions n'estoient pas illicites ny illegitimes, sinon eu esgard au priuilege qu'apportoit le iour d'alors & an de Iubilé, qui commandoit de les remettre & quitter purement & absoluëment, ce qui faisoit que il n'estoit alors permis d'en vſer. Par toutes ces choses doncques il est apparent & manifeste que ceste narration de Nehemie n'est autre que la description d'un Iubilé.

Il reste maintenant de prouuer, que ce Iubilé escheut

Exo. 21.

Neh. 5. 10.

Neh. 5. 19

escheut en l'an vingtsixieme de Darius Artaxerxes. Pour donc venir à l'intelligence de ce poinct, il conuient se ressouuenir que l'an dixneuuieme dudit Darius Artaxerxes estoit vn an de Sabbath, comme nous auons dit ci dessus, Et que *Nehemie a demeuré douze ans* *Neh. 5. 14.* *à la construction du mur de Ierusalem, sçauoir depuis l'an vingtieme de Darius iusques à l'an trentedeuxieme d'iceluy:* desquels le premier, qui estoit l'an vingtieme dudit Artaxerxes, estoit le premier an de la sepmaine ciuile, Et l'an vingtsixieme d'iceluy, estoit l'an du Sabbath ciuil, lequel seul fut celebré depuis ledit an vingtieme iusques à l'an trentedeuxieme dudit Artaxerxes, Et neantmoins l'an de Iubilé escheoit tousiours en vn Sabbath legal. Escheant donc durant le temps auquel Nehemie assistoit à ladite cōstruction du mur de Ierusalem, Il ne pouuoit escheoir en autre an qu'en l'an vingtsixieme dudit Darius Artaxerxes Lōgue-main. D'autre costé aussi, il est aisé à voir que c'estoit en l'an vingtsixieme d'Artaxerxes, que ce murmure aduint. Car ayant demeuré depuis l'an vingtieme iusques au trentedeuxieme d'Artaxerxe, à sçauoir douze ans, à bastir le mur de Ierusalem, Ce murmure n'arriua sinon alors que la moitié du mur fut basti, Ce qui fut aussi par raison, à la moitié du temps, sçauoir audit an vingtsixieme de Darius Artaxerxes: Or il est remarqué *que la moitié du mur estoit bastie*, comme il appert au quatrieme chapitre, verset sixieme.

Et pour monstrier comment l'on se peut seruir de ces Iubilez pour appuyer toutes les supputations pre-

priuité, n'y peut escheoir aucun interstice pour colloquer lesdits douze ans, Ny aussi depuis ledit an septantieme de la captiuité, iusques à l'an troisieme du retour de la captiuité, qui fut l'an de la construction du Temple. Depuis ledit an aussi iusques à l'acheuement de ladite construction du Temple, qui fut en l'an sixieme de Darius Artaxerxes, il n'y peut auoir que quarante six ans, Et depuis ledit an iusques à l'an du Iubilé, qui fut au vingtsixieme d'iceluy Darius Artaxerxes, il n'y peut auoir que vingt ans. Tellement que ledit Interstice de douze ans ne peut estre colloqué ailleurs qu'au lieu où nous l'auons colloqué, sçauoir deuant le regne d'Ammon. Nostre supputation donc estant ainsi appuyee par ceste supputation ciuile des Sepmaines & Sabaths de la terre, & Iubilez, est si exacte, qu'il n'y peut escheoir aucun erreur de conte. Parquoy elle est certaine & infail-
lible.

*Supputation de quatre cens soixante ans, qui
sont colligéZ depuis l'an vingtieme de Da-
rius Artaxerxes, iusques à la
natiuité du Seigneur.*

Ffij



Yans expliqué la supputation des Iubilez & Sabaths ciuils, Nous laifserons les Iubilez, & nous reffouuiêdrôs que l'an dixneuſieme d'Artaxerxe Longue-main eſtoit vn an d'vn Sabbath ciuil, & q̃ l'an vingtieme dudit Artaxerxe eſtoit le premier an d'vne ſepmaine ciuile. Lequel an eſtant le premier an des ſeptante ſepmaines de Daniel, Il ſenſuit que toutes leſdites ſepmaines, ſont ſepmaines ciuiles, finiſſantes en Sabaths ciuils, c'eſt à dire en Sabaths de la terre ou ans de liberté. Cet an vingtieme de Darius, eſt celuy auquel il fut permis d'édifier le mur de Ieruſalem, & pource en iceluy les ſeptrâte ſepmaines de Daniel ont commencé à auoir leur cours. Or nous auons depuis le cōmencement du mōde iuſqu'à ceſtuy an vingtieme de Darius, ourdy vne ſupputatiō de trois mil cinq cens quarante ans, ſçauoir deux mil quatre cens dixhuiēt ans, iuſqu'au premier an de la premiere ſepmaine ciuile, qui commença en la fin de l'an ciuil, auquel les enfans d'Iſraël entrerent en la terre de Chanaan, lequel an ciuil finit au ſeptieme mois ſacré de l'an du monde deux mil quatre cēs dixhuiētieme: Et depuis ledit an iuſques au vingtieme dudit Darius commençant, Nous auōs auſſi conté & trouué mil vingt deux ans, Leſquels eſtans ioinēts avec les ſuſdits deux mil quatre cens dixhuiēt ans, ſont trois mil cinq cēs qua-

rante ans. Toute laquelle supputation nous auons calculé par la deduction & fil de l'histoire Sainte, l'appuyant de ses demonstrations necessaires, prises de plusieurs endroits de l'Escripture, & mesme par la supputation des sepmaines ciuiles & Iubilez, & en temps & lieu y auons accommodee la supputation de l'histoire Chaldeenne aux lieux où il a semblé que le fil de l'histoire Sainte le requeroit, alleguant les Rois de l'histoire des Babylonniens & Perses, & quelquefois aussi les ans de leurs Rois. Or depuis cet an vingtieme de Darius Artaxerxes, nous ne pourrôs plus poursuivre nostre supputation par l'histoire Sainte, veu qu'elle ne poursuit la Chronique sinon tant seulement iusques au trentedeuxieme de ce Darius Artaxerxe. Mais en recompense, nous auons la prophetie de Daniel, sur laquelle nous appuyerôs nostre calcul. Nous donques poursuirons (Dieu aydant) nostre supputation, par les ans des Rois de la Monarchie des Perses, Grecs, & Rommains, iusques à la natiuité de nostre Seigneur, & par icelle nous monstrerons qu'il y restent quatre cens soixâte ans depuis cet an vingtieme de Darius iusqu'à la natiuité de nostre Seigneur. Et apres, nous approuuerons & appuyerons ladite supputation, par la demonstration de la prophetie de Daniel, sçauoir par *les septâte sepmaines* dôt est questiô.

Nous poursuirons donc ceste supputation par l'histoire estrangere, sçauoir par les Rois de Perse, iusqu'à Alexandre le Grand, & par les Rois d'Egypte, depuis Alexandre iusques à la natiuité de nostre Sei-

gneur. En laquelle supputation, nous trouuerôs cent vingtneuf ans depuis ledit an vingtieme de Darius Artaxerxes, iusques à la fin de la Monarchie des Perses, aduenue souz Alexandre le Grand: Et depuis la fin de la Monarchie des Perses, iusques à la natiuité de nostre Seigneur, trois cês trente-vn an. Metastene donques dit, que Darius Longue-main mena guerre contre son frere Cyrus Artabanes, & le vainquit, & regna trentesept ans: lesquels trentesept ans estans ioincts avec les sept mois esquels il auoit mené guerre contre son frere, font trente huiët ans ou enuiron, que Darius Artaxerxes est entendu auoir regné, luy attribuant le temps de ladite guerre pour le regne, comme sil eust regné deslors qu'il l'entreprint: comme aussi l'Escripture luy attribue tout ce temps pour le temps de son regne, comme nous auons touché ci dessus. Or d'autant que l'an dixneuſieme de Darius, estoit l'an du Sabbath dessus-exposé, & l'an vingtieme estoit celuy auquel il fut permis de réedifier le mur de Ierusalem, auquel an commencerent les septante semaines de Daniel: Nous tirerôs les susdits dixneuf ans, precedens le vingtieme dudit Darius, des trente-huiët ans de son regne total, & il resterôt autres dix-neuf ans, qu'il a regné depuis ladite permission donnée de réedifier le mur de Ierusalem.

Darius Artaxerxes Longue-main, apres la permission donnée de réedifier le mur de Ierusalem, regna dixneuf ans.

12.

Le fils d'iceluy, Darius le bastard, regna dixneuf

ans.

19.

Le grand Artaxerxes Assuerus Mnenon, regna cinquante cinq ans.

55.

Artaxerxes Ochus, regna vingt six ans.

26.

Artes regna quatre ans.

4.

Darius le dernier, regna six ans.

6.

Cest uici fut vaincu & tué par Alexandre le Grand, dont la Monarchie des Perles cessa, estant transportee aux Grecs.

Somme tous les ans, depuis le vingtieme de Darius Artaxerxes, auquel il fut permis de réedifier le mur de Ierusalem, iusques à la fin du regne de Perse souz Alexandre le Grand, cent vingtneuf ans.

129.

Iustin recite qu'Alexandre le Grand occir Darius le dernier, en l'an cinquieme apres que ledit Alexandre fut fait Roy. D'où nous pouuons colliger qu'il auoit regné quatre ans entiers auant que de tuer Darius, & ainsi il le tua enuiron le milieu de l'an cinquieme de son regne, alors neantmoins que ledit Darius auoit regné six ans. Ce qui fut en l'an de la cent douzieme Olympiade, veu que ledit Alexandre cōmença à regner en la cent & onzieme Olympiade.

Or d'autant qu'Alexandre le Grand a regné douze ans & six mois, Si nous presupposons qu'il ait occis Darius au mois sixieme de l'an cinquieme de son regne, Il ensuiura qu'il a encor regné huiët ans apres la mort dudit Darius. Par ainsi nous luy attribuerons huiët ans apres Darius, en l'exemple suiuant.

CHRONOLOGIE

Alexandre le Grand apres la subuersion de l'Empire des Perſes, regna huiſt ans. 8.

Ptolemee ſils de Lage, regna en Egypte quarante ans. 40.

Ptolemee Philadelph, trente-huiſt ans. 38.

Ptolemee Euergete, vingtſix ans. 26.

Ptolemee Aime-pere, dixſept ans. 17.

Ptolemee Illuſtre, vingt quatre ans. 24.

Ptolemee Aime-mere, trentecinq ans. 35.

Ptolemee bien-faiſeur, vingtneuf ans. 29.

Ptolemee Phiſcon ou Soter, dixſept ans. 17.

Ptolemee Alexandre, dix ans. 10.

Ptolemee le banny de ſa mere, huiſt ans. 8.

Ptolemee Denis, trente ans. 30.

Cleopatra, vingtdeux ans. 22.

Cleopàtra mourut en l'an quinzieme d'Auguſte Cæſar, depuis lequel iuſques à l'an quarantedeuxieme d'iceluy Auguſte, il y eut vingtſept ans. 27.

Somme tous les ans, depuis la fin de la Monarchie des Perſes en l'an cinquieme d'Alexandre le Grand, iuſques à l'an quarantedeuxieme d'Auguſte Cæſar, trois cës trente & vn an. 331.

Si vous prenez ces trois cens trente vn an, qui ſont paſſez depuis la fin du regne des Perſes, iuſques à la natiuité de noſtre Seigneur, & les adiouſtez avec les cent vingtneuf ans qui auoient eſté colligez depuis l'an vingtieme de Darius Artaxerxes, iuſques à ladite fin du regne des Perſes, Il en feront faits quatre cens ſoixante

soixante ans, qui sont passez depuis ledit an vingtieme de Darius Artaxerxes, iusques à la natiuité de nostre Seigneur. Laquelle supputation n'estant prise de l'histoire Sainte, doit neantmoins estre demonstree par la Prophetie, comme nous auons dit ci-dessus.

Demonstration des quatre cens soixante ans, interuenuz depuis l'an vingtieme de Darius, iusques à la natiuité de nostre Seigneur, par les septante sepmaines de Daniel. CHAP. XXIX.



O V R preuue & demonsturation des quatre cens & soixante ans interuenuz depuis l'an vingtieme de Darius iusques à la natiuité de nostre Seigneur, Nous prendrons les *septante sepmaines de Daniel*, lesquelles ont eu leur cours depuis ledit an vingtieme de Darius, iusques à l'an auquel nostre Seigneur fut baptisé, & publia l'a de liberté, & la iustice des siecles. Et d'autant que lesdites sepmaines sont sepmaines ciuiles, lesquelles comprennent chacune sept ans finissans en vn Sabath, Pour ceste raison ces septante sepmaines cōprennent quatre cens nonâte ans, lesquels estoient constituez depuis ledit an vingtieme de Darius, iusques audit an du baptesme du Seigneur, qui estoit l'an trentieme apres sa natiuité. Pour ceste cause, si vous ostez ces trente ans qui sont interuenuz depuis la natiuité du Seigneur, iusques à l'an auquel le Sei-

gneur fut baptisé & publié l'an de liberté & la Justice des siècles, Il resteront quatre cēs & soixante ans, lesquels doiuent estre passez depuis ledit an vingtieme de Darius, iusqu'à la natiuité de nostre Seigneur.

Dan⁹. 6. 24.

Pour l'intelligence des choses dessusdites, nous proposerons les septante sepmaines de Daniel, & le passage auquel elles sont prophetizees, l'à où l'Ange parle ainsi : *Septante sepmaines sont precises sur ton peuple, & sur ta sainte cité, pour clorre la preuarication, & sceller le peché, & faire l'expiation de l'iniquité, & amener la iustice des siècles, & sceller la vision & le Prophete, & oindre la sainteté des saintetez. Et sçauras & entendras, depuis l'issue de la parole de retourner & reedifier Ierusalem, iusques au Christ le Prince, Sept sepmaines & soixante deux sepmaines, la place & le mur retournera à estre reedifié, & les tēps seront en leur coarctation. Et apres les soixāte deux sepmaines, le Messias sera excindé, & ne luy assisteront point. Et la cité & le sanctuaire dissipera le peuple du Prince venant. Et son limite est au baptesme, & iusques au limite de la guerre, desolations sont determinees. Et corroborera l'alliance à plusieurs par une sepmaine, Et au milieu de la sepmaine il fera reposer l'hostie & l'holocarpe, Et pour l'estendue des abominations desolation sera, & iusques à la consommation determinee, distillera sur le desolé.*

Or pour auoir la droite explication de ces septante sepmaines, il est besoin premierement de chercher les deux extremittez d'icelles, à sçauoir le cōmencement & la fin. L'Ange donc remarquant le cōmencemēt de la supputation, dit, *Et sçauras & entendras depuis l'issue de*

la parole de retourner & reedifier Ierusalem. En quoy il monstre, qu'icelles septante sepmaines doiuent commencer à l'issue de ceste parole de retourner & reedifier Ierusalem, sçauoir depuis la permission dōnee de ce faire par les Rois de Perse. Il cōuient donc sçauoir, qu'il y a eu deux permissions dōnees : *L'une fut en l'an premier de Cyrus*, lequel an estoit aussi l'an premier de Darius Hydaspis, *qui estoit l'an auquel ceste prophetie fut reuelee à Daniel.* Ceste permission dōnee en ce temps, venant de la part de Cyrus, permettoit & cōmandoit de réedifier le Tēple. *L'autre permission, fut celle qui fut donnee par Darius Artaxerxes Longue-main à Nehemie, qui fut en l'an vingtieme dudit Darius Artaxerxes.* Par laquelle il permettoit au peuple de retourner, & réedifier le mur & la cité de Ierusalé. La permission dōc de laquelle l'Ange parle en ce lieu, n'est pas la permission de réedifier le Tēple, donnee par Cyrus. Car aussi s'il eust voulu deslors coarcter la supputation des septāte sepmaines, Il n'eust fallu coarcter le tēps par vne telle circumlocution, ains eust fallu dire, *Dés à present*, veu q̄ ceste permission de réedifier le Tēple estoit arriuee en la meime annee en laquelle ceste prophetie fut manifestee. Ceste permission dōc est celle par laquelle Artaxerxes en l'an vingtieme de son regne permit à Nehemie de réedifier Ierusalem & le mur d'icelle. Ainsi donc les septāte sepmaines de Daniel ont commencé d'auoir leur cours en l'an vingtieme de Darius Artaxerxes Longue-main, auquel arriua la permission de réedifier Ierusalem.

D'autre costé, pour trouuer le terme final de ces septante sepmaines, Il faut remarquer que l'Ange dit au Prophete, *que ces septâte sepmaines sont precises sur son peuple & sur sa sainte cité, pour clorre la preuarication & sceller le peché, & faire l'expiation de l'iniquité, & amener la iustice des siecles, & sceller la vision & le Prophete, & oindre la sainteté des saintetez.* Toutes lesquelles choses sont aduenues au baptesme de nostre Seigneur duquel il a esté baptisé par Iean, Tellement que le baptesme de Iean a esté cōme la borne & limite distirminant & diuisant la Loy d'auec le regne des cieux.

Math. ii. 13. Dont aussi nostre Seigneur dit, *que la Loy & les Prophetes ont duré iusques à Iean, & depuis Iean, le regne des cieux a esté euangelisé.* Alors aussi la preuarication fut close, & le peché scellé, & l'expiation de l'iniquité fut faite, & la iustice des siecles amenee. Car il y a deux sortes de Iustice Ecclesiastique: L'une est Legale, laquelle toutesfois ne iustifie aucun enuers Dieu, Et

Heb. 9. 10. ceste iustice est temporelle, d'autant *que les iustificatiōs charnelles de la Loy ne demeurēt pas eternellemēt,* pour pouuoir iustifier l'homme eternellement: L'autre Iustice, est de la foy, qui est la iustice des siecles, c'est à dire vne iustice eternelle. Or ceste iustice eternelle de la foy, fut amenee alors que le regne des cieux commença à estre euangelizé en l'an trentieme du Seigneur, par la bouche de Iean Baptiste: Car ceste iustice eternelle n'est autre, que le regne des cieux, cōme

Rom. 14. 17. Paul Apostre le tesmoigne, disant, *que le regne de Dieu n'est pas viande ou breuuage, mais iustice, ioye & paix.*

L'iniquité aussi fut alors reconcilée, & l'expiation d'icelle, faite, alors mesme que la iustice de la foy fut amenée. Car aussi *ceux qui croient en Iesus Christ, sont passez de mort à vie*, c'est à dire sont morts de la mort premiere, & ressuscitez de la resurrection premiere. Or *ceux qui sont morts* (ainsi que dit l'Escripture) *sont iustifiez de peché*. L'expiation de l'iniquité fut donc des lors faite. Alors aussi le peché fut clos, lequel auoit regné & abondé en la Loy. Car la Loy arriuant, plusieurs choses furent prohibees, & l'usage d'icelles pour lors fut fait peché, lesquelles n'estoient mal faites, ny leur usage imputé pour peché, deuant ny apres la Loy, Mais tant seulement durant la Loy, à fin que le peché abondast souz icelle, comme la grace souz la foy, & souz la iustice de la foy. Lesquelles choses à fin qu'elles puissent estre mieueux entédues, il est question de voir que c'est que la Iustice de la foy, & comme c'est qu'elle differe d'auec la Iustice legale.

De la Iustice, & de ses especes.

C H A P. X X X.



Il y a deux sortes de Iustice, desquelles l'une est de Dieu, l'autre des hommes. La Iustice de Dieu, est aussi considérée en deux façons: L'une est, vne Iustice dite absoluëment, laquelle est la reigle de ce qui est bon & droit. En laquelle sorte *ses commandemens & iugemens sont appelez Iustice*. L'autre Iustice est, par

Rom. 2. 6.

Pse. 115. 3.

Rom. 1. 17.

Rom. 10. 5.

Rom. 4. 13.

laquelle Dieu remunerer vn chacun, *luy rendant selon la premiere regle de sa iustice, selon les œuvres qu'il a faites, soit le bien aux fideles & bien-faiseurs, ou le mal à ceux qui sont sans pieté.* Par ceste Iustice, Dieu entend & discerne les choses qui appartiennent à Iugement & Iustice, Et par icelle, il les veut & met à effect, d'autāt que c'est luy aussi *qui fait du ciel tout ce qu'il veut.* Au surplus, quand Dieu par sa iustice, retribue aux fideles les biens qu'il leur a promis, il se monstre estre fidele remunerateur des biens, promis à ceux qui fidellement obeïront à ses commandemens. Ainsi de la foy de Dieu retributeur, en la foy de ses seruiteurs, la Iustice de Dieu est obseruee. D'où vient que S. Paul dit. *Que la iustice de Dieu est manifestee de foy en foy.* Et telle est la description de la iustice de Dieu. La iustice des hommes, est aussi de deux sortes : L'une est la iustice estrangere, & l'autre est la iustice Ecclesiastique. La iustice estrangere, consiste en ce qu'un chacun face ce qui est droict deuāt ses yeux, c'est à dire, qui luy semble estre iuste, ou qui est tenu pour iuste entre les hōmes, eu esgard à la cōmune opinion, aux edicts des Princes, & coustumes des pays. La iustice Ecclesiastique, est la sapience de faire iugement & la iustice de Dieu. Et y en a de deux sortes : *l'une est la iustice legale, l'autre est la iustice de la foy.* La iustice de la foy, est vne iustice spirituelle, qui consiste au cœur & en l'homme interieur, laquelle pour ceste raison n'est pas selon l'apparence, & ne peut estre comprise par les sens animaux, mais tant seulement par l'imagina-

tion spirituelle. Mais la Iustice legale, est charnelle & exterieure, & consiste en l'homme exterieur & animal, *Car elle consiste en iustifications exterieures & charnelles.* *Heb. 9. 10.* Paul Apostre discourt excellentement de l'une & l'autre de ces deux Iustices, en la personne d'Abraham. Pour l'intelligence de laquelle chose, nous devons sçauoir, que *Abraham receut la Circoncision comme vne lettre legale, & comme vn signe exterieur de la iustice interieure de la foy, qu'il auoit desia deuant.* *Rom. 4. 11.* Or comme la Circoncision legale, estoit vne lettre exterieure & charnelle; Ainsi par l'analogie, toute la Loy est entendue estre de mesme nature. Voila pourquoy aussi ledit Apostre dispute de toute la Loy, souz le seul nom de la Circoncision. Or il est apparent que la Circoncision legale estoit tant seulement vne lettre exterieure: Parce qu'Abraham auoit desia la Circoncision interieure du cœur, auant que l'exterieure luy fust donnee. Celle donc qui luy fut donnee apres, n'estoit pas celle qu'il auoit precedemment, sçauoir l'interieure, Mais l'exterieure qu'il n'auoit pas. Et à fin qu'il apparaisse qu'Abraham auoit la Circoncision interieure & faite sans mains, auant qu'il eust receu l'exterieure, Il est aisé à colliger de ce que, *la Circoncision faite sans mains, est la regeneration,* *Coloss. 2. 11.* laquelle Abraham auoit auant qu'auoir le signe exterieur de la Circoncision. Car Abraham estoit regeneré, croyant en Iesus Christ, croyant à la parolle & raison de Dieu, veu qu'il croit aux commandemēs & promesses, faites par icelle Parolle & Raison de Dieu, & d'icelle.

- Rom. 4. 12.* D'où aussi l'Eſcriture teſmoigne, *qu'il a eſté reputé iuſte,*
Itan 5. 24. *meſme auant la Circoncifion.* Or qui croit en Ieſus Chriſt,
il eſt paſſé de mort à vie, Et ce paſſage de mort à vie, eſt
la regeneration, qui eſt auſſi la Circoncifion faite ſans
mains. Laquelle regeneration cōme ainſi ſoit qu'A-
braham euſt auât que la Circoncifion exterieure luy
fut donnee, Il ſenſuit qu'il auoit la Circoncifion in-
terieure, auant que l'exterieure luy fut donnee. Paul
Heb. 7. 16. Apoſtre donc diſpute de la Loy, comme d'un ſeruiſſe
Heb. 9. 10. exterieur, Et des œuures d'icelle, comme des œuures
manuelles & exterieures, Et de la iuſtice d'icelle, cō-
me d'une iuſtice charnelle & exterieure, laquelle n'e-
ſtoit pas vne vraye iuſtice enuers Dieu. Pour ceſte rai-
ſon auſſi, la Loy eſt dite *ne iuſtifier aucun enuers Dieu.*
Rom. 5. Car il cōuient ſçauoir, que l'homme n'eſt pas iuſtifié
ſans œuures, Et que toutesfois il eſt iuſtifié ſans les
œuures de la Loy. Laquelle choſe à fin qu'elle ſoit
mieux entendue, nous en amenerons vn exemple en
1at. 2. 21. la perſonne d'Abraham, lequel Iacques Apoſtre du
Seigneur dit, *auoir eſté iuſtifié par les œuures,* D'où il ſen-
ſuit, que l'homme eſt iuſtifié par les œuures: Mais
non pas par les œuures de la Loy. Car quand l'Eſcri-
Rom. 3. 20. ture dit, *que nul viuant ne ſera iuſtifié enuers Dieu,* l'Apo-
ſtre expreſſement interprete cela, *des œuures de la Loy.*
Et d'auantage, ledit Apoſtre teſmoignant qu'Abra-
ham n'a pas eſté iuſtifié par les œuures, ne prononce
pas cela abſoluëment. Car autrement il ameneroit
contradiſtion & repugnance à l'Eſprit de Dieu, con-
2. Tim. 3. 16. tredifant à l'Eſcriture diuinement inſpirée de Iacques
Apoſtre,

Apostre, Mais il coarcte son dire, signifiant qu'il parle des œuvres selon la chair, disant ainsi : *Que dirons nous qu' Abraham nostre pere a trouué selon la chair ? Car si Abraham a esté iustificié par les œuvres, Il a de quoy se glorifier, Mais non pas enuers Dieu.* Par laquelle chose nous voyons, que l'Apostre assure qu' Abraham selon la chair n'a point trouué de iustification par les œuvres. Car il ne nie pas ce que Iacques Apostre tesmoigne d'autre costé, sçauoir qu' Abraham ait esté iustificié par les œuvres, Mais il specifie qu' Abraham n'a pas trouué vne telle iustification selon la chair, sçauoir selon les œuvres charnelles & exterieures. Ainsi dōc Abraham, selon le tesmoignage de Iacques Apostre, a esté iustificié par les œuvres, Mais non pas par les œuvres selon la chair, selon le tesmoignage de Paul Apostre. C'est à dire que, l'homme n'est point iustificié par les œuvres lesquelles sont comprises par le sens charnel & animal, cōme sont les œuvres de la Loy, Mais par les œuvres de la foy, lesquelles sont œuvres spirituelles, c'est à dire, telles qu'elles ne sont pas cōprises par le sens animal, mais par la seule imagination spirituelle de l'entendement. Et est à noter que l'une & l'autre de ces Iustices consiste en action, & non pas seulement en imagination ou cōtemplation. Voila pourquoy aussi le Seigneur dispute de la Iustice legale, qu'il appelle des *Scribes & Pharisiens*, & de la Iustice de la foy & du regne des cieux, de laquelle il encharge ses Apostres. Il veut donc que la Iustice Apostolique de la foy, surpasse la iustice Pharisaïque de la Loy, leur

enseignant le moyen de ce faire, sçauoir que les hōmes voyēt leurs bōnes œuures, & glorifient le Pere celeste, & que leur lumiere luise comme vne lampe sur le chandelier, & s'ils font les commandemens de Dieu, & les enseignēt aux hommes, dont par ce moyen leur iustice surmonte celle des Scribes & Pharisiens. Ce qui monstre, que l'operation de la foy doit surmonter l'operation de la loy, & que les œuures de la foy sont plus excellētes que les œuures legales. Au surplus, il enseigne la differēce de ces deux espèces de Iustice. Car il constitue la Iustice legale, en ce qu'il a esté dit aux anciens, Tu ne tueras point, Ce qui prohibe l'homicide exterieur: Mais la iustice de la foy qu'il ameine, c'est celle laquelle defend mesme de hair son prochain, ou l'irriter en luy disant iniures. Car la haine est vn homicide interieur: cōme aussi de regarder vne femme pour la conuoitē, est commettre adultere avec elle en son cœur. Desquelles choses nous cognoissons, que ces choses appartiennēt à la iustice interieure du cœur par la foy, estans prises spirituellemēt, lesquelles estās prises charnellement, appartiennēt par la Loy à la iustification exterieure de la chair. Tellemēt que la iustice de l'homme, soit qu'elle soit de la Loy ou de la foy, cōsiste en operation, Et est vne sapience de faire iugemēt & iustice, & mettre à deuē execution les iugemens du Seigneur, qui sont ses commandemens, appartenans à la iustice & iugement.

Quelcun pourroit demander, A sçauoir si l'Impieté est iniustice, ou, Si l'impieté differe d'avec l'iniustice, à sçauoir mon si la pieté est iustice, en telle façon que.

la pieté soit nécessaire à l'homme pour estre iuste? A laquelle question ie respon, qu'il y a difference entre Impieté, & Iniustice, & Iniquité. Car l'iniquité est opposée à l'équité, laquelle consiste en l'égalité. Or il n'y a point de degré d'égalité entre Dieu & les hommes, ou entre le pere & le fils, entre lesquels a lieu la pieté & l'impieté. Celuy qui fait tort à son prochain, il fait iniustice, & neantmoins il offense Dieu qui le defend, Mais ceste offense ne s'adresse pas directement contre Dieu, Aussi n'est elle pas impieté, ains seulement l'offense qui s'adresse directement contre Dieu. Parquoy il y a difference entre l'Impieté & l'Iniustice, & la Pieté & la Iustice. Mais d'autât que l'Impieté est de beaucoup plus abominable que l'Iniquité, Pour ceste raison, celuy qui n'a point de pieté, ne peut estre iuste. Car si quelcun ne craint point de se rebeller contre Dieu & son pere, à grand peine craindra il de desnier le droict à son prochain. Celuy donc peut estre homme de pieté, lequel toutesfois ne sera pas iuste de toutes parts. Mais si quelcun est iuste, il sentit que cestuy-là est homme de pieté. Je parle neantmoins de la Iustice Ecclesiastique. Car quant à la iustice estrangere & philosophique, ceux qui l'ont eue pour la plus part, ores qu'ils ayent eu quelque pieté à l'endroit de leurs peres charnels, Toutesfois ils n'ont point eu de pieté enuers Dieu, qu'ils n'ont point cognu. Or nous auons dit, que la Iustice estoit Sapience. *Car la Sapience est la crainte du Seigneur, comme Iob le* ^{106 28.} *tesmoigne, Et la crainte du Seigneur, est de fuir le mal* ^{Psalm. 34.}

faire le biē, Laquelle chose qui fait, il est iuste. Parquoy le sage est iuste. Car la sapience est iustice, & la iustice sapience. Et nous auons dit que ceste sapience consiste au cœur. Ce qui sera plus facilement entendu par les choses qui seront dites cy apres.

De la Foy, & de ses especes.

C H A P. XXXI.



O V R plus ample intelligence de la iustice de la Foy, il cōuient sçauoir que c'est q̄ la Foy. La Foy n'est autre chose que Croyāce, Et est dite d'un verbe qui signifie croire, tant enuers les Hebreux au vieux Testament, qu'enuers les Grecs auteurs du nouveau Testament. La Foy est prise quelquefois pour vne foy mutuelle & reciproque laquelle interuient ordinairement aux promesses, pactes, contracts, cōuētions, & alliances. Par icelle Dieu tient & garde ses promesses à ses seruiteurs, Et si vn Roy garde sa promesse à ses subiets, c'est par ceste espece de Foy. Telle est aussi la foy des marchands & associez, & des cōfederez. Et ceux qui faussent vne telle foy, sont appelez Fœdifrages, & infracteurs de la foy promise & mutuelle, & des accords & alliances. Mais ceux qui la gardent, sont appelez Fideles. Quand donc Dieu est appelé

Dent. 7. 9. Fidele, cela est entendu d'une foy mutuelle, d'autant qu'il l'observe en tenāt ses promesses à ceux qui gardent son alliance.

La Foy qui est dite absoluëment, est celle par laquelle on croit aux choses annoncees. Et y en a de deux especes: L'une est animale, l'autre est spirituelle. La foy animale, est celle de laquelle l'homme animal est capable. Et y en a de deux sortes: L'une est la foy persuasive: L'autre est, vne foy historique. La foy persuasive, n'est autre chose qu'opinion. Ceux qui adherent volôtiers à la persuasion, sont appelez par Salomon *ὑποτακτοι* (*petaim*) c'est à dire persuasibles, ou aisez à persuader, & credules. Desquels il dit, *que le credule croit à toute parole*, sçauoir aussi bien à la fausse qu'à la vraye, & au mensonge qu'à la verité, Et vne telle foy est inconstante, s'appuyant volontiers sur des coniectures froides & fragiles, & sur le fard de la verisimilitude, & pour ceste raison elle succombe volontiers, surprie aux lacs de la seduction. Prou. 1.
Prou. 14.

La Foy historique, est celle qui croit à vne vraye narration, telle qu'est la narration d'une histoire veritable. Et vne telle foy, est celle par laquelle *les daimōs* 1aq. 2. 19. croient qu'il y a un Dieu, Et y a assez d'Atheïstes au monde qui le croient de mesme. Lesquelz j'appelle Athées, parce qu'encore qu'ils le croient historiquement, si est ce qu'ils ne le tiennēt pas pour leur Dieu, à fin de luy seruir, ains se contentent de sçauoir qu'il est, sans s'approcher de luy.

La Foy spirituelle, est celle par laquelle spirituellement nous croyons en Dieu. Laquelle est diuisee en deux parties, chacune desquelles à par foy est estimee. Foy, sçauoir est la foy intellectuelle, & la foy obeïssan-

te. La foy intellectuelle, est celle par laquelle nous adherōs & acquiessons à la chose de laquelle nous auōs la vraye science & cognoissance, & tenōs pour asseurée la verité d'icelle. Par ceste foy nous entendons, comme dit l'Apostre, *que les choses visibles ont esté faites des choses invisibles*. Par ceste foy, Raab cognut *que Dieu fauorisoit les Israélites, & que le cœur des Rois de Chanaan se fondonnoit comme cire*. Par ceste foy, le Pharisien bien instruit en la Loy, *en parlant doctement d'icelle, est dit n'estre pas loing du regne de Dieu*. Et au contraire, les Apostres n'entendans point les choses que le Seigneur auoit dites du leuain des Pharisiens, sont appelez *ὀλιγόπιστοι*, c'est à dire, *gens de petite foy*, d'autāt qu'ils auoient faute de l'intelligence de ceste foy, ou de la foy d'intelligence. La foy d'obeissance, cōsiste en l'obeissance de l'homme: car par icelle l'homme veut ce que Dieu veut, demandant que la volonté de Dieu soit faite. Voila pourquoy. Abrahā est dit auoir obey par foy. Et Noé auoir préparé l'Arche: Et Loth aussi par icelle euit le iugemēt de Sodome, plustost que ses gendres, obeissant à la voix des Anges, à laquelle ny ses gendres ny sa femme n'obeist. Au surplus, il est à noter, que nul ne peut auoir l'obeissance de la foy, si n'a premierement l'intelligence. Et toutes fois celui qui confesse auoir l'intelligence, est bien souuent entendu auoir l'obeissance, pour ce que les mysteres de la foy sont si paradoxes, que nul ne les ose aduouer, si n'a la volonté bien regenerée. Ceste foy spirituelle est accompagnée à l'homme, la

quelle comme ainsi soit qu'elle ait deux parties, à sçauoir l'intelligence & l'obeissance, L'intelligence est comparee au corps animal de l'homme, & l'obeissance à l'esprit d'iceluy. Et tout ainsi que le corps animal ne peut viure sans l'esprit, ainsi la foy de l'intelligence, *14q. 2. 26.* sans les œuvres qui appartiennent à l'obeissance intérieure de la foy, est morte. Toutesfois ces œuvres de la foy, sont non pas œuvres manuelles & externes, Mais consistent en la volonté, laquelle est imputée pour l'effect.

De l'Ouye, & de ses especes.

CHAP. XXXII.



R l'Apostre dit, que la foy est de l'ouye, parce que l'essence & subsistence d'icelle, n'est autre chose que l'ouye. Mais pour mieux entendre cela, il est besoin d'examiner plus specialement les especes de l'ouye.

Rem. 10. 17.

Il y a donc deux especes d'ouye: desquelles l'une est indistincte, l'autre est distincte. L'ouye indistincte, est celle par laquelle nous oyons diuers sons, bruits & murmures. De laquelle ouye les bestes sont capables: & si quelcun n'a point vne telle ouye, il est dit estre sourd. L'ouye distincte est double, dont l'une est animale, l'autre spirituelle. L'ouye animale distincte, est celle par laquelle l'homme animal est dit ouïr quelque chose. Et est double, sçauoir ouye d'intelligence, & obeissance. L'ouye d'intelligence, est celle par laquelle

1er Cor. 13. 12.

quand quelcun est dit ouir quelque chose, c'est à dire qu'il l'a entédue. Et y en a de deux sortes: l'une est, par laquelle l'homme oyant quelque chose en langage connu, est dit l'ouïr, c'est à dire entendre, ou le langage estant incognu, l'homme est dit ne l'ouïr point, ainsi qu'en la confusion de Babylone, là où (ainsi que dit

Gen. 11. 7. l'Ecriture) *vn chacun n'oyoit point la voix de son prochain.* Les freres de Ioseph aussi estimoïent de mesme,

Gen. 24. 23. *que Ioseph ne les ouïst point*, d'autât qu'il y auoit vn truchemēt entr'eux à cause de la diuersité de leur lāgue. La secōde ouye de l'intelligēce, est celle par laquelle l'homme est dit ouir ou entédre les enigmes, ou les choses appartenātes à la Geometrie & Mathematique. Et ceste ouyē est la premiere vraye ouyē animale. La secōde vraye ouyē animale, est l'obeïssance, par laquelle le fils est dit en l'Ecriture *ouir, c'est à dire, obeir à son pere*, & le moindre, à son superieur.

L'ouyē spirituelle est diuisee en deux especes: dont l'une est, l'ouyē spirituelle de l'intelligence, qui correspond à l'ouyē de l'intelligēce animale: L'autre est l'ouyē de l'obeïssance, laquelle de mesme correspond à l'ouyē de l'obeïssance animale. Au surplus, l'ouyē indistincte, & l'ouyē animale distincte n'appartiennēt

1. Cor. 2. 14. point à la Foy, Veu que *l'homme animal n'est pas capable*
1. Cor. 15. 50 *du regne des cieux.* Parquoy il est besoin de l'ouyē spiri-

Pse. 62. 12. rituelle, voire de deux spirituelles ouyēs, desquelles parle le Psalmiste, disant, *Le Seigneur a parlé vne fois, & ie l'ay ouy deux fois.* Car le Seigneur auoit dit au Decalogue, *Oy Israël, Ce que neantmoins estant dit vne*

Deut. 5. 6.

fois,

fois, il falloit ouïr deux fois, c'est à ſçauoir ouïr en entendant, & ouyr en obeiffant. Tellement que la Loy auoit auffi ſes deux ouyes legales & animales, comme la foy à ſes ouyes ſpirituelles. Or d'autant que l'ouye de l'intelligence, conſiſte en l'entendement de la perſonne, par laquelle nous cognoiſſons les choſes qui appartiennent à iugement & iuſtice, Et que l'ouye de l'obeiffance cōſiſte en la volonté & au cœur, dont nous ſommes diſts *croire de cœur à iuſtice*, Pour ceſte Rom. 10. 10. raiſon nous auons diſt, que la ſapience de la iuſtice conſiſtoit en l'intelligence ou entendement, & en la volonté. Nous donc croyons ou obeiffons de cœur à iuſtice, D'autant que ſi nous faiſons quelque choſe, nous le deuons, *Et le faiſans, ſommes ſeruiteurs inu-* Luc. 17. 10. *tils*: Mais le faiſans de volonté, ceſte volonté eſt imputée pour iuſtice, & meſme la volonté eſt imputée pour le fait, qui eſt la principale grace qui eſt continuée apres la vocation aux fideles. Car Iacques Apoſtre dit, *qu' Abraham a eſté iuſtifié par les œuvres, ayant offert ſon fils ſur l'autel*, Et auſſi eſt il dit *auoir ouy*, c'eſt à dire obey, Ores que realemēt il n'ait pas obey, n'ayant pas ſacrifié realement ſon fils ainſi que Dieu luy auoit commandé. Toutesfois il eſt entendu auoir obey, l'ayant ſacrifié entant qu'en luy eſtoit, ayant eu la volonté de le ſacrifier, l'ayant teſmoignée en offrant ſon fils ſur l'autel. Là où nous voyons qu'il ny a point d'œuvre charnelle, Mais vne volonté qui eſt imputée pour l'effect. S. Paul auſſi entend parler de ceſte operation ſpirituelle, quand il dit *les auditeurs de la Loy* Rom. 2. 13.

n'estre pas iustes deuant Dieu, mais les faiseurs d'icelle. Car il ne parle pas de la Loy des œuures, c'est à dire des œuures réelles & charnelles, Mais de la loy de la foy, qui n'est pas vne loy des œuures selon la chair, Mais selon l'intelligence spirituelle & l'imagination mentale. Les fideles qui estoient sous la Loy, auoient ceste iustice de la foy conioincte avec la iustice Legale. Autrement la iustice externe de la Loy n'estoit autre chose qu'un leuain Pharisaïque, cest à dire pure hypocrisie. Laquelle cōuenoit avec la iustice Philosophique, estant l'une & l'autre exterieure. Elles sont toutesfois differentes, en ce que la iustice Philosophique n'a pour fondemēt que la seule opiniō, Et la iustice Pharisaïque s'appuie sur les commandemens de Dieu, pris toutesfois à la lettre, & quelquefois s'appuie sur l'opinion des hommes, cest à dire sur les traditions des peres. En quoy elle ne differe en rien de la iustice Philosophique, sinō que quelquefois ces traditions humaines sont plus vaines que la vanité Philosophique mesme. Mais ceux qui n'obeissent point aux traditions, Mais à la parole & raison de Dieu, ils obeissent aussi à celuy qui est appelé la Parolle & raison de Dieu, à sçauoir Christ, sur lequel la Parole de Dieu & les raisons d'icelle sont fondées, comme sur la pierre fondamentale & maistresse pierre du coin. Or ceux qui par foy obeissent à Christ, obeissent aussi à Dieu, croyans en luy, & sont aussi iustifiez enuers Dieu. Mais ceste foy en Christ n'est pas vne simple & froide imagination ou opiniō,

Ains vne droitte obeissance à la parole de Dieu & à ses commandemens. Non toutesfois vne obeissance exterieure & hypocritique, Ains vne interne obeissance du cœur, & vne volonté imputée pour le faict. Laquelle volonté neantmoins n'est pas vne affection debile & fragile, Mais vne constante deliberation, qui ne peut estre retenuë par aucun empeschement. Voila pourquoy aussi la foy d'Abraham & sa volôte obeissante ne trouua point d'empeschement q̄ le peust engarder d'obeir à Dieu, *abandonnāt son pays & sa maison paternelle pour ensuiure la volonté de Dieu,* & son party quelque part qu'il soit, & qu'il ne luy obeisse aussi en temps & lieu, luy obeissant aux despens de son fils, duquel il se met en debvoir d'en faire semons vn sacrifice, & de l'offrir sur l'autel. Ainsi plusieurs des Prophetes ont eu si chere la volonté d'obeir à Dieu qu'ils n'ont fait aucune difficulté ny refus de mourir pour icelle. Et Iesus Christ aussi en a monstre le patron & exemple, & Estienne, & autres Apostres: Et les Martyrs qui ont souffert souz les dix iours de persecution aduenuz en Asie, desquels Iesus Christ auoit preaduerty l'Ange de l'Eglise de Smyrne. Et les Martyrs qui ont esté veuz souz l'autel au cinquieme seau. Comme ainsi soit donques qu'il n'y ait aucun empeschement qui puisse retenir vne telle volonté, Mais au contraire elle vainque vertueusement le monde, en telle sorte qu'à ceste occasion elle est appellée *la victoire du monde,* Pour ceste raison la foy ne peut estre tenuë cachée, où ses operations estre

Gen. 12.

Gen. 22.

Apoc. 2. 10.

Apoc. 6. 9.

1. Jean. 5. 4.

rebouchées à ce qu'elle ne les produise : Pource aussi elle peut estre cognue par les œuvres. Car si la foy est en l'homme, elle ouvrera en luy. Et si elle n'ouvre, sans aucune excuse elle est morte, Sinon qu'elle soit pour quelque temps retenue, contrainte par vn trop grand fardeau d'affliction, tellement quelle vienne par force à succomber, Mais soudain estant releuée elle se refait plus forte.

Il est aisé à colliger des choses dessus dites, que la foy a deux parties, l'une de l'intelligence, l'autre de l'obeissance. L'obeissance a deux parties : l'une est de se destourner du mal, L'autre, de faire le bien. Ainsi l'homme qui a la cognoissance & ouye de l'intelligence, a le corps & subiect de la foy; Et qui se destourne du mal, a vn degré à la vie, Mais en icelle obeissance n'y a point d'operation, & en icelle ne consiste pas la vie, mais en l'operation du bien. Tellement que la iustice des Chrestiens n'est pas oisive, ains consiste en action. Et la iustice Legale, consistoit aussi en action & operation, comme la iustice de la foy; s'accordans en cela ensemble, Mais elles different en ce que la iustice Legale consistoit en l'operation exterieure, Et la iustice de la foy en l'interieure operation de la volonté & obeissance du cœur. Car ce qui obeit à la iustice, conuient avec icelle harmonieusement, & est iustice. Laquelle iustice Iesuchrist auoit, comme il a demon-

Philepp. 2. 8. Il se monstrent en tout obeissant iusques à la mort, voire la mort de la croix. Or tel qu'il a esté alors entant qu'homme, tel il a esté eternellement entant qu'il estoit fils

de Dieu. Il a esté donc eternellement obeissant & iuste, de ceste iustice laquelle à bon droict pour ce respect est appellée *iustice des siecles*, c'est à dire sempiternelle, Laquelle Iean a publiée en euangelizant le regne des Cieux, Car *la iustice est le regne des Cieux*. Et le regne des cieux, ne peut estre vne iustice charnelle & terrienne, mais spirituelle. Pource aussi la iustice de la Loy a persisté iusques à tât que ceste iustice de la foy de laquelle parle icy Daniël, a esté euangelizée. Rom. 14. 17.

Refutation de l'opinion de ceux qui pensent qu'Adam fust iuste auant qu'il eust mangé de l'arbre de science de bien Et de mal, Et de ceux qui pensent qu'il est descheu de l'image de Dieu.

C H A P. XXXIII.



POUR ce que nostre propos est parueni à parler de la iustice, il semble que la chose requiere que nous parlions, de la iustice que quelques vns presupposent auoir esté en Adam, pour refuter leur erreur. L'on demande donc à sçauoir mon Si Adam estoit iuste auant qu'auoir peché? Et si estoit iuste, De quelle iustice il estoit iuste? A laquelle question ie respon, qu'Adam n'estoit pas iuste, Qu'il estoit iuste, c'estoit d'une iustice Philosophique, laquelle ne differe en rien de ce qui n'est point iustice, Veu qu'il n'estoit iuste

de la iustice de la foy, ni de la iustice de la Loy. Il con-
 uient donc sçauoir, qu'Adam auant le peché n'estoit
 ny iuste ny iniuste, mais il estoit non iuste. Et pour
 monstrier qu'Adam n'estoit pas iniuste auant qu'a-
 uoir peché, il appert par ce qu'il n'auoit point faict
 d'iniustice, Mais aussi n'auoit il pas faict de iustice,
 pour estre iuste. Il s'ensuit donc qu'il estoit non iuste.
 Et pour monstrier qu'il n'auoit point faict de iustice,
 il appert en ce que la iustice tant de la Loy que de la
 foy consiste en operation, ou interieure ou exterieu-
 re, tendant à l'obeissance des cōmandemens de Dieu.
 Or la premiere œuvre qu'Adam a faite pour le regard
 des commandemens de Dieu, a esté la desobeissance,
 qui est iniustice, & non l'obeissance. Quelques vns es-
 timans qu'Adā fust iuste auant qu'auoir peché, mettēt
 vne question en auant, disans, Que puis qu'Adam es-
 toit iuste, Dieu n'auoit que faire de luy bailler vn cō-
 mandement à garder, lequel il preuoyoit bien qu'A-
 dam ne garderoit pas, Ou le luy baillant, il le deuoit
 contraindre à ce qu'il ne peschast point. Mais ceste
 questiō n'a point de lieu, attendu qu'Adā n'estoit pas
 iuste, ny ne pouuoit estre conduit à la iustice par au-
 tre voye que par la voye de la Parole. Et aussi ce qui
 nous est enseigné qu'Adam n'auoit pas mangé de
 l'arbre de vie, nous denote qu'il n'auoit pas cognu
 la iustice, veu que l'arbre de vie n'estoit autre cho-
 se que la figure de la iustice. D'où aussi Salomon
 dit, que le fruct du iuste (qui est la iustice) est l'arbre de
 vie.

De ceste question en depend aussi vn autre, de l'Image de Dieu en l'homme, par laquelle quelquesvns estiment qu'Adam a esté bon, pur, & entier, deuant qu'il eut mangé de l'arbre de sciēce de bien & de mal & eust peché, Mais apres le peché ilz estiment qu'Adam est descheur de l'Image de Dieu. Ce qui est faux. Car Adam n'a nullemēt perdu l'Image de Dieu, & n'a pas laissé de l'auoir aussi bien apres le peché, comme deuant. Ils disent donc qu'Adā a esté bon, parce qu'il est dict que *Dieu vid que tout ce qu'il auoit fait estoit bon.* A quoy ie respon qu'il y a de ux sortes de bonté, l'vne essentielle, l'autre accidentale. Adam donc estoit bon d'vne bonté essentielle, son essence estant bonne, comme aussi l'essence du diable. Mais ie dis qu'apres le peché ceste essence ne laisse pas d'estre bonne. Si donc l'Image de Dieu en l'homme, consiste en ceste bonté, elle ne peut estre descheute ny perdue, veu que la bonté de l'essence de l'homme n'est pas perduë. Au reste, la bonté qui est attribuée à tout ce que Dieu auoit crée, ne peut estre autre que la bonté de leur essence que Dieu auoit créeë, estant l'auteur d'icelle. Et quant à la bonté accidentale, Adam n'en estoit pas priué, ores qu'il ne l'eust pas, ne l'ayant iamais euë n'estant encor ny bon ny mauuais, pour n'auoir fait ny bien ny mal. Il est donc question de voir en quoy consiste l'Image de Dieu en l'homme, Ou en l'essence, ou aux qualitez: Et si elle cōsiste aux qualitez, en quelles qualitez elle consiste. Il est donc à sçauoir que *l'Image de Dieu est la* Gen. 1. 26.

semblance d'iceluy. Or la semblance ou similitude & dissimilitude, consiste aux qualitez, de mesme que l'equalité ou inégalité consiste en quantité. Toutesfois ces qualitez sont soustenuës par quelque essence, & adherent à icelle comme à leur subiect. Et l'Escripture nous enseigne, *que la gloire de Dieu incorruptible n peut estre représentée par vne chose corruptible.* Parquoy les qualitez corruptibles ne peuuent porter l'image de Dieu incorruptible. Or les qualitez incorruptibles, ne peuuent consister en vn subiect ou essence corruptible. Voila pourquoy *les reptiles, oyseaux, & bestes à quatre pieds ne peuuent représenter l'image de la gloire de Dieu.* Or est il que l'homme a vne partie en soy & vne essence corruptible, semblable à celle des oyseaux, reptiles, & bestes à quatre pieds, & de laquelle les qualitez sont corruptibles. Parquoy icelle ne peut représenter l'image de Dieu. Il est donc question de chercher en l'homme la partie essentielle, incorruptible, & capable de l'image de Dieu, & les qualitez qui la peuuent représenter. Il est donc à noter, que l'homme a deux essences différentes en soy; vne corruptible & moitelle, & comme telle incapable du regne des cieux, qui comprend l'homme animal, c'est à dire l'homme composé de corps & d'ame, & considéré avec ces deux parties, Lequel aussi est semblable aux bestes, incapable comme elles de l'image incorruptible de Dieu, Et ainsi les qualitez d'iceluy, n'appartiennent point à la représentation de l'image de Dieu. Mais d'ailleurs l'homme a vne partie incorruptible, qui est

qui est l'esprit, laquelle est capable de qualitez incorruptibles, propres à représenter l'image de Dieu & icelle aussi consiste en icelles. Or comme ainsi soit qu'il y ait de deux sortes de qualitez, dont les vnes sont accidentales & les autres sont essentielles: l'Image de Dieu ne peut consister aux qualitez accidentales, soyent du corps, soyent de l'esprit, d'autant qu'elles sont corruptibles, Ny aussi aux qualitez essentielles de l'homme animal; lesquelles aussi estans en vn subiet corruptible, sont de mesme corruptibles; Mais consiste aux qualitez essentielles de l'esprit, lesquelles consistent incorruptibles en vn subiect incorruptible. L'esprit donc incorruptible a ces qualitez incorruptibles esquelles consiste l'image de Dieu, sçavoir qu'il est vne essence *subtile* & *tressimple*, pure, *Sup. 7. 23.* intelligible ou inuisible, raisonnable & immortelle, toutes lesquelles qualitez sont essentielles en luy. Icelles donc sont celles esquelles reluit l'image de Dieu. Mais de penser qu'elle consiste en des qualitez accidentales, comme en vne bonté qui soit aujourd'huy en l'homme, & demain corruptible s'esuanoüisse, cela ne se peut dire sans denigrer à la dignité de la gloire de Dieu, de laquelle on estime l'image pouuoir estre représentée par des choses si imbecilles & caduques, & transitoires & perissables. Pour plus ample cognoissance de ce dessus, Nous retiendrons ceste distinction de l'homme animal, c'est à dire considéré du costé de la partie animale, qui comprend le corps & l'ame sensuelle; & de l'homme spirituel, qui est

cōsideré tel qu'il est du costé de l'esprit. Or l'homme animal ne differe en rien des bestes brutes, lesquelles ont aussi corps & ame. Ainsi d'óc qu'une beste engendre yne autre beste, & un animal un autre animal de pareille espee à soy, c'est à dire, ainsi q l'animal ayant ame engendre un autre animal ayāt ame, engendrant le corps & l'ame d'iceluy animal; Ainsi l'homme animal engendre l'hōme animal, c'est à dire que l'homme engendrant l'homme, engendre le corps & l'ame d'iceluy. Mais quant à l'esprit de l'homme, il n'est pas engendré des peres charnels, Ains Salomon tesmoigne que *c'est Dieu qui le donne*. Et pour ceste raison aussi, en diuers lieux de l'Ecriture Dieu est appelé

Eccle. 12.

Nōb. 16. 22. pere des esprits qui sont en toute chair. Par laquelle cho-

Hebr. 12. 9. se l'Ecriture nous enseigne que Dieu est l'auteur

— des esprits, & non les peres charnels. Or Adam en-

Gen. 5. 3.

gendrant Seth, est dit l'auoir engendré en son image *Et* semblance. L'image donc & la semblance d'Adam qui estoit en Seth & qu'Adam a engendrée, consistoit en ce qu'Adam auoit engendré en Seth, c'est à sçauoir en la partie animale de Seth. Mais l'image d'Adam ne pouuoit consister en la partie spirituelle de Seth, qu'Adam n'auoit pas engendrée : Ains de mesme comme la partie animale de Seth portoit l'image de son pere Adam, Ainsi par mesme raison, l'esprit de Seth portoit l'image de son pere qui est le pere des esprits, à sçauoir Dieu. S. Paul parlāt de l'hōme fait en ame viuante à l'image du premier Adam, & de l'homme faict en esprit viuifiant à l'image du second

Adá, & de ceux qui portēt l'image du premier Adá, & de ceux qui portent l'image du second Adam, en parle d'une façon vn peu diuerse & differente de celle que nous auons cy dessus expliquée. Toutesfois la façon de parler de laquelle il vse, dépend de ceste cy, & peut seruir de confirmation à icelle. Il conuient donc entendre, que l'homme peut estre dict animal, & spirituel diuersement, sçauoir pour le regard de l'essence, & pour le regard des facultez & affectiōs. L'homme animal pour le regard de l'essence, est l'hōme considéré avec l'essence du corps & de l'ame sensuelle: Et l'homme spirituel pour le regard de l'essence, est l'homme considéré tant seulement du costé de l'essence de son esprit. L'homme animal pour le regard des affectiōs & facultez, est l'homme qui ensuit les affectiōs qui sont propres à l'essence & nature de l'homme animal, lesquelles affectiōs sont cōmunes à tous animaux comme les concupiscences & desirs charnels, les voluptez, & autres telles inclinatiōs animales. L'hōme spirituel pour le regard des affectiōs, est l'hōme lequel s'adonne à ensuiure les affectiōs de l'esprit, cōme à la contēplation, se repaissant non de viādes animales cōme du pain & du vin & viandes delicieuses, mais de contēplation & sciēce, d'intelligēce & sapiēce, par laquelle il puisse apprēdre à faire toutes choses selon sapiēce & selon la crainte de Dieu, en se destournāt du mal pour ensuiure le biē. Pour preuue de ce dessus, il conuiēt sçauoir que l'essence de l'hōme infidele n'est pas differente de l'essence de l'homme

Luce 19.

Ieg. 2. 26.

Cor. 15. 45.

regeneré, en telle façon que l'homme infidele ne laisse pas d'auoir les mesmes parties essentielles qu'à l'homme regeneré, ains seulement leurs affectiōs sont differentes, Et toutesfois l'Escripture dit *que les hommes animaux n'ont point l'esprit*. Ce qui ne peut estre entendu pour le regard de l'essence, mais tant-seulement pour le regard des affectiōs & facultez. Car ceux-là semblent n'auoir point l'esprit, qui ne s'en aydent point, & qui ne monstrent point par ses effects qu'il y ait vn esprit en eux, ains leur esprit est mort pour le regard de ses facultez, comme *la foy oisue est dicte estre morte*. Ainsi ayans vn esprit, ils sont comme n'en ayans pas, d'autant qu'ils ne l'appliquent pas à son vsage, & qu'iceluy estant en eux, n'y est pas comme vn esprit, ne faisant pas le debuoir & estat d'esprit, ains y est comme vne chose morte ou comme vn arbre infructueux. Sainct Paul donc parlant des hommes animaux & des hommes spirituels, fait ceste distinction, non pas pour le regard de l'essence, Mais pour le regard des affectiōs. Et ainsi quand il dit *que l'homme animal porte l'image du premier Adam, Et non pas l'Image du second Adam*, il entend que l'homme animal chemine selon l'ame viuante en laquelle consiste l'image du premier Adam, tellement qu'il ensuit en tout & par tout ses affectiōs, de façon qu'il est transporté des affectiōs de la chair & de l'homme animal. Mais celuy qui est animal, ne porte pas l'image du second Adam qui consiste en l'esprit, d'autât qu'il ne la porte pas digne-

ment n'obtéperant pas aux affections de l'esprit, Ains le prophanant & prostituant par ses affections charnelles, animales, & terriennes auxquelles il s'adonne, il semble par maniere de dire trainer par terre, voire parmy la bourbe & ordure, ceste image de Dieu, & non pas la porter. Là où au contraire, ceux-là qui sont faits en esprit viuifiant, sont dits porrer l'image du second Adam qui consiste en l'esprit, d'autât qu'ils cheminent selon les affections d'iceluy, ensuiuās son vent *Iean. 3. 8.* *qui souffle où il veut*, ensuiuans ses mouuemens & affections. Par toutes ces choses donc nous pouuons cognoistre que l'image de Dieu cōsiste aux qualitez essentielles de l'esprit, Et que ce qui est dit de porter ou ne porter point l'image de Dieu, cōsiste aux affectiōs & mouuemēs, qui sont qualitez accidentales. Mainténāt donc pour le regard de l'image de Dieu qu'il a faite en l'hōme, qui consiste aux qualitez essentielles, c'est vne œuvre de la creation de Dieu en laquelle l'hōme n'a nulle part: Pour le regard de la porter, l'hōme la peut porter estant à ce appellé par la grace de Dieu, & ce sera vne œuvre de l'hōme procedante de la grace que Dieu luy a faite, & vne œuvre de la regeneration. Et desia appert qu'Adam pour le regard de l'essence & qualitez essentielles de l'image de Dieu, n'a rien perdu par le peché. On pourroit donc demander, A sçauoit-mon si Adam a point perdu par le peché la faculté de pouuoir porter l'image de Dieu? A quoy ie respon, qu'il faudroit qu'il eust premièrement eüe. Or Adam auoit bien les qualitez essentielles

Gen. 2. 7.

1. Cor. 15.

de l'image de Dieu : Mais de dire qu'il les portast dignement, cela ne se peut dire. Car au contraire il est dit *auoir esté fait en ame viuante*, & que ceux qui sont faits *en ame viuante*, ne portēt pas l'image du second Adam. D'où ie conclu, que non seulement il ne la portoit pas, mais mesme il ne la pouuoit pas porter estant animal, veu qu'elle consiste tant seulement en l'homme spirituel. Or Adam estoit animal. Et est bien à noter, que ce n'est pas seulement depuis le peché, qu'Adam est dict auoir esté faict en ame viuante, Mais depuis la creation. Ce qui monstre que deslors il a esté faict en vn naturel animal & enclin à ensuiure les affections animales & terriennes, & du tout opposé au naturel & inclination du second Adam & de ceux qui portent son image. Pour ceste cause aussi, Eltras dit qu'*Adam portāt vn cœur malin, fut vaincu & surmonté*, attribuant la cause de sa cheute, au cœur malin ou enclin au mal qu'Adam portoit. Et de faict, nostre Seigneur nous enseigne *de iuger les arbres par leurs fruiets*, En laquelle sorte si nous iugeons d'Adam, nous verrons qu'il n'estoit rien moins que spirituel. Car nous ne pouuons faire iugement des bons fruits d'Adam ny d'autre, sinon suiuant la regle bonne des commandemens du bon Dieu. Dieu donc luy ayant donné son commandement, Adam a esté bon s'il y a obey: mais il est aduenu au contraire, Car la premiere œuvre qu'il a faicte, de laquelle on puisse faire iugemēt de luy, a esté la desobeissance & transgressiō, qui est vne œuvre mauuaise. Adam donc n'auoit

2. Esdr. 3. 21.

Mat. 7. 17.

pas le cœur bon ny droict , Mais tant-seulement l'essence bonne, Et Dieu lui a donné son commandement, pour descouvrir la nudité de son cœur, laquelle luy a este figurée par la nudité du corps. Car *Adam ne laissoit pas d'estre nud auant qu'auoir peché, mais il ne le cognoissoit pas*; Et aussi, auant le commandement il ne laissoit pas d'auoir le cœur terrien & brutal , ores qu'il ne le cogneust pas , Tellement que le commandement ne luy a pas apporté le peché , comme quelques vns pensent , estimans que le commandement soit la cause du peché : Mais le commandement a apporté la cognoissance du peche , qui consistoit en la mauuaise nature & peruersité de son cœur. Au surplus, l'Escripture opposant le premier Adā qui est terrien & fait en ame viuāte, avec ses œuures & affectiōs terriēnes, Au second Adā celeste, Monstre qu'elle considère le premier Adā, entant q̄ terrien & fait en ame viuāte: & depuis qu'il est tel, sçauoir depuis la creatiō iusques à la regeneratiō, l' imagine bien autre que pur & entier. Tellement q̄ ceste cōsideration par laquelle l'on estime qu'Adā fut iuste, pur & entier auāt la regeneratiō, est toute autre que Theologale, n'estāt autre que philosophiq̄ & scholastique. Quicōques dōc veut sçauoir qu'elles estoiet les affectiōs d'Adā *auant que Dieu lui eust donē sauoie à garder*, cōme parle Esdras: elles estoiet telles q̄ sont pour le iourd'hui les affectiōs des animaux, lesquels fōt entr'eux souuēt des choses q̄ si les hōmes en faisoiet de sēblables, cela seroit peché aux hōmes, à cause de la loy q̄ les prohibe, & cela n'est

Gen. 2.

Rom. 3. 20.

1. Esdr. 3. 7.

Rom. 7.7.

point peché aux bestes, qui n'ont point de legislateur qui leur prohibe telle chose. Ainsi les affectiōs d'Adam auant le commandement, estoient telles cōme elles ont esté descouuertes apres que le commandement est arriué. Il ne pouuoit pas commettre peché n'y ayant point de Loy, Mais son affectiō estoit neâtmoins pareille, & le commandemēt ne luy a pas peruertry son naturel, Mais son naturel mauuais ne s'est pas peu accorder avec le commandement qui estoit bon. Le commandemēt donc arriuant, a esté comme vne pierre de touche pour descouurir le faux alloy de ce cœur malin ou enclin à mal d'Adam. Tellement que cōme nous auons desia dit suiuant le tesmoignage de l'Escripture, *la cognoissance du peché viēt du precepte, & non le peché mesme.* Or pour monstrier la vanité de l'opinion de ceux qui estiment que l'image de Dieu en Adam consistast en vne bonté, pureté & integrité qu'ilz imaginent auoir esté en Adam deuant la transgression, lesquelles choses il estiment qu'Adam ait perdu en la desobeissance, dōt aussi il soit decheut de l'image de Dieu: Je voudroy bien sçauoir d'eux, s'ilz estiment que ceste bonté & pureté & integrité accidētale (Car elle ne pouuoit estre essentielle, puis qu'accidentalement, suiuant leur hypothese, il l'a perduë) estoit animale, c'est à dire charnelle, ou spirituelle? Que si elle estoit charnelle, quelle chose y a il de plus vain? Elle ne pouuoit estre eternelle, Mais semblable à la vertu Philosophique, & à la iustice des Philosophes. Et si elle estoit spirituelle, & qu'en icelle consistast

consistast l'image de Dieu, le soubstien qu'elle n'est point décheute. Car Dieu n'a rien decreté contre les œuvres & affections de l'esprit. Pour l'intelligence de laquelle chose, il conuient sçauoir, qu'Adam estant *Adam*, c'est à dire, *terrien*, ou comme S. Paul interprete, *pouldrin*, ou de poudre, ne pouuoit produire autres effets ny œuvres, que terriènes, telle qu'a esté la desobeissance. *Pour laquelle Dieu a maudit la terre à l'occasion d'Adam*, c'est à dire, que Dieu a maudit les œuvres terriennes d'Adam, & les œuvres manuelles d'iceluy, à ce qu'elles luy portassent tribulation & angoisse. Car de pèser que Dieu ait maudit l'essence de la terre, ou l'essence terrienne d'Adam, cela seroit peruertir, & non interpreter l'Escripture. Veu qu'en la natiuité de Noé, qui estoit la figure du Seigneur, Lamech pere de Noé prophetise du Seigneur en la personne de Noé, disant, *Cetuy-ci nous consolera de nostre œuvre & du travail de nos mains de la terre que le Seigneur a maudite*: Monstrant que la malediction de laquelle Dieu a maudite la terre, s'estend & adresse sur les œuvres terriènes & manuelles de l'homme. Or les *concupiscences*, sont imputees pour mauuaises œuvres à l'homme, en telle façon que l'affection estant imputée pour l'œuvre, l'œuvre terrienne estant maudite, l'affection terriène est maudite aussi. Dieu dōc en maudissant la terre, a maudit l'affection terrienne & animale de l'homme: Si bien que si l'image de Dieu consistoit en ces affections là, & en ces qualitez accidentales de l'homme animal, elle seroit perdue en l'hom-

1. Cor. 15. 47

Gen. 3. 17.

Gen. 5. 29.

Math. 5.

me, à cause de la malediction arriuee pour le peché. Mais si on presuppofe que l'image de Dieu en Adam cōfiftaft aux affections de l'efprit, elle n'eft point decheute, d'autant que Dieu en maudiffant la terre, n'a point maudit l'efprit d'Adam ny fes affections, veu que l'efprit d'iceluy n'eftoit pas terrien, ains donné de Dieu, & excepté des chofes terriennes par Salomon, qui nous enfeigne que *quand la poudre retourne en fa*
Eccléf. 12. 7. poudre, l'efprit retourne, non en la poudre, mais à Dieu qui l'a donné. En quoy il monstre que l'efprit n'eft pas cō-prins en la poudre, veu qu'il ne retourne pas comme poudre en la poudre, alors que la poudre retourne à icelle. Dieu donc maudiffant la poudre & la terre, & les œuures & affections terriennes, ne maudit point les œuures & affections de l'efprit, ny chofe aucune qui appartienne à l'efprit. Parquoy fi l'image de Dieu confiftoit aux affections fpirituellenes d'Adam, Dieu n'ayant rien decreté contre l'efprit, l'image de Dieu qui eftoit en iceluy, n'a nullement efté lefée, ains demeure encor en fon entier. Nous pouuons donc conclurre des chofes deffus-dites, que l'image de Dieu en Adam & en tout homme, confifte aux qualitez effentielles & incorruptibles de l'efprit incorruptible d'iceluy, & non aux qualitez accidentales de l'efprit, ny aux qualitez animales de l'homme, foient effentielles ou accidentales. D'où il s'enfuit & eft euident, que l'image de Dieu n'eft point decheute en Adam, lefdites qualitez effentielles de l'efprit incorruptible efquelles elle confifte, demeurans incorruptibles. Au

surplus, ceux là sont estimez porter l'image de Dieu, lesquelz cheminent selon l'esprit en ensuiuant les mouuemens de l'esprit, auquel consiste ladite image, Lequel esprit n'ayant point esté compris souz la malediction qui est arriuee sur l'homme pour le peché, ains erigé en l'esperance de la benediction & herirage de Christ, l'image de Dieu demeure essentiellement en luy, c'est à dire en ses qualitez essentielles. Tellement que ceux là errent qui estimét que l'image de Dieu soit decheute en Adam ou perdue. Les questions d'oc philosophiques, que les hommes proposent vulgairement de l'image de Dieu en Adam, & de la iustice d'iceluy auant le peché, sont questions friuoles & vaines, imperites, & erronees. Et la vraye iustice, & les vrayes affections de l'image de Dieu, ne doiuent pas estre recerchees au premier Adam, mais au second. Ores que toutesfois les qualitez essentielles d'icelle, se trouuent en tous hommes : Aux vns oiseuses & comme mortes, qui ne sont regenez, comme elles estoient oiseuses en Adam auant la regeneration, Aux autres fructifiantes à iustice, à l'imitation & obeissance du second Adam. Lesquelles choses appartiennent à la iustice des siecles de laquelle il est question.

Icele fut amenee en l'an trentieme de nostre Seigneur, par la predication de Iean Euangeliste, suiuant ce que nous auions dit cy dessus. Daniel donc a propheté, que ceste iustice deuoit estre amenée. Toutesfois il faut entendre, qu'elle ne commençoit

pas alors d'estre, mais seulement d'estre euangelisee. Car si elle eust lors cōmencé d'estre, elle ne seroit pas iustice des siecles, c'est à dire sempiternelle. Car s'il disoit *iustice du siecle* en singulier, elle seroit temporelle, Mais *les siecles* en pluriel, signifient la sempiternité. Dieu donc alors amena la reuelation & manifestation d'icelle. Car la publication du regne des cieux, estoit la publication de la iustice eternelle, laquelle publication estoit nouuelle, estant euangelizee par Iean en l'an trentieme du Seigneur, auquel an il fut baptisé. Et c'est le tēps predict à Daniel en ces septante semaines.

Explications particulieres des choses qui sont contenues au texte des septante semaines de Daniel.

C H A P. XXXIIII.



L dit d'auantage, que ces septante semaines sont precises pour sceller la vision & le Prophete. Laquelle chose à fin qu'elle soit cognue, il est question de sçauoir comme c'est que l'on doit entendre ce qui est dit de sceller la vision. Car quelquefois Sceller se prêt pour sceller vn huis à ce que nul ne l'ouure, cōme mesme il est pris en l'histoire de Bel. Quelquefois aussi Sceller se prent pour fermer & sceller des lettres, ausquelles le seau sert pour garder que nul ne les ouure sinon

Hist. de Bel

celuy à qui il appartient de les ouurir, comme aussi nous trouuons, *que la prophetie a esté scellée.* Quelque fois encor le seau sert pour approbation & autorité aux choses auxquelles il est appliqué. Et en ceste sorte Dieu a confirmé & ratifié l'alliance & la iustice d'icelle à Abraham, par le seau de la Circoncision. Et en cet endroit aussi, par le seau de la Circoncision faite sans mains (qui est le Baptême) ce Prophete promis semblable à Moÿse, que Dieu deuoit susciter d'entre le peuple d'Israël, à sçauoir Christ, fut scellé, & la foy d'iceluy (*que la chair & le sang ne reuele pas, mais l'esprit de Dieu*) & la reuelation de la foy, & la iustice d'icelle a esté scellée avec iceluy Prophete, que le Pere a scellé l'approuuant de son seau, comme luy-mesme tesmoigne. Deslors aussi la Sainteté des saintetez fut ointe, c'est à dire, nostre souuerain Saerificateur ayant receu l'onction de la consommation des mains, cōmença à exercer l'estat de sa sacrificature, en ramassant les brebis esparées de la maison d'Israël, par la verge de sa parole, comme Dieu auoit iadis conduit les brebis d'Israël par la verge d'Aaron saerificateur & par les mains de Moÿse. Or l'huile de laquelle Iesus Christ le saint des saints, & le souuerain saerificateur selō l'ordre de Melchisedech, fut oint, estoit l'onction du saint Esprit, qui descendit sur luy au baptesme, & non d'une huile materielle.

Au surplus le texte dit, *que ces septante semaines sont precises au peuple de Daniel,* c'est à sçauoir au peuple Israélite. Laquelle precisio n'est autre, qu'une entrecou-

peure semblable à la façon que tiennēt les notaires & greffiers, lesquels voulans sceller vn cōtract ou acte, couppent vn coin de la carte sur laquelle le contract est couché, pour y appliquer le seau. Daniel dōc ayāt precindé ces septante sepmaines, les diuise en *sept sepmaines*, & *soixante deux*, & *une*, qui sont septante sepmaines en tout, & les rescindant ainsi, recite parmi les sections particulieres, ce qui est à venir aux extremitez generales desdites, septante sepmaines: Comme quand il dit, *que le mur & la cité serōt edifiez*, & *que les temps seront en leur coarctation*, Il est aisé à entēdre, que le cōmencement de ces septante sepmaines doit estre coarcté alors que la place & le mur furent edifiez, qui fut en l'an vingtieme de Darius Artaxerxes Longue-main.

Il dit d'auantage, *que le Messias sera rescindé*, c'est à dire excommunié de la Synagogue. ce qui est aduenu. Car non seulement luy, mais tous ceux qui s'aduoüoyent à luy, estoïēt bannis & excommuniez des Synagogues. Il adiousté aussi la cause de ceci, disant, *que la ville & le sanctuaire dissipera le peuple du prince venant*, c'est à sçauoir de Christ, qui est le Prince duquel le Prophete predict la venue. Quelques vns toutesfois exposent ce lieu, disans, *Et le peuple du prince à venir dissipera la ville & le sanctuaire*. Ce qui ne cōuient nullemēt avec le texte Hebreu, la où il y a וְהָיָה יְרוּשָׁלַם וְהַמִּקְדָּשׁ יִשְׁחָדוּ עַם נֹכַח (Vehair vehakkodech jashbit am naguid habba) c'est à dire de mot à mot, *Et la ville & le sanctuaire dissipera le peuple du prince venant*: Là où pour y

auoir, Et le peuple du Prince à venir dissipera la cité & le sanctuaire, il faudroit qu'il y eust au texte Hebrieu, ועם נגיד הבבא יסחית העיר והקדש: (*ve'ā nagid habba jaschith ha'ir vehakkodech.*) Car la phrase Hebrique, q̄ ne cognoist aucune variation de cas, non plus que la Françoisse, en suit vne mesme disposition de mots que la Françoisse, & la disposition est en l'Hebreu de mesme que nous l'auons mise au François.

Il dit consequemment, *que son limite est au baptesme*, qu'il appelle סטפ (*seteph*) lequel mot signifie baptesme, c'est à dire *lauement, ou deluge*: Mais aussi, aduenāt qu'il signifie deluge, il signifiera baptesme, veu que le premier deluge estoit la figure du baptesme, ainsi que saint ^{1. Pier. 3. 20.} Pierre nous l'enseigne, Et que nous n'en deuons attendre d'autre, veu que l'Iris ou arc en la nuee, & le si- ^{Gen. 9. 15.} gne de l'alliāce, cōme le baptesme, nous assure qu'autre deluge d'eauës ne peut aduenir sur la terre. Ce limite donc, est le limite du baptesme, seruant de borne & separation disterminant la Loy d'auec le regne des cieux, ainsi que Iesus Christ le tesmoigne.

Il dit aussi, *que le Messias confirmera l'alliance à plusieurs par vne sepmaine*, qui est la derniere des septante. Ce qu'il a fait, tant par doctrine à laquelle on ne pouuoit contredire, que par puissans faits & actes, ^{Luc 4. 18.} preschant l'an de liberie, ouurant les yeux aux auengles, dont les auengles voyoient, les muets parloient, les sourds oyoiēt, les morts ressuscitoient, & l'Euangile estoit euāgelizé aux pources.

Il adioust en fin, *qu'il fera cesser l'hostie & l'holocarpe.*

Rom. 12. 1.

Ce qui fut en la mort d'iceluy, en laquelle par l'hostie
vne fois offerte de son corps, il mit fin aux hosties legales
des bestes irraisonnables, & donna cours aux hosties rai-
sonnables, que les fideles offrent, à sçauoir les hosties de
leurs corps.

Luc 4. 19,
C 21.

Quelques vns ont estimé que ces septante sepmai-
nes ont esté finies en la mort de nostre Seigneur, ou
à sa natiuité. Ce qui ne peut estre, veu que ces sepmai-
nes ne peuuent finir qu'en vn sabath ciuil, Et il apert,
que nostre Seigneur estant aagé de trente ans a publié l'an de
liberté, qui est vn an de sabath ciuil. Dont il s'ensuit,
que ny l'an de la natiuité, ny de la mort d'iceluy, ne
pouuoit estre an de sabath. Parquoy aussi l'an de la
natiuité, ny l'an de la mort du Seigneur, ne peut estre
l'an qui termine ces septante sepmaines.

Par routes ces choses donc, il apert que ces septan-
te sepmaines, comprenans quatre cens nonante ans,
cômengans au vingtieme de Darius Artaxerxes Lon-
gue-main, finirent en l'an trentieme de la natiuité du
Seigneur. D'où il s'ensuit que depuis ledit an vingtie-
me de Darius Artaxerxes iusques à la natiuité du Sei-
gneur, il y a eu quatre cens soixante ans.

*Sommaire de tous les ans depuis la creation du monde
iusques à la natiuité de nostre Seigneur
Jesus Christ.*

CHAP. XXXV.

Nous



NOUS devons entendre quel'an quarante-deuxieme d'Auguste Cesar, estoit l'an quatre mil du monde, & l'an quatrieme de la cēt nonante quatrieme Olympiade, & l'an de la fondation de Rome sept cens cinquante-deuxieme, auquel an nostre Seigneur Iesus Christ fut conceu, & nasquit en l'an subsequent quarāte-troisieme d'Auguste, les quatre mil ans de la creatiō du monde estans accomplis, dedās l'an quatre mil & vn, & en l'an de la cent nonante-cinquieme Olympiade, & de la fondation de Romme sept cens cinquante-troisieme. Ce qu'estant cognu, nous pouuons colliger tous les ans depuis la creation du monde iusques audit an quarante-deuxieme d'Auguste Cesar, en prenant les supputations que nous auons cy deuant colligees : Et premierement depuis la creation iusques au deluge.

Depuis la creation du monde iusqu'au deluge, on collige mil six cens cinquante six ans. 1656.

Depuis le deluge iusques à la naissance d'Isaach, trois cens nonante ans. 390.

Depuis la naissance d'Isaach iusques à l'issue d'Egypte, quatre cens trente ans. 430.

Depuis l'issue d'Egypte iusqu'à l'entree en la terre de Chanaan, quarante·vn an. 41.

Depuis l'entree en la terre de Chanaan iusqu'à la construction du temple de Salomon, quatre cens quarante ans. 440.

Mm

CHRONOLOGIE

Depuis la construction du Temple iusqu'à la con-
iuration de Iehu, il y a cent vingt huit ans. 128.

Depuis la coniuration de Iehu, iusqu'à la transmi-
gration d'Osee Roy d'Israël & des dix linees d'Israël,
par Salman-Asar Roy de Babylone, cent septante-sept
ans. 177.

Depuis la transmigration d'Osee iusques à la tran-
smigration de Sedecias Roy de Iuda, souz Nabuchodo-
nôsor Roy de Babylone, cent quarantecinq ans. 145.

Les septante ans de la captiuité ont duré depuis la
transmigration de Sedecias iusques à l'an premier de
Cyrus. 70.

Depuis l'an premier de Cyrus iusqu'à l'ã vingtieme
de Darius Artaxerxes Longue main ; auquel il fut per-
mis de réedifier Ierusalem, il y a eu soixante-trois
ans. 63.

Depuis l'an vingtieme de Darius Artaxerxes, iuf-
ques à l'an quarante deuxieme d'Auguste Cesar, il y a
eu quatre cens soixante ans. 460.

Somme tous les ans depuis la creation du mô-
de, iusques à l'an quarante-deuxieme d'Augu-
ste Cesar, quatre millé ans. 4000.

On me pourroit obiecter, qu'Eldras estant captif
en Babylone en la trentieme annee de la destruction
de la cité de Ierusalem, eut vne vision en laquelle il
luy fut reuelé, que *dedans quatre cens ans viendrait celuy*
qu'il nomme parlant en la personne de Dieu *Mon fils*
Iesus le Christ, le nommant par nom & par surnom,
Ce que n'auoit fait aucun Prophete autre que luy de-

2. Esdr. 3. 1.

2. Esdr. 7. 82

uant luy. Et comme ainsi soit que l'an trêtieme apres la destruction de Ierusalem, soit premier que l'an vingtieme de Darius Artaxerxes Longue-main, il n'y pouuoit auoir plus de quatre cens ans depuis ceste reuelation qui l'a precedé, iusques à ladite venuë de Iesus Christ nostre Seigneur: Et par ainsi il n'y auroit pas quatre cens soixante ans suiuant noz precedentes supputations, & suiuant la prophetie de Daniel. A quoy ie respon que Daniel ayant eu reuelation du nombre des sepmaines d'ans qui precedoient la venuë du Seigneur en l'an premier de Cyrus, N'a pas coarcté ledit nombre d'ans en l'an auquel il auoit eu la vision, Mais en l'an vingtieme de Darius Artaxerxes Longue-main, qui estoit vn an de cycle solaire de cent & vingt ans: Auquel temps les ans prophetiques & ciuils accomplissoient leur periode: Tellement que l'an vingtieme de Darius Artaxerxes auquel cōmençoient les seprante sepmaines de Daniel, estoit l'an du ving-neufieme cycle solaire finissant, & du trentieme commençant: Veu que c'estoit l'an du monde trois mil cinq cens quarâte, Auquel nombre, cent & vingt est contenu vingt & neuf fois. Or tout ainsi que Daniel n'a pas commécé les ans de sa vision, en l'an auquel il l'a veüe, Mais au cycle solaire plus fameux qui l'ensuiuoit apres: Ainsi aussi Esdras ne cōmençoit pas la supputation de ses quatre cens ans, en l'an auquel il a eu ceste reuelation, mais en l'an de la prochaine saison prophetique, qui est de trois cens soixante ans. Car si vous prenez tous les ans depuis la

C H R O N O L O G I E

creation du monde iusques à l'an de ceste reuelation, qui est l'an trentieme apres la destruction de Ierusalem, vous y trouuerez trois mil quatre cens trente sept ans, Lesquels si vous diuisez par la saison prophetique de trois cens soixāte ans, vous en ferez neuf saisons & cent nonante sept parties de la dixieme : Si donc vous accomplissez ladite dixieme, vous pourrez au bout d'icelle colloquer les quatre cēs ans de la prophetie d'Esdras, dedans lesquels Iesus Christ deuoit venir. Car dix saisons prophetiques font trois mil six cens ans, Lesquels estans ioints avec les susdits quatre cens de la prophetie d'Esdras, il en prouindra quatre mil ans depuis la creation du monde, Au bout desquels Iesus Christ est venu. En quoy nous pouuons cognoistre combien est remarquable la supputation de ces cycles solaires, & plus encore des saisons prophetiques : veu que par icelle est cogneüe nō seulement la deuē valeur de l'an lunaire & solaire, comme en son lieu nous l'auons touché : Mais encore par icelle sont descouuertes plusieurs supputations prophetiques, telles que ceste cy, & beaucoup d'autres en Daniel & en l'Apocalypse. Car il est certain que la cognoissance de ces quatre cens ans ne pouuoit estre deprehiendee par autre moyen que par ces saisons prophetiques.

Or pource que l'an quarante-deuxieme d'Auguste Cesar fut l'an de la cent nonantecinquieme Olympiade, & que la premiere Olympiade fut celebree en l'an premier de Iotham : Si nous prenons tous les ans

depuis la creation du monde iusqu'à l'an premier de Iotham, Nous y trouuerôs trois mil deux cens vingt & quatre ans : Et depuis ladite premiere Olympiade iusques à la cent nonantecinquieme, il y a sept cens septante six ans, lesquels estans ioints aux precedens, font quatre mil ans. Et le moyen de verifier ladite supputation, est de mettre à part l'an de la natiuité du Seigneur, qui est l'an de la cent nonante-cinquieme Olympiade, & multiplier par quatre (selon le nôbre des ans de chacune Olympiade) les cent nonante-quatre Olympiades restantes, lesquelles sont toutes pleines & garnies : & il en prouiendront lesdits sept cens septante six ans, finissans en l'an quatre mil du monde, & quarantedeuxieme de Cesar Auguste, suiuant ce que dessus.

Et d'autant que Romme a esté fondée en l'an second de la septieme Olympiade, si nous prenôs tous les ans depuis la creation du monde iusques à la premiere Olympiade, à sçauoir trois mil deux cens vingt quatre, Puis vingtcinq ans iusques à la construction de Romme audit an secôd de la septieme Olympiade, Et les sept cens cinquâre & vn an qui ont eu cours depuis ladite fondation de Romme, iusques à l'an de la natiuité du Seigneur, Et ioignons ces trois nombres ensemble, nous y trouuerons quatre mil ans. Ce qui pourra estre plus à plein entêdu au chapitre subsequent.

Nostre Seigneur estant n'ay en l'an quarantetroisime de Cesar Auguste, comme nous auons dit cy des

C H R O N O L O G I E

fus, & cōme nous esperons prouuer cy apres, est nay
 en l'an dernier du regne d'Herode: lequel Herode fut
 fait Roy de la Iudee à Rōme de l'autorité du Senat,
 en l'an de la fondation de Romme sept cens quator-
 zieme, auquel an estoient Consuls à Romme Cneus
 Domitius Caluinius & Caius Asinius Pollio, lequel
 an estoit l'an second de la cent ostantecinquieme
 Olympiade. Depuis lequel temps il est tenu auoir re-
 gné trentesept ans. Toutesfois il ne regna pas deslors
 en Ierusalē, car il fut quatre ans deuant que d'y entrer.
 Au bout desquels ayāt assiegé Ierusalem, il la prit par
 force, & depuis ce temps là regna trêtetris ans, Les-
 quels ioints avec les quatre precedens, font les susdits
 trentesept ans de sondit regne depuis son election. Il
 regna donc trêtesep ans, à cōter depuis son election
 iusques au temps de sa mort, Mais à conter depuis le
 temps auquel il fut possesseur de son regne estably en
 Ierusalem, il regna trente trois ans. Or il semble de ce
 dessus s'ensuiure, qu'Herode soit mort en l'an prece-
 dent de la natiuité de nostre Seigneur, & n'auoir pas
 vescu n'attaint le tēps de la natiuité d'iceluy. Car puis
 qu'Herode a commencé à regner en l'an de la fonda-
 tion de Romme sept cens vingtquatrieme, & depuis
 ce temps là a regné trentesept ans, il a regné iusques à
 l'an sept cens cinquante vnieme de la fondation de
 Rōme, qui estoit l'ā quarāteuxieme d'Auguste Ce-
 sar. Or n'estoit ce pas l'an de la natiuité du Seigneur,
 car icelle fut l'an subsequēt quarātetroisieme dudit
 Auguste, Car en iceluy nostre Seigneur est nay, cōme

nous esperons le prouuer cy apres. Tāt y a que si nous examinons toutes choses de plus pres, nous trouuerōs qu'Herodes a vescu dedans l'an quarantetroisieme d'Auguste Cesar, assez de temps pour donner espace à la natiuité de nostre Seigneur, & pour comploter sa mort, & executer sa rage contre les petits enfans. Ce que nous pouuons prouuer par vne remarque de Iosephe, par laquelle il a noté que l'an auquel Ierusalem estoit assiegee par Herode, estoit vn an de sabath de la terre, & que l'armee d'Herode auoit beaucoup à faire à trouuer des viures, à cause que les Iuifs n'auoient point semé leurs terres, suiuant la coustume Legale des sabaths de la terre. D'où nous pouuons colliger, que Iosephe veut dire, que si c'eust esté vn autre an de la semaine ciuile, auquel on eust eu semé, l'armee d'Herode n'eust pas esté en ceste peine, ains eust trouué des viures aux champs: Ce qui presuppose que c'estoit enuiron le temps auquel les bleds deuoient encor estre aux chāps, comme enuiron entre la Pasque & la Pentecoste. Herodes donc entra en Ierusalem apres le tēps des moissons, & les trente-trois ans derniers de son regne, cōmencerent au temps d'apres les moissons, cōme enuiron la Pētecoste, ce qui arriue enuiron le quatrieme mois de l'an Romain. Tellement que si nous prenons qu'il ait regné trente-trois ans pleins & exactes depuis alors, l'an trente-troisieme de son regne aura cōmencé enuiron le quatrieme mois de l'an quarante-deuxieme d'Auguste, & finy enuiron le quatrieme mois de l'an quarante-troisieme dudit Auguste, qui

estoit l'an de la natiuité du Seigneur. Si donc nous prenons que nostre Seigneur fut nay au temps de la Pasque, Herode pourroit auoir vescu suiuant ceste hypothese enuiron deux mois apres, & ayant fait mourir, les petits enfans, les auoir bien tost suiuis.

Nous pouuons aussi prendre garde en passant, à ce que Iosephe dit touchant l'an de l'assiegement de Ierusalem, qui estoit trête-quatre ans auant la natiuité du Seigneur, que c'estoit vn an de sabath, Laquelle remarque n'est pas mal à propos, ains conuient à nostre supputation. Car si nous laissons à part cet an de sabath, & prenons le premier an de la sepmaine suiuaute qui estoit l'an premier d'Herode, depuis lequel an il y eut trente-trois ans iusqu'à la natiuité de nostre Seigneur, & prenons d'ailleurs aussi les trente ans que le Seigneur auoit alors qu'il publia l'an de liberté, qui estoit vn an de sabath, & adioustons ces deux nombres ensemble, il en seront faits soixante-trois ans. Et pour ce que ce sont les ans compris entre deux ans extremes lesquels sont deux sabaths, il faut qu'ils soiēt diuisibles par sept, & qu'ils se puissent reduire en sepmaines, cōme aussi ils sont, car soixante trois ans sont neuf sepmaines d'ans. Ce qui peut mōstrer encore de plus pres, ce que nous auions posé cy dessus en vne plus longue supputatiō estre veritable, à sçauoir que l'an auquel Iesus Christ fut baptisé, & publia l'an de liberté, & auquel les septante sepmaines de Daniel estoient terminees, estoit de vray vn an de liberté & sabath de la terre.

De l'erreur de conte d'un an, qui se peut remarquer en la notation ordinaire de l'an de la natiuité de nostre Seigneur, lequel mesconte procede de l'erreur de conte de trois mois touchant ladite natiuité: Et de l'erreur de cote d'un autre an, procedant de la fausse situation des Olympiades aux Chroniques vulgaires.

CHAP. XXXVI.

NOVS auions dict cy dessus, que depuis la creation du monde iusques à l'an de la natiuité de nostre Seigneur, il y auoit quatre mil ans, Ce qui doit estre entendu sans comprendre l'an de ladicte natiuité, qui estoit l'an quarante troisieme d'Auguste Cesar. Car l'an quarante-deuxieme de Auguste Cesar, estoit l'an quatre mille du monde, & l'an suiuant qui estoit l'an quarante-troisieme dudit Auguste, & l'an de la natiuité du Seigneur, estoit l'an premier de millenaire subsequent. Et la saison en laquelle nostre Seigneur est nay en iceluy an, est la saison de la Pasque. Le vulgaire toutesfois estime que nostre Seigneur soit nay en l'an quarante-deuxieme d'Auguste Cesar: Lequel erreur seroit aisé à passer, si n'estoit qu'il preiudicie à toutes les supputations prophetiques, tant de Daniel que de l'Apocalypse, qui parlent des choses aduenues depuis le temps de nostre Seigneur. Pour donc cognoistre vn tel erreur de conte, il est à noter que S. Luc remarque entr'autres choses que *en l'an quinzieme de Tybere Cesar no-* *Luc. 3. 1. &*
stre Seigneur estoit trigenaire presque commençant. Et en *23.*

remarquant que nostre Seigneur commençoit l'an trentieme de son aage, tacitement il le distingue d'avec le quinzieme de Tybere, qu'il remarque par ce moyen n'estre pas pour lors commençant, Ains coarcté la fin dudit an quinzieme de Tybere, avec le commencement du trentieme de nostre Seigneur. Dont il s'ensuit que l'an vingtneuvieme de nostre Seigneur auoit eu son cours avec le quinzieme de Tibere, mais sur la fin d'iceluy, estoit arriué le commencement du trétieme du Seigneur. Dont sçachás qu'Auguste Cesar son predecesseur auoit regné cinquáte six ans, En reculant par les ans de Tybere & d'Auguste depuis le dit an vingtneuvieme du Seigneur, Nous trouuerons que nostre Seigneur fut nay en l'an quaráte troisieme d'Auguste & nō en l'an quaráte deuxieme d'iceluy. Et d'autant que nostre Seigneur est naj durát la vie & regne d'Herode, & qu'iceluy ne peut auoir regné sinon tout au pis aller iusques enuiron la Pentecoste dudit an quaráte troisieme d'Auguste, comme nous auons monstté cy dessus, Iesus Christ ne peut estre nay audit an en Decembre: Ains est necessaire qu'il soit nay auant la Pétecoste. Et si nous attribuōs quelque téps pour le voyage des Mages, & la felonnie d'Herode sur les petis enfans, & pour la fuitte de Ioseph en Egypte, Nous trouuerōs qu'il estoit necessaire que nostre Seigneur fut naj enuiron la Pasque. Et pour monstter que cecy n'a pas faute de raison prise de l'Escripture, Je prendray la naissance d'Isaach, par laquelle ie prouueray que nostre Seigneur deuoit naistre en la Pasque

Matt. 2. 1.

Matt. 2. 16.

Matt. 2. 13.

& estre circoncis enuiron le temps d'icelle, & estre baptisé au mesme temps, & mourir en mesme temps. Il est donc expedient de sçauoir qu'Isaach est appelé *la semence d'Abraham & Christ*, estant la figure de ceste semence en laquelle toutes les nations de la terre ont esté benites, à sçauoir Iesus Christ nostre Seigneur. *Iceuluy Isaach comme la figure du Messias, a esté mis sur l'autel pour estre sacrifié*, en signe & figure que le pere de celuy qui estoit figuré par luy, à sçauoir le pere de nostre Seigneur Iesus Christ, offriroit son fils pour estre sacrifié sur l'autel de la croix. Et est à noter que la confirmation de l'alliance apportée par la circoncision à Isaach, se rapporte tellement de tous points à la circoncision de nostre Seigneur, & est tellement la figure d'icelle, que l'alliance confirmée en Isaach est pour ceste cause dictée *estre confirmée en Christ*. Or la circoncision n'estoit pas l'alliance, Mais le signe de l'alliance, & la marque & arre & le seau de l'alliance. Ores que toutesfois le nom d'alliance ne luy soit pas esparagné, comme le nom de la chose signifiée est attribué au signe, ainsi que le nom de Christ à Isaach: Mais l'alliance qui estoit confirmée par la circoncision, estoit celle que le Seigneur feit avec Abraham, laquelle Dieu a continuée à ses enfans en les prenant par la main & les sortant hors d'Egypte, constituée au sang de l'Agneau de la Pâque. Pour ceste raison il a fallu que la Pâque ait esté celebrée en mesme temps que la circoncision d'Isaach. Dôt aussi Moysé remarquant le temps de l'issue

d'Egypte, qui estoit quatre cens & trēte ans apres la naissance & circōcision d'Isaach, remarque q̃ ces quatre cens & trēte ans estoient accōplis au mesme iour auquel les exercites du Seigneur sortirēt d'Egypte. Ce qui mōstre qu'iceux ans auoient esté cōmencez au mesme tēps en la circōcision d'Isaach, Isaach dōc estoit nay enuiron la Pasque. Et si Isaach figure de nostre Seigneur, & cōme tel, offert cōme vn agneau sur l'autel par son pere, a receu le signe de l'alliāce de l'agneau Legal de la Pasque, assauoir la circoncision, au mesme temps auquel l'agneau Legal de la Pasque fut immolé, à fin que toutes choses correspōdissent entr'elles par harmonie en la Loy Mosaique: Par mesme raison, celui qui est le vray Agneau de Dieu figuré par Isaach, assauoir nostre Seigneur Iesus Christ, doit auoir receu la circoncisiō en mesme temps auquel il deuoit estre immolé pour nostre Pasque, & baptisé au mesme temps, d'autant que le baptisme estoit la circōcision faite sans mains. Aussi voyons nous qu'il a esté nay en mesme temps auquel il a esté baptisé, parce qu'il est remarqué qu'il commençoit l'an trentieme de son aage au temps de son baptisme. La natiuité de nostre Seigneur estoit donc enuiron la Pasque de l'an quarante troisieme d'Auguste Cesar: Ce qui s'accorde avec ce qu'en escriit Clement historien au premier liure de ses Stromes, où il remarque que ceux qui ont le plus curieusement recherché la natiuité du Seigneur, l'ont assignée enuiron le vingt-cinquieme du mois que les Egyptiēs appellent *Pharmuthi*, qui correspond au mois d'Auril. Ce qui mon-

stre de combien est aneienne ceste obseruation , veu que Clement a escript son histoire enuiron deux cës & six ans apres la natiuité de nostre Seigneur, Ce qui estoit quelque temps apres la cinquieme persecution d'Asie contre les Chrestiens. Ainli Iesus Christ donc est nay enuiron l'entrée de l'an sacré. Et S. Iean Baptiste qui auoit esté conceu six mois deuant, auoit esté conceu au solstice hyuernal, qui estoit enuiron le mesme temps auquel on celebre pour le iourd'huy la natiuité du Seigneur, au mois de Decembre en l'an quarante- vnieme d'Auguste , & sa natiuité fut en l'equinoxe Automnal enuiron le mois de Septembre, qui est le commencement de l'an ciuil. On me pourroit toutesfois dire, que Iean Baptiste fut conceu en Septembre, & non pas nay, veu qu'il est dit que *Zacharie son pere estant sacrificateur estoit entré seul au temple, Et qu'il n'y auoit qu'une saison en l'an, qui estoit au septieme mois de l'an sacré & au commencement de l'an ciuil, en laquelle le souuerain sacrificateur entroit seul au saint des saints en la feste des tabernacles.* Sur quoy ie respõ, qu'il n'y auoit de vray que le souuerain sacrificateur qui y entratt, Mais Zacharie n'est pas mis en auant comme souuerain sacrificateur, ains cõme *sacrificateur de l'ordre d'Abia.* Et dauãtage, il est bien dit qu'il estoit entré au temple, Mais non pas au saint des saints . Parquoy cela ne peut establir la natiuité de S. Iean Baptiste en autre temps qu'en celuy auquel nous l'auons exposée , ny la natiuité de nostre Seigneur aussi.

Il y a aussi vn autre mesconte d'vn an touchant ladi-

te natiuité du Seigneur, procedant de la fausse situatiõ des Olympiades, Car au lieu que l'an quarâte-troisième d'Auguste Cesar est l'an de la cent nonante-cinquieme Olympiade, On estime q̄ ce fut l'an quatrieme de la cent nonâte quatrieme Olympiade. Ce qui peut estre prouué par vne remarque belle & notable faite par Phegon, qui a esté du tēps auquel nostre Seigneur mourut, & a remarqué ceste grãde Eclypse qui aduint en la mort du Seigneur, Et est à noter que ladite Eclypse n'estoit naturelle, Et n'aduint par l'interpositiõ de la Lune entre le Soleil & la terre: Car au cõtraire, elle estoit en son opposition, estãt en son plein au quinzieme iour de la Lune, A sçauoir le lendemain de la Pasque, qui estoit le quatorzieme iour d'icelle. Dõt nous pouuons conclurre qu'icelle Eclypse fut vnobscurissemēt arriuat au propre corps du Soleil qui ne pouuoit estre particulier, Ains general à tout nostre hemisphere. Iceluy Phegõ donc estãt habile supputateur des Olympiades suiuat le tesmoignage d'Eusebe, a remarqué q̄ ladite Eclypse aduint en l'an quatrieme de la deux cens deuxieme Olympiade. Laq̄lle remarque meritoit bien qu'Eusebe l'examinast mieux qu'il n'a fait. Ce que sil eust fait, il n'eust pas constitué l'an de la passion du Seigneur, En l'an troisieme de la deux cens deuxieme Olympiade, cõme il a fait, ains en l'an suiuat, qui estoit l'an quatrieme d'icelle Olympiade: Eten reculāt par les degrez desdites Olympiades, eust constitué l'an quarante troisieme d'Auguste Cesar, en l'an premier de la cēt nonātecinquieme Olympiade,

& non en l'an precedent cōme il a faict; & ainsi il n'y auroit mesconte que d'un an en la recherche des ans de la natiuité du Seigneur. Mais maintenant il y a mesconte dedeux ans. Premièrement en ce que nostre Seigneur est nay en l'an quarante troisieme d'Auguste, & n'on en l'an quarantedeuxieme d'iceluy. Et secondement, en ce que ledit an quarantetroisieme est constitué en la supputation ordinaire & vulgaire, en l'an quatrieme de la cent nonante quatrieme Olympiade, & non en l'an suiuant, premier de la cent nonante cinquieme Olympiade. L'an donques de la natiuité de nostre Seigneur, lequel iusques icy a esté estimé estre en l'an quarantedeuxieme d'Auguste, & l'an troisieme de la cent nonante quatrieme Olympiade, se trouue par ce moyen reculé iusques à l'an premier de la cent nonante cinquieme Olympiade, à sçauoir de deux ans.

La droicte place des Olympiades estant ainsi trouuée, il est aisé à verifier que la premiere Olympiade fut celebrée en l'an premier de Iotham Roy de Iuda suiuant noz precedentes supputations du dixneuuieme & tréntecinquieme chapitres precedens. Item refuter les fausses supputations de Iosephe touchât les Olympiades. Car puis qu'il est certain que l'an de la mort d'Herode, estoit l'an quarante troisieme d'Auguste, & l'an premier de la cent nonante-cinquieme Olympiade, Il s'en suit bien que l'an trente-septieme precedent, auquel Herode fut élu Roy par le Senat souz le Consulat de Cneius Domitius Caluinius &

Caius Asinius Pollio qui l'accompagnerent en l'offerre de ses hosties au Capitole, estoit l'an quatrieme de la cent oétante cinquieme Olympiade, & non l'an de l'Olympiade cent oétantequatrieme selon la supputation dudit Iosephe. Il dit aussi qu'Herode entra en Ierusalem quatre ans apres en la cent oétate-cinquieme Olympiade. Ce qui est faux. Car c'estoit, suivant le mesme stile, en l'an quatrieme de la cent oétante-sixieme Olympiade.

Ceste supputation ayant esté poursuiue iusques à nous, fait que nous contons l'an de la natiuité de nostre Seigneur mil cinq cens oétante deux, au lieu que nous tenons l'an mil cinq cens oétante. Ce qui peut aussi estre cognu, par ce que l'an du Seigneur trois cés vingt & neuvieme, est colloqué en l'an troisieme de la deux cens septante sixieme Olympiade en la Chronique d'Eusebe, la supputation de laquelle est aujour d'huy receüe de tous. Et neantmoins à conter depuis l'an premier de la cent nonantecinquieme Olympiade, qui est le vray an de la natiuité du Seigneur, iusques au susdit an troisieme de la deux cens septante-sixieme Olympiade, Il n'y a que trois cens vingt-sept ans. Eusebe donc qui en met trois cés vingt & neuf, se mesconte de deux ans. Et la supputation qui s'en est depuis ensuiuite iusques à nostre temps, laquelle est fondée sur la supputation d'Eusebe, se trouue (cōme nous auons dit) surabonder de deux ans. Et sans ceste animaduersion, ceste insigne association des planettes qui arriue en l'année prochaine sur la moitié d'une fai-

ne Saison prophetique, seroit mise hors de ses gonds. Car en premier lieu, l'an mil cinq cens octante & vn de la natiuité de nostre Seigneur, arriue sur le droict milieu de la seizieme Saison prophetique, Veu que c'est l'an du mode cinq mil cinq cens octante-vn. Si donc vous prenez cinq mil cinq cens octante ans, Et vous les mesurez par le temps de la Saison prophetique, à sçauoir par trois cens soixante, vous y trouuez quinze Saisons & demie. Ainsi donc l'an cinq mil cinq cens octante & vn de la creation, & mil cinq cens octante & vn de la natiuité du Seigneur, est le commencement de l'autre moitié de la susdite seizieme Saison. L'an suiuant donc auquel on tiendra mil cinq cens octante & vn, suiuant le style de nostre calcul exact, arriue sur la moitié d'une Saison prophetique, Et la susdite association des planetes aussi. Mais s'il estoit vray qu'on tint alors mil cinq cens octante-trois suiuant la supputation vulgaire, ladite constellation seroit desarçonnée de la droite place qu'elle a au poinct nommé de la moitié de ceste seizieme Saison, en estant esloignée de deux ans.

Fin du premier liure.





LA CHRONOLOGIE DE I.
DE FREGEVILLE,

LIVRE II.

Resolution de quatre questions qui semblent empêcher qu'on ne puisse dire que la fin du monde soit connue.

CHAP. I.



VSQVES icy nous auons faict la demonstration de quatre milans, compris depuis la creation du monde iusques à la natiuité de nostre Seigneur: S'ensuit maintenant la demonstration de deux milans, qui sont constituez depuis ladite natiuité de nostre Seigneur iusques à la fin du monde & à la generale resurrection des morts. Quelcun toutefois pourroit dire, que ces choses ne peuuent estre sceuës, veu qu'il y a quatre difficultez qui semblent empêcher la cognoissance du tēps de la fin du mōde.

O o ij

Sçauoir d'autât que le Seigneur a dit touchât ce iour
Marc 13. 32. & heure, *que nul ne le sçait, non pas les Anges qui sont aux*
cieux, ny le fils de l'homme, mais le Pere seul. Et dit d'auan-
Matt. 25. 13. tage, *Veillez, car vous ne scauez le iour ny l'heure en la-*
Act. 1. 7. *quelle vostre Seigneur viendra.* Et dit ailleurs, *Ce n'est*
point à vous de cognoistre les temps & les saisons que le
Pere retient en sa propre puissance. Et finalement, *que ces*
Marc 24. 22 *iours ont esté abregez.* Auquel toutesfois nous respon-
drons, que ces obiections n'empeschent pas la co-
gnoissance du temps de la fin du mode, & des ans de
la duree d'iceluy, la verité d'icelles questions demeu-
rant en son entier bien entendue. Car quand nostre
Seigneur dit à ses Apostres, *Ce n'est pas à vous de co-*
gnoistre les temps & les saisons que le Pere retient en
sa propre puissance, Il est besoin d'entendre ce qu'il
veut dire: Et pour ce faire, il faut sçauoir que c'est à
dire *en sa propre puissance,* & que c'est qu'une chose pro-
pre. Une chose est dite estre propre, quand elle n'est
point communiquée. cōme le ris est propre à l'hom-
me, & le hennissement au cheual: Car l'homme seul a
la faculté de rire, & n'est communiquée à aucun autre
animal, Et semblablement le cheual seul a la faculté de
hennir, & pour ceste raison le hennissement luy est
propre. Ce iour aussi & heure estoit en la propre puis-
sance du Pere, d'autant que ceste puissance n'estoit
communiquée aux Anges, ny au Fils, suiuant ce qui
est dit, que nul ne sçauoit ce iour & heure, non pas les
Anges qui sont aux cieux, ny le Fils, mais le Pere seul.
Ainsi rādis que le Pere retēnoit la cognoissance de ce

iour & heure, & des temps & des saisons, en sa propre puissance, ne l'ayant pas communiquee à celuy par le moyen duquel seul nous est manifestee la volôté du Pere, à sçauoir du Fils, Ce n'estoit pas à nous de le sçauoir. Mais voila que ie dy, que le Pere ne la retiét plus en sa propre puissance, ains l'a communiquee au Fils, voire pour la communiquer à ses seruiteurs. Parquoy il n'y a plus d'inconuenient à ses seruiteurs, ny d'empeschement de sçauoir ces temps & saisons que le Pere souloit iadis retenir en sa propre puissance. Et pour preuue de cela, ie prendray le commencement de l'Apocalypse, là où il est dit, *Reuelation de Iesus Christ, que Dieu luy a donnée pour monstrier à ses seruiteurs.* Car ceste reuelation qui luy a esté donnée pour monstrier à ses seruiteurs, est des temps & des saisons, laquelle il n'auoit pas en sa puissance en telle façon qu'il la leur peüst demonstrier. Car s'il l'eust eüe, elle ne luy eust pas esté donnée, Et il auoit toute autre puissance, ceste seule exceptee. Parquoy c'est celle qui luy a esté donnée en l'Apocalypse. Et pour plus claire intelligence de ce dessus, il est à noter, que quand Iesus Christ nostre Seigneur parle de ces temps & saisons, Il ne dit pas que le Pere les retienne en sa propre cognoissance, comme si le Fils ne les eust pas cogneuz. Car il n'y pouuoit auoir aucunes tenebres d'ignorance en celuy qui est le soleil & lumiere de science, à sçauoir Iesus Christ : Mais il dit, que le Pere les retenoit *en sa propre puissance*, denotât que c'estoit au Pere seul d'en pouuoir disposer. Aussi quand il est dit en cer-

endroit, que Dieu a donné ceste reuelation au Fils, il n'est pas simplement dit que Dieu la luy ait donnée, comme s'il ne l'eust du tout & absoluëmēt point eüe auparavant, Mais il dit, *qu'elle luy a esté donnée pour la demonstrier à ses seruiteurs*, monstrent que ce qu'il ne l'auoit pas precedemment, n'estoit pas à dire qu'il ne l'eust pour soy, Mais l'ayant, il ne l'auoit pas en sa disposition pour la pouuoir monstrier à ses seruiteurs. Et ainsi mesme entendons nous ce qui est dit touchant le iour & heure, que le fils de l'homme ne l'auoit pas pour le demonstrier à ses seruiteurs, c'est à dire qu'ores il en eust la cognoissance, il ne l'auoit pas pour la communiquer, d'autāt que le Pere en tenoit la reuelation en sa propre puissance. Maintēāt donc pour sçauoir quelles sont les choses qui ont esté données & mises en la puissance du Fils en ceste reuelation, Il conuient sçauoir, que nostre Seigneur apres estre ressuscité, parlant la premiere fois à les disciples,

Matt. 28. 18.

leur dit, *Toute puissance m'est donnée au ciel & en terre*. Et toutes fois parlant à eux depuis, à sçauoir en la derniere fois qu'il s'apparut à eux en Galilee auāt que mōter aux cieus, il en excepta la cognoissance des temps & des saisons, qu'il refusē leur demonstrier, disant, *que le Pere les retenoit en sa propre puissance*. D'oū nous cognoissons, que toute puissance estoit deslors dōnée au Fils, exceptē seulemēt la puissance de pouuoir demōstrer à ses seruiteurs le tēps & les saisons. Or souz le terme general des temps & saisons, est compris aussi la cognoissance de ce iour & heure, Tellement que le Pere

la retenoit en sa propre puissance avec les autres tēps & faisons. Si donc il est question de sçauoir quelle est ceste reuelation qui a esté donnée à Iesus Christ pour demonstrier à ses seruiteurs, c'est à dire, qui a esté mise en sa puissance pour en pouuoir disposer à l'endroit des siens, C'est ceste cognoissance des temps & des faisons laquelle il n'auoit pas, estant seulement en la puissance du Pere. Mais si l'on demande plus particulièrement, si la cognoissance de ce iour & heure est comprise parmy ceste reuelation? Le respon que non, attendu qu'il est dit, *Veillez, car vous ne scauez le iour ny l'heure en laquelle vostre Seigneur viendra*. Ce qui mōstre que la demonstration de ce iour & heure ne sera pas faite aux seruiteurs du Seigneur: Mais biē des autres temps & faisons que le Pere souloit retenir en sa propre puissance. Toute fois la cognoissance d'un iour & heure, n'empelche pas la cognoissance des ans & de l'an mesme auquel le Seigneur doit venir. Car en vn mesme an il y a plusieurs mois, & en vn mesme mois plusieurs semaines, & en vne semaine plusieurs iours & heures. On me pourroit neātinmoins objecter, qu'un iour en l'Escripture est pris quelque fois pour vn an, & qu'ainsi en cet endroit quand le Seigneur dit que ce iour ne sera pas cognu, il entend parler de l'an, & signifie que l'an de sa venue ne sera pas cognu. A quoy ie respon, que quand vn iour est pris pour vn an, iceluy est diuisé en mois, comme sont les iours des semaines ciuiles en la loy Mosaique, & ne sont pas diuisez en heures, Mais nostre Seigneur icy

ne disant pas seulement, Veillez, car vous ne sçavez le iour auquel vostre Seigneur doit venir, Mais disant plus specialement, *le iour ny l'heure*, monstre qu'il ne parle pas du iour si generalier qu'on le puisse prendre pour vn an. Ainsi donc l'ignoracion particuliere de ce iour & heure, ne peut empescher la cognoissance generale des autres temps & saisons que le Pere retenoit en sa propre puissance, cōme la cognoissance de l'an de la fin du mōde, qui est proposee au vingtieme chapitre de l'Apocalypse. L'on me pourroit toutes fois demander, A sçauoir mon si Iesus Christ a receu ceste cognoissance, entant qu'il est fils de l'hōme, ou entāt qu'il est fils de Dieu? A quoy ie respon, qu'il l'a receu entant qu'il est fils de l'homme, *comme aussi la puissance de faire iugement*, Et l'ayant receu entant qu'il est fils de l'homme, il l'a receu entant qu'homme. Car il n'est pas eternellement fils de l'homme, ny eternellement homme, mais il est eternellement Dieu fils de Dieu. Et entant qu'il est fils de Dieu & Dieu luy mesme, il auoit ceste puissance avec Dieu, mais nō pas entant qu'il est fils de l'homme, Tellemēt qu'entāt qu'il est fils de l'homme, il a eu ceste reuelation pour la demōstrer à ses seruiteurs. Et ainsi il n'appartenoit pas aux seruiteurs d'auoir ceste cognoissance, auāt qu'elle fust en la puissance du Fils. Mais estant dōnee au Fils pour la demōstrer à ses seruiteurs, il n'y a point d'incōueniēt q̄ les seruiteurs de Iesus ne le puissent sçauoir, veu qu'il n'est pas dit q̄ ce n'est pas à nous de sçauoir les choses que Dieu a données au Fils pour monstrier à ses seruiteurs,

teurs, les remettant par ce moyen en la puissance du Fils, Mais *celles que le Pere retient en sa propre puissance.* Parquoy tandis que le Pere les retenoit en sa propre puissance, ce n'estoit pas aux seruiteurs de le sçauoir. Mais depuis que le Pere les a remis en la puissance du Fils, il n'est plus defendu de le sçauoir: Ains au cōtraire, Dieu promettant de le monstrier à ses seruiteurs, ceux qui pourrōt trouuer vne telle cognoissance ont vn beau tesmoignage qu'ils sont des seruiteurs de Iesus Christ, Et ceux qui la refuseroient, ne se pourroient vanter d'estre des seruiteurs de Iesus Christ, auxquels vne telle demonstration est promise.

Quant à l'abbreuiation des iours, Elle ne peut prouidicier à la cognoissance de la duree du monde. Veu qu'elle ne se rapporte nullement à la fin du monde, ains aux choses qui doiuent aduenir aux Iuifs en ce temps cy. Car en premier lieu nostre Seigneur amene ceste abbreuiation en continuant son propos de Ierusalem & des Iuifs, Puis ayant proposé ceste abbreuiatiō, il dit cōsequēment, *Lors si quelcun vous dit, Voicy le Christ ou le voila, ne le croyez point.* Ce qui monstre Marc. 13. q̄ cela ne se peut rapporter à la fin du monde: Veu qu'à la fin du monde Iesus Christ apparoitra & se montrera Mat. 24. comme l'esclair, qui part d'Orient & se montre iusques en Occident: Tellement qu'à lors il faudra vrayemēt croire qu'il y sera. Parquoy nous pouuons rechercher ladicte abbreuiation, Et veoir ce à quoy elle se rapporte, car elle n'est pas malaisée à trouuer. Nous deuons dōc sçauoir qu'en l'Apocalypse, l'Eglise Israëlitique est Apoc. 12.

CHRONOLOGIE

proposée comme *une femme raïestue du Soleil, & ayant la Lune sous ses pieds* & *une couronne de douze estoilles*, ainsi que nous auõs desia touché en parlant des mois au liure precedent: Idelle donc est proposée & est predict, *Qu'elle demeurera au desert par vne saison, des saisons & la moitié d'une saison*: Daniel aussi tesmoigne, *Que le peuple d'icelle sera dispersé par vne saison, Des saisons & la moitié d'une saison*, Et au bout dudict terme la dispersion sera rassemblée. Or ceste mesure de temps comprenant vne saison, deux saisons, & la moitié d'une saison est exposée en Daniel, *par mil deux cens nonante iours*, qui se rapportent à trois ans ciuils, avecvn mois embolismique: Mais ces iours oraculaires, sont mil deux cens nonante ans, Au bout desquels la mesure dessus proposée, se trouue en l'Apocalypse abbregee de tout ce mois embolismique, à sçauoir de trente iours, c'est à dire trente ans: Tellement qu'au lieu des mil deux cēs nonante iours de Daniel, ladite mesure est exposée & dite estre, de mil deux cens soixante iours ou ans, durant lesquels ladicte Eglise persistrà au desert, c'est à dire en desolation. Ce qui monstre qu'au bout dudit terme, elle ne sera plus comme vne femme desolée & delaissee de son mary & espoux, ains conioincte avec iceluy avec l'Eglise Chrestienne: Dont au mesme tēps l'on verra de chascūe lignée d'Israël, *douze mille marquez*, ensuiuans le party de l'agneau. Mais leur dispersion ne sera rassemblée qu'en la fin des mil deux cens nonante iours de Daniel. Et ceste est l'abbreuiatiō des iours dont il est question. Or pour trouuer le droict temps

Apoc. 12.
Dan. 7

Dan. 12.

Apoc. 7.

de ces trois saisons & demie, Nous deuõs sçauoir que la desolation du peuple Iudaïque est aduenue au tẽps de la douzieme saison prophetique souz Vespasian, Ladiète saison estant desia bien auancée : Mais nous ne pouuons ordonner ces trois saisons & demie, si non au commencement de la suiuate, & fin d'icelle douzieme Saison: Veu que lescdites saisons doiuent estre ordonnées de rang, & non confondues & meslées l'vne parmy l'autre: Ainsi vn mois bien ordonné commence en la fin de l'autre, Et vne sepmaine en la fin de l'autre, Et les iours & ans de mesme, Et de mesme aussi les saisons. La saison donc plus prochaine apres ladite desolation est escheüe en l'an du Seigneur trois cens vingt & vn: Car si vous preñez tous les ans depuis la creation iusques audict an à sçauoir quatre mil trois cens & vingt, Et les diuisez par le nombre des ans contenus en la saison prophetique, à sçauoir par trois cens soixante, Vous y trouuerez douze saisons, Tellemēt que l'an suiuant quatre mil trois cens vingt & vn du mōde, Et du Seigneur trois cens vingt & vn, estoit le premier an de ces trois saisons & demie. Auquel temps si vous adioustez les mil deux cēs soixante ans de l'apocalypse, Vous paruiendrez à l'an mil cinq cens oētante & vn, Auquel an finira la desolation de l'eglise Iudaïque. Et si vous y adioustez les trente ans de Daniel qui surabondent, Vous trouuerez, que la dispersion des Iuifs sera ramassée en l'an du Seigneur mil six cens & vnze, suiuant la prophetie de Daniel. Toutesfois par les ans mil trois cens vingt &

vn, mil cinq cens octante & mil six cens vnze, Nous entendons les ans esquels selon la supputation vulgaire, on conte mil trois cens vingt & trois, mil cinq cens octante-trois, & mil six cens treize, suiuant ce que nous auons exposé en la fin du precedent liure. Suiuant cela, l'année prochaine, En laquelle suiuant la supputation vulgaire nous tiendrons mil cinq cens octante-trois, Et suiuant la supputation prophetique mil cinq cens octante & vn de la natiuité du Seigneur, est l'année de ceste abbreuiation de iours. En laquelle il arriue vne insigne association des planettes, Par laquelle les Astrologues ont voulu predire, Les aucuns le secōd aduenement du fils de l'homme, Les autres, autres insignes euenemēs. Les Iuifs aussi prēnent occasiō là-dessus d'estimer, qu'en icelle année le messias qu'ilz attendent encore, viendra, Et s'asseurent tellement là dessus, que cela donnera occasion à plusieurs d'entre eux de se presenter pour faire à croire que ce sont eux qui sont le Christ: En telle façon que suiuant la prophetie de nostre Seigneur, Alors que ceste abbreuiation aduiendra plusieurs faux Christs & faux prophetes s'esleueront & en seduiront plusieurs: Et feront signes & miracles, pour seduire les esleux mesme s'il estoit possible. A cause de quoy nostre Seigneur nous premunit & preaduertit, disant *Que si on nous dit, voicy le Christ ou le voila au desert, ou dans vn cabinet, que nous ne le croyons point,* Et que de vray le fils de l'homme viendra, Mais non pas alors: Mais ce sera en la fin du siecle, Auquel tēps viendra derechef, Et viendra comme l'esclair partant

d'Orient & se monstrant iusques en Occident. Voila la droite constitution de l'abbreuiation des iours, & le lieu où elle se rapporte, & non à la fin du mode. Tellement qu'elle ne peut preiudicier à l'entiere supputation du Siecle & aage du monde, ny empêcher la cognoissance d'icelle.

Exposition de mil ans, esquels Satan a esté en prison depuis la natiuité de nostre Seigneur.

CHAP. II.



R il y a deux mil ans, constituez depuis la natiuité de nostre Seigneur iusques à la fin du monde & generale resurrection des morts. Desquels nous amenerons la demonstration par le vingtieme chapitre del'Apocalypse, Auquel sont proposez iceux deux mille ans en ceste maniere. Premièrement y est proposée la natiuité de nostre Seigneur, representée parvn Ange descendant des cieux, depuis laquelle est proposé Satan mis en la prison de l'abyisme pour mille ans, Lesquels estans accomplis, les ames des fideles sont encor representées regnantes avec Christ mille ans, iusques à la generale resurrection du reste des morts. Lesquels derniers mille ans du regne des ames avec Christ, estans ioincts avec les precedens mil ans de la prison de Satan commençans à la natiuité du Seigneur, font deux mille ans, qui sont constituez

depuis ladite natiuité du Seigneur iusques à ladite generale resurrection des morts & la fin du monde. Le Theologien donc dit ainsi.

Et ie vey vn Ange descendant du Ciel, ayant la clef de l'abyfme, & vne grande chaine en sa main. Et print le dragon le serpent ancien qui est le diable & Satan, qui seduit toute la terre habitable, Et le lia pour mille ans. & le deiecta en l'abyfme, & ferma & seella sur luy, à fin qu'il ne seduisse doresnauant les gens iusqu'à tant que les mille ans soient accomplis. Apres il faut qu'il soit deslié pour vn peu de temps. Et ie vey des Thrones, & s'assirent sur iceux, & le iugement leur fut doné. Et les ames des descolez pour le tesmoignage de Iesus & pour la raison de Dieu, & qui n'ont point adoré la beste ny son image, & n'ont point pris son caractere en leurs frôts & en leurs mains, Et ont vescu avec Christ mil ans. Mais le reste des morts n'ont point reuescu iusqu'à tant que les mille ans furent accomplis. Ceste est la premiere resurrection; Bien heureux & saint est celuy qui a part en la resurrection premiere, En iceux la mort seconde n'a point de puissance, Mais seront sacrificeurs de Dieu & de Christ, & regneront avec Christ mille ans. Et quand les mille ans seront accomplis, Satan sera deslié de sa prison, & sortira pour seduire les gens qui sont sur les quatre coins de la terre, Gog & Magog pour les assembler à la bataille, &c.

Là où nous voyons, que deux mille ans sont designez depuis la descente de cet Ange descendant des cieux, iusques au temps de la resurrection, sçauoir mil ans de la prison de Satan, & mille ans subsequens du regne des ames avec Christ, lesquels estans accôplis la

Resurrection fera, d'autant que le reste des morts ne reuiura point que ces mille ans ne soient accomplis. Mais à fin que ces choses soient plus facilement entendues, il faut recercher pour voir qui est celuy qui est designé par cet Ange descendant des cieux, & quelle est ceste descente à laquelle il faille commencer ces deux mille ans. Et nous trouuerons, q̄ c'est Iesuchrist qui est représenté par cet Ange, & sa natiuité par la descente des cieux d'iceluy. Or il est notoire que *ceux Rom. 12. 6.* *qui prophetisent, doiuent prophetiser selō l'analogie de la foy,* c'est à dire que ceux qui interpretent les propheties, doiuent mesurer leurs interpretations selon la reigle *des raisons de la foy,* comme parle l'Apostre en la mesme *Epistre en laquelle il prescrit l'analogie. Rom. 10. 4.* Ainsi donc suiuant ceste regle nous pouuons cercher qui est celuy auquel cet Ange correpond par analogie, se rapportât à luy par similitude de raison. Or nous trouuerons qu'un Ange a raison avec un autre Ange, estās tous deux homogenées. Il est donc question de voir qui sont tous ceux ausquels ce nom d'Ange cōpete, pour choisir d'entr'eux celuy auquel cecy se peut rapporter par les autres circonstances de l'analogie.

Le nom d'Ange est vn mot Grec, & signifie *Messager*, & en Hebreu est dit מלאך (*malach*). Or c'est vn nō general appartenant generalement à quelcō que messager, soit de Roy, Prince, ou autre, cōme cela peut estre obserué en Moyse & plusieurs autres lieux de l'Ecriture, esquels le nom d'Ange est pris ainsi historiquement. Il est quelquefois pris didactiquement, & est

attribué premierement à l'Archange Christ , qui est
 appelé Michel, c'est à dire Dieu humble ou humilié,
Exo. 14. 19. lequel est aussi appelé Ange en l'Exode & autres
 lieux. Dauantage ce nom d'Ange est attribué aux ser-
 uiteurs & meslagers de Iesus Christ & sa parolle, En-
 tre lesquels il y en a qui sont esprits celestes , lesquels
 n'ont point de participation avec les corps terrestres.
 D'autres aussi d'entr'eux sont terriens, c'est à dire ha-
 bitans en terre comme pelerins : D'entre lesquels les
 vns sont sacrificateurs, prestres & Euesques , comme
 ilz sont pris ordinairement en l'Apocalypse ; Autres
Agg. 1. sont Prophetes, comme en Aggee , Eldras & Zacha-
1. Esdr. 1. rie. Sçachans donc qui sont ceux auxquels le nō d'An-
 ge est attribué, Il faut voir auquel d'entr'eux ces cho-
 ses se rapportent. Ce qui pourra estre cognu par les
 autres circonstances, sçauoir en regardant de trouuer
 vn d'iceux qui soit descēdu du ciel & qui ait les clefs de
 l'aby sme. Premierement donc il conuient noter qu'il
Matt. 28. 2. y a eu vn ange qui est dit estre descendu du ciel pour rouler
 la pierre qui estoit sur le monument du Seigneur, Mais il
 n'est pas dit que cet Ange eust les clefs de l'aby sme:
Apoc. 9. 1. Dauantage en l'Apocalypse est proposée vne estoille
 ou ange cheant du ciel, auquel fut donnée la clé de l'aby sme.
 Mais c'est autre chose de descendre, & autre chose de
 cheoir , Car celuy qui descend, descend volontaire-
 ment, Mais celuy qui chet, tōbe par cōtrainte. Outre-
 plus la clef ne fut pas donnée à cestui-cy pour fermer
 l'aby sme, mais pour en ouurir le puis. En Tobie aussi il
Tob. 8. 3. est proposé vn Ange qui a lié vn Daimon Asmodée,
 Mais

Mais il n'est pas dit estre descendu des cieux, ny auoir lié Satā le serpent ancien. D'ailleurs aussi les propheres anciens n'ont rien prophetizé qui deust estre fait par autres que par ceux de l'Eglise. Parquoy aussi le Theologien ne propose rien qui n'ait esté fait par ceux qui sont de l'Eglise, & d'entre ceux qui sont descenduz d'Eue mere des viuans & fideles. Car *Eue en sa premiere creation ayant esté appelée hommefse, comme prise de l'homme,* Gen. 2. 23. En la regeneratiō est appelée *Eue qui signifie viuante, comme estant mere de tous les viuans regenerex,* Gen. 3. 20. & la figure de l'Eglise, cōme si les fideles estoient enfans d'Eue, & les infideles de l'hommefse. Les anciens Prophetes donques ne representoient en leur propre personne sinon les choses qui deuoient estre faites par ceux de l'Eglise, cōme il y en a d'assez beaux tesmoignages en Ezechiel. Et s'ils vouloient figurer quelque chose qui deust estre faite par les estrangers ils les representoiēt en empruntāt les personnes des estrangers, cōme des Idumeens & Ismaelites, Ammonites, Moabites, & sēblables. En l'Apocalypse aussi le Theologien pour figurer les choses qui doiuent estre faites par des bons pasteurs & Euesques, q̄ l'Escripture honore du nō d'Anges, les represente par d'autres bōs Anges telz que cestui-cy descendant des cieux. Là où au cōtraire, pour figurer les choses qui doiuent estre faites par des faux docteurs, faux Prophetes, & seducteurs, elle les represente en la persōne des mauuais Anges, comme de Satan, de l'Ange ou estoille Absynthe cheate du ciel, & sēblables. Ainsi ce qui est fait par cet

CHRONOLOGIE

Ioh. 3. 13.

Mat. 28.

Iug. 13. 20.

Ange, ne peut estre rapporté à autre qu'à vn des pasteurs de l'Eglise, à sçauoir au vray & seul pasteur d'icelle, qui est Iesus Christ, Lequel aussi *est seul descendu des cieux, & seul monté és cieux.* Quelcun toutesfois pourroit demâder, cōment il se peut faire que Iesus Christ seul soit descendu des cieux, & seul monté aux cieux, veu que cet Ange duquel le Theologien parle icy est aussi descendu des cieux, & celuy *qui roula la pierre de dessus le monument du Seigneur, & que l'Ange qui apparut à Manoa père de Samson, est dict estre monté aux cieux ?* A laquelle question ie respon, qu'il y a deux sortes de descendre des cieux, & de monter és cieux. L'vne est locale, comme la descente de ces deux Anges dont l'vn est icy proposé, & l'autre descendit pour rouler la pierre de dessus le monument du Seigneur, Et l'a montée aux cieux de l'Ange qui apparut à Manoâ pere de Samson. L'autre sorte de monter & descendre des cieux, est dictée pour le regard de l'estat & dignité, de laquelle il est icy question. Car Iesus Christ seul, estant en degré de superceleste, a esté tellement humilié & s'est tellement abbaissé de son degré, descendant d'iceluy pour estre faict en forme de seruiteur & homme terrestre, qu'il en a encouru la mort, voire la mort de la croix, estant réputé non pas mesme comme homme entre les hommes, ains comme la hôte d'iceux. Et en ceste façon est entendu estre descendu des cieux, c'est à dire du degré de la dignité superceleste, au mespris contemptible des hommes terriens. Iceluy aussi seul

d'entre ceux qui ont eu forme d'homme terrien, est monté aux cieux d'une ascension de dignité, estant estimé estre monté aux cieux *en ce qu'il a receu un nom par dessus tout nom*, à fin que sous le Sainct nom d'ice-luy tout genoil flechisse, tant des celestes, terriens, que soubterrains. Ce qui doit estre ainsi entendu d'une descente & ascension de dignité, Veu qu'il ne peut estre entédu que Iesus Christ soit descendu d'une descente locale, attendu qu'au mesme tēps auquel il dit que le fils de l'homme estoit descédu des cieux, au mesme temps il le dit estre és cieux, Et qu'en somme en tout tēps les cieux & la terre ne le peuuent contenir. *Philipp. 2. Ieh. 3. 13.*

Au surplus cet Ange descendu des cieux, à sca- uoir Iesus Christ, a aussi les clefs de l'abyssme, d'au- tant *qu'il a les clefs de l'enfer & de la mort*, comme luy mesme le tesmoigne. C'est donques luy en la descen- te des cieux duquel Satan fut lié. Car c'est la natiuité du Seigneur en laquelle il fut fait Michel, c'est à dire, Dieu humilié, estant humilié en ce qu'il print la for- me de seruiteur, & du degré diuin & celeste descen- dit au degré humain & terrien, ores *quil n'eust pas réputé rapine d'estre fait Isothée*, c'est à dire, esga- lement, Dieu avec Dieu. Ainsi donc il faut que ce soit à sa natiuité que Satan ayt esté lié. Et de faict aussi, nous trouuons en l'Euangile, qu'en la nuit en laquelle le Seigneur fut nay, les Anges appa- rurent aux bergers, & disoient *Gloire entre les tres-hauts à Dieu, & en terre, paix*. Là où nous voyons que la paix fut publiée en terre au mesme *Luc. 2. 14.*

Apoc. 20. temps auquel nostre Seigneur est nay. Or la paix ne pouuoit estre publiée, que prealablement on n'eust lié Satan l'auteur de la guerre, lequel seduit toute la terre uniuerselle, pour assembler à la guerre les gens qui sont sur les quatre coins d'icelle. Parquoy il faut necessairement que ce soit en la natiuité du Seigneur, en laquelle fut le temps de ceste prison, que Satan ait esté enfermé & seellé en la prison de l'abyfme. La prison donc de Satan a persisté durant ces mille ans depuis la natiuité du Seigneur, durant lesquels il n'a point peu seduire les gens.

Quelcun toutesfois pourroit demander quelles sont les gens que Satan n'a point peu seduire durant ces mille ans, où qu'elle estoit la seduction de laquelle il ne les a point peu seduire. Or quiconques en voudra sçauoir la resolution, qu'il lise les choses qui sont dites consecutiuelement au texte, Et il trouuera qu'apres que Satan fut deslié de sa prison au bout des mille ans, il sortit pour seduire ces gens qu'il n'auoit point peu seduire és iours de sa prison, sçauoir les gens de Gog & Magog. Et la seduction de laquelle il ne les a point peu seduire durant lesdicts mille ans, est celle de laquelle il les a seduits apres, les assemblant à la bataille. Par cecy donc il cognoistra, que les gens que Satan n'a point peu seduire durant les mille ans de sa prison, sont les gens Gog & Magog; Et la seduction de laquelle il ne les a point peu seduire, est pour les assembler à la guerre; ayant esté enfermé en l'abyfme pour ceste cause speciale, sçauoir

à fin qu'il n'assemblast la guerre de Gog & Magog. Tellement qu'il pouuoit seduire les autres nations, mais non pas Gog & Magog, Et sil les seduisoit, ce n'estoit pas de ceste speciale seduction, sçauoir pour les assembler à la bataille. Telle donc est l'explication des mille ans de la prison de Satan. Lesquels estans cognuz, nous pouons marcher & nous acheminer à l'explication des mille ans du regne des ames avec Christ.

De mille ans du regne des ames avec Christ, à conter depuis l'an millieme de la natiuité du Seigneur iusques à la generale Resurrection.

C H A P. III.

LE Theologien dit qu'apres ces mille ans de la prison de Satan, Satan sera deslié pour vn peu de temps, Et que les ames des décolez pour le tesmoignage de Jesus, regneront avec Christ mille ans lesquels estans accomplis, le reste des morts reuiuront. Auquel lieu il semble eschoir vne difficulté & doute, A sçauoir si apres les mille ans de la prison de Satan, Satan sera deslié pour vn peu de tēps, durant lequel les ans du regne des ames des fideles ne comencent point, ains ayent leurs cours apres ce peu de tēps, Ou bien si ces mil ans du regne des ames avec Christ, doiuent estre conioints d'vn continuuel apres les mil ans de la prison de Satan. A laquelle questiō ie

respon que ces mil ans du regne des ames avec Christ doiuent estre continuellement conioints avec les mil ans de la prison de Satã. Ce qui peut estre cognu, par ce que le Thologien apres auoir descript la prison de Satan de mil ans, & dit qu'apres les mil ans Satan doit estre deslié pour vn peu de tẽps, ne poursuit pas l'explication de ce que Satan doit faire en ce peu de temps durant lequel il sera deslié, Mais s'achemine à l'expositiõ de ce regne des ames des fideles, lequel regne doit commencer au mesme temps a estre conté, & neantmoins l'exposition d'iceluy est de plus grãde importance q̃ l'explication de ce que Satã deuoit faire durãt ce peu de tẽps, qui est qu'il deuoit seduire les gens Gog & Magog pour les assẽbler à la bataille. Par quoy ayãt exposé le regne des mil ans des ames des fideles avec Christ, il reprẽt le mesme propos, & dit que Satan apres les mil ans de sa prison s'ottira pour seduire les gens Gog & Magog pour les assembler à la bataille. Ce qui monstre que ceste bataille de Gog & Magog, deuoit estre apres les premiers mil ans de la prison de Satan, & durant les derniers mil ans du regne des ames des fideles avec Christ.

Et pour monstre, que le temps des mil ans de la prison de Satan, & le peu de temps de sa solution, & le temps des mille ans du regne des ames des fideles avec Christ, ne sont pas trois diuers temps consecutifs, Ains qu'apres les mille ans de la prison de Satan, les mille ans du regne des ames des fideles doiuent estre coarctez avec les mille ans de ladi-

ete prison , & doiuent auoir leur cours deslors que Satan fut deslié : Nous poserons neantmoins que ce soient trois diuers temps , & que le temps de la solution de Satan, soit de cinq cens ans, durant lesquels il ait seduit les gens Gog & Magog, tellemēt qu'apres les mille ans de la prison de Satan s'ensuiuent les cinq cens ans de sa solution , durant lesquels il ait seduict les gens Gog & Magog. Ainsi ce seroient quinze cens ans depuis la natiuité du Seigneur , Apres lesquels s'ensuiuroient encor mille ans du regne des ames des fideles avec Christ. D'où il s'ensuiuroit selon ceste hypothese, que la generale Resurrection seroit constituée en l'an deux mille cinq cens apres la natiuité du Seigneur. Mais sil estoit ainsi , il s'ensuiuroit que le Theologien auroit grandement peruertey l'ordre. Car apres les mille ans de la prison de Satan , ayant dict que Satan sera deslié pour vn peu de temps , à sçauoir par les cinq cens ans de nostre hypothese , il faudroit que deslors il eust expliqué ce qui deuoit estre fait durant iceux , à sçauoir la seduction de Satan de laquelle il a seduict Gog & Magog , Et apres auoir expliqué ce qui auroit esté fait en ce second espace de temps , il pourroit exposer le troisieme terme, sçauoir celuy du regne de mil ans des ames des fideles avec Christ. Mais cela ne seroit nullemēt bienseant, d'exposer le premier terme de la prison de Satan, & entamer le second de la solution d'iceluy, puis sans l'exposer s'enuoler au troisieme, & apres auoir expliqué le troisieme, s'en reculer à l'ex-

positiō du secōd. Laquelle chose ne se pourroit faire, sansvne confusion Babylonique, du tout abhorrente du stile Prophetique. Parquoy l'hypothese est fausse. Dont à bon droict nous concluons, qu'apres les mil ans de la prison de Satan, le regne des mille ans des ames des fideles doit estre conioinct & coarcté avec les mille ans de la prison de Satan, pour estre continué d'un mesme fil apres iceux, Et que durant les mille ans du regne des ames des fideles, Satan d'un autre costé seduillant les nations Gog & Magog, les a neantmoins assemblez à la bataille. Ainsi ces deux mille ans depuis la natiuité du Seigneur, ont leurs cours & sont constituez iusques à la generale Resurrection & fin du monde.

Des ames des décollez pour le tesmoignage de Jesus, & des significations de l'ame, ensemble des parties essentielles de l'homme.

CHAP. IIII.



R il est besoin d'enquerir quel est ce regne des ames des fideles. Ce qui ne peut estre cognu, que prealablement nous ne sçachions quelles sont ces ames des décolez pour le tesmoignage de Jesus, & en somme que c'est que l'ame des fideles, & quelles sont les parties essentielles de l'homme. Nous donc rechercherōs quelle est l'essence de l'homme par les parties d'iceluy.

Il con-

Il conuient donc ſçauoir, qu'il y a en l'homme deux eſſences ou ſubſtances, dont l'vne eſt celeſte, incorporelle, & immatérielle, qui eſt l'eſprit d'iceluy, Et l'autre eſt élémentaire. L'eſſence élémentaire de l'homme, cōprenant deux ſubſtances d'iceluy, deſquelles ſont compoſées deux parties d'icelle : L'vne eſt aérée, qui eſt l'eſſence & ſubſtance de l'ame, L'autre eſt le corps, qui eſt vne ſubſtance terreſtre. D'où il ſenſuit qu'il y a trois parties eſſentielles en l'homme, ſçauoir l'eſprit, l'ame, & le corps.

Moÿſe en la narration de la creation, fait mention de ces trois parties au meſme ordre auquel chacune d'elles a eſté créée, diſant, *que Dieu a créé Adam*, c'eſt à dire, *le corps d'Adam ſans ame*, ainſi qu'Eſdras l'expoſe. Puis dit, *que Dieu inſpira en la face d'iceluy, eſprit de vie*, lequel eſprit eſt l'entendement immortel d'iceluy ; Et puis dit, *qu'Adam fut fait en ame viuante*. Ce qui denote que Dieu auſſi auoit créé l'ame viuante en iceluy : laquelle ame quād le corps meurt, ſ'eſuanoüiſt en l'air. Sainct Paul aſſigne les meſmes parties à l'entier de l'homme, toutesfois il les diſpoſe autrement, à ſçauoir ſelon l'ordre de la dignité, préférant touſiours la plus excellente aux autres moins dignes, diſant, *Et le total de voſtre eſprit, ame, & corps, ſoit conſerué ſans macule à la venue du Seigneur*. Là où il uſe d'un mot *ὁλόκληρον*, qui ſignifie un tout ou entier accompli de toutes ſes parties eſſentielles, tel qu'eſt le total de l'homme compoſé d'eſprit, ame, & corps. Il met donc l'eſprit le premier en rang, comme le plus excellent, & l'ame après, comme

secondant l'esprit, & deuantant le corps, auquel elle doit estre preferee, puis le corps est mis tout le dernier, comme inferieur.

Or le corps de l'homme, est comme vn domicile terrien & vn tabernacle, auquel l'esprit celeste d'iceluy est estimé resider cōme pelerin. Iceluy corps fut creé de la terre, laquelle est dicte en Hebrieu *Adama*, de laquelle aussi Adam a pris son nom, à cause de son corps terrien. Pour ceste raison aussi S. Paul appelle le premier Adam *Pouldrin*, l'opposant au second Adam celeste. D'iceluy aussi parle l'Escripture, disant qu'*Adam est pouldre, & retournera en pouldre*. Car en la mort de l'homme, le corps de terre se corrompāt retourne en la terre, tant que de *corps animal*, tel qu'il est estant semé en ce monde, estant resuscité apres la generale corruption de la mort, il soit conuertī en *corps incorruptible & spirituel*.

Quant à l'ame, c'est vn soufflé ou vapeur aérée ou de la nature del'air, prouenant du sang, & espandue avec le sang par tout le corps, par laquelle la lampe vitale est comme allumee, & le corps est prouoqué à toutes les facultez, fonctions, & affections animales. Lesquelles choses peuuent estre demonstrees, par ce que l'ame signifie soufflé ou haleme, & que l'ame est sang & est au sang. Ce que toutesfois estant dit de l'ame de toute chair, on pourroit penser que l'ame de l'homme en fust exceptee, s'il n'estoit expressément specifié que l'ame de l'homme est sang, aussi bien que l'ame des autres animaux. D'où il l'ensuit, que l'essence de l'ame de l'homme est telle que l'essence de l'ame

de la beste, estant de mesme materielle, aëree, & sanguine. De là aussi s'ensuit, puis que l'ame est sang, & que l'homme est nay des sangs, c'est à dire du sang spirituel. *Iean 1. 3.* matricielle de l'homme & de la femme, que l'ame engendre & est engendree en l'homme, comme aux autres animaux. Pour ceste cause aussi, Dieu n'est pas appellé pere des ames, ores qu'il soit dit *pere des esprits*. *Heb. 12. 9.* pource que ce sont les peres charnels qui engendrent l'ame. Nous pouuons aussi colliger des choses deuant dites, que l'ame s'en retourne resuscitant & dissoluant en l'air, estant de la nature d'iceluy, de mesme & par mesme raison que le corps pris de la terre, en mourant retourne à icelle. Pour ceste cause, Tobie prie Dieu, *qu'il vueille commander que son esprit soit receu en haut, à fin qu'il soit dissout & soit fait terre*, denotant qu'il espere que son esprit sera receu en haut des mains de Dieu, & quant à soy, qu'il sera dissout, c'est à sçauoir son ame sera dissoute resuscitant en l'air, & le corps sera fait terre. Suiuât cela aussi, Samson dit, *Que mon ame meure avec les Philistins*. D'où aussi l'homme animal est estimé enuers Pierre & Iude Apostres, *ne differer en rien de la beste ou animal irraisonnable*. Pareillement enuers Dauid, *l'homme sans l'intelligence est accômparé à la beste*: laquelle intelligence est la partie spirituelle, de laquelle il est temps de parler. *2. Pier. 2. 12.* *Pse. 49. 21.* *Pse. 32. 9.*

L'esprit donc est vne essence immatérielle, intelligible, tressimple, pure, & immortelle. Et tout ainsi que l'essence de l'ame de l'homme, n'est en rien differente

de l'essence de l'ame de la beste: Ainsi l'essence de l'esprit de l'homme, n'est en rien differéte de l'essence de l'esprit des Anges. Ils different toutesfois, cōme vne espee nuë differe d'auec celle qui est dās vn fourreau: car vne espee qui est enguainée, ne peut couper, estāt retenue par sa gaine. Ainsi en est il de l'esprit de l'homme, lequel est de mesme retenu par la guaine de son corps, pour ne pouuoir auoir ses operations si trenchantes, libres, & agiles, comme l'esprit de l'Ange, qui n'est retenu par aucun empeschemēt à ce qu'il ne produise ses fonctions & deuës operations. Ou bien l'esprit de l'hōme, peut au regard de l'esprit Angelique, estre cōparé à la tortuë, laquelle semble porter sa maison sur son dos, pour laquelle chose aussi ses mouuemēs sont bien fort lourds & tardifs, au respect des autres animaux qui ne sont chargez d'vn tel empeschemēt. Ainsi l'esprit de l'homme ayant les espaulles aggrauées du fardeau de sa coquille terrestre, n'a ses mouuemens si libres qu'est le mouuement de l'esprit des Anges. Ainsi donc l'esprit de l'homme est different de l'esprit de l'Ange, pour le regard des facultez & operations, & non pour le regard de l'essence. D'où aussi le Seigneur enseigne, *qu'en la resurrectiō*, alors que ce qui est de corruptible en l'hōme sera peri & conuertī en incorruptible, & ce qui est d'animal sera changé en spirituel, *les hommes serōt semblables aux Anges*. L'essence donc des esprits, est vne essence intelligible, pure, & insubtile, ainsi que nous auons dit ey deuant, & qu'il peut estre prouué par la Sapiēce de

Salomon. D'avantage, les esprits sont immateriels, *n'ayans chair ny os*, ainsi que le Seigneur le tesmoigne. *Lue 24.39.* Ce qu'estant dit generalement de tout esprit, peut estre particulierement attribué à l'esprit de l'homme, comme à tous autres esprits des Anges, tant bons que mauvais. Mais cela ne peut estre dit de l'ame, d'autant qu'encor qu'elle ne soit chair ny os, elle est toutesfois estimee auoir os & chair, estant sang, & estant la semence de la chair & des os, & generalement de tout l'homme. Là où au contraire, l'esprit, qui ne communique point à la chair & aux os, est immateriel. Or ayant dit cy dessus que l'ame de l'homme engendroit & estoit engendree, on pourroit aussi demander, A sçauoir-mon si l'esprit a son origine traductiue estât transferé de pere en fils? A laquelle question Moyse respôd, *que Dieu a inspiré esprit de vie en la face de l'homme*. *Gen. 2.7.* c'est à dire, que l'esprit de vie qui est en la face de l'homme, est doné de Dieu, & non prouenu de quelconque matiere. On pourroit toutesfois estimer, que l'esprit d'Adam ait esté donné de Dieu, d'autât qu'Adâ n'auoit point d'autre pere, mais que ceux qui sont nais d'Adam tiennent leur esprit de luy. A quoy ie respon, que l'ame de l'homme est bien engendree par l'homme en l'homme, à sçauoir par le pere au fils, d'autât que l'ame aussi est materielle & elemetaire, & prouenu en Adam des elemens & de la matiere dont il a esté formé: Mais quât à l'esprit que Dieu luy a donné, il n'est prouenu en luy d'aucune matiere: Aussi n'a il son origine traductiue de pere en fils, ains Dieu seul.

en est l'auteur, & pour ceste raison est appellé *Pere*
des esprits: car aussi le nom de *Pere* signifie auteur en
 l'Écriture. Outreplus Salomō tesmoigne, que Dieu
 a donné l'esprit à tout homme, dont aussi *au deces d'i-*
celuy l'esprit retourne à Dieu qui l'a donné, tellemēt qu'il
 n'est pas esteint avec le corps. Telle donc est l'expli-
 cation de l'essence de l'esprit, de l'ame, & du corps de
 l'homme. laquelle pourra apporter grāde lumiere au
 Lecteur, pour l'intelligence de beaucoup de lieux ar-
 duz & difficiles de l'Écriture. Il est donc temps de
 passer outre, & nous acheminer à l'exposition des fa-
 cultez & affections de chacune de ces parties.

Des facultez exterieures de l'ame.

C H A P. V.

LE corps à par-soy n'obtient aucunes fa-
 cultez, ains est le subiect de chacune des
 facultez de l'ame. car l'ame exerce ses fa-
 cultez au corps. Pour laquelle cause aussi
 le corps a les sieges de chacune des facultez de l'ame,
 & les organes ou instrumens d'icelle. Car en premier
 lieu, en la teste & au cerueau est la faculté du sens &
 mouuement local, & des notions, laquelle est esparse
 par les nerfs en tout le corps. Ce sont les facultez des-
 quelles parle le Psalmiste au Pseaume *115.* là où il ex-
 plique les cinq sens de *l'ouye, venē, odorat, goust, & at-*
touchemēt, & du mouuemēt local, qu'il exprime souz
 le nom de la faculté qu'il appelle *de courir des pieds*: Et

le parler de la bouche, qui procede de l'abondance des notions qui esmeuent le cœur, à ce que de l'abondance du cœur la bouche parle. En second lieu, la faculté vitale a son siege au cœur; laquelle est dilatee par les arteres par tout le corps. Là mesme est le giste & residence de la faculté appetitiue. Le nom de l'ame est souuēt ysurpé en l'Ecriture pour exprimer ces deux facultez du cœur, sçauoir de la vie & de la volôté, veu que l'on prend l'ame souuent pour la vie, & souuent pour la volonte. Pour ceste raison, les pectoraux, qui sont les ornemens que l'on souloit porter sur la poitrine, sont appelez *Maisons de l'ame*, d'autant que l'ame, qui consiste en la vie & volonte, semble faire sa residence dessouz iceux en la poitrine. Isa. 3. 20.

La faculté nutritiue a son rendez-vous au foye, & de là est distribuee par les veines par tout le corps. Telle donc soit la generale cognoissance des organes & instrumens du corps qui seruent aux facultez animales. Si quelcun toutesfois demâde l'investigation plus exacte d'iceux, qu'il cherche chez les anatomistes & medecins, ausquels nous en laissons le soin & cure, d'autant que nous selon nostre proiect, cerchons tant seulement les choses qui seruent à la cognoissance Theologale de l'ame & de ses facultez, à l'investigation desquelles nous nous acheminerons, estans ainsi premuniz de la generale cognoissance de leurs sieges & instrumens.

Il y a donc deux facultez de l'ame: l'vne exterieure, & l'autre interieure. La faculté exterieure de l'ame,

peut estre dite charnelle, d'autant que par elle l'ame exerce ses operations en la chair. Et y en a deux especes: l'une vegetative, & l'autre sensitive. La faculté vegetative de l'ame, comprend les facultez de nourrir & engêdrer, Et la faculté de nourrir en comprend encore autres deux, à sçavoir d'accroistre, & conseruer. Ceste faculté vegetative est commune aux plantes & animaux, Et aux animaux consiste au foye.

La faculté sensitive, est celle pour raison de laquelle l'ame mesme est appelée sensitive, Et est propre aux animaux, n'estant communiquée aux plantes. Et estant prise generalement, preside au cerueau & au cœur. Ceste faculté de l'ame qui preside au cœur, comprend souz soy deux autres facultez: l'une est la faculté vitale, laquelle est dilatée par les arteres par tout le corps, & gouuerne le mouuement continuél, que les Grecs appellent *ἐνδελεχίας*, c'est à dire, de endelechie ou continuité, ou de continuelle agitation. L'autre est la faculté appetitive, laquelle comprend le soin que les Grecs appellent *φρόνημα*. Et y en a de deux sortes, dont l'une comprend le soin d'ensuiure les voluptez, & l'autre, de fuir les douleurs. La faculté qui preside au cerueau, est celle qui est dite proprement & specialement sensitive, car elle comprend les cinq cens de la veüe, ouye, odorat, goust, & attouchemēt, & le mouuemēt. De laquelle la generale faculté sensitive a pris sa denomination.

La faculté interieure de l'ame, est celle que les Grecs appellent *λογιστική*, qui comprend la raison & la parolle,

veu

veu que λόγος signifie l'un & l'autre. D'où vient qu'il y en a deux especes: L'une est la faculté meditative ou contemplative, L'autre est la faculté enunciativue. La contemplative, comprend les notions & la memoire. La notion, est la generale notice & cognoissance de quelque chose. Et y en a de deux façons: l'une est proprement dite Raison: l'autre est l'Opinion, laquelle impropremēt quelquefois usurpe le nom de Raison, laquelle toutefois on appelle persuasive, à la differēce de la vraye raison dont les notices sont apodictiques. La raison donc, est vne notion discrete, acquise par la vraye cognoissance des causes. Icelle comprend l'apprehension & le iugement. L'apprehension, est vulgairement appelée Sens commun. Icelle comprend la generale notice & cognoissance des choses, Puis le iugement les poise comme à la balance. Iceluy comprend la discretiō, & separatiō. Celuy est estimé auoir la discretion, qui discerne bien les choses qui luy sont presentees par l'apprehēsiō. La separation, diuise les choses discernées & distinguees par la discretiō, & les ayāt separees les eslit ou reiette, c'est à dire reprouue. D'où vient l'election, & reprobation. L'Opinion, est vne notion indiscrete, acquise par la seule apprehension. La memoire, est comme le grenier du reuenu de la raison, & comme le coffre de son thresor, d'autant qu'elle garde & conserue les choses qu'elle a vne fois apprehendees, & sil est besoin discernées. Celle qui prouiēt de la vraye raison, ne s'escoule pas volōtiers, d'autāt qu'elle a la cognoissance des causes: Mais celle

contemplation, non dela vraye viande d'une science solide, mais du vent d'une opinion friuole, *sont dits se repaistre en songe*, & cōparez à ceux lesquels en dormant songent qu'ils mangent & boient, puis quand ils sont esueillez, leur ame est affaïmee & seiche de soif. Or la discretion, est comparee à la rumination: *Leuit. 11.* D'où nous pouuons entendre que c'est que le Seigneur nous veut enseigner, nous declarant *qu'il estime les brebis, bestes nettes, d'autant qu'elles ruminent & ont l'ongle diuisé*. Car par cela nous sommes instruits, que les brebis du Seigneur, voire les brebis de la maison d'Israël, qui sont les fideles, doiuent ruminer la viande que le Seigneur leur offre, c'est à dire, peser avec iugement & discretion sa doctrine. Les bestes immundes donc lesquelles ne ruminoint point, figuroient l'entendement peruers & destitué de iugement des infideles, lesquels n'ont point cognu la Parolle & Raison de Dieu, mais parlét de Dieu & de ses mysteres par vne opinion indiscrete. Toutesfois les bestes *qui ruminent & n'ont point la separation de l'ongle, estoient declarees immundes*, aussi bien que celles qui ne ruminent point. Ce qui denotoit que ce n'est rien de bien ruminer, cognoistre, & discerner vne chose sainte, si la separatiō n'est iointe avec la discretion, laquelle separation cōprend l'election, & reprobation. Car ce n'est rien de cognoistre le bien & le mal, si on ne paruiét par ceste cognoissance à eslire le bien pour l'ensuiure, & reprouer le mal pour l'euitier & s'en destourner. Quant à la faculté generatiue, l'ame est

Isa. 26. 18.

dite par vne faculté interieure. conceuoir , quand elle excogite , premedire , & complotte quelque chose, Et quand elle l'exprime ou de parolle ou de fait ; elle est dite enfanter : Mais elle est dite *conce-
noir le vent*, *Et enfanter la vanité*, quand elle con-
çoit l'opinion , ou l'enfante la produisant & met-
tant en auant, ou quand elle conspire le dol & le
mensonge. Quant à la faculté interieure de l'ame
qui est accomparee à la faculté sensitiue exterieu-
re d'icelle, elle est entendue de mesme comme la fa-
culté exterieure, presider au cœur & au cerueau. Cel-
le qui preside au cœur , comprend deux facultez,
à sçauoir le mouuement & l'affection. Et tout ainsi
que le mouuement continuel du cœur agit perpe-
tuellement les arteres, Ainsi le cœur est estimé auoir
des mouuemens animaux interieurs, desquels les vns
sont propres & conuenables à nature, comme l'esper-
ance, l'amour, & semblables, les autres sont contrai-
res & repugnans à nature, comme la crainte, le cour-
roux, & la haine. Selon ces mouuemens l'homme est
dit *se mouuoir à courroux, haine, crainte, amour, Et es-
poir*. Et ceux qui ensuiuent tels mouuemens, d'autant
que par le mouuemēt des pieds en l'Escripture synec-
dochiquement est entendu tout espece de mouue-
ment, sont dits *cheminer selon la chair*, pour autant que
tels mouuemens sont excitez par la concupiscence
charnelle, laquelle est coniointe avec la seconde fa-
culté interieure de l'ame colloquee au cœur, qui est la
faculté appetitiue, de laquelle il y a deux especes: l'v-

Item. 8. 1.

2. Cor. 10. 2.

ne est la concupiscence, l'autre, la volonté. La Concupiscence, est vn appetit indiscret, violent & ardu, qui procede de l'opinion, Et cōprenent deux affectiōs ou soins, L'vn est de la ioye & volupté, l'autre de la tristesse & angoisse. De ces affectiōs procedēt les mouuemens de l'ame dessus exposez, à sçauoir la haine, le courroux, & la crainte, *desquels aussi naissent les guerres* 149.4.
& dissensions, cōme tesmoigne S. Iacques. Quant à la volonté, c'est vn appetit discret & attrempé, procedant de la raison. Telle est la volonté matrimoniale & coniugale, qui conioint l'homme avec la femme, laquelle est appelée *la volonté de l'homme* *& de la* 149.1.
chair, pource que c'est vne volōté charnelle de l'homme. Or la volonté est differente de la concupiscence, en ce que la concupiscence n'est pas regie de la raison, mais de l'opinion, & la volōté est conduite par la raison: Et d'auantage la cōcupiscence est vn appetit violent & bouillonnant, & la volonté est temperée. La Concupiscence avec sa violence feruide, tasche ordinairement à surmonter & suppediter la volonté: Mais tout ainsi que l'opinion ne peut subsister en la presence de la raison alors qu'elle se met en auant & se monstre en face, non plus que les estoiles du ciel en la presence du iour, Ainsi la Concupiscence, qui n'est autre chose qu'un rayon nocturne de l'opinion, ne peut durer en celuy qui est vrayement hōme, c'est à dire qui a l'usage de la raison, alors qu'il a sa volonté bien esclairee des rayons journaliers du soleil de sa raison. Ce qui peut estre cognu par l'exē-

ple d'un hōme malade, atteint & abbatu de l'ardeur d'une grosse fièvre, lequel estant grandement alteré, conçoit vne opinion par laquelle il pense & se promet par beaucoup d'eau esteindre le feu & ardeur de sa fièvre, & satisfaire à son alteration insatiable. Ce qui fait qu'il ne demande qu'à boire de moment en moment. Auquel neantmoins le medecin par les raisons de son art monstrant le peril de la mort où il se met par trop boire, par ce moyen contraindra sa concupiscence à obeir à sa volonté, en se contentant d'un boire moderé, & accommodé à l'estat de sa cōdition presente. Ainsi donc la Concupiscence doit ceder à la volonté, & l'opinion à la raison, à fin que par ce moyen l'homme dompte les mouuemens de son cœur, comme la haine, le courroux, & les meurtres & discordes prouenans d'iceux. Dont l'Apostre n'ait plus de quoy se complandre, disant, *D'où viennent les guerres, sinon des voluptez qui regnent en voz membres? Et derechef, Adulteres & adulteresses ne scauez vous pas que l'amitié de ce monde est inimitié deuant Dieu.* Car les guerres, meurtres, & adulteres, ne procedent d'ailleurs que de ceste commune fontaine de la Concupiscence.

149.4.

Où nous auons dit cy dessus, que la faculté interieure de discourir qui est en l'ame, correspond par vne analogie allegorique avec la faculté exterieure sensitive d'icelle, laquelle preside au cerueau & au cœur. Et desia nous auons expédié celle partie de ceste faculté qui preside au cœur, & auons expliqué son ana-

logie. Il reste donc que doreſnauant nous voyons comment la Ratiocination eſt comparee avec ceſte faculté de l'ame de laquelle le ſiege eſt au cerueau, exerçant illec ſes fonctions & operations, & laquelle auſſi eſt proprement dite ſenſitiue. Comme donc nous auons dit que la faculté du ſentiment & mouuement local eſt contenue au cerueau, Ainſi attribuons nous au cerueau le ſentiment interieur & le mouuement interieur qui correfpond au mouuement local, Lequel l'Eſcriture comprend ordinairement ſouſ la faculté de courir. Ainſi la renommee procedant de l'enunciatiue, eſt dite auoir couru & ſuiu toute vne région. Suiuât cela auſſi l'Eſcriture dit que les cieux racontent la louange de Dieu, dont leur ſon eſt iſſu *Pſe. 19.* par toute la terre, Et leur parole iuſqu'aux fins du monde. Et ailleurs l'Eſcriture dit, Bien-heureux ſont les pieds de *Nomb. 1.* ceux qui annoncent la paix, qui euangelifent choſes bonnes. *Rem. 10. 15.* Là où nous voyons, que les narrations enunciatiues ſont comparees à la faculté du mouuement des pieds, Et la faculté de diſcourir, à l'habilité de courir. Les cinq ſens auſſi ſont generally comparez à la diſcretion. D'où vient que l'Apoſtre parle de ceux qui ont les ſens exercitez à diſcerner le bien Et le mal. *Heb. 5. 14.* Toutesfois la veüe & l'oüye en quelques endroits ſont priſes ſpeciallement pour l'apprehenſion, comme au Geneſe, là où il eſt dit, qu'Eue vid l'arbre de ſcience de *Gen. 3.* bien & de mal, qu'il eſtoit propre pour acquerir ſcience: Car elle l'a veu ſans diſcretion, prononçant ſon aduis d'iceſuy ſelon ſon opinion, & non ſelon la vraye raiſon,

veu qu'elle contredifoit à la vraye raison de la Parole de Dieu . Mais quelquefois il est requis vne plus exacte interpretation de l'ouye & de la veüe, Là où elles sont prises pour la discretion, principalement és choses spirituelles. D'où vient que Iob dit, que *l'oreille esprouue les paroles*. Les autres sens, sont presque par tout vsurpez pour la discretion ; Et particulierement l'odorat s'attribue la faculté de iuger & discerner la reconnaissance d'un cœur non ingrat d'avec l'ingratitude. D'où vient que les actions de graces rendues à Dieu d'un cœur esloigné d'ingratitude, sont dites *luy estre en odeur de bonne senteur*. Ainsi le bon bruit & renom de louange acquis par le bien-faict, est comparé à la bonne odeur & souefue : Et au contraire, le mauuais renom & infame d'un homme maluersant ou ingrat, est comparé à la puanteur. Suiuant laquelle façon de parler, les enfans de Iacob ayans diffamé leur pere enuers les habitans de la terre ; par le meurtre des Heuiens avec lesquels leur pere auoit contracté alliance, Iacob leur dit, *Vous m'avez troublé, & rendu puant aux habitans de la terre*. L'odeur donc comme nous auons dit, est mise en auant pour représenter la discretion d'un cœur ingrat d'avec celuy qui est esloigné d'ingratitude. Le goust, discerne la douceur d'avec l'amertume. D'où vient que Salomon dit, que *le miel est doux au gosier*. Il discerne donc la chose douce d'avec l'amere, c'est à dire, la chose ioyeuse d'avec la triste. tellement que Salomon veut, que *la science de Sapiëce nous soit douce comme miel*, c'est à dire ioyeuse & agreable.

Iob 12.

Gen. 34.

Pro. 24.

agréable. L'espreeue des parolles, est aussi cõparée en Iob, au goust des viâdes. L'atouchemēt discerne *Iob 12.* *Apoç. 3. 16.* premēt la charité & le ze. Car il discerne l'hõme feruent en la charité & ze, d'auec le froid, & le tiede d'auec le froid & bouillant . Par routes lesquelles choses nous voyons que les facultez interieures de l'ame , se rapportent par vne perpetuelle comparaiſon avec les exterieures. Ce qui se fait, d'autant que les facultez interieures, delquelles Dieu est l'autheur aussi bien que des exterieures, se doiuent rapporter aux exterieures par analogie , comme routes autres œuures de Dieu, entre lesquelles l'Analogie est perpetuellement obseruée. Comme ainsi soit donc que l'analogie par des termes cognuz rapporte la cognoissances des termes incognuz , Et que les facultez exterieures soient cognues & apparentes, & les interieures incognues, Les termes cognuz des facultez exterieures peuuent par ceste analogie donner la notice des termes incognuz des facultez interieures. Telle donc est la comparaiſon proportionnelle des facultez interieures de l'ame, avec les facultez exterieures d'icelle, & son explication, obseruée principalement en la sainte Escri-ture.

Des facultez de l'esprit.

CHAP. VI



Y **A**NS exposé les facultez de l'ame, nous paruiendrōs aux facultez de l'esprit. Car l'esprit a les facultez de mesme comme l'ame, à sçauoir la cōtemplatiue, & l'enunciatiue, & la raison accompagnée de discretion, & l'opinion, & finalement la memoire. Lesquelles facultez de l'esprit, correspondent aux facultez interieures de l'ame, de mesme comme lesdites facultez interieures de l'ame correspondent aux facultez exterieures d'icelle, à sçauoir à la vegetatiue & sensitiue, le dy à la vegetatiue, qui est la faculté nutritiue & generatiue. De là vient que le Seigneur promet en Ieremie de donner des pasteurs qui paistront de science & d'intelligence. De là aussi vient que le Seigneur est dict nostre pasteur. Et nous aussi sommes reputez viure du pain celeste & du corps de nostre Seigneur, à sçauoir de la chair de l'Agneau du Dominateur de la terre, qui est l'Agneau de Dieu qui oste les pechez du monde, & l'Agneau spirituel de nostre Pasque. Ainsi en plusieurs lieux de l'Ecriture, la faculté nutritiue par vne comparaison allegorique & proportionnelle est referée à l'esprit. Et de mesme aussi la faculté generatiue luy est attribuée. D'où vient que l'Apostre dit aux Galates, qu'il travaille pour les enfanter derechef, & veut qu'ilz le reconnoissent pour pere les ayant enfantez à Dieu en Christ. En ceste façon les disciples des Prophetes sont appelez enfans des Prophetes, qui les ont instituez, à sçauoir de leurs premiers docteurs. Car l'Apostre fait

Ierem. 3. 15.

Isa. 16. 1.

Ieh. 1. 29.

Gal. 4. 19.

2. Rois. 2. 3.

différence entre pere & docteur, disant qu'encore qu'ils 1. Cor. 4. 15.
 ayent plusieurs docteurs, qu'ilz n'ont pas pourtant
 plusieurs peres. Mais pour ceste raison s'estime il estre
 leur pere, d'autant qu'il les a engendrez, les faisant de
 non enfans, enfans de Dieu, en les conuertissant à la
 foy de Christ. En ceste façon aussi les fideles, qui sont
 appelez *Theodidactes*, c'est à dire *enseignez de Dieu*, 1. Theff. 4.
 sont appelez *enfans de Dieu*. Et bref de ceste genera- 1eb. 1.
 tion didactique dépend toute la doctrine de la rege-
 neration. Les facultez de l'esprit, correspondent aussi
 à la faculté sensitiue animale, tant à celle qui preside
 au cerueau, comme à celle qui a son siege au cœur.
 Car l'esprit a vne volōté & vn desir par lequel il con-
 uoite contre la chair; Et comprennent deux soins, L'vn
 d'ensuiure la ioye, l'autre d'euiter la tristesse. Aussi les
 mouuemens de l'esprit, correspondent aux mouue-
 mens animaux du cœur, comme l'esperance, ami-
 tié, crainte, courroux, & haine. En ceste façon la vo-
 lonté de l'esprit est appellée *volōté du cœur*, par laquel- 1. Cor. 6. 17.
 le les fideles sont conioints avec Christ, ainsi que
 l'homme est conioint avec la femme par le lien con-
 iugal de la volonté charnelle. Les sens aussi & mou-
 uemens locaux de l'esprit, par la mesme analogie cor-
 respondent aux sens & mouuemens interieurs de l'a-
 me. Les facultez de l'esprit sont donc semblables aux
 facultez de l'ame, mais non pas esgales. Car les facul-
 tez de l'esprit sont plus capables que les facultez ani-
 males, attendu que l'ame ratiocine tant seulement
 naturellemēt des choses temporelles lesquelles peu-

C H R O N O L O G I E

uent estre veues souz leSoleil, & d'icelles discours persuasivement, c'est à dire en telle sorte que l'element ou principe veritable venant à defaillir, l'opinion occupe la place d'un principe. Mais l'esprit, par un celeste instinct discours apodictiquement, c'est à dire par la voye demonstratiue, fondée sur bons elemens & principes veritables, des choses qui sont entendues & estre & auoir esté & deuoir estre eternellement au monde & hors du monde, ores qu'elles ne puissent estre apperceuës par les sens ou facultez animales. Telles sont les cõtemplations de la Geometrie & Theologie, desquelles les principes ne sont pas naturels, mais supernaturels, Car s'ilz estoient naturels, ils dépendroient de la generale generation & creation de toutes choses mondaines, Mais les elemens d'icelles estoient deuant que la generation du ciel & de la terre fust. Parquoy ils ne dependent pas de la nature, Ains de l'auteur d'icelle. Car leur verité eternelle depend de la verité eternelle de Dieu & de sa perpetuelle constance. L'esprit donc de l'homme, discourant de telles choses en leur propre stile apodictique, demonstre l'immortalité de son essence.

La difference d'entre les facultez de l'esprit, Et les facultez de l'ame.

CHAP. VIII.



I nous considerons la nature des bestes brutes, nous trouuerons qu'en icelles quelque generale notice des choses est esparse, Comme nous pouuons voir en diuers animaux ausquels on enseigne beaucoup de choses, qu'ilz apprennent, retiennent, & pratiquent bien à propos, Comme le chien que l'on instruit pour la chasse, & le singe pour dōner du plaisir. D'autres aussi y en a ésquels on peut remarquer vne naturelle prouidence; Comme la mouche à miel & la fourmy; En d'autres, vne prudence par laquelle ils préuoient la diuersité des saisons, cōme en l'arondelle & la grue: Autres esquels on peut obseruer vne reminiscence, voire vne recordation d'un bien-faict receu, comme en l'Elephant & la Cicogne. *Le bœuf aussi*, comme dict le Prophete, *cognoist son possesseur, & l'asne, la crèche de son maistre.* Mais pour ces notices les bestes ne peuuent estre dites raisonnables, Car leurs notions ne meritent le nom de raison, ny leurs recordations le nō de memoire, estans leurs discours māques & imparfaits, ne pouuās auoir vne entiere cognoissance des choses, ains en cōceuās vne telle quelle opinion, procedant d'une apprehension destituée de iugemēt & discretion, & ne pouuās exprimer par parole leurs cōceptions & fantasies. Mais l'hōme, non seulement du costé de l'esprit immortel, mais mesme du costé de la partie animale, peut discourir de toutes choses temporelles avec raison naturelle pourueüe de iugement & memoire, & peut encore verbalement

174. f.

exprimer ses conceptions & imaginations. Et en cela les facultez de l'ame de l'homme se monstrent estre de beaucoup plus capables que les facultez de l'ame brutale, ores que quant à l'essence elles ne different en rien. Il est toutesfois à noter , que ceste capacité que l'ame humaine obtient par dessus l'ame brutale , luy vient de ce qu'elle est esclairée de la lampe de l'esprit, qui reside en l'homme , & qui est la principale cause de la raison d'iceluy. Au surplus nous auons dict que l'ame de l'homme discouroit naturellement des choses temporelles, d'autant qu'elle n'obtient pas vne ratiocination supernaturelle des choses eternelles, desquelles l'esprit seul est capable. Pour laquelle chose aussi, les raisons Theologales qui sont telles, sont appellées *spirituelles*, d'autant que c'est le seul esprit qui les peut comprendre, & *l'homme animal* , c'est à dire l'homme considéré du costé de la partie animale , *ne les peut entendre*. Or le moyen par lequel l'ame discourt des choses temporelles, est appelé Persuasion, Et la voye par laquelle l'esprit ratiocine des choses eternelles, est la Demonstration. La Persuasion, est vne ratiocination laquelle sayde indifferemment de tous argumens, soit qu'ilz soient principes certains, veritables & necessaires, & puisez de la vraye cognoissance des choses par leurs causes, ou qu'ils soient tant seulement vray-semblables , & pris de la commune opinion des hommes. Mais la demonstration , ne faide que de principes veritables & certains, & puisez de la vraye source de science. Or la cause pour laquelle l'a-

1. Cor. 2. 14.

1. Cor. 2.

me faide en ses ratiocinations, d'autres argumens que de principes veritables, est que bien souuent les principes naturels luy sont incognuz, & que souuent aussi elle ne prent pas la peine de les rechercher, se contentant de la verisimilitude, par laquelle elle persuade les choses qui luy sont viles, preferant bien souuent l'vtilité à la verité, & ayant besoin de fard pour pre-texte Rhetorical de sa verisimilitude, pour la faire reüssir à son aduantage, & au des-advantage bien souuent de son prochain. Ce qui ne peut proceder que d'une fraude latente & d'un dol couuert, tendât à deception & seduction. Car c'est le propre de l'opinion de tromper celuy qui la maintient & celuy qui l'escoute, & est frequent à ceux qui vsent de Persuasion, qu'ilz soient seduifans & estans seduits par leur propre opinion. Mais la Demonstration, qui n'a que le seul but de la verité bien entendue, remet en suspens & en doute ce qu'elle ne peut demonstrer; comme nous voyons qu'entre les demonstrateurs de la Geometrie on a tenu & tient encore en suspens la quadrature du cercle & la duplation du cube. L'ame doncques de l'homme, comme nous auons dict, est incapable de la Demonstration, pour ce que les choses naturelles desquelles elle discourt, sont pour la pluspart contingentes, ou incogneuës, comme les formes naturelles. On me pourroit demander, si l'esprit ne peut pas persuader. A quoy ie respon, qu'il le peut s'il veut, comme Satan qui a persuadé de manger de l'arbre prohibé. Car la faculté persuasive est si commune,

qu'elle est communiquée mesme à l'ame; mais la Demonstration est propre à l'esprit. Et pour ceste raison saint Paul appelle la demonstration de la Parole, *1. Cor. 2. 4. demonstration de l'esprit*. Tellement que l'esprit a ces deux facultez, l'une, qui luy est propre, qui est la Demonstration, & l'autre, qui est communiquée tant à l'esprit qu'à l'ame, l'un & l'autre en estant capable, qui est la Persuasion. L'on pourroit donc demander, Puis que l'esprit seul est capable de la ratiocination apodictique des choses eternelles & supernaturelles, telles que sont la Theologie & Geometrie, A sçauoir mon si l'homme animal est incapable des demonstrations tant Geometriques que Theologiques, Et si ceux qui sont capables de la Geometrie estans experts en la demonstration d'icelle, meritent le nom de *spirituels*, telz que sont entenduz estre ceux qui sont capables de la demonstration spirituelle de la Theologie? A quoy ie respon, qu'en la Sainte Escripture ceux qui sont appelez *spirituels*, ne sont pas reputez tels pource que leur intelligence seulement soit spirituelle, mais aussi pource qu'ilz ont la volonté spirituelle & regenerée: Tellement qu'il ne suffit pas d'auoir l'intelligence & cognoissance spirituelle des mysteres de la foy, pour estre dit spirituel, mais il faut encor auoir l'obeissance d'icelle, pour estre estimé tel. Ainsi aussi ores que les ratiocinations de la Geometrie & les demonstrations des principes d'icelle, soient propres à l'esprit, Si est ce que l'homme qui en sera & capable, & expert, ne pourra pour cela estre dict spirituel,

pour

pource que la cognoissance de la Geometrie ne peut changer la volonté pour regenerer la conscience à ce qu'elle soit spirituelle.

Les Philosophes ont estimé, que l'ame n'exerçoit pas seulement les facultez animales en l'homme, mais aussi les facultez spirituelles & mentales, & que l'ame estoit l'entendement ou intelligéce de l'homme. Laquelle les uns ont estimée mortelle, les autres immortelle. Quelques uns des Theologiens aussi ont confondu l'ame & l'esprit, prenans indifferemment l'un pour l'autre, estimans toutesfois que l'ame ou l'esprit qu'ils prennent pour vne mesme partie, soit immortel. Tant y a qu'il y a beaucoup à dire que l'ame & l'esprit ne soient vne mesme partie de l'homme. Premièrement parce que l'ame est mortelle, & l'esprit immortel, & que l'ame est materielle & l'esprit immateriel, Et que les facultez animales ne sont pareilles ny esgales aux facultez de l'esprit, D'autant que *l'ame est incapable du regne des cieux, & de comprendre les mysteres de Dieu*, lesquels toutesfois l'esprit discerne alors qu'il est regeneré par la grace diuine. Dauantage, *le glaiue spirituel de la parole de Dieu atteint iusques au mespartissement de l'ame & de l'esprit*, Lequel mespartissement est appelé *μερισμός* par l'Apostre. ce qui signifie *diuision en parties*. Qui monstre que ces deux qui souffrent vne telle diuision, ne sont vn mesme, Mais deux parties diuerfes. On pourroit toutesfois objecter, que ce mespartissement qui se fait par la parole de Dieu, est imaginaire, & non reel, Car il n'occie

pas l'homme d'une mort réelle, mais de la mort première, qui n'est qu'imaginaire. A quoy ie respon, que si en vne mort imaginaire l'ame & l'esprit peuuent estre imaginairement mespartis par le glaive imaginaire de la Parole, par mesme raison en vne mort réelle & corporelle, par vn glaive reel & charnel l'ame & l'esprit peuuent estre reellement diuisez.

Gal. 5. 17.

Dauantage, l'ame & l'esprit ne peuuent estre vne mesme chose, veu que leurs effects & affectiōs sont en mesme temps contraires, & que *l'esprit conuoite contre la chair, & la chair contre l'esprit*. Or la concupiscēce de la chair, est la concupiscence de l'ame qui vit en la chair, laquelle concupiscence est vn effect & affectiō contraire à la concupiscence qui est au mesme temps en l'esprit. Parquoy ilz ne peuuent estre en vn mesme subiect. Dōt l'ame & l'esprit ne peuuent estre vne mesme chose. Il est toutesfois à noter, que les affectiōs de l'esprit correspondent bien par analogie aux affectiōs de l'ame, cōme nous auōs dit ci-dessus. Car l'esprit a ses affectiōs & mouuemens tendans à ioye & tristesse, de mesme comme l'ame, mais ce qui resiouist l'esprit, n'est pas ce qui resiouist l'ame, & ce qui attriste l'esprit, n'est pas ce qui attriste l'ame. Ains ce qui resiouist l'ame attriste l'esprit, & ce qui attriste l'esprit, recrée & regaillardist l'ame. Tellement que les affectiōs de l'esprit ne sont homogenées avec les affectiōs de l'ame, & ne peuuent garder raison entr'elles, ores que toutesfois elles se rapportent par analogie, à cause que les affectiōs de l'esprit sont

homogénées entr'elles les vnes avec les autres, obseruans vne raison constante & perpetuelle, Et les affectiōs de l'ame, de leur costé pareillement obseruent la mesme raison homogēée. Dont par la conformité de ces raisons diuerſes & consistantes en diuers subiets & contraires, est causée leur dite analogie. Puis donc que ces subiects sont ainsi contraires, ilz ne peuuent estre vne mesme partie de l'homme, Ains ceux-là errent grandement, qui estiment que l'ame & l'esprit soit vne mesme partie essentielle de l'homme, Et est necessaire qu'ilz tastonnent & se fouruoyent en plusieurs lieux en l'interpretation de l'Eſcriture. Quelcun donc pourroit dire, Si l'esprit & l'ame ne sont vne mesme chose, ains l'ame est mortelle, pourquoy c'est que nostre Seigneur dit *que les hommes peuuent tuer le corps, & non l'ame.* Matt. 10. 28 laquelle obiectiō ie respon, qu'ailleurs l'Eſcriture tesmoigne que les hommes peuuent tuer l'ame, Comme en la Loy de Moyse, *l'homme qui viole vne vierge surprise au milieu d'un champ esloigné de voisinage, est comparé à celuy qui pareillement trouue son prochain au milieu d'un champ esgaré, & tue son ame.* Deut. 22. 26 D'où nous pouuons colliger qu'il y a deux façons de parler en l'Eſcriture, suivant l'une desquelles l'homme peut tuer l'ame de son prochain, & suivant l'autre il ne peut. La difference desquelles locutions doit estre bien examinée & recherchée. Pour donc bien & exactement en esplucher la decisiō, Nous proposerons le lieu auquel le Seigneur dit que les hommes ne peuuent tuer l'ame,

Matth. 10. Là où il parle ainſi: *Ne craignez point* (dit-il) *ceux qui peuvent tuer le corps, & ne peuvent tuer l'ame, mais craignez pluſtoſt celuy qui peut perdre en la gehenne & l'ame & le corps.* Là où nous voyons que le Seigneur oppoſe l'impuiffance de ceux qui ne peuvent tuer l'ame, à la puiffance de Dieu qui la peut tuer. Or la mort de laquelle Dieu la tue, eſt exprimée, ſçauoir en la perdant avec le corps en la gehēne. Parquoy la mort de laquelle les hommes ne peuvent tuer l'ame, eſt ceſte-là qui eſt la mort ſeconde, de laquelle le Seigneur parle, par laquelle l'ame eſt perdue avec le corps en la gehenne. Ce qui n'empêche pas qu'un homme ne puiſſe tuer l'ame de ſon prochain de la façon que parle Moſe, ſçauoir de la mort charnelle & réelle, & telle qu'eſt celle de laquelle parle Samſon, diſant, *Que mon ame meure avec les Philiftins.* Parquoy l'ame & l'eſprit ne ſont vne meſme choſe, Ains l'eſprit eſt la ſeule partie eſſentielle immortelle de l'homme:

Reg. 16. 30.

Des ſignifications du nom de l'ame, & quelles ſont ces ames des décollez.

C H A P. IX.



Le nom de l'ame eſt pris & vſurpé diuerſement en l'Eſcriture. Car quelque-fois il eſt pris pour vne partie eſſentielle de l'hōme, Comme au lieu où Sainct Paul parle du total de l'homme accompli de l'eſ-

prit, ame, & corps, qui sont ses parties essentielles.
 Quelquefois aussi le nom d'Ame est pris pour les fa-
 cultez d'icelle, constituées au cœur ou au cerueau. Es-
 tant donc vsurpé pour les facultez assises au cœur, il
 est pris pour la vie, ou pour l'appetit. Et premieremēt
 pour la vie, Comme quand il est recité de ce richart
 lequel pour l'abondance de ses renenuz, proposoit
 de rompre ses greniers pour en faire de plus grands,
 Auquel neantmoins il fut dict, *O fol, en ceste nuit* Luc 12. 18.
on te redemandera ton ame. L'ame est aussi prise pour
 l'appetit, Comme quād le Psalmiste prie le Seigneur
qu'il ne le liure point à l'ame de ses ennemis. Elle est aussi Pse. 27. 12.
 prise pour les facultez interieures de l'ame cōstituées
 au cerueau, sçauoir pour le sens interieur, Comme
 quand le Seigneur dit, *Mon ame est troublée iusques à la* Iean. 12. 21
mort. Elle se prêt aussi pour l'ame qui est au corps d'un Matt. 26. 3
 hōme mort, Cōme quand le Seigneur defēd en moy-
 se, *de faire incision pour l'ame,* c'est à dire pour l'ame qui Leuit 19. 28
 est au corps mort: Et en ceste façon elle ne peut es-
 tre dictē Ame viuante en la chair, Car au contrai-
 re elle gist esteinte en la charoigne. Elle est aussi
 prise, pour le soufflé ou haleine, Cōme au lieu preal-
 legué de Iob. Finalement la partie de l'ame est vsur-
 pée pour le tout, c'est à dire, l'ame pour la chose ani-
 mée, sçauoir pour la personne de tout l'hōme. En ce-
 ste sorte, *septante ames sont dites estre entrées de la maison* Gen. 46. 27.
de Iacob en Egypte. Et c'est la maniere en laquelle
 doit estre pris le nom d'Ame en cet endroit, là où le
 Theologien dit que les ames des décollēz regneront a-

née Christ mille ans. Car ces ames signifient des hommes telz qu'ilz sont en ceste vie terrestre, en laquelle ilz sont comme pelerins, & telz qu'ils sont semez en ce presēt siecle, desquels les corps sōt corps animaux, & eux aussi sont animaux pour le regard de l'essence & de la forme, ores que pour le regard des facultez ilz soyent spirituels, entant qu'ilz sont regnans avec Christ, faiçts à l'image du second Adam, telz qu'ilz seront essentiellemēt apres la Resurrection generale. Ceux-cy dōc estans ainsi animaux, persisterōt en cet estat animal les vns apres les autres regnās avec Christ, iusques à la Resurrectiō generale. *Mais icelle ar-*
riuāt, ce qui auoit esté semé en ce siecle corps animal, ayant e-
sté mort & corōpu, ressuscitera spirituel. Tandis donc q̄ les fideles demeurerēt en ce corps animal, leurs personnes sont appellées *ames regnantes avec Christ.* Mais deslors que leurs corps seront faiçts spirituels, ce qui estoit d'animal estant changé, les fideles ne seront plus appelez *Ames*, Et eux regnans avec Christ, il ne sera plus dict que les ames regnent avec Christ, Mais les esprits des fideles. Quand donc le temps du regne des ames des fideles avec Christ est coarcté, tout le regne des fideles avec Christ n'est pas coarcté souz vn certain temps, Mais la coarctation arriue sur le temps auquel les fideles qui doiuent regner avec Christ, persisteront en ce corps animal, qui est tout le temps qui precede la generale resurrection. Et ainsi ces hommes animaux quant à l'essence & forme, sont appelez *Ames*, & sont dictz *regner avec*

2 Cor. 15. 44.

Christ mille ans, à conter depuis l'an millieme apres la natiuité du Seigneur, iusques à l'an deux mille d'icelle. Au reste, le regne des esprits des fideles ne peut estre coarcté souz vn certain temps, veu que les esprits sont immortels, & que les seruiteurs de Dieu *regneront avec luy en la Ierusalem celeste eternellement.* *Apoc. 22.*

Tellément que le limite prescript au regne des ames mortelles des fideles, n'empesche pas que les fideles en leurs esprits immortels ne regnent eternellement avec Dieu. Quelcun toutesfois pourroit dire, que ces ames ne sont pas de celles qui viuent en ce siecle, Mais de celles qui viuent apres le trespas, veu qu'il est dict que ce sont *ames de décollez*. A laquelle obiection ie respon, que si c'estoient ames qui vesquissent apres le trespas, elles viuroyent eternellement & eternellement regneroyent avec Dieu en la Ierusalem celeste, suiuant la promesse faite en l'Apocalypse, & par consequent viuroyent & regneroyent eternellement avec Christ; dont leur regne ne pourroit estre coarcté souz vn certain temps. Or il appert par ce lieu-cy que le temps de leur vie & regne avec Christ, est coarcté souz le limite de mille ans. Dont il sensuit qu'il parle d'un regne attribué à vne vie animale, telle qu'est la vie des fideles auant le trespas. On pourroit toutesfois demander, pourquoy c'est que ces ames sont appellées *Ames des décollez*, si ces décollez ne s'ont trespassez? A quoy ie respon, que c'est selon le langage de la predestinatiō, suiuant lequel Iesus Christ est dict estre l'*Agneau occis* *Apoc. 13. 8.*

CHRONOLOGIE

des la constitution du monde, ores qu'à parler chronologiquement, il n'ait esté occis qu'en l'an apres ladicte constitution du monde quatre mille trente-deuxieme.

En quelle façon les ames des fideles sont dictes regner avec Christ mil ans, & si deuant les mil ans elles regnoient, & deuoient regner apres.

CHAP. X.



AYANS dit cy dessus que ces ames des décollez regnans avec Christ, estoient les personnes des fideles tels qui sont auant le trespas, il s'en suit que ce regne est considéré en ceste vie temporelle, duquel les fideles sont estimez regner auant leur decés. Or les enfans de Dieu seruans au Seigneur, sont réputez regner, d'autant que *Seruir à Dieu est regner*. Car aussi entant qu'ilz seruent Dieu, ils luy obeissent, & ayans l'obeissance qui est la seconde partie de la foy, il s'en suit qu'ilz ont aussi la premiere partie d'icelle, & généralement tout l'entier de la foy, *qui est la victoire du monde*, ainsi que l'Escripture le tesmoigne. Ils regnent donc non pas d'un regne de ce monde, mais d'un regne celeste par dessus le monde par eux vaincu. Et la cause de cecy est, *que l'amitié de ce monde est inimitié contre Dieu*, & qu'il y a perpetuelle inimitié entre la

1. Jean. 5. 4.

1. 4. 4.

Gen. 3. 15.

entre la semence du serpent & la semence de la femme, à laquelle d'Eue, laquelle a obtenu en la regeneration ce nom qui signifie *viuante*, estant ainsi appelée, d'autant qu'elle est la figure de l'Eglise, mere de tous les viuans, c'est à dire, de tous ceux qui sont, comme dit le Prophete, *enrollez entre les viuans en Ierusalem*, qui est *Isa. 4. 3.* la cité de l'alliance, estans compris en l'alliance de vie. Or ces viuans, sont ceux qui sont iustes & qui viuent par la foy, par laquelle aussi ils sont dits *estre nais de Dieu* : Mais ceux qui sont nais de Dieu vainquent le monde, & par consequent sont victorieux de ceste semence ennemie engeance du serpẽr, qui est du monde, & regnent triomphans d'icelle. Et le regne duquel ils regnent, est la iustice de ceste foy victorieuse, laquelle iustice est aussi dite *estre le regne de Dieu*. Les fideles *Rom. 14. 17.* donc regnent avec Dieu du regne de Dieu, qui est la Iustice, estans faits participans du regne de Christ & de la victoire & iustification. Suiuant cela l'Ecriture nous enseigne, que le Royaume de Dieu est à ceux *Matt. 5.* qui non seulement ont la iustice, mais mesme souffrent persecution pour icelle, les declarant bien-heureux. Et disant non seulement que le regne de Dieu sera à eux, mais *qu'il est à eux desia* & dès à present, elle monstre que desia ils possedẽt le regne de Dieu, possedans ceste iustice pour laquelle ils souffrent persecution. Or d'autant qu'ils ne cheminent pas selon la veuẽ, mais selon l'intelligence de la foy, Aussi ce regne duquel ils regnent n'est pas exterieurement apparẽt; Mais les fideles le peuuent cognoistre, en ayans

la fruition, qui leur est tesmoignée par le repos qu'ils ont sur vne telle asseurance en leurs consciences, Et peut encor estre manifestee aux estrangers de la foy, par le continuel chagrin & desespoir qui saisit ceux qui prophanent vne telle grace par impieté volontaire, Car deslors ils viennent à sentir l'ire inexpiable de Dieu, qui leur oste le repos qu'ils auoient alors qu'ils regnoient avec luy par la iustice de la foy. Et pour monstrier plus euidentement que les fideles sont mesme en ceste vie animale iouissans de ceste royauté, Nous deuons sçauoir qu'elle dépend d'une promesse que Dieu auoit faite à son peuple en la Loy

Exod. 19. 6. Mosaique, disant *qu'il feroit d'eux vne royauté de sacrificateurs*. Suiuant laquelle chose aussi, l'Ecriture rend tesmoignage que Iesus Christ nous a faits Rois & Sacrificateurs. Et est bien à noter qu'il ne dit pas Sacrificateurs & Rois, Mais dit notamment *Rois & Sacrificateurs*, preferât le Regne à la Sacrificature. Or nous sommes en ceste vie corporelle *Sacrificateurs*, pour offrir à Dieu nos corps en sacrifice & hostie raisonnable. Parquoy aussi nous sommes encotes pluistost Rois en ceste vie animale, regnans spirituellement du regne de Dieu. Et en ceste qualité les ames des fideles doiuent regner avec Christ iusqu'à la fin de ces mil ans.

Exod. 19. 6.

Apoc. 1. 6.

1. Pier. 2. 6.

Rom. 12.

Quelcun pourroit demander, A sçauoir mon si les ames des fideles ne regnoient pas avec Christ auant ces mil ans, & si elles ne regneront pas avec luy apres iceux, Et si elles regnoient deuant, & doiuent encore regner apres, pourquoy c'est que leur regne est coar-

été dans les limites de mil ans ? Sur quoy ie respon,
qu'elles ne regneront plus avec Christ apres ces mil
ans, c'est à sçauoir apres la resurrection, d'autât qu'en
icelle les corps animaux des fideles seront faits spirituels, 1. Cor. 15.
dont ils seront spirituels pour le regard de l'essence,
comme ils sont desjà en ceste vie temporelle pour le
regard des affectiōs, ores qu'ils soient animaux pour
le regard de l'essence & forme. Or tout ainsi qu'ils
sont appelez Ames, estans essentiellement animaux,
Ainsi quitterōt ils le nom d'Ames, en quittāt la qua-
lité animale & sensuelle. Tellement qu'apres la resur-
rection, ce ne seront plus les ames des fideles qui re-
gnerōt avec Christ, mais leurs esprits. Et ainsi leur re-
gne est limité dans le terme final de ces mil ans pour
le regard de leurs ames, & non du costé de leurs es-
prits. Et pour le regard du commencemēt de leur re-
gne, il est certain que les ames des fideles ont regné
avec Christ dès le tēps qu'il y a eu des fideles qui ont
creu en Iesus Christ : Mais en cet endroit le temps de
leur regne n'est coarcté, sinon depuis le temps auquel
les mil ans de la prison de Satan furent accomplis, &
non dès le temps auquel il y a eu des ames des decol-
lez regnātes avec Christ. Tellement que cecy n'est
mis en auāt, sinon pour monstrier qu'apres les mil ans
de la prison de Satan, il resteront encore mil ans ius-
ques à la Resurrection, durant lesquels le regne de
Christ sera non pas commencé, mais continué. Et est
bien à noter qu'il ne dit pas que le reste des morts ne
doiuent ressusciter iusqu'à tant que ces mil ans soient

expirez ou passez ; Car s'il parloit ainsi , l'on pourroit estimer que la resurrection n'aduiendroit pas précisément au bout de ces mil ans ; Mais il dit *que le reste des morts ne ressusciteront point iusqu'à ce que ces mil ans seront accomplis* : Monstrant que la resurrection viendra en l'accomplissement de ces mil ans , & non plus tost ny plus tard.

Quelcun pourroit obiecter, que le Theologien parle de la Resurrection premiere, disant que le reste des morts ne ressuscitera point que ces mil ans ne soient accomplis, & que ceste est la resurrection premiere, & non la generale. A laquelle obiection ie respon, que par la resurrection premiere, qui est la regeneration, les ames des fideles regneront avec Christ mil ans, Et de ceste resurrection premiere le terme final est la resurrection generale, en laquelle le reste des morts ressuscitera. Que si la resurrection du reste des morts estoit la premiere, il faudroit que la premiere fust apres d'autres, veu que les restes sont les residuz qui demeurent apres la soustraction des parties precedentes. Il falloit donc que d'autres eussent reuescu estans ressuscitez, deuant que ceux-ci qui restoient comme n'ayans point reuescu avec les precedés, fussent ressuscitez. Mais à fin que ces choses soient plus clairement entendues, il est besoin d'enquerir que c'est que la Resurrection, & en combien de manieres elle est vsurpee. La Resurrection donc est, le reueil d'entre les morts, par lequel ceux qui gisoient dormans en la terre, se releuent estans reuiuifiez. Et

d'autant que la Resurrection presuppose la mort, & luy succede, les especes de la resurrection ne peuuent estre bien entendues, que prealablement on ne sçache quelles sont les especes de la mort. Pour ceste raison nous rechercherons que c'est que la mort & ses especes. Ce qui seruira aussi pour l'intelligēce de ce qui est dit apres de la mort seconde, aussi bien comme de ce qui est dit icy de la premiere resurrection.

De la Mort & de ses especes.

CHAP. XI.



NE chose est dite estre morte, en deux manieres, dont l'une est negative, & l'autre priuative. La chose est dite morte negatiuement, quand elle n'a point de vie ou faculté vitale ny n'en a jamais eu; Comme l'or, l'argent, l'airain, vne *ps. iiij.* idole, & choses semblables, sont choses mortes negatiuement, d'autant que la faculté vitale leur est deniee, & ne peuuent estre dits morts priuatiuement, ne pouuans estre priuez de la vie qu'ils n'ont jamais eue. Ainsi quelquefois *estre en la mort* est entendu negatiuement, mesmemēt de ceux qui sont morts quant à la iustice, premier que d'auoir gousté la vie d'icelle. Or les choses sont dites mortes priuatiuement, lesquelles ayans quelquefois iouy de la vie, viennent à la perdre en estans priuez, comme quand quelcun va de vie à trespas, Laquelle mort est propre aux cho-

ses animees. Quant au nom de la *Mort*, il est vsurpé diuersemēt. Car il est pris quelquefois charnellemēt & reellement, & quelquefois spirituellemēt. Quand il est pris charnellement, il est vsurpé en deux sortes: l'une est propre, & l'autre est dite par comparaison & similitude. La mort charnelie & réelle, est prise proprement alors qu'un animal vient à mourir, priué de la vie animale & des facultez d'icelle; Et ceste mort, peut estre dite mort historique, Car selon icelle à parler historiquement *Abraham, Isaac, & Iacob sont dits estre morts*, ores que toutesfois selon le langage didactique ils soient dits *estre viuans, & non morts*. Ceste mort n'est point dite premiere ny seconde, Ains au respect de la premiere & seconde, elle est accompagnée au dormir, & appelée du nom de *Sommeil*. La mort qui est dite par cōparaison, est celle de laquelle sont dits estre morts ceux qui sont dispersez entre leurs ennemis, desquels l'esperāce est decheutte & cōme flestrie & fennée & quasi desseichée, tels qu'estoient les Israélites entre les Babylo niens, lesquels se complaignoient disans, *qu'ils estoient morts entre leurs ennemis, & que leurs os estoient seichez, & eux faits semblables à ceux qui descendent au sepulchre*; Lesquels le Seigneur reprend & console en Ezechiel.

La mort qui est dite spirituellement, cōprenent deux especes: l'une est la mort prophetique, de laquelle les deux Prophetes fils de l'Huile sont dits estre morts au milieu de la cité qui est dite spirituellement *Sodome & Egypte*, Et l'Agneau est dit selon icelle, *estre comme occis au mi-*

Iean 8. 52.

Mat. 22. 32.

Iean 11. 11.

Ezech. 37.

Apoc. 11.

Apoc. 5. 6.

lieu des quatre animaux pleins d'yeux. L'autre espece de mort spirituellement dite, est didactique, & cōpren
 dessouz soy autres deux especes, à sçauoir la mort pre
 miere & la mort seconde. La mort premiere, est la
 mort de Christ & des siens qui meurent avec luy, de la- Rom. 6. 8.
 quelle il est mort d'une mort spirituellement ainsi
 nommee. Car Iesus Christ est estimé spirituellement
 tenir le premier rang en la mort ~~Et~~ en la resurrection, Coloss. 1. 16.
 comme estant le premier mort & le premier ressusci
 té, dōt sa mort est aussi estimee estre la mort premie
 re, & sa resurrection la resurrection premiere. Et d'au
 tant que ceux qui sont regenez par le baptesme, sont esti- 2. Cor. 5. 14.
 mez mourir ~~Et~~ estre enseuclis avec luy, Ils sont estimez Coloss. 2. 11.
 mourir de sa mort qui est la mort premiere, par la- Rom. 6. 10.
 quelle il est mort à peché, Et ceux qui meurent avec luy,
 sont estimez de mesme mourir à peché, pour de là en Rom. 6. 2.
 auant viure en vne vie de iustice. Pour l'intelligence Et II.
 de laquelle chose, il est besoin de sçauoir que la mort
 du Seigneur est consideree en deux manieres; dōt l'v
 ne est reelle & historique, L'autre, est didactique, par
 laquelle le Seigneur est estimé estre mort d'une mort
 spirituellement dite *Mort à peché*, ayant esté fait pe
 ché pour nous, cōme les anciens holocaustes Legaux
 que l'on offroit pour le peché, lesquels aussi estoient
 ombres de cet holocauste de l'Agneau de Dieu vne
 fois offert en la croix. Car les holocaustes Legaux
 estoient des corbans ou oblations des animaux nets,
 comme des agneaux, offerts pour le peché, esquels
 vn agneau du bercail estoit offert, en la place d'un

Ps. 77. 21.

Leuit. 5. 9.

agneau d'entre les brebis de la maison d'Israël, desquelles le Seigneur estoit le pasteur, & se maintenoit entr'elles comme tel, habitant en des tabernacles, selon la coustume des bergers, les conduisant par les deserts cōme brebis, par les mains de Moyse & d'Aaron: Lesquelles luy estoient si cheres, que ne les voulant pas perdre pour leurs iniquitez, il commanda de prendre des agneaux de bercail pour les substituer en la place des brebis pecheresses de son troupeau, & les faisoit immoler pour le peché & mourir au peché, tellement que l'agneau mesme que l'on immoloit, *estoit appelé peché*, estāt fait peché, c'est à dire, estimé estre le peché mesme, A fin que le peuple voyant que Dieu n'espargnoit point le peché, ains qu'il le faisoit occir & immoler, cognust que l'agneau d'entre les brebis du Seigneur pour lequel l'agneau du bercail mouroit, auoit meritē la mort luy mesme, & toutesfois le Seigneur se contentoit pourueu que le peché mourust, sçauoir qu'il mourust dedans le cœur de l'Israélite pecheur pour lequel il estoit offert, & ainsi que cet Israélite mourust au peché, & à la volōté pecheresse, desistant de cœur & de volōté & renonçant au mal, pour obeir à celuy par le cōmandement duquel on obseruoit ceste ordonnāce. Vne telle holocauste donc estoit faite, à fin qu'elle representast la mort par laquelle l'homme doit mourir au peché, à fin qu'il viue à iustice par la regeneration. Mais la mort d'un agneau legal offert pour le peché, ne pouuoit représenter la vie nouuelle de iustice, de laquelle

viuent

vivent les fideles apres la mort du peché par la regeneration. Car l'agneau Legal estant vne fois mort à peché, ne resuscitoit point. Il a esté donc necessaire que l'Agneau de Dieu ait esté occis & soit resuscité, à fin que par sa mort il nous enseignast de mourir au peché en renonçant à l'operation d'iceluy, & par sa ^{Rom. 6. 10.} resurrection par laquelle il est estimé viure & estre ^{et IL} resuscité à iustice, il nous enseignast qu'il ne suffit pas de mourir & desister du peché, si nous ne resuscitōs pour viure & fructifier à iustice. La Loy donc, de laquelle les sacrifices ne representoiēt que la mort, & non la resurrection de la regeneration, à bon droit est appelée *Ministère de mort*. Iesus Christ donc par ^{1. Cor. 3. 7.} sa mort par laquelle il est estimé estre mort au peché, nous enseignant de mourir au peché en renonçant à iceluy, est estimé estre mort de la mort premiere, Et les fideles qui meurent à son exemple au peché par la regeneration, qui est le Baptisme & Circoncision faite sans mains, sont estimez mourir avec luy de sa mort qui est la mort premiere, & estre ensemble enseueliz avec luy, & resusciter avec luy. Et en ceste façon Iesus Christ est estimé tenir le premier rang en la ^{Coloſ. 11. 18.} mort & en la resurrection. Car sa mort estât prise historiquement, ne seroit pas la mort premiere, attendu qu'il y en a beaucoup d'autres lesquels selon le temps sont morts premier que luy de ceste mesme mort historique. Quant à la mort secōde, elle est considerée en deux manieres: l'une pour le regard de l'homme, l'autre, pour le regard du iugement de Dieu. La mort

seconde consideree pour le regard de l'homme, est vn esloignement de la vie eternelle; Et est dite secõde en deux sortes, à sçauoir eu esgard à l'ordre du tẽps, ou de la dignité. La mort seconde dite pour le regard de l'ordre du temps, est vn esloignement priuatif de la vie de iustice qui auoir esté acquise à l'homme en la regeneration par la mort premiere & resurrection premiere, laquelle mort secõde est apportee à l'homme par l'impieté volontaire commise apres auoir receu la cognoissance de la verité. Car il conuient sçauoir, que ceux qui ont vne fois par la mort & resurrection premiere renoncé au peché pour viure à iustice, *ayans gousté le don de la grace & les puissances du siecle à venir, s'ils pechent volontairement du peché à mort qui est l'impieté (veu que l'iniquité est vn peché qui n'est pas à mort) Il ne reste plus d'hostie pour leur peché, ains l'ire de Dieu demeure irreconciliable sur eux, Et en somme ceux qui ont esté faits participans de la foy, s'ils viennent à la prophaner par la lascheté d'une reuolte non contrainte, ains volontaire, ils ne la peuuent plus recouurer, veu que l'Escripture tesmoigne qu'elle n'est donnée qu'une fois aux saints, Estãs donc desracinez de la foy, ils ne peuuent plus fructifier à iustice, Et pour ceste raison sont appelez arbres desracinez, deux fois morts, ayant esté premierement morts au peché par la mort premiere, & puis derechef morts à l'operation de iustice par ceste mort seconde. Cesté mort donc en ceux-ci, est dite secõde pour le regard du temps, à cause que ceux qui meurent d'icelle, ont esté preala-*

Hebr. 10.

1. Ich. 5. 17.

Iude 3.

Iude 12.

blement morts de la mort premiere, & que le temps de la mort premiere est arriué en eux, auant le temps auquel ils sont morts de ceste mort secôde. La mort seconde dite pour le regard de l'ordre de la dignité, n'est pas vne mort priuatiue, mais negatiue, par laquelle la vie eternelle est desniée à ceux qui sont en icelle mort, lesquels ne sont pas priuez de la vie eternelle, de laquelle ils n'ont iamais gousté, n'ayans iamais esté faits participans de la vie de iustice qui est acquise par la foy, ains ont vescu en infidelité tout le temps de leur vie animale, & par consequēt ont tousiours crouppi en vne mort d'incredulité, iusqu'à tant qu'ils sont venuz au sepulchre, qui est dit *enfer*, ayans conioint la mort de leur incredulité, avec l'enfer de leur sepulchre; pour laquelle cause ils sont renuoyez à la mort secôde, veu que *l'enfer & la mort sont renuoyez* *Apoc. 20.* à la mort seconde. Ceste mort donc en eux ne tient pas ^{14.} le second rang, d'autant qu'ils n'ont pas esté faits participans de la premiere, Mais est dite seconde, eu esgard à la dignité de la premiere. Telle est la description de la mort seconde dite pour le regard de l'homme, en laquelle ceux qui sont, sont en vne perpetuelle frayeur & horreur du iugemēt & ire de Dieu. La mort seconde dite pour le regard du iugement de Dieu, est l'ire que Dieu exerce sur ceux qui sont en la mort seconde, laquelle demeure inexpiable sur eux, comme vn feu continuellement ardant & embrasé. Telles sont les especes de la mort, Lesquelles estans cognuës, il sera aisé de cognoistre les especes de la

Resurrection, lesquelles sont relatives à celles de la mort.

De la Resurrection & de ses espèces.

CHAP. XII.



Ly a deux genres de Resurrection: l'un est de la resurrection charnellement dite: l'autre, de celle qui est dite spirituellement. La resurrection charnellement dite, est diuisee en deux especes, dont l'une est propre, & l'autre, dite par comparaison. La Resurrection proprement dite, est celle par laquelle les corps morts resuscitent reellement & essentiellement: Et y en a de deux sortes: dont l'une est particuliere, & l'autre, generale. La resurrection particuliere, est celle par laquelle sont resuscitez particulièrement le Lazare, & l'enfant restitué par Iesus Christ à sa mere, & Dorcas, & Eutyche, & l'enfant de la femme Sarephtienne, & l'homme ietté au sepulchre d'Elisee, & tels autres. La resurrection generale, est celle qui est à venir au dernier iour, en laquelle generalement tous les morts resusciteront, & les corps qui auoient esté semez animaux & corruptibles, en icelle resusciteront corps spirituels & incorruptibles. La resurrection dite par comparaison, est celle par laquelle ceux desquels l'esperance estoit decheutte, en telle façon qu'ils sembloient estre morts au milieu de leurs ennemis, sont dits *ressusciter*

Ieh. 11. 44.

Luc 7. 12.

Act. 9.

Act. 20. 8.

2. Rois 17.

3. Rois 13. 21

1. Cor. 15.

Ezech. 37.

alors que leur esperance & salut ressuscite, estans recou-
 couz & deliurez de la main de leurs aduersaires. Dieu
 promet vne telle resurrectiō aux Israëlités, en laquel-
 le il les ramenera en la terre d'Israël, les rassemblât du
 milieu des peuples entre lesquels ils auoient esté es-
 pars. La resurrection spirituellemēt dite, est celle qui
 n'est pas selon l'apparēce exterieure, mais selon l'ima-
 gination spirituelle, d'autant qu'elle est imaginee &
 posee estre telle. Et y en a de deux sortes: l'une est pro-
 phetique, l'autre, didactique. La resurrection prophe-
 tique, est celle selon laquelle *les deux tesmoins & pro-* *Apo. 11.*
phetes fils de l'huile doiuent ressusciter. La resurrection
 didactique, est celle qui est proposee en maniere de
 doctrine: Et y en a de deux sortes, dōt l'une est propre
 à Iesus Christ, & l'autre, cōmune. Celle qui est propre
 à Iesus Christ, est celle de laquelle il parle disant, *Je suis* *Ioh. 11. 25.*
la resurrection, vsurpant le nom de l'effect pour signi-
 fier la cause, se disant estre la resurrection, d'autāt que
 c'est luy qui est la cause & l'auteur d'icelle, & celuy
 pour qui, par qui, & en qui elle se fait. La resurrection
 commune didactique, est celle qui est cōmuniquee
 aux hōmes, sçauoir la resurrection premiere, qui ap-
 partient à Iesus Christ & aux siens. Or de mesme cō-
 me nous auons consideré en la mort de nostre Sei-
 gneur, vne mort historique, & vne mort didactique,
 Ainsi aussi considerons nous en sa resurrection, vne
 resurrection chronique & reelle, qui ne peut estre
 dite premiere, à cause des particulieres qui la prece-
 dent, Et vne resurrection didactique, qui est celle par

Colos. 1. 16.

Rom. 6. 5.

laquelle nostre Seigneur est reputé estre ressuscité à iustice, selon laquelle il est estimé tenir le premier rang en la resurrection, & nous fait conformes à la semblance d'icelle, à fin que nous ressuscitions par la regeneration pour viure & fructifier à iustice, estans par ce moyen participans de la resurrection premiere. Ces morts donc & resurrections spirituelles, ne sont pas reelles ou essentielles, d'autant que par icelles l'essence ne meurt ny ne ressuscite pas, ains seulement les facultez; Comme quand il est parlé de la mort premiere, par icelle l'essence de l'homme ne meurt pas, ains seulement la volonté pecheresse meurt en l'homme, dont l'homme est estimé mourir au péché: Et au contraire, en la mort seconde la volonté de faire iugement & iustice meurt en l'homme, & non l'essence d'iceluy: En la resurrection premiere aussi, l'essence de l'homme ne ressuscite pas, mais la volonté de faire iustice & iugement, dont l'homme est estimé ressusciter à iustice. Au surplus, encore qu'il semble que la resurrection premiere, soit dite à la difference d'une seconde, si est ce que nous ne trouuons en l'Escripture aucune mention de resurrection seconde. Si toutesfois on la vouloit presupposer pour la relation de la premiere, elle succederoit à la mort seconde, & seroit vne faculté de viure derechef en péché à ceux qui seroient premierement morts à l'operation d'iceluy. Tant y a qu'il n'en est point fait de mention en toute l'Escripture, parce qu'aussi encore que ceux qui sont en la mort seconde ayent vne volonté

de mal faire, ceste volonté ne peut estre dite viuante en eux, estant continuellement rongee du ver de la conscience, pour la cognoissance qu'ils ont du mal qu'ils font. Ces choses donc estans cognuës touchât la mort & resurrection, il sera aisé d'entendre ce qui est contenu en nostre texte de l'Apocalypse ci-dessus proposé.

Le Theologien donc dit, *qu'apres les mil ans de la prison de Satan, les ames des decollez pour le tesmoignage de Iesus viuront & regneront avec Christ mil ans.* Ceste vie donc & regne, est la vie de iustice, qui est acquise & apportee par la resurrection premiere, tellemēt qu'ils regnerōt en la resurrection premiere durāt ces mil ans, apres lesquels le reste des morts ressuscitera. Quelcun toutesfois pourroit dire, qu'il semble que le Theologien die, que la resurrection premiere soit celle en laquelle le reste des morts ressuscitera. A quoy ie respō, que cela ne peut estre ainsi entēdu, veu que *les residuz ou restes*, sont ce qui demeure apres l'entiere soustraction. Si dōc vous venez à soustraire les resurrections particulieres, & celle qui est dite par comparaison, & les resurrections spirituelles, tant prophetiques, que didactiques lesquelles se font de iour en iour, Celle qui restera la derniere, sera la resurrection du reste des morts, Et seroit absurde que la resurrection premiere fust la resurrection des restes, qui sont les derniers. Parquoy c'est la derniere & generale resurrection réelle & essentielle, qui arriuera en la fin du monde en l'an deux mil de la natiuité du Seigneur, en laquelle

le les morts ressusciteront essentiellement reprenans nouveaux corps, comme le bled semé & pourri en terre.

Le Prophete donc dit, que ces ames des décollez, c'est à dire qui deuoiēt estre décollez, car il parle ainsi selon le langage de la predestination, d'autant qu'ils n'estoient pas encore en estre pour pouuoir estre décollez, Il dit, di ie, qu'ils regnerōt avec Christ mil ans en la resurrection premiere, & que ceux qui ont part en icelle, la mort seconde n'a point de puissance sur eux, Car ils sont regenez & fideles, sur lesquels la mort secōde, prise pour le iugement & condamnation de la Loy qui engendre ire, n'a point de puissance, veu que la condamnation de la Loy n'a nul pouuoir sur ceux qui sont souz la Foy. Le feu donc de la Loy ne leur peut nuire, ains ils regneront estans faits Rois & Sacrificateurs, Lequel regne est spirituel, & la sacrificature aussi, pour rēdre à Dieu les hosties raisonnables de leurs propres corps, les oblations eucharistiques, les bouueaux de leurs leures, hosties de loüange, les vœuz & dons volontaires, & tout tel seruice dependant de la sacrificature spirituelle, En laquelle façon ils viurōt successiuemēt, sçauoir les vns apres les autres, durant l'espace de mil ans, à conter depuis les mil ans de la prison de Saran, qui sont deux mil ans depuis la natiuité de nostre Seigneur Iesus Christ, iusques à la resurrection generale. D'où nous pouuōs colliger, que depuis la creation du monde iusques à la fin, il y a six mil ans constituez. Car ayans trouué quatre mil ans depuis

Rom. 4. 15.

Rom. 8.

Rom. 12.

Ose. 14. 3.

Pse. 116. 17.

depuis la creation du monde iusques à la natiuité de nostre Seigneur Iesus Christ, lesquelz nous auons demonstrez au premier liure, Si nous les adiouſtons avec ces deux mille ans qui ſont conſtituez depuis la dite natiuité iusques à la fin du monde, nous trouuerons que leſdicts ſix mille ans ſont conſtituez depuis le commencement du monde iusques à la fin.

Des ſix mille ans conſtituez pour toute la durée du monde.

CHAP. XIII.

NOUS pouuons auſſi par autre moyé demonſtrer ces ſix mille ans conſtituez pour la generale & entiere durée du monde, à ſçauoir par la reigle de l'analogie, qui eſt la cōformité & ſimilitude de raiſons. Car Dieu a crée toutes choſes par celuy que l'Euangile appelle λόγος, c'eſt à dire *parole ou raiſon*, d'autant qu'il eſt la vraye hypotaſe & ſubſiſtence de laquelle toute raiſon vraye & conſtante dépend, luy ſeul en eſtant la ſource & la cauſe certaine, à ſçauoir nostre Seigneur Iesus Christ. De là ſ'enſuit que les œuures de ceſte Raiſon, par lesquelles elle doit eſtre cognüe, doiuent entr'elles rapporter les veſtiges & les voyes d'icelle, gardans entr'elles vne raiſon perpetuellement conforme, c'eſt à dire ſe cōreſpondans l'une à l'autre d'une perpetuelle analogie. *1ch. i. 1.*

gie. Ce qu'elles font aussi, suivant le tesmoignage de
Prou. 16. 11. Salomon, qui dit que *Dieu a vne balance de iugement en sa main, Et que toutes les œuvres d'iceluy sont comme les poids du satchet.* Car les poids du satchet d'une balance, sont entr'eux proportionnaux; Et puis que toutes les œuvres de Dieu sont de mesme, elles sont toutes proportionnelles. Dont s'ensuit, que l'œuvre de la creation du monde, correspond par analogie avec l'œuvre de la conseruation d'iceluy; Et Dieu *ayant créé le siecle & le temps*, il s'ensuit que le temps de la creation du monde, & le temps de la conseruation d'iceluy, s'ont entr'eux proportionels. Ce qui nous est aussi plus specialement notifié, par ce qui est dict que *Dieu a pesé les temps à la balance*, c'est à sçauoir par poids proportionnels. Le temps donc de la creation estant vne sepmaine, & ayant par ce moyen la raison d'une sepmaine, Il s'ensuit que le temps de la durée du monde doit auoir en soy la raison d'une sepmaine, rapportant par analogie ses iours, aux iours de la sepmaine de la creation. Mais pource que le septieme iour de la creation, estant iour de repos, n'est cōpris en l'œuvre d'icelle: Aussi le septieme iour de la sepmaine de la durée du monde, sera vn iour de repos exclus de ladite durée. Or nous auōs veu ci-deuant au chapitre Du iour, cōment les iours prophetiques sont pris & vsurpez pour vn an, ou pour mil ans. Et d'autāt que les iours de ceste durée, surpassent la premiere vsurpation prophetique d'un iour pour vn an, Ils doiuent estre pris en l'autre façon en laquelle vn iour est pris pour mille ans,

Dont il senfuiura, que par meſme raiſon les ſix iours de la durée du monde ſeront pris pour ſix mil ans, correſpondans aux ſix iours de la creation, Tellemēt que toute la durée du monde ſera par ce moyen de ſix mil ans.

Au ſurplus, les ſix premiers iours de la creation ſont coarctez & compris chacun és limites de ſon ſoir & matin, mais le ſeptieme n'eſt coarcté d'aucun limite, ains eſt vn iour eternal auquel Dieu ſe reſoſe eternallement de ſadiſte creation : Ainſi auſſi au ſeptieme iour de la durée du monde, Dieu ſe reſoſera non pas ſeulement durant le terme d'un iour tel que ſont les iours de ceſte durée, à ſçauoir durant le terme de mille ans, Mais eternallement, Et nous appellā à ſon repos, nous appelle à ce repos eternal. Quelques vns toutesſois penſans eſtre appuiez ſur ce paſſage de l'Apocalypſe, ont eſtimé que ces mille ans du regne des ames avec Chriſt, deuſſent commencer apres que le monde auroit duré ſix mille ans, prenans ce regne & vie millenaire comme pour le repos promis aux enfans de Dieu. Mais ceux-là ſe trompent grandement, veu que ce ſeptieme iour de la durée du monde correſpond au ſeptieme iour de la creation, lequel eſt eternal & non eſgal aux autres, ny coarcté comme les autres ſous les limites du ſoir & matin. Ainſi donc le ſeptieme iour de la conſeruacion & durée du monde, doit eſtre vn iour de repos eternal, & non eſgal aux autres iours d'icelle durée, ny coarcté comme eux ſouz les limites de

Gen. I.

Hebr. 4.

mille ans. Ces mil ans donc du regne des ames des fideles, ne peuuent correspondre qu'à l'un des six iours de la durée du monde, & non au septieme. Et si le repos spirituel & vie des fideles qui doit aduenir au septieme iour, ne deuoit durer que mille ans, que deuiendroit la promesse de la vie eternelle *Et regne eternel des seruiteurs de Dieu avec luy en la Jerusalem celeste?*

Apoc. 22.

Exo. 31.

Exo. 31. 13.

Exo. 17.

Au surplus, Dieu est si soigneux de l'obseruatiō de son analogie, que nō seulemēt il l'observe en ses faits, mais mesme il la donne aux siens à observer. Voila pourquoy il commande à son peuple en sa Loy, d'observer le Sabbath apres auoir trauaillé six iours à l'imitation de Dieu, lequel en la creation auoit trauaillé six iours, & se-
 stoit repose au septieme. Mais d'autant que les ceremonies Legales n'estoient que figures imparfaites, representās toutesfois vne doctrine parfaite: Voila pour-
 quoy aussi Dieu dit, *qu'il nous a donné le Sabbath en signe,* nous renuoyant à l'investigation de la chose signifiée. Or ie n'ay que faire de poursuiure icy toutes les significations didactiques du Sabbath, mais seulemēt son analogie Chronologique. Je dy donc, que le Sabbath Legal ne peut auoir aucune analogie parfaite avec le repos eternel de Dieu duquel il se repose eternellement de sa creation, ledict Sabbath Legal estant: répo-
 rel, apres lequel l'homme ne laisse pas derechef de remettre la main à sa besoigne, Ce que Dieu n'a pas fait, s'estant pour iamais reposé sans recommencer sa creation, ayant fait toute son œuvre dans six

iours, ſçauoir toute l'œuvre de ſadite creation. Il faut donc trouuer vn ſabath de l'homme qui ſoit vn ſabath eternal pour luy, l'homme ſe reſoſant eternallement en iceluy à l'exemple de Dieu apres auoir trauaillé ſix iours. Or cela ne peut eſtre pris en la mort de chacun hōme, Veu que la vie d'vn chacun n'eſt pas comparée à vne ſepmaine, Mais bien à vn iour ou à la portion d'iceluy. Mais ce reſoſ eſt le reſoſ general du general de l'homme, lequel reſoſ arriuera au dernier iour, c'eſt à dire au ſabath auquel Dieu ſe reſoſera de ſa conſeruation. Car ce dernier iour eſt le ſabath auquel l'homme ſe reſoſera eternallement du labeur que Dieu luy a ordonné ſur la terre. Lequel labeur precedant ledict ſabath, doit auoir raiſon d'vne ſepmaine, & ladiſte ſepmaine doit auſſi comprendre le general labeur du general de l'hōme. C'eſt ceſte ſepmaine de laquelle les ſix iours comprennent ſix mille ans, & leſdits ſix mil ans comprennent tout le labeur de l'homme depuis alors que Dieu renuoia Adam la-
Gen. 3. 23.
 bourer la terre de laquelle il auoit eſté pris, iuſques à la fin des iours de la terre, Veu que *tous les iours de la*
Gen. 8. 22.
terre, les ſemilles & les moisſons, le froid & le chaud, l'Eſté & l'hyuer, le iour & la nuit ne ceſſeront point, ainſi que Dieu le teſmoigne. Car ſi les ſemilles & moisſons ne ceſſent point durant tous les iours de la terre, Tous les iours d'icelle auſſi l'homme ne ceſſera point de ſumer & moisſonner, & par conſequent de trauailler. Mais apres les ſix iours du labeur d'iceluy, c'eſt à dire de ſix mille ans, l'homme entrera en ce reſoſ eternal.

auquelà l'exemple de Dieu il se reposera eternellement. Et c'est ceste sepmaine qui a vraicmēt analogie à la sepmaine de la creatiō, & à la sepmaine de la conseruatiō du mōde, & le repos d'icelle au repos de Dieu.

Nous auons desia par deux voyes prouué la durée fix millenaire du monde. L'une est, par l'inuestigation particuliere de quatre mil ans depuis la creation du monde iusqu'à la natiuité du Seigneur, accōpagnée de la constitution de deux mil ans depuis la natiuité du Seigneur iusques à la fin du mōde, puisée du vingtieme de l'Apocalypse. L'autre a esté, par l'analogie des iours de la creation aux iours de la durée du monde. Il en reste encor vne troisieme, prise de la Phrophetic d'Esdras, Là où il parle ainsi: *Et sera le mōde conuertiy au silence ancien par sept iours, ainsi qu'ez precedens iugemens, iusqu'à ce q̄ nul ne reste. Mais il aduiēdra apres les sept iours, que le siecle qui est encor endormy sera réueillé: Et ce qui est corrompu, mourra. Alors la terre rendra les choses qui dormēt en elle, & la poudre les choses qui sont cachées en elle & ne diēt mot, & les cachetes rendrōt les ames qui leur aurōt esté baillées en garde. Le Souuerain aparoiſtra sur le siege de iugemēt, &c.*

Pour l'intelligence de ce que dessus, il est à noter que le Prophete remarque deux especes de iugemens conuertissans le monde en silence: L'une est, du iugement dernier, auquel le Souuerain aparoiſtra au siege de iugement & conuertira le monde au silence ancien: L'autre est, des iugemens precedens esquelz anciennement le monde fut conuertiy au silence, d'où viēt que le silence est appellé ancien. Or nous pouuōs

remarquer qu'il ne dit pas speciallemēt, que quelques peuples doiuent estre reduits au silence ancien comme aux precedēs iugemēs, ou generalemēt & simplemēt, que la terre y doiue estre reduite cōme aux precedēs, iugemēs, mais parle plus generalemēt, *du mōde*. Et d'auantage ne dit pas que le monde sera reduit au silēce ancien, cōme aux precedēs iugemēs vn peuple ya esté reduit, ou la terre y a esté reduite: mais dit notammēt *que le monde sera conuertty au silēce ancien cōme es precedēs iugemēs*, denotāt tacitement q̄ le monde sera cōuertty audit silēce, cōme es precedēs iugemens le mōde y a esté cōuertty. Lesq̄lles choses estās bien entēdues, nous pouuōs venir à rechercher quelz sont ces iugemēs auxquels anciennement le mōde a esté conuertty au silence. Et nous trouuerōs que ce sont les iugemēs qui ont esté pronōncez sur Adā, Eue, & le serpēt. Pour l'esclaircissēmēt de quoy nous deuons remarquer, qu'il y a diuerses sortes de iugemēs que Dieu exerce, desquels les vns sont generaux, les autres sont speciaux, qui arriuent specialement sur vn païs ou peuple, tels que sont les iugemens aduenuz specialement sur les Sodōmites & Gomorrheens. Pareillement sur les Egyptiēs, Chanaanēens, Israēlites, Babyloņiens, & semblables. Les autres sont iugemens particuliers que Dieu exerce particulieremēt sur chacun. Quant aux iugemens generaux, les vns sont generaux sur la terre, estans aduenuz generalement sur toute la terre & non sur tout le monde, telz que sont les iugemens que Dieu a exercez sur la terre au temps du Deluge, lesquelz ne sont arriuez

sur tout le monde, d'autant que le serpent à sçauoir le diable qui est du monde, n'a pas esté compris en ces iugemēs du Deluge, pour ne pouuoir estre endomagē d'vne chose materielle telle que l'eau, Mais il a esté general sur la terre, ayant esté exercé sur tous les hommes terriens. Les autres, sont iugemens generaux sur tout le monde, estans arriuez non seulemēt sur les hommes terriens & mondains, mais aussi sur tout ce qui est du monde. Telz que sont les iugemens que Dieu a exercez en Adam, Eue, & le serpent. Car en iceux non seulement tous les hommes ont esté iugez en Adā & Eue: mais aussi tous les mauuais Anges qui sont du monde, en la personne du Prince de ce monde & de sa semence. Les iugemens donc precedens & anciens desquelz parle Esdras, par lesquels le monde a esté conuertiy au silence, qui ne peuuent estre des iugemēs speciaux ny particuliers, ny mesmes generaux simplement sur la terre, ains des iugemens generaux sur tout le monde, Ne peuuent estre autres que les iugemens que Dieu a exercez en Adam, Eue, & le serpent. Car ce sont les seuls iugemens exercez sur tout le monde, precedens le temps d'Esdras. Il reste donc maintenant de voir comme ces iugemens ont esté amenez par sept iours, & comme c'est que par analogie ilz peuuent estre rapportez au iugement dernier auquel le Souuerain apparoitra au throne de iugement. Pour ce faire nous deuons sçauoir que, Dieu ayant créé le monde en six iours, & entr'autres choses ayāt créé l'homme au sixieme iour de la creation, il le colloqua

colloqua au iardin d'Eden luy faisant commandement de ne manger de l'arbre de science de bien & de mal. Toutesfois la nuit suiuaute le serpent le tenta, & le feit cheoir en peché durât les tenebres dont encor les œuures de peché sont appellées *œuures de la nuit*, & *œuures infructueuses des tenebres*, contre lesquelles il est commandé aux enfans du iour & de la lumiere de veiller, de peur d'estre surpris, comme Adam & Eue, ensemble de peur d'estre comme eux trouuez nuds. Or les tenebres d'icelle nuit estâs passées, voila Dieu qui apparoisst en iugement au vent du iour, c'est à sçauoir alors que le septieme iour commençoit à poindre, tellement que le septieme iour apporta ces iugemens qui furent exercez en Adam, Eue, & le serpēt. Et est bien à noter que ce ne fut pas à l'issüe du septieme iour, mais au commencement de sa lumiere: car aussi la fin de ce septieme iour ne peut estre remarquée, veu que c'est le iour du repos du Seigneur auquel il se reposa de sa creation pour iamais, & commença à exercer ses iugemens & sa iustice. Dont aussi en la Loy le repos des œuures terriennes nous est commandé pour nous addonner à la contemplation des iugemens du Seigneur & de sa iustice, & ce à son exemple qu'il nous a monstéré à sa creation. Dieu dōc se reposant à iamais de sa creatiō au septieme iour, ce iour est eternal pour le regard de Dieu, luy estant vn iour de repos eternal, & ainsi ce iugement a tellement esté amené par sept iours, que ç'a esté au cōmencemēt du septieme & non apres le septieme expiré. Pareillemēt aussi quād il dit,

*Ephe. 5. 11.
1. Thess. 5.*

Apo. 16. 15.

Gen. 3. 8.

que par sept iours le monde sera cōuertty au silēce ancien le souuerain apparoiſſant en ſon throne iudicial, nous deuōs entendre qu'il apparoiſtra en ce iugemēt dernier au septieme iour d'vne ſepmaine telle q̄ nous auons ci-deſſus expoſée, de laquelle les iours ſont pris pour mil ans, & ce au cōmencemēt du septieme iour, les ſix premiers iours, c'eſt à dire ſix mil ans de la durée du mōde, eſtās expirez. Quād dōcil dit, *Mais il aduiedra apres les ſept iours*, nous deuons entēdre, non pas cōme ſil diſoit, apres les ſept iours expirez, mais cōme ſil diſoit, apres les ſept iours arriuez. Car ce iugement ne peut eſtre qu'à l'arriuee & nō à l'iſſuē du septieme iour, attēdu qu'iceluy ſe rapporte aux precedēs iugemēs aduenus en Adā, leſquels ne ſont aduenuz apres le septieme iour expiré, veu que le septieme iour de la creatiō, qui eſt le iour du repos, eſtāt eternal, n'eſt pas encor expiré, tāt ſ'en faut qu'il le fuſt au temps auquel Adam a eſté iugé. Ainſi donc qu'en Adam le mōde a eſté iugé au cōmencemēt de ce iour du repos eternal du Seigneur, qui eſtoit le septieme: ainſi apres ſix iours c'eſt à dire ſix mil ans de la durée du mōde le mōde ſera iugé au septieme iour, l'Eternal aparoiſſant en ſon throne iudicial.

Il eſt donc beſoin de ſçauoir que ceſte queſtiō de la durée ſixmillenaire du monde, a eſté exagitée par vn Rabin Hebrieu nōmé Elie, & en a fait vn traité qu'il a par maniere de dire edifié en forme de l'edifice d'vne maiſon, c'eſt à dire à ſon aduis ſuffiſamment demōſtré; dōt encor ledit traité eſt appellé la maiſon d'Elie, Au-

quel toutesfois il n'a point donné preuue & demõstration suffisante. Lactãce Firmian l'a aussi depuis entreprise, mais il a passé bien legerement par dessus, & n'a donné aucune solution des obiections qu'on luy pouuoit faire, Et qui pis est, a mellé parmy ceste doctrine cet erreur touchât le septieme millenaire que nous auons ci dessus refutée, & n'a baillé aucune supputatiõ par laquelle l'on peust cognoistreny combien de temps estoient passez de ceste durée, ny combien il en restoit à venir. N'ayant donc baillé aucune solution des questiõs qu'on pouuoit prédre de l'Euangile pour luy obiecter, & aiant enuelpé ceste doctrine de ses opinions erronées, Cela a esté cause qu'elle a esté mesprisée, & tenue pour erreur. Nous donc ayãs par le premier chapitre du secõd liure de ceste Chronologie, preueni les obiections qu'on nous pouuoit faire, & monsté qu'il n'y auoit point d'empeschemẽt de sçauoir les ans de la durée du monde. Et ayans criblé les anciens erreurs qui auoient esté espars & semez parmi ceste questiõ, Et prouué mesme par autre voye la certitude d'icelle, Et monsté ce qui est passé de ces six mil ans, & ce qui reste à venir d'iceux, Ne deuons estre repris de l'auoir proposée, veu qu'il ne reste plus aucune difficulté ny lieu de doubte sur icelle.

Observations sur le general subiect de la Chronologie, avec la conclusion de tout l'auure.

Aaa ij



ELLE a esté l'explication de toute la Chronologie comme nous auons peu voir iusqu'icy, En laquelle nous auons vlé d'une telle seuerité, que nous auons pris pour seul fondemēt de toutes noz ratiocinations, la parole de Dieu, & icelle aussi nous a seruy de superstruction. Car en nul endroit nous n'auons mis en auant aucune explication prise ou de nostre propre opinion, ou de celle d'autrui, ou d'aucune histoire estrangere, Moins encores en auons nous pris aucun fondement. Et quant aux explications que nous auons prises de l'Escripture pour interpreter l'Escripture, Nous les auons proposées si clairement & avec tant d'assurance, que nul n'a lieu à l'aduenir de mettre en auant aucune difficulté ou doubte concernant le subiect de ladicte Chronologie. Nous auons toutesfois en temps & lieu amené la supputation de l'histoire estrangere, l'accordans & concilians avec l'histoire Sainte, Mais ce n'a pas esté pour par icelle penser redresser ou soustenir & asseurer l'histoire Sainte, veu qu'icelle est trop asseurée de soy pour auoir besoin de si fragiles appuys, ayant de son costé ses propres expositions desquelles elle s'explique elle mesme, & supputations de semaines ciuiles & iubiléz, par lesquels elle releue qui ce semble clocher

au progrès de la supputation, Laquelle elle a moyen de desduire d'un fil continuel, tant par les histoires que propheties depuis le commencement du monde iusques à la fin, sans l'ayde ou support d'aucune histoire estrangere, ou autre liure estrangier: tellement qu'elle est suffisante à par soy pour cōduire un Chrestien à la vraie & entiere cognoissāce de tout l'āge du mōde. Mais d'autant qu'il est besoin de la rendre de tout point si parfaite & familiere, qu'elle puisse mesme seruir pour instruire & conuaincre les estrangers, Nous auons adiousté lescdites supputatiōs estrāgeres, à celle fin que les estrangers mesme soiēt conuaincuz de la verité de nostre supputation, & par ce moyen puissent estre conduits à la cognoissāce du Christ, en ce qu'ilz verront que sa venue ayant esté prophetisée & le temps d'icelle curieusement coarcté, il est venu precisēment au mesme temps auquel il auoit esté predict par les anciens Prophetes. Or en desduisant l'histoire Saincte depuis la creation iusqu'au Deluge, là où il y a mille six cens cinquante-six ans, nous les auons exhibez simplement & sans admettre aucune difficulté, pource qu'en iceux il n'y eschet ny peut eschoir aucune doubte, si ce n'est pour le regard de la supputation des septante Interpretes, Laquelle toutesfois ne pouuant estre conciliée avec la supputation Mosaique prise textuellement de la Bible Hebraïque, la verité de laquelle ne peut estre reuōquée en doubte, Nous auons laissé la dicte supputation comme estrangere & fausse. Apres

le Deluge, en ce qu'il sembloit qu'il y eust mesconte
 en la supputation de Moyse sur le temps de la natiui-
 té d'Arphaxad, nous auons mōstré qu'il est aisé de cō-
 cilier la verité d'icelle supputation, en supprimant vn
 an de la supputation vulgaire. La difficulté aussi qui
 sembloit estre sur la natiuité d'Abraham, nous l'a-
 uons conciliée en prenant la solution du costé d'où
 sembloit naistre la difficulté, sçauoir des paroles d'E-
 stienne martyr aux Actes des Apostres. La difficulté
 aussi qui estoit sur le temps de la peregrinatio des en-
 fans d'Israël en Egypte, en laquelle mesmement tous
 les Chronographes se sont aheurtez, nous l'auons ex-
 pediée en interposant l'autorité du Saint Apostre
 Paul, qui tesmoigne que depuis la confirmation
 de l'alliance apportée par la circoncision à Isaac au
 huietieme iour de sa natiuité, iusques à la Loy, il
 y a quatre cens & trente ans. Depuis l'issuë d'E-
 gypte, iusques à la construction du Temple de Sa-
 lomō, il y a eu quatre cens & octante ans, expresse-
 ment exhibez aux liures des Rois & des Annales,
 esquels il n'y a point eu d'historien qui sy soit mes-
 conté, si ce n'est Iosephe, lequel estime y auoir eu
 cinq cens nonante & deux ans. Depuis la constru-
 ction du Temple, il y a eu cent vingt-huiet ans iuf-
 ques à la coniuration de Iehu, Et de là cent seprante
 sept ans iusques à la transmigration d'Osée, desquels
 la supputation a esté asseurée par la perpetuelle col-
 latioñ des deux regnes de Iuda & d'Israël. Et de-
 puis la transmigration en Babylone dudiect Osée

Archeo. 8. 2.

Roy d'Israël,iusques à la transmigration de Sedecias Roy de Iuda,les cent quarante-cinq ans qui y ont esté compris , ayans esté ioincts avec les septante ans consecutifs de la captiuité,Et derechef avec les soixante-trois ans interuenuz depuis l'an septantieme de ladite captiuité,iusques au vingtieme de Darius Artaxerxes,ont esté confirmez & demonstrez par la supputation des sepmaines ciuiles & Iubilez Legaux , l'investigation & assiete desquels a esté deprehendée au vingt-sixieme an dudiect Darius Artaxerxes Longue-main. Et depuis le vingtieme dudiect Darius , iusques à la natiuité de nostre Seigneur , Nous auons conté quatre cens & soixante ans prouuez & demonstrez par les quatre cens & nonante ans qui sont contenuz depuis le susdict an vingtieme de Darius iusques à l'an trentieme du Seigneur , qui estoit l'an de son baptesme,auquel nostre Seigneur publia l'an de deliurance,La demonstration desquels dépend tant des septante sepmaines de Daniel , que de l'institution des sepmaines ciuiles prescrites en la Loy Moysaïque,La continuation desquelles a esté poursuiuie d'un fil continuel depuis l'introduction des enfans d'Israël en la terre de Chanaan , auquel temps elles commencerent à auoir leus cours , iusques audiect an trentieme du Seigneur , lequel estant vn an de deliurance selon ladicte institution fut publié comme tel par la bouche du Seigneur , suiuant la Prophetie d'Isaie,ainsi qu'il est remarqué en l'Euangile selon Sainct Luc.

Quant à l'histoire estrangere, elle n'obtient pas vne pareille autorité, veu que les auteurs d'icelle en plusieurs endroits se cōtredisent, & specialemēt les Grecs desquels les histoires escriptes qui ont precedé Alexandre le grand, sont fort douteuses, & celles des Chaldéens de tout temps sont plus certaines. Car celles des Grecs aux choses qui sont aduenues entre eux depuis ledict Alexandre, ont plus de certitude que les precedentes, veu que leur supputation depuis ledict temps se trouue accordante avec la Prophetie, là où au contraire leurs narrations precedentes ne peuuēt estre conciliées avec l'histoire sainte; Mais l'histoire Chaldéenne se trouue veritable & accordante avec l'histoire Sainte, depuis le temps de Phul Belochus successeur de Sardanapale & premier regnant au regne mesparty de Babylone, duquel premier est fait mention en la Bible iusques à Darius Artaxerxes Longue-main, qui est le dernier mentionné en l'histoire Sainte, & depuis Darius la continuation de la supputation desdicts Roys, conuient encore avec la Prophetie, si bien que tant par icelle, que par la supputation des Olympiades, & ans de la fondation de Romme, nous auōs rouné la supputation de l'histoire estrangere de point en point accordante avec le fil de l'histoire Sainte cy dessus exposé, contenant la perpetuelle narration des quatre mille ans precedents la natiuité de nostre Seigneur. Et quant aux deux mille ans constituez depuis ladicte natiuité iusques à la fin
du mon-

du monde , ils ont esté clairement exposez par le vingtieme chapitre de l'Apocalypse . Tellement que par ce moyen il appert que la generale duree du monde est de six mil ans , Lesquels aussi ont esté demōstrez d'autre costé par la regle de l'analogie, estās rapportez aux six iours de la creation. Dont ces deux preuues fortifiens l'une l'autre, & en outre accompagnées de la Prophetie d'Esdras, rēdent le probleme trefasseur & indubitable . Quant aux poincts didactiques de la iustice des siecles, de la foy, ouye, image de Dieu , des parties essentielles de l'homme & de leurs facultez, des especes de mort & resurrection, & semblables , Outre le profit & soulagement qu'ils peuuent apporter au Chrestien en la lecture de la parole de Dieu , ils seruēt encor pour regaillardir le subiect de la Chronologie, qui de soy mesme est assez austere & melancholique. Quiconque aussi prendra garde à l'ordre & disposition d'iceux, cela luy pourra de beaucoup seruir pour cognoistre l'ordre & la disposition de l'Arche du Seigneur, à sçauoir de son alliance & Testament tant vieux que nouueau, En aduisant routesfois & prenant garde de pres qu'on ne la vienne à regarder d'un œil prophane , de peur que tels prophanateurs ne perissent en la regardant, non seulement avec les Philistins, mais aussi avec les Bethsemites.

1. Sam. 5. 6.

ΠΑΡΑΔΟΞΕΩΣ, ΑΛΛ' ΟΥ ΓΑΡΑΛΟΓΩΣ.

F I N. .

Bbb





AV LECTEUR

CHRISTIE N.

L'ON pourroit trouuer nouvelle & estrange la publication de ce mystere du Siecle & aage du monde, & manifestation du secret des Temps, & côme telle la reietter, & me blasmer comme temeraire pour l'auoir recherchee & mise en lumiere. Pour obuier ausquels blasmes & calomnies, l'ay bien voulu môstrer qu'encore que la publication d'iceluy mystere soit nouuelle, Si est-ce que la science ne laisse pas d'en estre bien ancienne, Et que ce n'est pas sans iuste raison que i'ay entrepris l'inuestigation & publication d'icelle. Premièrement donc ie dy, que la science de ce mystere du Temps ou du Siecle ne peut estre estimee nouuelle, ayant esté anciennement euangelisee aux Prophetes qui nous l'ont laissée, & des escrits desquels nous l'auons puissee. Car c'est ce mystere des temps iadis euangelisé aux Prophetes duquel est parlé en l'Apocalypse, l'Ange parlant ainsi avec iurement expres & solemnel, disant *qu'il n'y aura plus de temps, ains qu'és iours de la voix du septieme Ange quand il deura sonner de la trompette, ce mystere de Dieu sera aussi cōsom-* *Apoc. 10. 5.*

Bbb ij

*mé, ainsi qu'il a euangelisé à ses seruiteurs Prophetes. Laquelle prophetie n'a pas faute de difficulté, veu qu'il semble qu'il vueille dire qu'il n'y aura point de réps pour la voix de la septieme trôpette. Mais il ne peut estre que cela doïue estre ainsi entendu, veu qu'il dit qu'il n'y aura plus de temps és iours du septieme ange, Qui est autant comme s'il disoit qu'au temps du septieme Ange il n'y aura plus de temps. Que s'il y a quelques iours pour la voix du septieme Ange sonnât de la trompette, Il est certain que ces iours sont compris souz quelque temps. Il reste donc de rechercher plus auant que c'est qu'il veut dire, en ce qui s'ensuit apres au texte: Et nous trouuerons qu'il dit apres, *que le mystere du temps sera consommé alors que le septieme Ange deura sonner de la trompette: Ce qui monstre que la cognoissance du temps estoit auparauant en mystere, & qu'alors il n'y aura plus de temps en mystere, le mystere estant consommé. Tellement que la raison pour laquelle il n'y aura plus de temps, n'est pas que le réps soit cōsommé & acheué & soit cessé, mais bien le mystere du temps. Ainsi donc nous entendons, & qu'és iours de la voix du septieme Ange quand il deura sonner de la trompette, il n'y aura plus de temps en mystere, & que le mystere de Dieu lequel il a euangelisé à ses seruiteurs Prophetes desquels il est ici parlé, est ce mystere ou secret des temps. Par cecy aussi nous pouuons venir à l'intelligence d'un autre passage non moins difficile que cestuicy, auquel il est dit*
*Apoc. 14. 6. qu'un Ange publia l'Euangile seculaire. Et premiere-**

ment quant à ce qu'un Ange l'a publié, Ce fait se peut rapporter à toute sorte d'homme auquel le nom general d'*Ange*, c'est à dire messager, peut competer. Quant à ce qu'il est dit qu'il publia l'Euangile seculaire, Nous deuons entendre que c'est vne publication nouuelle non d'une chose nouuelle, mais d'une chose ancienne, telle qu'est cet Euangile seculaire, qui n'est vn Euangile nouveau ny ne le peut estre. Car l'Esprit de Dieu qui nous tesmoigne la publication de cet Euangile seculaire, est le mesme esprit qui a tesmoigné en saint Paul & nous a preaduertiz, *que si vn* Galat. 1.8.

Ange descendant des cieux nous annonçoit autre Euangile que celui qui nous a esté euangelisé, que nous ne le receuions point: Et nous annonçant la publication de cet Euangile seculaire, il ne l'est oublié de ce qu'il auoit precedemment dit: Tellement que ceci ne peut estre amené en contradiction au precedent. Dont il sensuit, que c'est bien vne publicatiō nouuelle, mais non d'une chose nouuelle, ains d'un Euangile premierement euangelisé. A cause de quoy nous pouuons rechercher quel Euangile c'est duquel il est question. Or pour le trouuer, Puis que cet Euangile est appelé *Euangile seculaire*, c'est à dire, *concernant le siecle*, qui est l'aage du mode, qui comprennent le mystere du temps: Nous pouuons aisément entendre, que cet Euangile seculaire est ce mystere du temps ou du siecle que Dieu a euangelisé à ses seruiteurs Prophetes: Et pour ceste raison l'appelle il *Euangile*, sçauoir d'autant que le mystere d'iceluy a esté euangelisé aux Prophetes;

Et *Euangile ſeculaire*, d'autant qu'il comprend le myſtere du ſiecle, c'eſt à dire du temps & de l'age du monde. Par ces choſes donc il eſt aiſé de cognoiſtre, que ceſte ſciēce a eſté familiere aux anciens Prophetes, & par cōſequent qu'elle eſt ancienne & non nouvelle. Et d'autant qu'elle eſt prophetique ayant eſté euangelifee aux Prophetes, Nous en auons auſſi puisſé les principes, de la ſource prophetique, ayans pourſuiui l'inueſtigation d'icelle par la voye & trace des anciennes propheties, comme il eſt aiſé à voir en tout le progrès de noſtre Chronologie. On ne doit donc point trouuer eſtrāge vne telle publication, veu meſmement que nous ſommes prochains de la voix de la ſeptieme trompette. Au ſurplus, j'ay pris beaucoup de peine à l'inueſtigation des myſteres Prophetiques, laquelle toutes fois euſt eſté vaine ſans l'aſſiſtance diuine, veu que la cognoiſſance d'iceux ne dépend que du don gratuit de Dieu, dōt vn chacun avec moy luy doit rendre graces. Et ſçachant que c'eſt vn don de ſa grace, cela me redonne à vn contentement indigne, qui me ſert de recōpenſe plus ample ſans comparaiſon qu'elle n'eſt deuë à mes labeurs. Car tout ainſi qu'une femme traueille à ſon enfantement, & apres iceluy traueil, l'aiſe & ioye qu'elle a d'auoir produit au mōde vne creature de Dieu, efface la memoire de ſes douleurs: Ainſi le contentement que j'ay d'auoir mis en lumiere vne ſcience que Dieu m'a donnée avec grand labeur, efface la ſouuenance de mon traueil. Et ſuis ſi bien ſatisfait de ce mien contente-

ment, que ie n'en preten autre gloire ny recompense, Ains en laisse de bon cœur l'vtilité à l'Eglise, & la gloire à Dieu, qui est le seul auteur. Et pour ceste raison ie mets ceste descouuerte en lumiere.



AV LECTEUR HEBRIEV.

S'I l y a nation au monde laquelle Dieu ait particulièrement fauorisee, ç'a esté la nation Hebraïque, laquelle Dieu a choisie pour luy estre vne acquisition d'heritage & peuple peculier. S'estant manifesté à leurs premiers peres, Abraham, Isaac, & Iacob, & puis encore par songe à Ioseph, depuis aussi plus clairement à Moÿse & à ses Prophetes, Et finalement aussi le Messias en est islu, par qui Dieu s'est plus à plain manifesté aux hommes, cōuersant parmi eux en habit & forme humaine. Et en somme Dieu l'a tant fauorisee, que de faire que tous ses oracles luy ayent esté commis, en telle sorte que *toute la Loy est sortie de Sion, & la parole de Dieu de Ierusalem*, Sçauoir, *Rom. 3. 2. Is. 4. 2. 3.* toute la volonté de Dieu contenuë en sa parole, a esté apportee par ceux de la circoncision, ausquels auoit esté commise la charge de l'alliance. Mais il est aduenu que ceste nation, au lieu de recognoistre la grace speciale que Dieu luy faisoit, a tousiours pensé que:

CHRONOLOGIE

Exo. 32. 9.
 & 33.
 Deut. 9. 13.
 Ierem. 6. 10.
 & 9. 26.

Nomb. 21.
 Nomb. 11.
 Iosue. 5.

Iug. 10.
 Iug. 13.

1. Roy. 15.

Dieu luy deuoit de reste, & a dédaigné & refusé ses graces, & persecuté ceux par lesquels Dieu la leur a offerte. De là est venu qu'ils n'ont voulu obeir ny à Moÿse ny aux Prophetes, ains se sont monstrez gens de col roide & incirconcis de cœur & d'oreilles, persecutans les Prophetes & seruiteurs enuoyez de Dieu & les mettât à mort: Tant qu'à la fin Dieu leur a enuoyé son propre fils, lequel ils ont reietté & mesprisé, & exposé en opprobre, & finalement occis par les mains des estrangers. Mais il est aduenu aussi, que comme ceste gent a esté reuesche & rebelle à Dieu, Dieu l'a tousiours chasticee de sa rebellion, la visitant & enuoyant sa iuste vengeance selon l'importâce de leurs peruersitez. De là est aduenu, que pour les rebellions faites en Moÿse cõtre Dieu au desert, Dieu leur a enuoyé des serpens pour les mordre, & les a chastiez & par le glaiue & par le feu, & par leur propre gloutonnie, & les a consumez par quarante ans au desert, iusques à l'estre deffait de ceste gent dédaigneuse & superbe, & opiniastre & rebelle. Ledit peuple aussi apres Iosué, s'estant escoulé & ensuiuant la vanité de ses opinions, a esté souuent exposé à la merci de ses voisins ses ennemis, desquels il a esté mal-traitté & tyrannisé, à sçauoir durant le temps qu'il a persisté souz la conduite des Iuges. Puis apres, pour le mespris des Prophetes & pour diuerfes idolatries, Dieu les a ramenez pour estre exposez en opprobre entre les mains des nations desquelles leurs peres s'estoient éloignez, les ayans detestees pour l'horreur de leurs abominatiõs, & a

& a fait estre leur terre en friche & en desolation. De. 2. *Chro*. 36.
 puis aussi, pour le mespris du Messias Dieu les a pareillement exposez en opprobre & mocquerie parmi toutes les nations de la terre, & fait estre leur terre habitation des estrangers leurs ennemis. Or il est tousiours aduenue à ce peuple, qu'alors qu'il a recognu & cōfessé ses pechez, Dieu luy a fait grace & misericorde, luy pardonnant ses fautes, & retirant ses verges de dessus luy, & le remettant & restituant en meilleur estat que deuât. De là est venu que Dieu leur a suscité *Exo*. 3.
 Moyse pour les retirer & deliurer d'Egypte, Et puis les Iuges pour les recourir d'entre les mains de leurs *Iug*. 6. 11.
 voisins qui les molestoient, lesquels les en ont deliurez, dont en fin leurs Rois suruenans ont possédé les portes de leurs aduersaires, & assuietti ceux qui les assuiettissoiēt. Il leur a aussi suscité des Prophetes qui ont procuré leur paix & deliurance d'entre les mains *Ierem*. 50.
 des Chaldeens, qui les detenoient en seruitude, dont ils ont esté restituez en leurs villes & pays, & leur captiuité a par leur moyen esté remise en pleine liberté. Mais maintenant, leur desolation & ruine est si longue que le temps d'icelle surpasse le temps de toutes les autres punitiōs qui sont iamais aduenues à ce peuple, dont il semble que Dieu les ait du tout oubliez, & pouuons de là cōclurre que leur dernier forfait est plus grand que toutes les precedentes fautes de leurs peres. Car puis que Dieu met le iugement à la regle ou *Isa*. 28. 17.
balance, & la iustice à la mesure, nous pouuons à la balance du iugement de Dieu qui est exercé sur eux, pe-

fer la grauité de leur offense. Maintenant donc, ô Israélites, ie voudroy biē sçauoir de vous quelle est ceste grāde offense que vous auez fait cōtre Dieu, pour laquelle l'ire de Dieu demeure tant & si long réps enflambee sur vous? Vous me respōdrez, que c'est Dieu qui le sçait, & que ce n'est pas à vous d'entrer au cabinet de Dieu pour fueilleter ses memoires, à sçauoir la cause de son ire si grāde. Surquoy ie vous respon de-
 rechef & replique, que c'est toutesfois à vous à entrer au cabinet de vostre conscience, pour là vous en enquerir & le sçauoir. Car vous n'en pouuez obtenir la remission, sans que vous en ayez la cognoissance, pour laquelle auoir, il n'est pas besoin de monter au ciel, mais d'entrer en vous-mesmes, & fueilleter les secrets de vostre conscience. Et pour vous monstrier qu'il est necessaire que vous cognoissiez voz fautes pour en obtenir la remissiō : Il faut que vous sçachiez que vous ne pouuez venir à obtenir misericorde, si ce n'est en faisant recognoissance de voz fautes : Mais si vous les recognoissez, Dieu vous les pardonera. Ainsi voz peres ayans prouoqué l'ire de Dieu, ont esté souuent visitez & chastiez, & quelquesfois esté submis au ioug de leurs aduersaires : Mais alors qu'ils ont reconnu leurs fautes, Dieu leur a fait misericorde, en faueur & cōsideration des alliances faites avec voz premiers peres Abraham, Isaac, & Iacob, & des promesses faites à Dauid. Or pour venir à vne telle recognoissance, il falloit qu'ils eussent cognoissance de leurs fautes, pour lesquelles Dieu iustemēt courrou-

cé les chastioit ainsi . Pour laquelle chose aussi Dieu leur suscitoit des Prophetes, qui les aduertissoient & admonestoiēt de leur deuoir, & leur monstroient au doigt leurs meffaits, qui estoier cause de l'ire de Dieu sur eux, dont eux venās à recognoissance paruenoiēt à obtenir pardon, & sans ceste recognoissance, voire sans la cognoissance de leur peché ils n'eussent pas obtenu vne telle misericordē, dont il leur estoit bien besoin de venir & entrer au cabinet de leur conscience pour cognoistre leur peché, à fin d'en demander pardon. Et maintenant si vous voulez estre pardonnez & restituez, il reste d'y venir par la mesme voye, & est besoin de demāder pardon d'icelle mesme faute pour laquelle Dieu est courroucé cōtre vous, & non d'une autre. Car si vous ne confessez ceste-là mesme, & n'ostez le mal pour lequel notammēt Dieu est courroucé contre vous, vous vous peinez en vain. Ainsi quād les Israēlites eurent au desert fondu le veau d'or, en *Exod. 32.* vain eussent ils pleuré demandans pardon à Dieu, s'ils n'eussent osté ledit veau d'or du milieu d'eux. Ce que cognoissant Moyses l'a brisé & reduit en poudre, & en a effacé la memoire, & par ce moyen rappaisé l'ire de Dieu. Pareillement quand Achan eut fait sacrilege, *1oſu. 6.* emblant l'interdit, dont l'ire de Dieu fut irritée contre l'ost des Hebreux, & les fait fuir deuant les habitans de Hai, en vain eussent ils demandé pardon, si le sacrilege n'eust esté réparé, & l'interdit restitué. Et les enfans d'Israël ayans esté deiettez pour leurs idolatries hors de leur pays, en vain eussent ils tendu les

mains à la miséricorde de Dieu, fils n'eussent connu
 qu'ils estoient ainsi affligés pour telles idolatries, pour
 lesquelles ils auoient méprisé la voix des Prophetes,
 & ne se fussent couverts & repurgez d'icelles en obeis-
 sant à la voix des Prophetes qui les admonestoient, &
 leur ont remontré & donné à cognoistre leurs pe-
 chez. Maintenant donc aussi c'est en vain que vous
 demandez pardon à Dieu si vous ne cognoissez la cau-
 se de son indignation, & le peché qui vous cause tel
 malheur. Parquoy il est question de mettre peine de
 le cognoistre. Je vous adiure donc, ô vous Prestres
 de la Loy & Sacrificateurs auxquels Dieu a donné la
 charge de l'instruction du peuple, prenez garde à vous
 mesmes, Ce n'est pas peu de chose que de la perte de
 tant de pource peuple qui vous est mis en main : que
 chacun Iuif aussi y prenne gardé. La cognoissance de
 son salut touche à toute personne. Pensez en vous
 quel peut estre ce grand peché pour lequel Dieu s'est
 courroucé si long temps contre vous? Il faut bien di-
 re que ce peché est grand, & l'ire de Dieu pesante, veu
 que la punition laquelle il exerce maintenāt sur vous
 surpasse toutes les playes lesquelles Dieu a iamais exer-
 cé sur voz peres & predecesseurs, vous ayans esté en
 ceste desolation par l'espace de plus de quinze cens
 ans. Ce n'est pas toutesfois pour idolatrie: car elle ne
 regnoit plus entre les Israélites desia long temps auāt
 la subuersion de Ierusalem par Vespasien : Et toutes-
 fois la punition d'icelle, surpassant sans comparailon
 toutes les afflictions & chastimens aduenus parauant

à voz peres pour leurs idolatries, monstre que ceste
 faute surpasse toutes leurs idolatries estant de beau-
 coup plus grande: Dont ie cōclu qu'elle ne peut estre
 autre qu'une offense, s'adressant à la propre person-
 ne de Dieu. Je sçay bien que ceux qui idolatrent, des-
 honorent Dieu, & que Dieu proteste à ceux-là qu'il
 est ialoux de son honneur, & qu'il n'endurera pas vn Exo. 30.
 tel mespris, comme il ne l'a peu endurer à voz peres.
 Mais à ceste fois vous auez non seulement mesprisé
 le fils de Dieu, mais vous vous estes bandez & oppo-
 sez à luy comme ennemis iusques à le faire mourir.
 Ainsi voz peres ont peché estans contempteurs de
 Dieu, Et vous, auez peché plus qu'eux en vous consti-
 tuans ses ennemis: Et ainsi vostre faute plus grande a
 encouru vne plus grande punition. Voz peres aussi
 ont tué les Prophetes, seruiteurs de Dieu, & vous auez
 exposé à la mort le fils de Dieu, dōt luy-mesme vous
 a prophetizé qu'ainsi en aduiedroit, ayant tesmoigné
 avant que mourir, *que vous feriez mourir le fils du pere* Math. 21. 33.
de famille dont vous teniez la vigne, comme vous auiez Et
fait mourir ses seruiteurs, dont il aduiedroit que vostre mai- Matt. 22. 38.
son vous seroit laissée deserte: A quoy aussi conuient la
 prophetie d'Esdras, chap. I. Et maintenāt, recognois-
 sez ceste faute laissant vostre ancienne opinia estre
 par laquelle vous vous estes mōstrez tousiours gens
 de col roide & incirconcis de cœur. Je sçay bien tou-
 tes fois que l'horreur q̄ vous auez du nom de Christ,
 fera que quelques vns ne voudront pas ouir aucune
 raison là dessus: mais que ceux là sçachent que leurs

opiniaſtreté ne peut eſtre dommageable qu'à eux-mesmes, & ne peut nuire à Chriſt ny aux ſiens. Et telles gens qui preferent leur opinion à toute raiſon, ſont pires que les beſtes, parquoy comme telles il les faut laiſſer là, Et ſil eſt impertinent de parler aux beſtes, il eſt auſſi bien impertinent de parler de raiſon à telles gens & de les admonneſter de leur ſalut. Mais à ceux qui ont quelque veſtige & trace de raiſon en eux-mesmes, ou deſir de cognoiſtre la verité, ie leur donneray à entendre par raiſon inuincible, que celuy que nous confeſſons eſtre noſtre Sauueur le Chriſt, eſt vrayement le Meſſias promis. Ce que ie ne veux pas perſuader par veriſimilitude, mais prouuer par raiſon indubitable puiſſee des liures de la ſainte Eſcriture, receuz & approuuez entre les Iuiſs meſmes ennemis du nom de Chriſt: Veu que toutes les conditions, marques, & circonſtances requiſes au Meſſias, ſont en celuy que nous confeſſons eſtre le Chriſt. Car

- Ierom.* 23. 5. en premier lieu, il falloir que le Meſſias fuſt de la li-
Or 33. 14. gnee de Dauid ſelon la chair, qu'il fuſt Prophete tel
Deut. 18. 18. que Moyle, qu'il fiſt des miracles, gueriffant les ma-
Iſa. 35. 5. & reſuſcitant les morts, ouurant les yeux des
Iſa. 81. aueugles, & les oreilles des ſourds, & qu'il euangeli-
Iſa. 53. zaſt aux petits, & preſchaſt l'an de deliurance. Il fal-
Pſe. 16. 10. loit qu'il vint au temps predit par les Prophetes, qu'il
Amos 9. 11. mouruſt & portaſt noz pechez, & reſuſcitaſt ains
 que ſentir corruption, & finalement qu'il reſtituaſt
 le regne à Iſraël, & raddreſſaſt le tabernacle de Da-
 uid diſſipé. Par toutes leſquelles choſes ie prouueray

Dieu ay dât, que celuy que nous recognoissons pour le Messias, est vrayement luy sans autre. Car en premier lieu, il est de la race de Dauid, ainsi qu'apert par les genealogies d'iceluy escrites dans l'histoire Evangelique, pour la verité du tesmoignage de laquelle, ceux qui l'ont escrite, & annôcée, & tesmoignée, n'ont pas refusé de mourir : & ne fussent pas voulu mourir pour vne chose fausse ou controuuee : Ioinct qu'au temps auquel la chose fut escrite, cela pouuoit estre verifié par d'autres, Et ceux qui estoient poursuiuis & maluouluz de tous, n'eussent pas mis en auant vne chose laquelle peust incontinent estre cōuaincue de fausseté. Quant à ce que ie dy que Iesus Christ estoit Prophete, ie ne le veux prouuer aux Iuifs que par la prophetie qu'il a publiee d'eux, disant *que leur maison leur seroit laissée deserte*. Ils ont à leurs despens appris assez long temps & experimenté s'il est Prophete ou non. Il est vray qu'Esdras l'auoit auparauant predit, mais Iesus Christ a monstré à quel temps ceste prophetie deuoit estre referee. Quant au temps & de sa naissance & de ses predications, iceluy est aduenü selon les propheties d'Esdras & Daniel, ainsi qu'il est suffisammēt prouué en nostre Chronologie, & mesme comme c'est qu'il a euangelisé l'an de deliurance. Quant aux miracles, outre le tesmoignage Evangelique, Iosephe leur propre historié les tesmoigne assez manifestement, recognoissant en luy par cela ie ne sçay quoy de plus qu'humain. Quant à sa doctrine qu'il a euangelisée aux petits, elle a esté entierement

Math. 1.
Luc 3.

Math. 22.

38.

2. Esdr. 1. 35.

conforme à la Loy de Moyse, comme on peut voir en tout le nouveau Testament en le conferant avec le vieux. Car en premier lieu, la doctrine des huit beatitudes est entierement conforme à la doctrine Mosaique, comme l'on peut voir en la proposition & exposition d'icelles, contenuë au cinquieme, sixieme, & septieme chap. de l'Euangile selon saint Matthieu, là où mesme vne plus grande seuerité est expliquée, qu'en la Loy de Moyse, Veu qu'il defend l'adultere du cœur, la haine qui est meurtre interieur, & commande vne parfaire charité laquelle aime ses ennemis, & fait bien à ceux qui font mal, & prie pour eux, & telles choses. Il n'a rien peruersti en toute la doctrine, ains seulement a abatu les ceremonies, retenant la verité spirituelle d'icelles. Car nous auons encore entre nous la doctrine de la Circōcision, aussi biē qu'en la Loy de Moyse: seulement le signal literal & exterieur en est osté, & la verité & la doctrine spirituelle nous reste au Baptisme, & pour ceste raison S. Paul

Colos. 2. 11. l'appelle *Circōcision faite sans mains*, qui est la Circōcision du cœur, laquelle & Moyse & les Prophetes ont eux-mesmes recommandee parmi leur Circōcision exterieure. Quant aux sacrifices, nous en auons & retenons encore la doctrine entre nous, laquelle nous exerçons spirituellement. Car au lieu qu'en la Loy, on offroit à Dieu des brebis & aigneaux du bercail, nous offrons à Dieu les brebis de la bergerie, sçauoir nous-mesmes qui sommes ses brebis, ausquelles il a promis de donner vn pasteur, voire des pasteurs

qui

qui nous repaistront de science *Et* d'intelligence, Nous *Jerem. 3. 15.* donc nous offrons à Dieu en hostie raisonnable, luy offrans nostre deu seruice, Et faisons ceci par l'accès & faueur de celuy qui s'est pareillemēt offert pour estre sacrifié par les Leuites qui l'ont sacrifié par les mains des iniques, sçauoir les Prestres & Sacrificateurs, à sçauoir celuy qu'Esaye appelle *l'Agneau du dominateur de la terre*, qui est nostre Seigneur Iesus Christ. Nous aussi mangeons spirituellement ceste spirituelle hostie du corps de l'Agneau de nostre Pasque, *qui est l'agneau de Dieu qui oste les pechez du monde*, au lieu qu'en la *Ieh. 1. 29.* Loy on mâgeoit les sacrifices charnels des aigneaux & cheureaux, & bœufs, & veaux. Quant à la doctrine de la Foy en Iesus Christ, par laquelle nous croyons que nous sommes iustifiez, laquelle chose les Iuifs nous imputent à vanité, quiconque aura leu ce que nous en auôs exposé en traittant la iustice des siecles de Daniel en nostre Chronologie, il trouuera q̄ ceste doctrine n'est nullemēt differente de la doctrine des anciens Prophetes. Et pour mieux monstrier qu'il n'a rien peruersti en la doctrine de la Loy & des Prophetes, il nous a en l'Apocalypse laissé vne histoire prophetique, contenant l'explication de l'estat de son Eglise. Depuis son temps iusques à la fin du monde, descrite toute par beaux enigmes pris & puisés de la source prophetique de Moyse & des anciens Prophetes. Je dy donc que si Iesus Christ n'estoit point fils de Dieu, neâtmoins se qualifiant tel, Dieu qui est ialoux de son honneur, l'eust mōstré estre vn affron-

teur, Premièrement en ne l'exauçant point alors qu'il se mettoit en auant pour faire ses miracles, & en luy ostant la puissance de les faire: Et en permettant qu'il en ait fait tout autât qu'il en a entrepris, Dieu a monstté qu'il consentoit à ce qu'il fust estimé tel qu'il se disoit estre. Secondement, Dieu eust monstté qu'il n'estoit tel qu'il se disoit estre, en faisant aduenir le contraire de ce qu'il prophetisoit, & mesmement à l'endroit du peuple duquel Dieu particulierement a entrepris la conduite, Et Iesus Christ leur ayant predit que leur maison seroit delaissee deserte, Dieu eust espargné son peuple & ne l'eust fait, si Iesus Christ n'eust parlé vrayement en son nom, c'est à dire avec adueu & approbation, Mais iceluy estant vrayement le fils de Dieu, & parlant avec approbation au nom de son Pere, Dieu n'a peu garder son peuple d'une telle desolatiõ au preiudice de la parole qu'il auoit prononcee, ains les a laissé tréper en ceste calamité iusqu'à ce qu'ils recognoissent la faute qu'ils ont faite, ayans mesprisé & hay celuy qu'il leur auoit enuoyé pour les admonnester en son nom, & les enseigner ce qu'ils auoient à faire, leur euangelisant la volonté de Dieu, & leur enseignant les voyes du Souuerain. D'auantage, s'il eust esté autre que le fils de Dieu, se qualifiant neantmoins tel, Dieu l'eust auéglé & mis en sens reprouué, & ne luy eust donné la cognoissance de la Loy de Moysé pour se maintenir à la doctrine d'icelle, ains l'eust peruertie, mesprisee & contaminée. Ce qu'il n'a fait, n'ayant rien changé en la doctrine, ains.

ayant appuyé tout son bastiment sur le fondement d'icelle, ayant toutesfois abatu les ceremonies exterieures qui n'estoient de la substance de la doctrine: mais il faisoit aussi qu'elles fussent destruites & abolies, n'ayans esté instituees que pour accompagner vne alliance qui deuoit estre enuieillie & abolie à l'arriuee d'une autre alliance nouvelle que Dieu auoit promis faire: laquelle estant arriuee, les vieilles ceremonies & perissables de la vieille ont esté abolies avec icelle. Car ces ceremonies charnelles ne peuuent estre eternelles, mais la doctrine figuree par icelles est eternelle: Iesus Christ donc a retenu la doctrine eternelle d'icelles, en aneantissant les ceremonies perissables. Or il estoit besoin que Dieu instituast premierement ainsi ces ceremonies, à fin de s'accommoder à la rudesse de nostre iugement: Puis nous ayant par ces rudes delineamens fait comprendre ses mysteres, il nous oste la charge d'iceux, à celle fin de nous monstrer qu'il n'a pas esgard à telles iustifications exterieures, mais à la iustice interieure du cœur figuree en icelles ceremonies. Quant à ce qu'il est mort, il est mort suiuant les anciēnes propheties: car Esdras auoit prophetisé disant, *Après ces iours aussi mon fils le Christ mourra* *Esd. 7. 29.*, tesmoignant iceluy estre le fils de Dieu, & qu'il mourroit. Il monstre aussi qu'il deuoit mourir pour tous, disant *que tous mourroient avec luy*. Car nous entendons que tous meurent avec luy, entant qu'il meurt pour tous: & c'est ce qu'Esaye entend, disant *qu'il denoit porter noz pechez, & charger noz iniquitez.* *ysa. 53.*

1/a. 42.

Car il les a portees pour nous & encouru nostre malediction, *à fin de faire reussir le iugement en victoire.* Ainsi luy venant à estre exposé au iugement de la mort par laquelle il a esté pendu au bois en signe de malediction, il a conuertty ce iugement en victoire, faisant que ceste malediction a redondé en benediction: Pourautât que luy qui estoit iuste & plus grâd que la Loy, estât auteur d'icelle, ne pouuoit estre soumis au iugement d'icelle, dont la malediction de la Loy estoit nulle en son endroit, Et portant nostre peché & iniquité qui luy estoit imputé, il a fait que la Loy ne l'a peu par ce moyen maudire, dont ceux qui sont participans d'une telle grace, mourans avec luy par le renoncement au peché, sont par luy exemptez de la malediction & iugement de la Loy, & leur malediction est par luy cōuertie en benediction, & leur iugement en victoire. Pour donc nous apporter vne telle grace, il falloit qu'il mourust & resuscitast suiuant la prophetie de Dauid, qui predit *que le saint de Dieu ne verroit point de corruption.* Ces choses sont aduenues, & est aduenü qu'il est resuscité suiuant les propheties de Dauid & de Ionas, & nous ont esté tesmoignes par les douze Apostres, lesquels ont soustenu ce tesmoignage aux despens de leur vie, leur cōscience les faisant parler & tesmoigner librement des choses qu'ils auoient veües. *Il a aussi esté veu monter au ciel*
par plus de cinq cens Galileens, Mais les Scribes & Pharisiens seduits par leur auarice ont fait courir le bruit du contraire, persecutans ceux qui en osoient

Psal. 16. 10.

1. Cor. 15. 6.

parler à la verité. Mais tout ainsi que la cupidité de la paillardise a aveuglé les anciens qui accuserent Suzanne: ainsi la cupidité de l'auarice a seduit ces anciens & Prestres Iuifs, & les Scribes & Pharisiens, pour rendre faux tesmoignage contre le Messias, Dont eux de peur de perdre le reuenu de leurs sacrifices, tascherent à le persecuter & calomnier, de mesme comme Herode le cherchoit pour le faire mourir de peur de perdre son regne. Mais maintenant, qui sont ceux qui sont plus dignes d'estre creus, ou les Scribes & Pharisiens que le ventre faisoit parler comme des perroquets, ou les Apostres lesquels ont soustenu leur dire aux despens de leur vie? Ce n'estoit pas l'auarice qui les faisoit parler ainsi, ou quelque autre passion. Par toutes ces choses donc il est notoire, que Iesus Christ est vraiment le Messias promis. Il reste maintenant à parler de la restitution du regne à Israël. Car les Prophetes ayans predict que le Messias restitueroit le regne à Israël, les Iuifs ont pensé que ce seroit à son arriuee. Dont aussi le peuple ayant esté repeu de cinq pains & deux poissons, & cognoissant que nostre Seigneur qui auoit fait ce miracle, estoit leur Messias & Roy promis, tascherent de le constituer Roy sur eux: ce que le Seigneur ne voulut faire, ne se gouuernant pas par leur opinion. Maintenant donc les Iuifs qui restent, refusent de se conuertir à Iesus Christ pour auant qu'il ne leur a pas restitué leur regne. Je demande donc à sçauoir mon fils doiuent attendre vne telle restitution de regne, Et s'il y a lieu d'en attendre, en

quel temps elle doit aduenir? Sur quoy nous auons à noter, que nostre Seigneur en son arriuee a establi par la patience le regne spirituel de iustice, par lequel il regne sur noz consciences d'un regne perpetuel & eternal & lequel ne trouuera point de fin. Mais cela n'empesche pas que Iesus Christ ne puisse conuertir les Iuifs à soy, & les ayant conuertis establi vn regne entr'eux tel qu'estoit le regne de Dauid, si il l'a ainsi ordonné & si telle est sa volonté. Il est donc question de sçauoir si cela se doit faire. Or ceste question a esté proposée à nostre Seigneur Iesus Christ par les Apostres, disans, *Sera-ce maintenant que tu restabliras le regne à Israel? Sur quoy Iesus Christ leur respond, Ce n'est pas à vous de cognoistre les temps & les saisons que le Pere a mis en sa propre puissance.* Par laquelle chose il aduouë tacitement qu'il restablira le regne à Israël, mais il refuse pour encor de leur donner à cognoistre les tēps & les saisons lesquelles le Pere retenoit en sa propre puissance. Lesquelles toutesfois il a depuis notifiées en l'Apocalypse, lesquelles Saisons sont les trois saisons & demie desquelles nous auōs parlé au second liure de nostre Chronologie chap. premier. Les Iuifs dōc ont raison de dire que le Messias doit restituer le regne à Israël: mais ils s'abusent en ce qu'ils pēsent que cela deuoit aduenir en sa premiere manifestatiō. Car Iesus Christ deuoit premierement venir en esprit de douceur & humilité, *Et entrer en Ierusalem monté sur une asnesse comme vn Roy debonnaire*, & neantmoins ne deuoit point estre receu, ains en vain tēdre

Mat. 1.

Mat. 9. 9.

les mains au peuple rebelle & desobeissant, à cause
 que le cœur de ce peuple deuoit estre engraisse, à fin qu'en *Isa. 6.*
 voyant ils ne veissent point, & en oyant n'ouissent point &
 ne se cōuertissent pour estre guaris : qui a esté la cause que
 nostre Seigneur en entrant en telestat disoit à Jerusalem,
Luc. 19. 42.
Matt. 23. 37.
 O si tu cognoissois le iour de ceste riene uisite : Il est bien
 encor d'auantage, qu'il a talché de rassembler les en-
 fans d'icelle, comme la poule rassemble ses pouslins
 souz ses ailes. Ce que ne voulans point, Esdras predit
 que leur maison sera laissée deserte, laquelle prophetie *2 Esdr. 1. 33.*
 Iesus Christ leur a derechef plus à plain notifiée &
 specifiee ainsi que nous auons veu ci dessus, & icelle
 aussi leur est aduenue. Iesus Christ donc ayant esté
 dédaigné en ceste fois en laquelle il festoit présenté
 pour posseder Sion, determine vn secōd iour auquel
 il mettra la main pour posseder Sion. Ce qui est tres-
 bien remarqué en Isaye onzieme, là où Isaye remar-
 que ce iour auquel Dieu mettra la seconde fois la-
 main pour posseder Sion, Et c'est le temps auquel le
 regne sera restabli à Israël. Car il prophetise d'iceux,
 qu'ils voleront sur les espaules des Philistins vers Oc-
 cident, & pilleront ensemble les fils d'Orient, Idumee
 & Moab leur rendront obeissance. Ce qui est tresbien
 remarqué, estant proposé le iettron du tronc d'Isaï, &
 leurgeon croissant de la racine d'iceluy. Et puis ayant
 exposé comment Dieu le fera odoriferant en la crainte
 du Seigneur, & l'equite de son iugemēt, à sçauoir du
 Seigneur & Sauueur Messias, il dit que le Seigneur
 adiousterà encor de - rechef la main pour posseder

Sion. Or le iour de ceste seconde visite & grace, arri-
uera alors que Dieu retirera l'Eglise d'Israël de ceste
desolation qui auoit esté predicte, qui deuoit durer
par l'espace des trois Saisons & demie dessus expo-
sées, & lors que Dieu l'ayant retirée de sa desolation
aura rassemblé la dispersion du peuple Iudaïque des
quatre coings de la terre, Laquelle chose arriuera en
l'an mil six cens & onze de la natiuité du Seigneur,
suivant ce que nous auons exposé au second liure de
nostre Chronologie chap. i. Car il faut que leur dis-
persion soit rassemblée, deuant que pouuoir estre re-
stituez en leur regne, ou que le regne leur puisse estre
restitué. Ainsi donc leur dispersion sera recueillie en
la fin des saisons de Daniel, sçauoir en l'an mil six cēs
& onze, mais la fin de la desolation de leur Eglise fi-
nira en la fin des Saisons de l'Apocalypse, en l'an mil
cinq cens octante-vn, auquel an l'Eglise Israëlitique
ne sera plus desolée, c'est à dire semblable à vne fem-
me desolée & qui n'est point frequentée de son es-
poux, ains est abandonnée & mesprisée d'iceluy. Et
alors on verra ces cent quarante quatre mil marquez
des douze lignees d'Israël, sçauoir douze mil de chacune
lignee, lesquels seront marquez de la marque du
Dieu viuant, faisans profession de son alliance nou-
uelle, alors que la septieme trompette sonnera, ainsi
qu'il est exposé en l'Apocalypse, de laquelle le son
commencera en la mesme moitié de Saison dessus
exposée, en l'an mil cinq cens octante trois venant
en ordre après les autres six qui l'ont precedee. Iceles
font

Apo. 7.

sont sept voix des herauts Euangeliques, lesquels depuis la primitive Eglise ont publié la predication de l'Euangile, de même comme en l'ancienne Loy les *Nombr. 10.* *Sacrificateurs publioient à voix de trompettes leurs assembles & solennitez*) Maintenant donc, ô Iuifs, ie vous prie pensez à vous mesmes, & aduisez que sçachans le iour de vostre visite, vous ne le refusiez point, de peur que refusans le iour de vostre conuersion & le repoussans, vous ne repoussiez le iour de vostre retablissement. Aduisez que vostre opiniastrété accoustumee par laquelle vous auez accoustumé d'irriter Dieu en dédaignant ses graces, ne vous reuienne en preiudice, & par sus tout, que l'horreur que vous auez du nom de Christ ne vous tourne en ruine. L'inimitié que vous portez à Christ ne luy peut en rien nuire, ains à vous-mesmes, d'autant qu'elle vous peut auengler à ce que vous ne voyez la verité qui est dite de luy. Ne refusez point la saison agreable, *Et* le iour *Isa. 49. 8.* du salut que Dieu vous presente, de peur que Dieu ne refuse de vous oïir quand vous le requerez. Ce que ie vous en dy, c'est de la pitié & compassion que j'ay de vous, vous voyant si long temps dispersez & vagabonds & exposez en opprobre entre les nations. Je sçay que vous me hayssiez comme Chrestien, pour la hayne de mon maistre & Seigneur, mais luy non-obstant vous ayme & rappelle, *non pas pour bonté qui* *Ezech. 36.* *soit en vous,* comme Ezechiel parle, *mais pour l'alliance* *Deut. 9.* *& promesses faites à voz peres* *Et* pour l'amour d'eux. Ainsi moy, encore que ie ne soy ny Iuif ny descendu

de la race de Sem, ains Gomerien enfant de Iapheth, si est-ce que ie vous aime comme aimez de Dieu, & pource aussi que tout le salut duquel ie doy rendre graces à Dieu, m'a esté administré par ceux de la Circconcision, à sçauoir par Iesus Christ Iuif & ses Apostres, & Moyse & les Prophetes Israélites. Tant y a que ie ne veux pas que vous me croyez comme à vn persuadeur, car ie ne suis point tel: Mais ie veux que vous preniez la balance de iugement, & pesiez toutes les raisons que ie vous allegue, & les receuez si elles sont de poids, & si elles ne sont point telles, reiettez les hardiment, & en donnez de meilleures: Seulement aduisez que comme l'opiniastreté de voz peres a esté cause qu'ils n'ont peu apercevoir l'euidence des miracles de Dieu tresmanifestes, dont ils se sont monstrez de col roide contre Moyse: que pareillement vostre obstination ne vous empesche de cognoistre la verité qui vous est proposée, pour ne vous rendre à l'accoustumee desobeissans à la voix de Dieu & de Christ. Je vous veux aussi aduertir d'un autre point, suiuant l'aduertissement de nostre Seigneur, par lequel il predict qu'en ceste moitié de Saison en l'année prochaine *plusieurs faux Christs s'esleueront*, que vous aduissiez de ne les ensuiure pas, & quand ils vous diront, C'est moy qui suis le Messias, qui doy restablir le regne à Israël, suiuez moy, ie vous remettray en voz terres, prenez les armes, conspirons à cachettes, à fin de conquerir Ierusalem & venger nostre opprobre, venez, peschons en l'eau trouble, & prenons l'oc-

caſion qui ſe preſente. Ne les croyez pas, & ſçachez que tels garnemens ne ſont que des abuſeurs, Ieſus Chriſt a predit leur venue & le temps d'icelle, ne les ſuiuez donc point, de peur que ſi vous les ſuiuez vous periffiez avec eux. Car Dieu ne vous veut pas retirer à cachettes & par des petites cōſpirations, mais ouvertement & avec triomphe & ioye au grand eſtonnement d'un chacun, ainſi qu'il retira voz peres de la terre des Chaldeens, par les mains des Rois des Perſes, qui les aidoyent & fauoriſoyent à leur retour & leur eſtoient meſmes en proteſtion. Au reſte, vous cognoiſtrez en ceci que ce ſera Ieſus Chriſt qui reſtablira le regne à Iſraël quād vous verrez que vous n'avez peu eſtre reſtablis que premierement vous n'ayez receu ſa cognoiſſance, & renōcé à voſtre peruerſité ennemie, luy vous ayāt fait grace & miſericorde, & que vous verrez qu'il cōuertira le cœur des Princes Chreſtiens à vous tenir la main, à ce que voſtre diſperſion ſoit rasſemblee des quatre coings de la terre, pour eſtre remis & reſtituez en paix en voz terres & poſſeſſions. S'il y en a quelques vns d'entre vous d'opiniſtres, qu'ils ſçachent que Dieu ne laiſſera pas pour eux de faire ſon œuvre, mais eux periront d'entre le peuple, pour n'auoir obey à la voix de ce Prophete que Dieu a dōné ſemblable à Moÿſe, à ſçauoir Chriſt. Or le Pere des lumieres vueille illuminer les yeux de voz entendemens pour pouuoir comprendre la verité de ces myſteres. Amen.



TABLE DES PROBLEMES ET PRINCIPALES MATIERES CONTE- NUES EN CE LIVRE.

*Le nombre signifie le feuillet. L'a denote la premier
page, Et le b la seconde.*

A



Definition de l'An, fueil let 36.a	Nostre Seigneur est nay l'an qua- rante-troisiesme d'Auguste Ce- sar, non le quarante-deuxieme comme on estime 137.a
Ans embolismiques & intercalaires. 36.b	Deux mil Ans depuis la natiuité du Seigneur iusqu'à la fin du monde 147.a
Ans Solaires & Lunai- res naturels 37.a	L'Annee de l'abreniatiō des iours, & de la grande conionction des planetes qui s'y fera 146.b
Ans substituez Ecclesiastiques 40.b	Solution de la difficulté touchant la natiuité d'Arphaxad 57.b
An prophetique 40.b	Solution de la difficulté touchant la natiuité d'Abraham 61.a
An Legal 43.b	à quoy se rapporte l'Abreniatiō des iours proposee par nostre Seigneur 145.a
Exposition de l'an Iulien 44.a	L'Arbre de vie estoit vn arbre de science de bien & de mal, com- me celuy qui a esté ainsi nommé 78.a
Distance de l'an Lunaire d'auec l'an Iulien 44.b	la difference d'entre l'Arbre de vie & l'arbre de science de bien & de mal 78.a
L'An Egyptien 49.b	que c'est quel l'Arbre de sciēce de bien & de mal 78.a
L'An Attique 50.a	la parolle de Dieu est l'Arbre de vie 78.b
la vraye constitution de l'An de tous temps cogneüe à l'Eglise 53.b	nul ne peut estre participant de l'Arbre de vie qu'il ne soit par- ticipant de l'alliance 78.b
des Ans des personnages de longue vie enuiron le Deluge 56.a	
où commencent les 430 Ans que les enfans d'Israel ont esté en Egy- pte 63.b	
des 400 Ans durant lesquels la se- mence d'Abraham deuoit habiter en terre non sienne 65.a	
L'An commencé est souuēt pris pour l'an accompli 71.a. & 72.b	
description d'un An de liberté au 14. de Ieremie 88.a	
quatre mil Ans depuis la creation iusqu'à l'an de la natiuité du Sei- gneur 137.a	

T A B L E.

comment le Messias a confirmé l'Alliance à plusieurs par vne semaine	132.a	quelle est la vie de laquelle les A- mes des décollez viuront & re- gnerôt avec Christ mil ans	176.a
si Adam estoit iuste auant qu'a- uoir peché, & de quelle iusti- ce	123.a	la difference d'entre l'Ame de l'hô- me & celle de la beste	163.a
si apres le peché Adâ est décheu de l'image de Dieu	124.a	l'Ame & l'esprit de l'homme ne peu- uent estre vne mesme chose	165.b
Adam estoit homme animal des- avant le peché	127.b	difference d'entre l'Ame & l'esprit	165.a
l'Escrirure n' imagine point Adam iuste depuis sa creatiō iusques à la regeneration	123.a	l'Ame est mortelle & materielle	165.a
quelles estoient les affectiōs de Adam auant le commandement de Dieu	128.a	Dieu tue l'Ame d'vne mort non corporelle	166.b
l'homme qui ensuit les affectiōs qui sont propres à l'essence de l'Ame, est dit homme animal	126.a	l'Apprehensib ou sens cōmun	157.a
interpretation du passage de Iude qui dit que les hommes Ani- maux n'ôt point l'esprit	126.b	Iesu. Christ est l'Ange proposē des- cendant des cieus, au vingtieme de l'Apocalypse	148.a
l'homme Animal ne differe en riē de la beste.	125.b	Ange en l'Escrirure que c'est	148. a
explication du nom de l'Ame	153.b. & 166.b	bons Anges pour signifier bons pa- steurs, & mauuais anges pour si- gnifier mauuais pasteurs & faux prophetes	149.b
l'essence de l'Ame de l'hōme est telle que l'essence de l'Ame de la beste	153.b	Distinction de Ascension & des- cente du ciel	149.b
cōment l'Ame est mortelle	154.a	Assuerus & Artaxerxe sont diuers noms d'un mesme Roy	104.b
l'Ame est transferee du pere au fils, mais non l'esprit	155.a	l'Analogie par des termes cogneuz rapporte la cognoissance des ter- mes incogneuz	161.a
l'hōme engendre le corps & l'A- me, non l'esprit d'un autre hom- me	125.b	toutes les œuvres de Dieu s'entre- correspondent l'une à l'autre d'une perpetuelle analogie	177.a
vne faculté interieure de l'Ame & vne exterieure	156.a	B	
la faculté interieure de l'Ame, qui est appellee des Grecs λογισμῶν	156.b	A N de Bissext.	31.a
		le Baptisme de saint Iean a es- té la borne disterminant la Loy d'auec le Royaume des cieus	114.b. & 132.a
		que les 70 semaines de Daniel ne peuēt finir qu'au Baptisme de nostre Seigneur	132.b

il failloit que Iesu-Christ fust Baptisé au meſme temps qu'il auoit eſté circoncis 138.b	refutation de ceux qui penſent que l'an ſecond de Darius auquel Zacharie & Aggee prophetiſoient, fuſt l'an ſeptantieme de la Captiuité 105.a
la Bonté de tout ce que Dieu a créé eſt la bonté de leur eſſence 124.a	Ieruſalē priſe en vn an de liberté, que le Seigneur conuertit en an de Captiuité 96.a
D efinition de Chronique 11.a	explication du Corps de l'homme & d'où il eſt dit 153.b
deſin. de Chronographie 11.a	le Corps n'obtient aucunes facultez, ains eſt le ſubieſt des facultez de l'ame 155.b
deſin. de Chronologie 11.a	le réps de la Conception de ſainct Iean Baptiſte 139.a
la deſcouuerte de ceſte Chronologie promiſe en l'Apocalyſe 186.a	Concupiſcence que c'eſt 159.a
la preſente Chronologie contient la publication de l'Euangile ſeculaire ou myſtere des temps iadis Euangelisé aux Prophetes 187.a	la Concupiſcence doit ceder à la volonté 159.b
diuiſiō du ciel par les Prophetes 31.b	Cyrus & Darius ont regné to ^u deux enſemble quatorze ans 97.a
Commencement de l'an Ciuil en Septembre 33.b	teſmoignage du repos de Cōſciēce & paix que ſentēt les fideles 169.b
definition & diuiſiō du Cycle 51.b	D
Cycle Solaire 37.b	L es ſix iours de la Duree du mō de ſont ſix mil ans 22.b
Cycle quatrié 40.b. & 51.b	pourquoy Laētice a eſté repris d'auoir assigné ſix mil ans à la Duree du monde 22.b. & 182.a
la Circoncifion eſt la confirmation de l'alliance 64.a	preuue de la Duree ſixmilenaire du mōde de la Prophetie d'eſdras 179.b
la Circoncifion obſeruee au huitieme iour, pource que l'an huitieme eſt l'age de diſcretiō 77.b	le Deluge aduenü le ſecond mois apres l'equinoxe Vernal 49.a
rapport de la Circoncifion d'Iſaac à la circoncifion de noſtre Seigneur 138.a	l'an huitieme eſt l'age de Diſcretion du Seigneur, par la prophetie d'Iſaye 97.a
que c'eſt que Credule 78.a. & 119.a	la Diſcretion comparee à la rumination 158.a
en quel an les enfans d'Iſrael entrerent en la terre de Chanaan 67.a & 92.b	Deſcēte du Seigneur en terre pour lier Satan 149.b
où doiuent cōmencer les 70 ans de la Captiuité de Babylone 95.b	Ieſu-Christ n'eſt pas Deſcendu en terre d'vne deſcente locale 150.a
les 70 ans de la Captiuité finiſſent en l'an premier de Cyrus 97.b	
refutation des fauſſes opinions ſur l'aſſiette des 70 ans de la Captiuité en Babylone 98.a	

TABLE.

la faculté de Discourir	correspõd	des facultez del'Esprit	161.b
par analogie audec la faculté de	la faculté nutritiue de l'Esprit		
courir	160.a	161.b	
la fidelité de la Demonstration	la faculté generatiue de l'Esprit		
164.a	161.b		
temps auquel doit finir la Desolation del'Eglise Iudaïque	146.a	l'ame est ditte Engendrer, quand elle premedite ou complotte quelque chose	158.a

E

E ternité & sempiternité	15.b	la faculté Enunciatiue	157.b
Epaſte	31.a	Eue figure de l'Eglise	149.a
pour fuir le mal & faire le bien, il est beſoin d'Eleſtion & reprobation, & non ſeulement de diſcretion	78.a	l'Eglise ſera au deſert mil deux cẽs ſoixante ans	145.a

F

E clypſe de Soleil pendant laquelle les eſtoilles apparurent au ciel	85.b	Interpretation de la Femme enuironnee du Soleil, de l'Apoc.	32.a
l'Eclipſe qui aduint en la mort du Seigneur, aduint en l'an quatrieme de la deux cens deuxieme Olympiade	159.b	definition de Foy	118.b
ordre des Rois d'Egypte depuis Alexandre iuſqu'à l'an quinzieme d'Auguſte Ceſar	112.b	Foy hiſtorique	119.a
l'homme a deux parties Eſſentielles differentes	124.b	Foy ſpirituelle	119.a
l'Image de Dieu conſiſte eſ qualitez Eſſentielles de l'eſprit de l'homme	125.a	Foy d'obeiſſance	119.b
l'homme a trois parties Eſſentielles: l'une immortelle, & les deux autres mortelles	153.a	Foy intellectuelle	119.b
Explication de l'Esprit de l'homme & comme il ne differe rien de l'eſprit des Anges	154.a	les œuures de la Foy conſiſtẽt en la volonte	120.a
commẽt l'Esprit differe d'auec l'ame	155.a	comment la Foy eſt de l'ouye	120.a
l'Esprit eſt donne de Dieu aux hommes, & non pas tranſere du pere au ſils	155.a	que c'eſt que la Foy en Chriſt	121.b
		quels ſont les Faux Chriſts à venir en l'annee de l'abbreuiation des iours	147.a
		la Faculte des ſens, du mouuement local, & des notions, a ſon ſiege au cerueau	155.b
		la Faculte vitale a ſon ſiege au cœur	156.a

G

G eneration, & ſes eſpeces	16.a
les elemens de la Geometrie eſtoient auant la creation du monde	161.b

T A B L E.

H		difficulté sur les ans du règne de Je-
definition de l'Heure	17.b	hoiachim 94.b
la vanité de l'Histoire des Rois de Perse & Babylone, descrite par les auteurs Grecs	103.a	le iugement de l'homme que c'est 157.a
comment le Messias a fait cesser l'Hostie & l'Holocarpe	131.b	lubilé ou sepmaine multipliee 26.b
la doctrine de l'Holocaute	172.b	le premier Iubilé 87.b
Dieu a plus fauorisé la nation He- braïque qu'aucune autre nation		supputation selon les Iubilez 90.b
183.a		Interregne de douze ans deprehen- dé par les sepmaines d'ans & lu- biler 87.b
I		redu&tiō en Iubilez de tous les ans depuis l'Érec en la terre de Cha- naan, iusqu'à l'an vingt-sixieme de Darius Longuemain 106.b
Du Iour	19.b	reimarque d'un an de Iubilé dās Ne- hemie, qu'on peult estre la des- cription d'un an de famine 107.b
Iour prophetique que c'est	20.b	le Iubilé estoit au respect du prece- dent l'an cinquantieme exclusi- uement, & le quarante neufie- me inclusiuement. Iceuluy estoit le septiesme sabath ciuil 27.b
le Iour commence au soir & prece- de le matin	29.a	Iustice des siecles que c'est 114.b. & 123.a
le Iour pris en trois sortes en l'Es- criture	144.a	Iustice & ses especes 115.a
comme l'entend que les Iours es- quels David rebda en la region des Philistins furent des Iours & mois quatre	69.b	Iustice des hommes 115.b
Interpretation des trois iours & trois nuits durant lesquels no- stre Seigneur a esté au cœur de la terre, comme Ionas au cœur de la mer.	79.b	Iustice de la foy 115.b. & 117.b
Prophetie de la ruine de Ierusalem par le signe de Ionas proposé à Ierusalem par nostre Seigneur	79.b	la Iustice tāt de la loy que de la foy consiste en action 117.a
l'an de la ruine de Ierusalem est l'an septante-troisieme apres la nati- uité du Seigneur	79.a	la difference d'entre la iustice de la foy & celle de la loy 117.b
definition des Insinuations qui se font és ans	52.a	assauoir si la pieté est Iustice 117.b
Il se faisoit deux insinuations embo- lismiques en l'an prophetique	41.b	Iustice philosophique que c'est 121.b
Isaac appellé Christ	64.b. & 138.a	la Iustice Pharisaïque est plus vaine que la vanité de la philosophie 121.b
		en quoy consiste la Iustice des 5 iij

TABLE.

Chreſtiens 122.b
la Juſtice eſt le regne des cieux
123.a
l'arbre de vie eſtoit la figure de Juſtice 123.b
la Juſtice des ſiecles fut amenee par la predication de ſainct Iean Baptiſte en l'an trentieme du Seigneur 130.a
Interpretation de ce paſſage de S. Paul, Nul n'eſt iuſtifié enuers Dieu 116.b
Abraham Iuſtifié par les œuvres de la foy, non de la loy 117.a
Adam auât le peché eſtoit Non-Iuſte 123.b
en quoy conſiſte l'Image de Dieu en l'homme 124.a.&b
reſutation de l'opiniõ de ceux qui eſtiment que l'Image de Dieu en Adam conſiſtaſt en ſa Juſtice & innocence 128.a
l'Image de Dieu n'eſt point deceu te en Adam 129.a
les affections de l'Image de Dieu ne doiuent pas eſtre recherches au premier Adam, mais au ſecõd 130.a
que toutes les condiõs, marques, & circonſtances requiſes au Meſſias, ſont en noſtre Seigneur Ieſus 191.b
que noſtre Seigneur Ieſus a eſté prophete 192.a
collation de la loy de Moÿſe avec la doctrine de noſtre Seigneur Ieſus 192.b
que Dieu a approuué noſtre Seigneur Ieſus eſtre tel qu'il ſe diſoit, aſſauoir ſon fils 193.a
comment noſtre Seigneur Ieſus a fait reüſſir le Iugement en l'aitoire 194.b
preuue que le dernier forſaict des Iuiſ pour lequel ils ſont maintenant deſolez, doit eſtre plus grand que toutes les precedentes fauõs de leurs peres 189.a
la deſolatiõ des Iuiſ d'aujourd'hui ne vient point de l'idolatrie, ains faut que ce ſoit d'vne faute encore plus grande 190.b
que les Iuiſ ſerõt reſtituez en leur regne 195.a
les Iuiſ ſeront reſtablis en leur regne l'an 1611 196.b
les Iuiſ ſerõt reduits à la foy Chreſtienne l'an du Seigneur 1581 prochain, qui eſt vulgairement dit 1583. 196.b

K

Pvblcation du Kalendrier Iulien 77.b

L

Q Vi ſont les enfans de Lumiere 16.a
Lumiere que c'eſtoit 27.b.85.a
commet la Loy eſt venue, afin que le peché abondast 115.a

M

C Hriſt crucifié à Midy 18.b
definition du Mois 30.a
Mois naturel, & ſubſtitué 30.a
Mois ordinaires & extraordinaires 30.b
la valeur des Mois 35.a
la cauſe des ſept Mois embolimiſques 78.b
l'ame eſt dictée Manger, par vne faculté interieure, quand elle con-

temple les choses esquelles elle
se delecte 157.b

comment Dieu a Maudit la terre à
l'occasion d'Adam 129.a

Dieu n'a Maudit que la partie ani-
male de l'homme, & non l'esprit
d'iceluy 129.b

l'histoire de Metastene est la vraye
histoire des Rois de Babylone
83.b. & 102.b

commencement des ans sacrez en
Mars 33.a

Mesconte de deux ans en la nota-
tion ordinaire de l'an de la nati-
uité du Seigneur 137.a. & 140.a

le Monde creé en pleine Lune &
en l'equinoxe Vernal 46.a. & 49.a
que la fin du Monde peut estre co-
gnue 142.b

definition de la Memoire 157.a
les Mouuemens animaux du cœur.
158.b

Christ appelé Michel 148.a

Mort charnelle & reelle 171.b

Mort prophetique 171.b

Mort didactique 172.a

Mort à peché 172.a

la Loy pourquoy dicte Ministère
de mort 173.a

definition de la Mort seconde
173.a

peché à Mort 173.b

comment Christ est le premier d'é-
tre les Morts 173.a

en la Mort premiere, la volonté
meurt seulement, non l'essence
de l'homme 175.b

comment la Mort seconde n'a
point de puissance sur ceux qui
ont part en la resurrection pre-
miere 176.b

Nombre d'or constitué par
Moysé 48.b
en quel iour la marque 19 du Nô-
bre d'or doit estre colloquée 40.a
œuvres de la Nuit & des tenebres
pourquoy ainsi appellees 181.a

Olympiades 27.a. & 84.85.86
erreur d'Eusebe en la suppu-
tation des Olympiades 85.b
que la premiere Olympiade fut ce-
lebre en l'an premier de Iothā
140.a

especes de l'Ouye 120.a

Ouye indistincte 120.a

Ouye distincte 120.a

Ouye animale 120.a

Ouye spirituelle 120.a

Ouye d'intelligence 120.a

interpretation du passage du Pseau
me. 62.12. où il est dit, Le Sei-
gneur a parlé vne fois, & iel'ay
ouy deux fois 120.b

la Loy a deux Ouyes 121.a

comment a esté Ointe la sainteté
des saintetez 131.a

l'Odorat represente la discretiō d'un
cœur ingrat d'auec celuy qui
est éloigné d'ingratitude 160.b

l'Opinion est vne notion indiscre-
te acquise par la seule apprehen-
sion 157.a

il ne faut s'amuser à ceux qui préfe-
rent leur Opiniō à toute raison,
non plus qu'à des bestes 191.b

PReuue que nostre Seigneur
deuoit venir au temps de la
Pasque 137.b

T A B L E.

il falloit que la Pasque fust celebree	interpretation de ce qui est dict que
an melme temps de la circoncifion d'Ifaac	Saül Regna comme vn enfant
138.a	d'vn an, & qu'il regna deux ans.
conuenance de la creation avec la	69.a
Pasque, figure de la regeneration	comment il se peut faire que Ichoas
48.a	filz de Ichoachas ait Regné en
la Paix a esté en terre à la venue du	l'an trente-huictieme de Ioas
Seigneur	Roy de Iuda
150.b	77.a
ordre des Rois de Perse felo les auteurs Grecs	les Rois doiuent auoir la discretion
103.b	de bien & de mal deuant qu'ils
ordre veritable des Rois de Perse	puiffent estre dictz vrayement
depuis Darius Artaxerxes iufqu'à	regner
la fin de la monarchie des Perfes	77.b
111.b	collation des Regnes de Iuda & d'Ifrael
le commandement donné à Adam	75.b. & 81.b
n'a pas apporté le Peché, mais la	Refurrection premiere
cognoiffance du Peché	115.a
128.a	la Refurrection didactique
que c'est que Porter l'image du premier Adam, selon faint Paul	175.a
126.b	Refurrection didactique de Christ
Adán'a pas Porté l'image de Dieu.	175.a
127.b	la Refurrectiõ en vn iour de fábath
qui font ceux qui font dictz Porter	de la fepmaine de la conseruatiõ
l'image de Dieu	du monde
127.a. & 30.a	29.b
que c'est que la Precision des fepmaines de Daniel	Analogie du iour du Sabath avec le
131.a	iour de la Refurrection auquel
que la grande conienction des Planetes qui se fera l'an 1583. tombe	l'homme entrera au repos eternel
sur la moitié d'une faison prophétique	de Dieu
140.a. & 141.a	178.a
	l'an de la fondation de Rome
	86.a

R

Raison, est vne notion discrete, Raquife par la vraye cognoiffance des causes 157.a
le Rassemblement de la dispersion des cét quarante quatre mil Iuifs marquez fuiuans le parti de l'Agneau 145.b
comment le Messias a esté Rescindé 131.b

S

Dieu recommande le Sabath afin qu'on medite sa loy 24.a
le Sabath pourquoy transferé au Dimanche 29.a
an de Sabath & remission 25.a
pourquoy les 70. ans pendant lesquels Ierusalem fut desolée, sont appelez Sabaths 96.a
l'á dix-neufieme d'Artaxerxes estoit vn an de Sabath de la terre 102.a
refuta-

T A B L E

refutation d'un Sabath civil que aucuns estiment estre descript par l'Isaye 37. en l'an quatorzieme d'Ezechias	91.b	chario , ia par Septante ans	105.b
le Septieme iour institué pour sadonner à la contemplation des iugemens & de la iustice de Dieu , laquelle a commencé d'estre exercée en Adam au Septieme iour	181.a	difficulté sur la generation de Sela	59.b
le Septieme iour de la creation n'est pas encore expiré	181.b	Saison des Hebreux que c'est	9. a
definition de la Sepmaine	21. a	la Saison a autant d'ans que l'an prophetique de iours.	9. b
de la Sepmaine pour le regard de Dieu	21. a	les Saisons mesurent les ans tant Solaires que Lunaires , par iours exactement	9. b
de la Sepmaine pour le regard de l'homme	23. a	Saison prise aucunesfois pour un an	42. a
Sepmaine civile	25. a	interpretation de ces mots , vne Saison, des saisons, & la moitié d'une saison	42. b
Sepmaine simple	25. a	constitution du commencement des trois Saisons & demie de Daniel & de l'Apocalypse	14. 6. a
Sepmaine Euangelique	28. b	Satā lié à la natiuité du Seigneur	150. a
Sepmaine estrangere	29. b	prison de Satan durant mil ans depuis la natiuité du Seigneur	150. b
commencement des Sepmaines de liberté & des Sabaths	87. b	impuissance de Satan contre Gog & Magog durant sa prison	150. b
reduction de tous les ans depuis l'entree en la terre de Chanaan iusqu'au dixieme de Sedecias , en Sepmaines d'ans	89. b	commēt Satan a esté deslié pour seduire Gog & Magog durant le temps du regne des ames des fideles avec Christ	151. b
la coarctation du commencement des Sepmaines de Daniel	131. b	cōment la prophetie a esté Secllee	130. b
le temps du cours des 70 Sepmaines de Daniel	113. a	definition du Siecle	14. a
commencement des 70 Sepmaines. 114. a. & la fin d'icelles	114. b	Siecle fini	14. b
Supputation des Septante à reietter	59. b	Siecle infini	15. a
interpretation du passage de Za-		Dieu donne les Signes pour choses extraordinaires	92. a
		definition du nō de Spirituel	164. b

Pourquoy le Temple a esté
46 ans à bastir 100.b

Trois mesures fameuses du Téps
9. b

si le Temps est eternal? 13. a

d'où le Temps prend ses distin-
ctions 12. a

definition du Temps selon les
philosophes 12. b

Dieu le Père ne retient plus par
deuers soy seul la cognoissan-
ce des Temps & saisons
143. a

en quelle qualité Iesu-Christ a
reçu la reuelation des Temps
144. b

ceux qui pourront trouuer la co-
gnoissance des Temps ont tes-
moignage d'estre des serui-
teurs de Dieu 145. a

l'esprit seul de l'homme, non l'a-

me d'iceluy, est capable de
comprendre la Theologie
163. b

la septieme Trompette sonnera
l'an 1583 196. b

les sept Trompettes de l'Apoca-
lypse que c'est 197. a

V

LA principale grace que Dieu
fait aux fideles, est qu'il leur
impute la Volonté pour le
fait 121. a

la Volonté des enfans de Dieu
qui leur est imputée pour le
fait, n'est point debile & inu-
tile, mais vne constante deli-
beration & operante bonnes
œuvres 122. a


la Volonté, est vn appetit discret
& attempé procedant de la
raison. 159. a

Fin de la Table.



Acheué d'imprimer le quinzie-
me iour de Septembre,
l'an mil cinq cens qua-
tre vingtz & deux.
















K.i63.

xxxxvi
8 30